

SD 2.
PP. 3-8

AGRIPPA (HEINRICH CORNELIUS) von Nettesheim, 1486-1535.

1746. De Occulta Philosophia libri tres . . . sm. fol. [*Cologne*], (1533).

With portr. on title-page; woodcut initials; figs. and tables. Bk. iii is followed at leaf F3^v by letters of Agrippa and, at leaf F6^v, by 'Censura sive Retractatio De magia', from his 'Declamatio de incertitudine et vanitate scientiarum' (Antwerp, 1531).


Bk. i was first printed by itself at Antwerp, by J. Grapheus, in 1531, 4°, and simultaneously by C. Wechelus at Paris. Both editions are exceedingly rare. The 3 books were first printed at Cologne by Johannes Soter in 1533. There are four or five issues of this date, distinguished by typographical differences. (Ferguson; see also Morley, no. 1750, ii, pp. 287 and 310, and Prost, no. 1751, ii, p. 513.)

Some copies lack the portrait. This is a thick-paper copy, the same as the Douce copy in Bodley. Another issue in Bodley is on thin paper, but also has the portrait. The Douce copy, an exceptionally fine one, has a note on the flyleaf, "For a copy of this first edition Vogt says an Englishman at Franckfort offered fifty golden crowns and more, but in vain."

[W. O.]

FROM
THE LIBRARY
OF
SIR WILLIAM OSLER, BART.
OXFORD

1746



HENRICI

CORNELII AGRI

PAE AB NETTESHEYM A' CONSILIIS

& Archiuis Inditiarii sacrae CAE-

SAREAE Maieftatis: De

OCCULTA PHI-

L'OSOPHIA

Libri Tres.

HENRICVS CORNELIVS AGRIPPA



**Nihil est opertum quod non reueletur,
& occultum quod non sciatur.
Matthaei. X.**

Cum gratia & priuilegio Caesareae Maieftatis ad triennium.

1533 (see p 362)

CHARLES

Par la Diuine clemence eslu Empereur des Romaine iusieur e auguste roy de Germanie de Castille de Leon Daragon de Nauarre de Naples de Seuille de Maillorque de Sardaine des Isles Indes et de la mer oceane Archiduc Daustrie duc de Bourgoingne de Lothringe de Brabant de Lembourg du Luxembourg etc. Conte de Flandres Dartois de Bourgoingne Palatin et de Haynau de Hollande de Zeellande de Ferrette de Haquenault de Namur etc. Prince de Zwaue Marquis du saint empire Seigneur de Frise de Salins de Malines des pays Dutrecht et d'hauteuren en Asie et en Affricque.

A tous ceulx qui ces pntes lettres verront salut De la part de nostre ame et seel. conseillicr indiciare et historiographe messier Henry Cornille Agrippa Docteur es deux droitz chevalier nous a este expose: Comme led exposant ait nagaires fait et compose quatre liures oeuvres et volumes intitules en latin:

De occulta Philosophia, De Vanitate scientiarum Declamatio, In artem breuem Raimundi Lullij commentaria: Et Tabula abbreviata. Orationes & Epistolæ lesquelz liures et volumes les exposant feroit volentiers imprimer et nos pays et seigneuries: mais il doute que aucuns imprimeurs diceulx nos pays aiens recouure de chascun de ses volumes vng liure les contrefront que luy tourneroit a grant regret et domaige: se par nous ne luy est pourueu de grace. En nous suppliant tres humblement que astendu ceque dit est il nous plaise luy octroyer et accorder quil puit faire imprimer lesd quatre liures et volumes par tel imprimeur en nosd pays que bon luy semblera sans ce que autres les pourront imprimer endedens le terme de six ans prochain venant et sur ce faire expedier nos lettres patentes a ce pertinentes. Pource est il que nous ces choses considerees: Et apres que nos amez et seaulx maistres George de Themseke preuost de Casel: et Herman Sunderhuisen conseillicrs et maistres des requestes Ordinaires de nostre hostel par nostre ordonnance aient bien au long veu visite et signe lesd liures. Aud exposant inclinans fauorablement a sad supplication et requeste. Auons par bon aduis et deliberation de conseil octroie consenty et accorde: octroions consentons et accordons en luy dormant congie et licence de grace especial par ces presentes quil puit et pourra faire imprimer lesd quatre liures et volumes en tel nombre et quantite et par tel imprimeur de nosd pays que bon luy semblera. Et afin que icelluy imprimeur ne perde ses paines fraiz et despens qui luy conuiendra faire et supporter pour lad nouvelle impression et ce qui en depend auons deffendu et deffendons par cesd pntes a tous autres imprimeurs et autres que endedens le temps et terme de six ans prochainement venant ilz ne impriment ou facent imprimer lesd liures ne aucun diceulx sans le consentement dud imprimeur sur paine de confiscation des liures et volumes quilz auroient ainsi imprime et par dessus ce destre pugniz et corrigez arbitrairement. Sidonnons en mandement a nos amez et seaulx les chiefz presidens et gens de nos priue et grant coseaulx Chancelier et gens de nostre coseilen Brabat Preident et gens de nostre chambre de conseil en Flandres et a tous nous autres iusticiers officiers et subiects cuy ce peent et pourra toucher et a chascun deulx endroit soy et sy comme a luy appartiendra que de nostre presente grace octroye congie et licence durant le temps selon et par la maniere que dit est ilz facent souffrent et laissent led exposant ensemble led imprimeur plainemēt et paisiblement ioyr et vser sans leur faire meētre ou donner ne souffrir estre fait mis ou donne aucun de stourbier ou empeschement au cotraire. Car ainsi nous plaist il en tesmoing de ce nous auons fait meētre nostre seel a ces presentes. Donne en nostre ville de Malines le xij. iour de Ianuier Lan de grace mil cinqcēs et Vingt et neuf. Et de nos regnes asauoir des Romains le. xi. et de Castille et autres le. xiiij. signe sus le reply par Lempereur en son conseil.

L. de foete.

AD LECTOREM.



ON DVBITO, QVIN TITVLVS LIBRI NO-
stri de Occulta philosophia, siue de Magia, raritate sua
q̄ plurimos alliciat ad legendum, inter quos nōnulli obli-
quæ opinionis mente languidi, multi etiam maligni & in-
ingenium nostrum ingrati accedent, qui temeraria sua
ignorantia magiæ nomē in deteriore partem accipiē-
tes, uix conspecto titulo clamabunt nos uetitas artes docere, hæresum semī-
na iacere, piis auribus offendiculo, præclaris ingeniis scādalo esse, maleficū
esse, superstitiosum esse, dæmoniacum esse, magus qui sim. Quibus si respō-
deam magum apud literatos uiros non maleficum, non superstitiosum, nō
dæmoniacum sonare, sed sapientem, sed sacerdotem, sed prophetam: Sibyl-
las magas fuisse, proinde de Christo tam apertissime prophetasse: iam uero
& magos ex mirabilibus mundi arcanis, ipsius mundi autorem Christū co-
gnouisse natum, omniumq̄; primos uenisse ad illum adorandum, ipsumq̄;
magiæ nomen acceptum philosophis, laudatum à theologis, etiam ipsi euā-
gelio non ingratum. Credo ego istos tam pertinacis supercilii cēsores Sibyl-
lis & sanctis magis, & uel ipso euangelio prius sibi interdicturos, q̄ ipsum
magiæ nomen recepturi sint in gratiam, adeo conscientia suā consulentes,
ut nec Apollo, nec Musæ omnes, neq; angelus de cœlo me ab illorū execra-
tione uendicare queant. Quibus & ego nunc consulo ne nostra scripta legāt,
nec intelligāt, nec meminerint: nam noxia sunt, uenenosa sunt, Acherontis
ostiū est in hoc libro, lapides loquitur, caueant ne cerebrū illis excutiat. Vos
autem qui æqua mente ad legendum uenitis, si tantam prudentiæ discretio-
nem adhibueritis, quantam in melle legendo apes, iam securi legite, puto nā-
q; uos & utilitatis haud parum, & uoluptatis plurimum accepturos. Quod si
qua repperitis, quæ uobis non placeant, mittite illa, nec utimini: nam & ego
uobis illa nō probō, sed narro. Cætera tamen propterea non respuite, nam
& medicorū uolumina insipientibus contingit cum antidotis & pharmacis
simul etiā uenena legere. Fateor præterea magiā ipsam multa superuacua,
& ad ostentationē curiosa docere prodigia, simul hæc ut uana relinquite, cau-
sas tamen illorū ne ignorete. Quæ uero ad hominū utilitatem, ad auertēdos
malos euentus, ad destruendū maleficia, ad curādos morbos, ad exterminā-
da phantasmata, ad conseruandā uitæ, honoris, fortunę dexteritatē, sine dei
offensa, sine religiōis iniuria fieri possunt: quis illa non tam utilia censeat, q̄
etiā necessaria? Sed quia admonui uos, multa me narrādo potius q̄ affirmā-
do scripsisse: sic enim opus esse uisum fuerat quo pauciora præteriremus, mul-
ta insuper Platoniorū cæterorumq̄; gentiliū Philosophorū placita secuti
sumus, ubi instituto nostro scribēdi suggerebant argumentū: ideo si alicubi
erratum sit, siue quid liberius dictū, ignoscite adolescentiæ nostræ, qui mi-
nor quàm adolescens hoc opus composui, ut possim me excusare ac dice-

AD LECTOREM

re, dum eram paruulus, loquebar ut paruulus: sapiebam ut paruulus, factus autem uir, euacuauī quæ erant paruuli, ac in libro nostro de Vanitate ac incertitudine Scientiarum, hūc librum magna ex parte retractaui. Sed hic me iterum forte redarguetis inquires: Ecce iuuenis scripsisti, & senex retractasti, ut quid ergo edidisti? Fateor iuuenis admodum hos libros scribere aggressus sum, spe tamen illos aliquando correctiores locupletioresq; emissurus, atq; ea causa Ioanni Tritemio abbati Peapolitano quōdam Spanhemensi, uiro arcanarum rerum admodum industrio, primum illos obtuli corrigendos. Contigit autem postea, ut interceptum opus, priusquā illi summam manum imposuissē, corruptis exemplaribus trūcum & impolitum circumferretur, atq; in Italia, in Gallia, in Germania, per multorum manus uolitarēt, iamq; nonnulli impatientius nescio an impudentius, ipsum informe opus sub prælum exponere uolebant, quo uno perculsus malo, ipse edere constitui, cogitans minus periculi fore, si libri isti paulo castigatiores mea manu prodirent, quā si laceri per incondita fragmenta inuulgarentur per manus aliorum. Præterea nullum nefas ratus, si iuuentutis meæ specimē perire non sinerem. Addidimus autem nonnulla capitula, inseruimus etiā pleraq; quæ prætermittere incuriosum uidebat, quod curiosus Lector ex ipsius phrasis inæqualitate facile deprehēdere poterit, nolimus enim opus ipsum totum innouare, & (ut aiunt) totam telam retexere, sed paululum castigare, atq; aliquid splendoris infundere. Quapropter iterum nunc quæso te cande Lector, ne de præsentī tempore editionis ista libes, sed ueniam des curiosæ iuuentuti, si quid forte secus quā placeat in istis deprehendes.

ERRATA.

Folio 3. linea 26. lege aperiūtur. 4. 16 & 19 obtusitate. 5. 41 aduētitiū. 9. 27 se uidere. 11. 20 ærea. 31. æri. 12. 20 ærea. 22 iūq; 39. eius. 13. 40 fanatissima. 17. 41 deducenda. 18. 8 Habētur. 19. 21 fermē. 36 cuius. 37. conficiēt. 28. 29 præesse Mercuriū: spē. 30 uirtuti Saturni: hep. 34 naribus. 29. 20 hoc. 31. 38 uiridia. 33. 5 ingrata. 6 Præterea funesta. 36. 8 Satur no 43. 39 imaginesq; 44. 1 tate. lungantur. 45. 17 penes 47. 23 ut ho. 34 abortum patiūtur 48. 8 maximis suffitas 37 ry cio 54. 10 q; con. 59. 19 radijs accenduntur, 39 uel sic, abundat 60. 14 uelutarem 61. 26 acie di. 65. 31 inbiantes 68 quæ postea apud 71. 26 perfectis 76: 40 minimā 77. 31 designet 37 somnij 40 diuinatoria 78. 1 illud percurrit 5 discutiemus alibi 81. 6. Altera 86. 29 imaginatiōibus 87. 21 affecta 28 a coelo 88. 31 animus for. 89. 4 ad mira- 10. ipse 36 affectū 90. 14 cognatiua potentia 92. 9 numinis 41 dele, & uerba 93. 9 tolli 94. 6 impetrari 26 ut si 100. 1 quæ de 9 arces 102. 23 scrophulas 103. 25 processerunt 119. 4 ptem uæ 128. 11 Iophiel 138. 27 quasdam 142. 30 sinistrum 146. 22 hominem 24 particulares 148. 40 lege, 1225 Bne. 49. 16 pro U. lege, 171 136. 31 audito 157. 4 Verum cantus 167. 3 cingentium 168. 8 concauitas. 169. 1 aperturam 170. 18 remittantur 171. 24 sonis & 172. 21 & 33 exaltatione 175. 19 ci, calida 179. 41. melancholicos mor bos 180. 12 lunæ: illa uero facies lunæ, 183. 41 ciat 186. 18 gemma- 30 cuius mensa 191. 26 adscripta est 28 suorum 37 plane- 193. 22 sinu angeli 198. 9 diuinatio 33 protulisse 38 formans 199. 26 in magnum ex- 200. 1 per magnum af- 3 sint 5 de quibus 22 aut uaticiniij 202. 7 Totum quod 203. 5 corruptibili 12 fortune 205. 36 exordijs 206. 4 ferēs solis, aut nos du- 207. 18 mu tus 208. 38 fidem 211. 34 regenerationis 213. 9. Hæc 27 indignis 34. Oportet 214. 38. Prohibemur 215. 21 duobus 40. Hæni- na 216. 8 concinunt 217. 12 & per me 218. 35 numina 40 uiri dei 41 influxum 222. 16. Lunum 224. 22 cupat 33 fide 225 3 quicunque 28 ophanim 40 Sem. 226. 26 deorum 228. 9. Et in alio 229. 34 dele, a 235. 20 steltoma 239. 13 referre 240. 16 specular, an. 246. 2 māmona 250. 23. Sicut 251. 5 lunares 254. 3 spiritui 255. 26 istis specialē 40 Annediēl 257. 24 obus 268. 17 cedentium 271. 34 ciuitas 278. 4. Efficacia 12. limo 27 eas 41 adiurantis 279. 9 malefica 13. abigam 281. 27. Demones 32 translati 285. Mori igitur 34 dele, hō 289. 38 inedia sese re. 290. 23 tum mo. 30 primaria causa 291. 13 præfidentium 292 ta men uiribus 295. 26 receptant 296. 8 benefica 297. 29 allocutum 298. 17. Midas, ab 299. 11 quæcūq; 301. 15 septētrionalis 21 manium 302. 34 Valentinianorū 304. 38 loci alicuius 307. 2 statim 14 iungatur 35 exempla 308. 19 mouet 39 occurſu 31 ut ea 309. 28 illi 311. 8 dele, & 14 vaticinia deorū 15 sint 17 transeunt 312. 34 latio aut 314. 27 eum 315. 4. tur ima 316. 29. Tum aia 317. 16 Zoroastē 28 qua 35 sed bene 318. 22 meram 319. 2 potu' ue 25 somni 320. 2 innūti 324. 17. Huic 32 circūluic 35 mundo 325. 14 ut non 336. 11 debito 337. 7 mundauit 340. 36 cerea 342. 15 æstuantis 344. 4 dinis ad re. 15 arte 24 sermo- am 37 symbola 41 potes 343. 23 uerſum 350. 2 Galaad 35 fame 351. 17 uos repente 356. 3 idolatriæ 4. iectionis.



Vm nuper tecum (reuerēde pater) in cœnobio tuo apud Herbi-
polim aliquandiu conuersatus, multa de chymicis, multa de
magicis, multa de cabalisticis ceterisq; quę adhuc in occulto de-
litescunt arcanis scientiis atq; artibus unā contuliffemus: ma-
gna inter cæteras quęstio erat, cur Magia ipsa, cum olim primum sublimita-
tis fastigium uno omnium ueterum philosophorum iudicio teneret, & à
prisca illis sapientibus, & sacerdotibus summa semper in ueneratione habi-
ta fuerit: deinde sanctis patribus à principio nascentis ecclesię catholicę odi-
osa semper & suspecta, tandem explosa à Theologis, damnata à sacris cano-
nibus, porro omnium legum placitis fuerit proscripta, eius causam specula-
tus meo iudicio non alia est, nisi quod fatali quadam temporum hominum
q; deprauatione subintroierūt multi pseudophilosophi, ac mērito nomine
Magi, qui per uarias errorum sectas & falsarum religionum factiones, mul-
tas admodū execrandas superstitiones atq; ferales ritus, multa etiam ex or-
thodoxa religione scelerata sacrilegia, in naturę persecutionem hominūq;
perniciem ac dei iniuriam congerentes, multos admodum quales hodie cir-
cunferri uidemus reprobata lectionis libros ediderunt, quibus Magiæ ho-
nestissimum nomen atq; titulum furto & rapina præfixerunt. Hi itaq; cum
sacro sancto hoc magiæ titulo suis execrandis nugis fidem sese cōciliaturos
sperarent, id egerūt, quod laudatissimum olim magiæ nomen, hodie bonis
& probis omnibus odiosissimum redditum sit, ac capitale crimen habeatur
si quis doctrina operibus ue magum sese audeat profiteri, nisi forte demens
aliqua uetula rus habitans, credi uelit admodum perita & diuinipotēs, ut (si-
cut ait Apuleius) possit cœlum deponere, terram suspendere, fontes durare,
montes diluere, manes sublimare, deos infimare, sydera extinguere, tartarū
ipsum illuminare, siue ut canit Vergilius:

Quæ se carminibus promittat soluere mentes

Quos uelit, ast aliis duras immittere curas,

Sistere aquam fluuiis, & uertere sydera retro,

Nocturnosq; ciet manes, mugire uidebis

Sub pedibus terram, & descendere montibus ornos.

Tum quæ referunt Lucanus de maga illa Theßsala, & Homerus de Circes o-
mnipotentia, quorū plurima fateor tam fallacis opinionis, tam superstitio-
sę diligentię perniciosiq; labores existunt, ut cum sub artem nō nefandam
cadere nequeāt, tamen magiæ uenerabili titulo sese uestiri posse præsumūt.
Cum hæc igitur sic se haberent, mirabar admodum, neq; minusetiam indi-
gnabar, neminem hætenus extitisse, qui tam sublimem sacramq; discipli-

EPISTOLA.

nam ac impietatis crimine uindicasset, aut illam nobis pure syncereq; tradi-
 disse, siquidem quos ex recentioribus ego uidi Rogerium Bachonem, Ro-
 bertum Anglicum, Petrum Apponum, Albertum Teutonicum, Arnoldū
 de Villa noua, Anselmum Parmensem, Picatricem Hispanū, Cicchum Ascu-
 lum Florētinum & plerosq; alios, sed obscuri nominis scriptores cum se ma-
 giam tradere pollicentur, non nisi aut deliramenta quædam nulla ratione
 subnixa, aut superstitiones probis omnibus indignas præstiterunt. Hinc cō-
 citus est in me spiritus meus, atq; propter ipsam cum admirationē, tum in-
 dignationem uolui & ego philosophari, non illudabile opus me facturum
 existimans, qui ab ineunte ætate semper circa mirabilium effectuum & ple-
 nas mysteriorum operationes curiosus intrepidusq; extiti explorator, si Ma-
 giam ipsam uetustam sapientumq; omnium disciplinam ab impietatis er-
 roribus redimitam, purgatamq;, & suis rationibus adornatam restituerem,
 & ab iniuria calumniantium uindicarem, quod ut iam diu ipse mecum deli-
 beraui, nunq; tamen in hanc arenam descendere hætenus ausus fui, uerum
 post collatum inter nos Herbipoli de his rebus sermonem tua præcellēs pe-
 ritia & doctrina tuaq; ardēs adhortatio audaciam mihi animumq; addidit.
 Itaq; electis è Philosophorum exploratæ fidei sententiis, purgata introducti-
 one malignorum, qui simulata scientia mentientes magorum traditiōes ab
 ipsis tenebrarum reprobatis libris, uelut ab ipsis adytis mirādorū operati-
 ones requirendas docebant, discussis tenebris tres libros de magia compen-
 dio breuitatis complexos recētib; his diebus composui, & de Occulta phi-
 losophia minus infenso titulo inscripsi, quos nunc tuo exanimi, qui harum
 rerum plenissimam peritiā tenes castigādos, censendos, indicādosq; sub-
 mitto, ut si quid in illis à me scriptum sit, quod aut in naturæ contumeliā,
 aut cœlitum offensam, religionis'ue iniuriā uergere queat, condemnes er-
 rorem: sin autem dissoluta & purgata sint impietatis scandala, ueritatis tra-
 ditiōē tueare: sicq; cum his libris nostris, atq; cum ipsa magia agere uelis,
 ne occultetur aliquid quod prodesse queat, nec probetur quod possit nō nisi
 nocere, quo sic tandem libri isti tuo examine probati, digni sint qui aliquan-
 do fœlicibus auspiciis in publicum egrediantur, nec timeant iudicium subi-
 re posteritatis. Vale, & his audacibus parceto cœptis.

IOANNES TRITEMIVS ABBAS DIVI IACOBI HER-
bipolis quondam Spanhemensis, suo Henrico Cornelio
Agrippæ ab Nettefzheym, salutem &
charitatem.



QUO tuū ornatissime Agrippa de occultiore Philosophia præ-
notatum, quod nobis examinandum per latorem præsentium
obtulisti, quanta cum uoluptate susceperimus, nec lingua mor-
talis unquā potest exprimere, nec scribētis calamus referare.
Admiratione maxima ducimur super eruditione tua non uulgari, qui & iu-
uenis tam secreta penetras & arcana, multis etiam uiris doctissimis abscon-
dita, non solum pulchre ac uere, sed etiam proprie & ornate proferre in lucē
potuisti. Vnde imprimis tuæ ad nos beneuolentiæ gratias agimus, & si po-
terimus unquā, pro uiribus indubitanter referemus gratias, tuum opus,
quod nemo doctissimorum etiam uirorū satis laudare sufficiet, probamus:
deinde ut studio pergas in altiora, quo cœpisti, nec finas tam excellentes in-
genii tui uires otio tepescere, te qua possimus instantia monemus, petimus
& rogamus, quatenus & tuo te labore ad meliora semper exercites, & lumen
ueræ sapientiæ quo maxime & diuinitus illustraris, etiam ignorantibus de-
monstres. nec te retrahat à proposito quorumcūq; consideratio nebulonū,
de quibus uere dictum est: Bos lassus fortiter figit pedem. Cum nemo, sa-
pientum iudicio, ueraciter doctus esse queat, qui in unius duntaxat faculta-
tis rudimenta iurauit. Te autem diuinitas ingenio donauit & amplo, & sub-
limi: non ergo boues imiteris, sed uolucres: nec circa particularia arbitreris
tibi esse morandum: sed uniuersalibus confidenter intendito animum, tan-
to enim quisq; doctior esse putatur, quanto ignorat pauciora. Ingenium ue-
ro tuum ad omnia pleniter aptum non paucis nec infimis, sed multis & sub-
limioribus est rationabiliter occupandū. Vnum hoc tamē te monemus cu-
stodire præceptū, ut uulgaria uulgaribus, altiora uero & arcana altioribus at-
que secretis tantum cōmunices amicis. Da fœnum boui, saccarū psitaco tan-
tum: intellige mentem, ne boum calcibus, ut plerisq; contigit subiiciaris. Va-
le fœlix amice, & si quid penes nos est quod tibi conducere queat, iube & fa-
ctum sine mora intelliges, & uires ut nostra dietim sumat amicitia, sæpius
ad nos scribe, & tuarum aliquid lucubrationum mittito instanter oramus.
Iterum uale. Ex nostro cœnobio Peapolitano. VIII. die Aprilis, Anno

M. D. X.

a iiii

REVERENDISSI

MO IN CHRISTO PATRI, AC PRINCIPI ILLVSTRIS
fimo Hermannò è comitibus wyde, Dei gratia sanctæ Colonien
sis ecclesiæ Archiepiscopo, sacri Romani Imperii Principi
Electori, & per Italiam Archicancellario, westpha-
liæ & Angariæ Duci &c. Sacrosanctæ Romanæ
ecclesiæ Legato nato, & in pontificali-
bus Vicario generali, Hēricus Cor
nelius Agrippa ab Nettefz-
heym. S. D.



A EST ILLVSTRIS FAMAE TVAE CE
lebritas reuerēdissime & illustrissime Princeps,
ea uirtutum tuarū magnitudo & doctrinæ splen
dor, & frequens optimarum literarum exerci
tiū, & cū solida prudētia grauis oratio, & elegās
dicēdi promptitudo, multarū rerum cognitio,
constans religio, ac mores laudatissimi, quibus
supra communē aliorū cōsuetudinē præditus es:
taceo priscas eminentis nobilitatis imagines, ac
diuitiarum cum antiquarum tum nouarum thesauros, amplitudinem do
minii, sacrarumq; dignitatum mitras, quorum etiam præstantia antestas cū
corporis decenti forma ac robore. Quæ licet omnia maxima sint, ego te tñ
his omnibus longe maiorem existimo heroicis illis & superillustribus tuis
uirtutibus, quibus sane effecisti, ut quanto quisq; doctior est, ac uirtutum
amantior, tanto magis beneuolentiæ tuæ sese cupiat insinuari, unde & ipse
etiā illud decus tuum petendum mihi cōstitui, sed Parthorū more, hoc in
quam est, non sine munere. Quem equidem salutandi Principis morem à
priscorum usque seculis in hæc nostra tempora deriuatum, & adusq; huc ob
seruatū uidemus. Cumq; uiderem alios quosq; uiros egregie doctos, doctri
narū suarū pulchris magnisq; munerib; te ornare, ne solus ego uelut cultus
& uenerationis tuæ desertor, ad tuam amplitudinem uacuis manibus appli
care ausim: cogitabundus ac circumspectus in cella mea libraria, quo mu
nere te tam insignem Principem condonare possem, en inter recondita of
ferebant sese subito libri de Occulta Philosophia, siue de Magia, quos iuue
nis admodum scribere aggressus, & iam multis annis uelut oblitus intermise
rā: mox tuę amplitudinis ueneratione ad illos consummandos, uelut ad uo
ta reddenda properaui. Sane quod persuaderem mihi, nihil me tibi gratius
dare posse, quā antiquissimæ abstrusissimæq; doctrinæ nouum opus, opus
inquam curiosæ iuuentutis nostræ, sed antiquitatis doctrinam, ausim dice-

EPISTOLA.

re, à nullis haëtenus restituere tentatam. Attamen non in hoc tibi adscribitur hæc nostra, quod te digna sint : sed ut patefaciant mihi aditum ad benevolentiam tuam. Quæso itaq; si non est improbum, habeant apud te quandam excusationem. Omnia tibi uota præfaturus, si hæc iuuentutis meæ studia, tuæ amplitudinis auspicio in notitiam ueniant, ac fugata inuidia perennitatis iure illorum remaneat memoria nobis ad fructum bonæ cōscientiæ, cum plura in illis etiam seniori mihi uisa sint cum utilissima, tum cognitu necessaria. Habes itaq; opus non tam iuuentutis, q̃ etiam præsentis ætatis nostræ, multa siquidem iuuenilis operis errata castigauī, multa compluribus locis interfulsi, multis capitibus adauxi, quæ ex ipsa orationis inæqualitate facile deprehendi possunt, atq; sic cognosces me omnem ætatem meam tuis obsequiis fore deuotum. Vale,

felicis Coloniae felicissimus Princeps.

Ex Mechlinia.

Anno. M. D. XXXI.
Mense Ianuario.

CAPITVLO

RVM OMNIVM QVAE IN HOC

OPERE CONTINENTVR, ELENCHVS.

PRIMI LIBRI ELENCHVS:

1 CA.



VOMODO A' TRIPLI-
ci mundo Magi uirtutes colli-
gāt, tribus his libris monstra-
bitur FOLIO 1.

Quid sit magia, quē eius par-
tes, & qualē oporteat esse Ma-
giæ professorem eodem

2	De quatuor elementis, & eorundem qualitati- bus & in se inuicem permixtionibus	3
4	De triplici elemento ratione considerāda	4
5	De mirabilibus ignis, ac terræ naturis	5
6	De admirandis aquæ, & aëris atque uetorum naturis	6
7	De generibus cōpositorum, quōmodo se ha- beant ad elementa, atq; quid elementis ipsis cō- ueniat cum anima, & sensibus, & moribus	10
8	Quomodo elemēta sunt in coelis, in stellis, in demonibus, in angelis, in ipso deniq; deo	12
9	De uirtutibus rerum naturalium ab elemen- tis proxime dependentibus	13
10	De uirtutibus rerum occultis	14
11	Quomodo uirtutes occultæ infunduntur rer- um speciebus ab ideis, per rationes animæ mū- di, stellarūq; radios: & quæ res hac uirtute ma- gis abundant	15
12	Quomodo diuersis indiuiduis, etiā eiusdē spe- ciei, diuersæ uirtutes influuntur	16
13	Vnde proueniāt uirtutes rerum occultæ. eodē	16
14	De spiritu mūdi quis sit, & quod sit uinculum occultarum uirtutum	18
15	Quomodo debemus inuestigare, & experiri uirtutes rerū, per uia sumptā a similitudine	20
16	Qualiter diuersarum uirtutum operationes transfundantur ab una re in aliam, & sibi mu- tuo communicantur	21
17	Qualiter per litem & amicitia, uirtutes rerū inuestigandæ, & experiundæ sunt	22
18	De inimicitiarum inclinationibus	23
19	Quomodo inuestigandæ & experiundæ sunt rerum uirtutes, quæ illis a tota specie insunt, aut particulari ipsius indiuidui dono alicui rei sunt agnatæ	25
20	Quod uirtutes naturales quibusdam insunt per totam suā substantiā, quibusdā uero in cer- tis suis particulis aut membris	26
21	De uirtutibus rerum quæ insunt ipsis in utra- tantum, & quæ remanent in illis etiam post in- teritum eodem	26
22	Quomodo res inferiores subsunt corporibus coelestibus, & quomodo humanū corpus, ipsa que hominum exercitia & mores, stellis atque signis distribuuntur	28
23	Quomodo cognoscendum, quibus stellis res naturales subsunt, atq; quæ res sunt solares	29
24	Quæ res subsunt lunæ	31
25	Quæ subsunt Saturno	32
26	Quæ sunt Iouialia	33

34	Quæ referunt Martem	34
35	Quæ sint Venerea	eodem
36	Quæ sequuntur Mercurium	35
37	Quod totus sublunaris mundus, & quæ in eo sunt, planetis distribuitur eodem	35
38	Qualiter prouinciæ, & regna planetis distri- buuntur	36
39	Quæ subsunt signis, ac stellis fixis, earumq; imaginibus eodem	36
40	De signaculis & characteribus rerum natu- ralium	38
41	Quomodo per res naturales earumq; uirtu- tes, possumus allicere & attrahere influxus at- que uirtutes corporum coelestium	40
42	De commixtionibus rerum naturalium ad inuicem earumq; utilitate	41
43	De unione rerum commixtarum, atq; intro- ductione nobilioris formæ uitæq; sensibilis	42
44	Quomodo certis quibusdam præparamen- tis naturalibus & artificialibus, coelestia quæ- dam & uitalia dona desuper trahimus	43
45	Quomodo dona, non solum coelestia & uita- lia, uerumetiam intellectalia quædam & di- uina desuper suscipere possumus	44
46	Quod certis quibusdā mundi materijs mun- dana numina, & horum numinum ministros dæmones allicere possumus	45
47	De ligationibus cuiusmodi sunt, & quibus modis soleant fieri eodem	45
48	De ueneficijs, earundemq; potentia	46
49	De quorundam ueneficiorum admirandis uirtutibus	47
50	De sufficibus, & earum ratione & potentia	49
51	Compositio quorundam sufficuum plan- tis accommodatorum	51
52	De collyrijs, unctiōibus, philtis, eorumq; uirtutibus	52
53	De alligationibus, & suspensionibus phy- sicis	53
54	De annulis & eorum compositionibus	55
55	De locorum uirtutibus, & quæ loca cuique stellarum correspondent eodem	55
56	De lumine & coloribus, de lychnis & lam- padibus, & qui colores, qbus stellis, domibus & elementis distribuuntur	57
57	De Fascinatione, atque eius artificio	58
58	De certis obseruationibus, admirandas uir- tutes producentibus	59
59	De uultu, ac gestu, corporisq; habitudine & figura, & quæ ex his quibus stellis respōdeant, unde physiognomonia, & metoposcopia, & chiromātia, diuinationum artificia, sua funda- mentā habeant	61
60	De diuinatione auspicion, & augurio	62
61	De diuersis quibusdam animāibus, & alijs rebus, quā in augurijs significatiōē habeāt	64
62	Quomodo uerificantur auspicia per lumen sensus naturæ, ac de eius experiundæ aliquot re- gulis	65

De aru-

ELENCHVS

CAPITVM

56	De aruspicina fulgurū, & fulminū, & quō por- tenta & prodigia interpretanda sint	72
57	De Geomātia, Hydromātia, Aëromantia, Py- romātia quatuor elementorū diuinationibus	73
58	De mortuorum reuiuiscētia, de lingua dor- mitione atque inedia	74
59	De diuinatione, quæ per somnia fit	77
60	De furore & diuinationibus, quæ in uigilia fi- unt, de melancholici humoris potētia, quo etiā dæmones nonnunquam in humana corpora il- licuntur	78
61	De formatiōe hominis, de sensibus exteris & intimis ac mente, de triplici animæ appetitu, ac passionibus uoluntatis	80
62	De passionibus animi, & earum origine, diffe- rentia & speciebus	82
63	Quō passiones animi mutāt corpus propriū permutando accidētia, & mouēdo spiritum	83
64	Quō passiones animi immutāt corpus per mo- dum imitationis à similitudine. Item de trāsfor- matione ac translatione hominū, & quas uires uis imaginatiua nō solum in corpus, sed etiam in animam obtineat	84
65	Quomodo passiones animi etiam operantur extra se in corpus alienum	86
66	Quod passiones animi plurimū iuuant ab op- portunitate celestis: & quā necessaria sit in o- mnī opere, ipsa animi constantia	87
67	Quō aīus hūanus potest cōiungi cū celestīū aīis, & intelligentijs, atq; simul cū illis mirabiles quasdam uirtutes reb⁹ inferiorib⁹ imprimere	88
68	Quō animus noster potest permutare & liga- re res inferiores, ad id quod desiderat	89
69	De sermone, atq; uirtutibus uerborum	90
70	De uirtute propriorum nominum	eodem
71	De sermonibus complexis, & carminibus, in- cantamentorūq; uirtutibus & astrictiōibus	91
72	De incantamentorū mirabili potētia	93
73	De uirtute scripturæ, & de imprecatiōibus & inscriptionibus faciendis	94
74	De proportione, correspondētia, reductione literarū ad signa celestia & planetas scdm̄ uarias linguas cum tabella hoc indicante	eodem

CAPITVM LIBRI II. ELENCHVS.

1	De necessitate Mathematicarū disciplinarū, atq; de mirandis multis operibus, quæ so- lis mathematicis artibus perpetrantur	99
2	De numeris eorundēq; potētia & uirtute	101
3	Quantas uirtutes numeri possideant in rebus cum naturalibus tum transnaturalibus	102
4	De unitate & eius scala	103
5	De dualitate & eius scala	104
6	De triade & eius scala	106
7	De quaternario & eius scala	108
8	De quinario & eius scala	111
9	De senario & eius scala	113
10	De septenario & eius scala	114
11	De octonario & eius scala	122
12	De nouenario & eius scala	124
13	De decade & eius scala	126
14	De undenario & duodenario cum duplici duo- denarij scala, Cabalistica & Orphica	130
15	De numeris qui supra duodenarium sunt, eo- rumq; potētia & uirtutibus	136
16	De numerorum notis in certis gesticationi- bus constitutis	138 (obseruatis 139)
17	De uarijs numerorum notis apud Romanos	

18	De notis Græcorum	140
19	De notis Hebræorum & Chaldæorum, & qui- busdam alijs Magorum notis	141
20	Qui numeri literis attribuātur, atq; de diuina tione per eosdem	143
21	Qui numeri quibus dñs sacri sunt, & qui qui- bus elementis adscripti	144
22	De Planetarum mensuris, earumq; uirtutibus & formulis, & quæ illis præficiantur, diuinā no- mina, intelligentiæ & dæmonia	145
23	De Geometricis figuris atque corporibus qua uirtute in magia polleant, & quæ quibus elemē- tis conueniant atque cœlo	154 (tia 155)
24	De Musicali harmonia eiusq; uiribus ac potē- tia	154
25	De sono atque concentu, & unde illis mirabi- litas in operando	156
26	De cōuenientia eorū cū celestibus: & qui cō- centus quib⁹ soni singulis stellis respondēt	158
27	De humani corporis proportione & mensura harmoniaq;	160
28	De aīe humanæ cōpositione & harmonia	170
29	De obseruatione celestīū, in omni opere Ma- gico necessaria	171
30	Quando planetæ sunt potētioris influentiæ	172
31	De obseruatione stellarum fixarum, earumq; que naturis	eodem
32	De Sole & Luna, eorūq; magicis ratiōibus	174
33	De xxviii. mansionibus Lune earundemq; ue- iribus	175
34	De uero celestīū motu in octaua sphæra ob- seruando, ac de ratione horarū planetariarū	178
35	Quomodo res quæq; artificiales ut imagines & sigilla similiaq;, uirtutem aliquam sortiantur à corporibus celestibus	eodem
36	De imaginibus Zodaici, quas insculptæ à suis stellis concipiant uirtutes	179
37	De imaginibus facierū earūq; uirtutibus, atq; de his quæ extra zodiacū sunt imaginibus	180
38	De imaginibus Saturni	183
39	De imaginibus Iouis	184
40	De imaginibus Martis	eodem
41	De imaginibus Solis	eodem
42	De imaginibus Veneris	185
43	De imaginibus Mercurij	eodem
44	De imaginibus Lunæ	eodem (næ 186)
45	De imaginibus capitis & caudæ draconis Lu- næ	eodem
46	De imaginibus Mansionum Lunæ	eodem
47	De imaginibus stellarū fixarū beheniarū	188
48	De figuris geomāticis, quæ inter imagines & characteres mediæ sunt, & earundē tabula	189
49	De imaginibus, quarum figura est nō ad simi- litudinem alicuius figuræ celestis, sed ad simili- tudinē illius qd desiderat animus operātis	191
50	De obseruatiōibus quibusdam celestib⁹, & pra- ctica quarundam eiusdem imaginum	eodem
51	De characteribus qui ad celestīū normā imi- tationemq; fabricati sunt, & qmōdo ex geomāti- cis figuris deducūtur cum eorundē tabula	194
52	De characteribus qui à rebus ipsis simili- tudine quadam abstrahuntur	196 (tia 198)
53	Quod nulla diuinatione sine astrologia sit perfe- cta	199
54	De sorte, & qñ, ac unde illi diuinationis uirtus cōtingat	199 (tarū & philosophorū 200)
55	De aīa mūdi & celestīū, iuxta traditiōes poē- tarū	201
56	Idem confirmatur ratione	201
57	Quod anima mundi ac coelestes aīæ sint ratio- nales, ac mentem participantes diuinam	202

De no-

58 De nominibus animarum celestium, eorundemq; dominio in hunc inferiorem mundum uidelicet hominem 203

59 De septē mundi gubernatoribus planetis, eorundemq; uarijs nominibus, magicis sermonibus deferuentibus 204

60 Quod humanæ imprecationes naturaliter imprimunt suas vires in res exteriores. Et quomodo animus humanus per singulos dependētiarum gradus ascendit in mundū intelligibīlē, fitq; similibus spiritibus & intelligentijs sublimioribus 206

CAPITVM LIBRI III. ELENCHVS.

1 De necessitate, uirtute & utilitate Religionis 211 (religione sunt eodem

2 De silentio & occultatione eorū, quę secreta in Quæ dignificatio requiratur, ut q̄s euadat in uerum Magum, & mirandorū operatorem 213

4 De duobus ceremonialis Magię adminiculis, religione & superstitione 215

5 De tribus ducibus religionis, qui nos ad ueritatis semitam perducunt 217

6 Quō his ducibus aīa humana scādit in naturā diuinā, efficiturq; miraculorum effectrix 218

7 Necessariā eē mago ueri dei cognitionē, & qd de deo ueteres senserūt magi atq; philosophi 219

8 Quid de diuina trinitate ueteres senserint philosophi 221 (orthodoxa fides 223

9 Quæ sit uera de deo & sanctissima Trinitate De emanatiōibus diuinis quas Hebræi Numera- rationes, alij attributa, Gentiles, deos & numina nūcupabant: deq; decē Sephiroth, ac decem sacratissimis dei nominibus illis præsidētibus, eorundemq; interpretatione 224

11 De diuinis nominibus, eorundemq; potentia & uirtute 227

12 De influxu diuinorum nominum per singula media in hæc inferiora 232 (fluxu 234

13 De mēbris dei, & de eorū in nostra mēbra in- De dñs gentiū, & animis celestiu corporū, & qbus numinibus, quæ loca olim sacra fuerūt 235

14 Quid de animabus celestibus nostri sentiunt Theologi 238

16 De intelligentijs & demonibus, ac triplici illorum genere, eorumq; cognomentis uarijs, deq; infernis & subterraneis dæmonibus 239

17 De eisdē iuxta Theologorū sententias 242

18 De ordinibus malorum demonum, eorundē que casu & naturis uarijs 243

19 De corporibus demonum 246

20 De infestatione malorū dæmonum, & custodia nobis adhibita bonorum dæmonum 248

21 De obsequendo proprio genio, eiusq; natura indaganda 250

22 Triplicem uniuscuiusq; hominis custodiē esse, & a quibus singuli procedant 252

23 De lingua angelorum, eorumq; cum inter se tum nobiscum colloctionibus 253

24 De nominibus spiritūū, eorumq; uaria impositione, deq; spiritibus qui præsunt stellis, signis, cardinibus coeli, & elementis 254

25 Quō Hebræorū meubales sacra angelorū nomina & sacris scripturis eliciat, atq; de septuaginta duobus angelis qui serūt nomē dei, cū tabulis ziruph, & cōmutationū literarū & numerorū 256

26 De inueniēdis nominibus spirituum & geniorum a dispositione corporum celestiu 266

27 De arte calculatoria nominū eiusmodi extra-

ditione Cabalistarum 267

28 Quomodo nonnunq; spirituum nomina accipiuntur a rebus ipsis quibus præficiuntur 271

29 De characteribus & sigillis spirituum 272

30 Alius characterizandi modus, a Cabalistic traditus 273

31 Adhuc alius characterū modus, atq; de signaculis spiritūū q̄ sola reuelatiōe recepta sunt 276

32 Quomodo alliciant a nobis boni dæmones, & q̄modo mali dæmones a nobis conuincantur 278

33 De uinculis spiritūū, eorumq; adiurationibus & exterminijs 280

34 De ordine animastico atq; heroibus 281

35 De dñs mortalibus atq; terrenis 282

36 De hoīe q̄modo creatus ad imaginē dei 284

37 De anima humana, & per quæ media iungatur corpori 289

38 Quę diuina dona homo desuper a singulis celorum & intelligentiarū ordinibus accipiat 290

39 Quomodo superni influxus cum sint natura boni, in istis inferioribus deprauantur, & malorum causæ efficiantur 291

40 Quod unicuique homini impressus est character diuinus cuius uigore potest pertingere ad operandum mirabilia 295

41 Quid de hoīe post mortē, opiniones uarię 294

42 Quibus rationibus Magi & Necromantes mortuorū animas euocare se posse putabant. 304

43 De humanæ animę potestate, in mente, ratione & idolo 306

44 De gradibus animarum, & earundem interitu aut immortalitate 309

45 De uaticinio & furore 310

46 De prima specie furoris a Mufis 311

47 De secunda specie a Dionysio 313

48 De tertia specie furoris, ab Apolline 314

49 De quarta specie furoris a Venere 316

50 De rapto & extasi, & uaticinijs quę q̄s q̄ morbo comitali & syncope corripiuntur, & quę agonizantibus contingunt eodem

51 De somnio prophetico 318

52 De sortibus & notaminibus certam oraculorū uim possidentibus 320

53 Quomodo se disponere debeat uolēs suscipere oracula 322

54 De mundicia & quomodo obseruanda 323

55 De abstinentia & ieiunijs, & castitate, solitudine, & animi tranquillitate atq; ascensu 325

56 De poenitentia & elemosyna 327

57 De his quę extrinsecus administrata ad expiationem conducunt 328

58 De adorationibus & uotiis 329

59 De sacrificijs & oblationibus, eorumq; generibus & modis 331

60 Quas imprecationes & ritus ueteres adhibere solebant sacrificijs & oblationibus 334

61 Quomodo hæc tum ad deum tum ad inferiora numina exhibenda sunt 335

62 De cōsecrationibus & earum ratione 336

63 Quæ dicantur sacra, quæ consecrata, & quomodo hæc se habeant inter nos atque diuos, ac de sacris temporibus 338

64 De religiosis quibusdā obseruariōibus, ceremonijs & ritib; suffituū, unctiōnū & similiū 341

65 Operis totius conclusio 345

CAPITVM LIBRORVM FINIS

Nobis

NOBILIS VIRI HEN-

RICI CORNELII AGRIPPAE EQVITIS AVRATI,

& utriusq; Iuris Doctoris, Sacrae Caesaris Maiestatis à Consilio & ar-

chiuis indiciarii, De occulta Philosophia, siue de Magia

Libri tres.

Quomodo à triplici mundo Magi uirtutes colligant, in tribus
his libris monstrabitur Caput primum.



VM TRIPLEX SIT MVNDVS,
elementalis, cœlestis & intellectualis, & quisq;
inferior à superiori regatur, ac suarum uirium
fufcipiat influxū, ita ut ipse archetypus & sum-
mus opifex, per angelos, cœlos, stellas, elemen-
ta, animalia, plātas, metalla, lapides, suarū omni-
potentię uirtutes exinde in nos transfundat, in
quorum ministerium hęc omnia condidit atq;
creauit: non irrationabile putāt Magi, nos per

eosdem gradus, per singulos mūdōs, ad eundem ipsum archetypum mun-
dum, omnium opificem, & primam causam, à qua sunt omnia, & procedūt
omnia, posse conscendere: & non solum his uiribus, quæ in rebus nobilio-
ribus præexistunt, frui posse: sed alias præterea nouas desuper posse attra-
here. Hinc elementalis mūdi uires, uariis rerum naturalium mixtionibus
à medicina, & naturali philosophia uenantur: deinde cœlestis, mūdi radiis
& influxibus, iuxta astrologorum regulas, & mathematicorū disciplinas,
cœlestes uirtutes illis connectunt: porrò hęc omnia intelligentiarum di-
uerfarum potestatibus per religionum sacras ceremonias corroborāt atq;
confirmant. Horum omnium ordinem & processum, tribus his libris nūc
tradere conabor: quorum primus cōtineat Magiam naturalem, alter cœ-
lestem, tertius ceremonialem. Sed nescio an planè uenia dignum sit, me ho-
minem ingenii ac literaturę minoris, tam difficile, tam arduū, tam intrica-
tum negotium, in ipsa mea adolescentia tam libere aggressum esse: quam-
obrem quæcunq; hic à me dicta sunt, & inferius dicentur, his nolo quenq;
plus assentiri, neq; ipse ego plus assentior, nisi quatenus ab ecclesia catholi-
ca, fideliumq; cœtu non fuerint reprobata.

Quid sit Magia, quæ eius partes, & qualem oporteat
esse Magiæ professorem. Caput II.



Agica facultas potestatis plurimæ cōpos, altissimis plena my-
steriis, profundissimam rerum secretissimarum contemplati-
onem, naturam, potentiam, qualitatem, substantiam, & uirtu-
tem, totiusq; naturæ cognitionem complectitur: & quomodo res inter se

differūt, & quomodo cōueniunt nos instruit, hinc mirabiles effectus suos producēs, uniēdo uirtutes rerū per applicationem earū adinuicē, & ad sua passa congruentia inferiora, superiorū dotibus ac uirtutibus passim copulās atq; maritās. Hæc pfectissima summaq; sciētia, hæc altior sanctiorq; philosophia, hæc deniq; toti^o nobilissimę philosophię absoluta cōsummatio. Nā cū oīs philosophia regulatiua diuīsa sit in physicā, mathematicā & theologiā: physica docet naturā eorū q̄ sunt in mūdo, illorūq; causas, effectus, tēpora, loca, modos, euentus, integritates & partes inuestigat atq; rimat.

Quot sunt, quæ rerum species elementa uocantur,

Quid calor efficiat, quid terra, quid humidus aer,

Quid generent: unde & magni primordia cœli,

Vnde maris fluxus, uariis uel coloribus Iris.

Reddere quid faciat clamosa tonitrua nubes:

Vnde uel ætherea fulmen iaculetur ab aula.

Quæ secreta faces noctu, quæ causa cometas

Proferat, & tumidas quæ cæca potentia terras

Concutiat, quæ sunt auri, quæ semina ferri,

Totaq; naturæ uis ingeniosa latentis.

Hæc omnia naturarū speculatrix physica cōplectit, & quæ canit Vergilius.

Vnde hominū genus, & pecudū, simul imber, & ignes,

Vnde tremor terris, qua ui maria alta tumescant

Obiicibus ruptis, rursusq; in seipsa residant.

Herbarum uires, animos, irasq; ferarum,

Omne genus fruticum, lapidum quoq; reptiliumq;.

Mathematica uero docet nos planā, & in tres porrectā dimensiones naturam cognoscere, motumq; ac cœlestium progressus suspicere.

• Aurea quò celeri rapiantur sidera motu,

Quid caligantem modo cogat hebescere lunam,

Defectusq; pati dimisso lumine solem.

Et quæ canit Vergilius:

Quo circa certis dimensum partibus orbem

Per duodena regat mundi sol aureus astra:

Ostendit cœliq; uias, & sidera monstrat,

Defectus solis uarios, lunæq; labores,

Arcturum pleiadasq; hyadas, geminosq; triones.

Quid tantum oceano properent se tingere soles

Hyberni, uel quæ tardis mora noctibus obster.

Quæ omnia per ipsam mathematicam dignoscuntur.

Hinc tempestates dubio prædiscere cœlo

Possumus, hinc messisq; diem, tempusq; serendi,

Et quando infidum remis impellere marmor

Conueniat, quando armatas deducere classes,

Aut tempestiuam in syluis euertere pinum.

Theologia autem quid deus, ipsa docet, quid mens, quid intelligentia, quid angelus, quid deniq; dæmon, quid anima, quid religio, quæ sacra instituta, ritus, phana, obseruationes sacraq; mysteria: instruit quoq; de fide, de miraculis, de uirtute uerborum & figurarum, de arcanis operationibus & mysteriis signaculorum, & quod ait Apuleius, docet nos rite scire atq; callere leges ceremoniarum, fas sacrorum, atq; ius religionum. Sed iam me recolligam. Has tres imperiosissimas facultates Magia ipsa complectitur, unit, atq; actuat. merito ergo ab antiquis summa sanctissimaq; scientia habita est. Hæc grauissimis autoribus clarissimisq; scriptoribus reperitur illustrata: inter quos præcipue Zamolxis, & Zoroaster effulserunt adeo, ut inuētores huius scientiæ à pluribus crediti sint. Horum uestigia secuti Abbaris Hyperboreus, Charmondas, Damigeron, Eudoxus, Hermippus: & clariores alii extiterunt antistites, ut trimegistus Mercurius, Porphyrius, Iamblichus, Plotinus, Proclus, Dardanus, Orpheus Threicius, Gog Græcus, Germa Babylonicus, Apollonius Tyaneus, Osthanes etiā egregie scripsit in hac arte: cuius libros è sepulchro eruros Abderites Democritus suis cōmentariis illustrauit. Præterea ad hac artē Pythagoras, Empedocles, Democritus, Plato, & plures nobilissimi philosophorum discendā nauigarūt: hanc reuersi summa sanctitate prædicauerūt: hanc in arcanis habuerūt. Quin & Pythagoram Platonēq; ob eam discendā cōpertū habemus, Memphiticis uates accessisse, & penē totā Syriam, Aegyptū, Iudæā, & Chaldeorum scholas peragrasse, ne sanctissima eos Magiæ monumenta laterent, diuinisq; rebus imbuerētur. Quicumq; igitur nūc in hac facultate studere affectat, si non fuerit eruditus in Physica, in qua declarantur qualitates rerum, & in qua reperiuntur proprietates occultæ cuiuslibet entis, & si nō fuerit opifex mathematicæ, & in aspectibus, & figuris stellarum, ex quibus cuiuslibet rei sublimis uirtus & proprietates dependet: & si non fuerit doctus in theologia, ubi manifestantur substantiæ immateriales, quæ dispensant & administrant omnia, non poterit intelligere Magiæ rationabilitatē: nullū enim opus ab ipsa magia perfectū extat, nec est aliquod opus uere magicum, quod has tres facultates nō cōplectatur.

De quatuor elementis, & eorundem qualitatibus, & in se inuicem permixtionibus.

Caput III.



Quatuor sunt elementa & primaria fundamenta rerum omnium corporaliū, ignis, terra, aqua, aer: ex quibus omnia elementata in istis inferioribus cōponūt: nō per modū coaceruationis, sed secūdū trāsmutationē & unionē: rursusq; cū corrūpūt in elementa resoluuntur. Nullum autē sensibiliū elementorū purū est, sed secūdū magis & minus permixta sunt, & in se inuicem transmutabilia: quæadmodum terra lutescens dissolutaq; fit aqua, atq; illa ingrossata densataq; fit terra: per calorem

autem euaporata transit in aerem, & ille supercalescens in ignem: & hic extinctus reuertitur in aerem, in frigidatus autem ex superadustione, fit terra aut lapis, aut sulphur, sicut hoc ex fulmine manifestum est. Plato autem censet terram omnino intransmutabilem esse, cetera autem elementa & in hanc, & in se inuicem transmutari. Diuiditur itaque terra à subtilioribus non transmutata, sed soluta aut permixta in illa, quæ illam dissoluunt, rursusque in seipsam remigrans. Vnūquodque autem elementorum duas specificas qualitates habet, quarum priorē sibi propriam retinet, in altera tanquam media cōuenit cum sequenti. Est enim ignis calidus & siccus, terra sicca & frigida, aqua frigida & humida, aer humidus & calidus. Atque hoc modo secundum duas qualitates contrarias elementa sibi contraria sunt, ut ignis aquæ, & terra aeri. Adhuc secundum alium modum elementa sibi opponuntur: Nam quædam grauiasunt, ut terra & aqua: & alia leuia, ut aer & ignis: quamobrem priora passiuas, posteriora uero actiuas Stoici nūcuparunt. Proinde adhuc Plato secundum aliū modum distinguens, tres unicuique assignat qualitates: igni uidelicet acuitatem, raritatem & motum: terræ autem obscuritatem, densitatem & quietem. Et secundum has qualitates contraria sunt elementa ignis, & terra. Reliqua autem elementa ab illis qualitates mutant, ita ut aer duas accipiat qualitates ignis, raritatem & motum: atque unam terræ uidelicet obscuritatem. Contra aqua duas quidem terræ, obscuritatem & densitatem: & unam ignis, uidelicet motum. Sed ignis aere duplo rarior, triplo mobilior, quadruplo acutior: Aer autem duplo acutior aqua, triplo rarior, quadruplo mobilior. Proinde aqua duplo acutior terra, triplo rarior, quadruplo mobilior. Quemadmodum itaque se habet ignis ad aerem, sic aer ad aquam, & aqua ad terram. rursusque, sicut terra ad aquam, sic illa ad aerem, atque hic ad ignem. Atque hæc est radix & fundamentum omnium corporum, naturarum, uirtutum & operum mirabilium: & qui has elementorum qualitates, & eorundem mixtiones cognouerit, facile perficiet opera miranda atque stupenda, eritque consummatus in Magia naturali.

De triplici elementorum ratione consideranda. Cap. IIII.



Vatuor itaque quæ diximus sunt elementa, sine quorum notitia perfecta nullum in Magia producere possumus effectum. Sunt autem singula triplicia, ut sic quaternarius compleat duodenarium: & per septenarium in denarium progrediens, ad supremam unitatem, unde omnis uirtus & mirabilis operatio dependet, fiat progressus. Primo igitur ordine elementa pura sunt, quæ nec componuntur, nec mutantur, nec patiuntur commixtionem, sed incorruptibilia sunt, & non à quibus, sed per quæ omnium naturalium rerum uirtutes producuntur in effectum. Virtutes illorum à nullo explicari possunt: quia in omnia possunt omnia. Hæc qui ignorat, ad nullam mirabilium effectuum operationem pertingere potest. Secundi ordinis elementa cōposita sunt multiplicia, & uaria, & impura, reducibilia tamē per artem ad puram simplicitatem: quibus tunc

ad suam simplicitatem reuersis, uirtus est super omnia complementum dans omnium operationum occultarum & operationum naturæ: & hæc sunt fundamentum totius Magiæ naturalis. Tertijs ordinis elementa hæc primo & per se non sunt elemēta, sed decomposita, uaria, multiplicia, & inter seinuicem permutabilia: ipsa sunt infallibile medium ideōq; uocantur media natura, siue anima mediæ naturæ: paucissimi sunt qui illorum profunda mysteria intelligant. In ipsis per certos numeros, gradus & ordines est consummatio omnis effectus in quacunq; re naturali, cœlesti & supercœlesti. miranda sunt, & plena mysteriis quæ operari possunt in Magia tã naturali q̃ diuina: per ipsa enim omnium rerum ligationes etiam solutiones & transmutationes, & futurorum cognitio & prædictio, etiam malorū dæmonum exterminatio & bonorum spirituum cōciliatio ab illis descendit. Sine his igitur triplicibus elementis eorundemq; cognitione, nemo cōfidat se in occultis Magiæ & naturæ scientiis quicq̃ posse operari. Quicunque autē hæc in illa, impura in pura, multiplicia in simplicia reducere nouerit, eorundemq; naturam, uirtutem, potestatem in numero, gradibus & ordine, sine diuisione substantiæ discernere sciuerit: is facile obtinebit oīm naturalium rerū, & cœlestiū secretorū sciētiam & operationē perfectā.

De mirabilibus ignis, ac terræ naturis. Caput V.



Domnium mirabilium operationem, ait Hermes, duo sufficiunt, ignis & terra: hæc est patiens, ille agens. Ignis (ut ait Dionysius) in omnibus & per oīa clare uenit, & remouetur, omnibus lucidus est, simul & occultus incognitusq;: ipse quādo per seipsum est, non accedente materia in qua propriam manifestet actionem immensus est, & inuisibilis, per seipsum potēs ad actionem propriam, mobilis, tradens seipsum omnibus quodam modo proximantibus, renouatiuus, naturæ custodia, illuminatiuus, circūuelatis splendoribus incomprehensus, clarus, discretus, resiliens, sursum ferēs, acute means, excelsus, non receptus contumelia minorationis, semper motus mouens, alterum comprehendens, incomprehensus, non indigus alterius, latenter crescēs à seipso, & ad susceptas materias manifestās suimet magnitudinem, actiuius, potēs simul omnibus præsens inuisibiliter, neglectus esse nō patitur, ad certam autem sicut quædam uindicta generaliter & propriæ subito reducens in rationem, incomprehensibilis, inpalpabilis, non minutus, in omnibus ditissimus suimet traditionibus. Immensa & improba rerū naturæ portio ignis est (ut ait Plinius) & in quo dubium sit plura absumat, an pariat. Ignis ipse unus est, & per omnia penetrās, ut aiūt Pythagorici, sed in cœlo dilatatus, collustrans, in inferno uero coarctatus, tenebrosus, & crucians: in meditullio de utroq; participans. Ignis itaq; in se unus, in recipiente multiplex, & in diuersis diuersa nota distributus, ut apud Ciceronē testatur Cleanthes. Est itaq; ignis hic adinuentitiuus quo utimur: est in lapidibus, qui ictu cha-

lybis excuritur: est in terra, quæ ex refossione fumat: est in aquis, qui fontes & puteos calefacit: est in profundo mari, quod uentis agitatū tepescit: est in aere, quæ sæpe feruescere uidemus: & animalia quæq; & uiuētia omnia, & uegetantia calore nutriūtur: & omne quod uiuit, propter inclusum ignem uiuit. Superni ignis propria sunt calor omnia fœcundans, & lux omnibus uitā tribuēs. Inferni ignis propria sunt ardor oīa consumēs, & obscuritas cūcta sterilitate cōplens. Fugat itaq; cœlestis & lucidus ignis tenebrosos dæmones: fugat & hic noster ligneus eosdem, quatenus habet simulachrum, & uehiculū lucis illius superioris. Quin & illius, qui ait, Ego sum lux mundi, qui uerus ignis est, pater luminum, à quo omne datum optimū uenit, splendorē ignis sui emittens, & communicans primo soli, & cæteris cœlestibus corporibus, & per hæc tanquā per media instrumēta illū in hunc ignem nostrū influēs. Sicut ergo tenebrarum dæmones in tenebris ipsis robustiores sunt: sic boni dæmones, qui sunt angeli lucis, incrementa suscipiunt à luce, non solum diuina, solari, & cœlesti, sed etiam eius qui apud nos est ignis. Hinc primi religionum & ceremoniarū sapientissimi institutores orationes & psalmodias, & sacra quæq; non nisi accēs luminibus fienda decreuerunt. Hinc illud Pythagoræ symbolum: Ne loquare de deo absq; lumine. iusseruntq; ad fugandos malos dæmones, apud cadauera mortuorum lumina accendi, & ignes, nec illa amoueri, quousq; perfectis sacro ritu expiationibus terra condatur: ipseq; omnipotens in ueteri lege exquirebat omnia sua sacrificia igne offerri, atq; ut in altari semper ignis arderet, quem etiam apud Romanos Vestæ sacerdotes perpetuum seruabant custodiebantq;. Omnium autem elementorum basis & fundamētum, terra est: ipsa enim est obiectum, subiectum, & receptaculum omnium radiorum influxuumq; cœlestium: ipsa in se cōtinet omnium rerum semina seminalesq; uirtutes: ideo ipsa dicitur animalis, uegetalis, & mineralis: quæ ab omnibus reliquis elementis ac cœlis fœcundata, omnium ex seipsa est gignitiua. Ipsa est receptiua omnium fœcunditatum, & ueluti prima parens etiā oīm pululatiua, centrū & fundamētū & mater omnium. Tolle de illa quantumcunq; secreta, lota, depurata, subtiliata, si dimiseris aliquandiu sub diuo, mox cœlestibus uiribus fœcundata & prægnās, ex seipsa producet plātas, producet uermiculos & animalia, producet lapillos, lucidasq; metallorū scintillas. In ea sunt secreta maxima, si quando fuerit per artificium ignis purgata, & ad simplicitatē suam congrua lotionē reducta. Ipsa est prima creationis nostræ materia & restorationis ac conseruationis nostræ uerissima medicina.

De admirandis aquæ, & aeris atq; uentorū naturis. Cap. VI.



On minoris potētiae sunt reliqua duo elemēta, aqua uidelicet & aer: nec in illis natura cessat mirabilia opari, Aquæ enim tanta necessitas est, ut absq; illa nullū animal degere possit: nulla herba, nec plāta quæuis, citra aquæ humectationē possit proger

minare. In ipsa est seminaria oīm rerū uirtus: animalīū primo, quorū semē aqueū esse manifestū est: sed & fruticū, & herbarū seminalicet terrea sint, tabefieri tamē aqua necesse est, si fœcūda esse debeant: siue id fiat humore terræ imbibito, aut rore, uel pluuiā, uel de industria adiecta aqua. Sola siquidē terra & aqua, à Mose describūtur producere aīam uiuētē. Sed aquæ duplicē productionē tribuit, natātium uidelicet in aquis, & uolātium in aere supra terrā. Terrenarū etiā productionū ipsi aquæ partim deberi, eadē scriptura testat, inquiēs, quod post creationē uirgulta & plātæ nō germinauerāt, quia deus nō pluerat super terrā. Tāta eius elemēti potestas est, ut nec spiritua-
lis regeneratio fiat sine aqua, sicut ipse Christus ad Nicodemū testatus est. Maxima quoq; eius in religione uis est, in expiationibus & purificationibus, nec minor q̄ ignis necessitas. Infinitæ eius utilitates sunt, & usus multiplex, resq; oēs ex eius potestate cōsistunt: ut quæ generādi, alendi, augmētādi uim possidet. Inde Thales Milesius atq; Hesiodus, aquā omnium rerū principiū statuerunt, omniumq; elementorū antiquissimum esse dixerūt atq; potentissimū, quippe quod cæteris omnib⁹ imperat. Nā, ut ait Plinius, terras deuorāt aquæ: flāmas necant: scandunt in sublime, & nubium obtētū cœlū sibi uendicāt: eadē cadentes omnium terra nascentiū causa fiūt. Innumera sunt aquarū miracula à Plinio, Solino, multisq; historicis descripta, de quarū mirabili uirtute etiā meminit Ouidius in his uersibus:

Medio tua corniger Hammon

Vnda die gelida est, ortuq; obituq; calefcit.

Admotis Athamantis aquis accendere lignum

Narratur, minimos cum luna recessit in orbes.

Flumen habent Cicones, quod potum saxea reddit

Viscera, quod tactis inducit marmora rebus.

Crathis & hinc Sybaris uestris conterminus oris,

Electro similes faciunt, auroq; capillos.

Quodq; magis mirum, sunt qui non corpora tantum,

Verum animos etiam ualeant mutare liquores.

Cui non audita est obscenæ Salmacis unda?

Aethiopesq; lacus: quos si quis faucibus hausit,

Aut furit, aut patitur mirum grauitate soporem.

Clitorio quicunq; sitim de fonte leuauit,

Vina fugit, gaudetq; meris abstemius undis.

Hinc fluit effectū dispar Lyncestius amnis:

Quem quicunq; parum moderato gutture traxit,

Haud aliter titubat, quā si mera uina bibisset.

Est lacus Arcadiæ Pheneum dixere priores,

Ambiguus suspectus aquis, quas nocte timeto,

Nocte nocent potæ, sine noxa luce bibuntur.

Refert præterea Iosephus fluminis cuiusdam inter Arceam & Raphaneâ Syriæ urbes admirabilem naturam: Qui cum pleno deferatur alueo, per integrum sabbathum mox ceu obturatis fontibus deficiens, per sex integros dies siccum alvei sui præbet transitum: rursusq; septimo die ignotis naturæ causis ad priorem redit aquarum abundantiam: quâ obrem incolæ illū Sabbathum nuncuparunt, ob sacrum Iudeis septimum diem. Testaturq; nobis euāgelium de piscina probatica, in quam post commotam ab angelo aquam qui prior in illam descendisset, à quacunq; ægritudine liberabat. Eadem uis atq; potestas fuisse legitur fonti Ionidum Nympharum, qui in Eliorum agro apud Heraclæam pagum iuxta Cytheron fluuium extabat: in quem qui ægroto corpore descēdisset, abacto omni corporis uirio sanus & integer inde exiret. Narrat Pausanias esse in Lycæo Arcadiæ mōte fontē qui Agriæ uocabatur, ad quē quoties regionis siccitas frugū interitum minaret, ingressus Iouis Lycæi sacerdos, post immolatas hostias sacris precibus sacros ueneratus latices, quercus ramum manu tenēs, ad sacrati fontis summos latices demittebat: tūc commotis aquis uapor exinde in aera sursum latus in nubes cōflabatur, cōcurrentibusq; nebulis cælū omne obducebatur nubibus: quibus paulo post in pluuiam resolutis, omnē regionem salubriter irrigabāt. Verū de aquarū miraculis præter cæteros autores multos, scripsit Ruffus Ephesius medicus miranda, & apud nullū alium quod sciam autorem reperta. Superest de aere dicere. Hic spiritus est uitalis, cuncta permeans entia, omnibus uitam & consistentiam præbens, ligans, mouēs, & implens omnia. Hinc Hebræorum doctores illum non inter elementa numerant, sed uelut medium & glutinum, diuersa insimul coniungens, & tanquā spiritum mundani instrumenti reboantē habēt. Ipse enim proxime cœlestium omnium influxus in se concipit, aliisq; cum elementis tum mixtis singulis communicat, nō minus etiā rerum omnium cum naturalium tum artificialium, & sermonum quorumcunq; species, uelut deificū quoddam speculum in se suscipit & retinet: illasq; secum ferēs corpora hominum & animalium, per poros ingrediens, tam in somno quā in uigilia illis imprimens, uariorum mirabilium somniorum, præfagiorum & auspiorum materiam præbet. Hinc etiam fieri dicunt, cur transiens locum, in quo homo occisus fuerit, uel cadauer recens absconditum, timore atq; pauore cōcitatur: quia aer ibidem plenus horribilibus homicidii speciebus, spiritum hominis, dum unā inspiratur, similibus speciebus afficit atq; perturbat: unde contingit sequi pauorem: Omne nanq; subito imprimēs, naturā stupefacit. Hinc multi philosophi arbitrati sunt, aerē causam esse somniorum, pluriumq; aliarum animæ impressiōnū, per delationem idolorū, seu similitudinum, seu specierū, quæ deciduntur à rebus & sermonibus in ipso aere multiplicatis, quousq; perueniant ad sensus, & tandem ad phātasiam, & animam recipientis, uidelicet quæ soluta curis, nec impedita, species hu-

iussimodi obuiam expectans, ab illis informatur. Ipsæ nanq; rerum species, licet ex propria natura deferantur ad sensus hominū & animalium, possunt tamen à cælo, dum sunt in aere, acquirere aliquam impressionē, ex qua unā cum aptitudine, à dispositione recipiētis magis ferantur ad sensum unius, quā alterius. Atq; hinc possibile est naturaliter, & procul omni superstitione, nullo alio spiritu mediante, hominē homini ad quācunq; longissimā etiā uel incognitā distantia & mansionē, breuissimo tēpore posse nunciare mentis suæ conceptū: etsi tēpus in quo istud fit, non possit præcise mensurari, tamen intra uigintiquatuor horas id fieri omnino necesse est: & ego id facere noui, & sæpius feci. Nouit idem etiam, fecitq; quondam abbas Trite mius. Quō etiā idola quēdā, nō modo spiritalia, sed etiam naturalia à rebus effluant, ut puta per influxum quendam corporū à corporibus, atq; in ipso aere conualescāt, tum per lumen, tum per motū, tum ad uisum, tū ad alios etiam sensus, sese nobis offerant & ostendant, & in nos mirabilia quandoq; agant, probat docetq; Plotinus. Et nos uidemus quomodo austro flāte aer densatur in tenues nubes, in quibus ueluti in speculo reflectūtur imagines ualde distātes castrorū, montium, equorum & hominū, & aliarū rerum, quæ decedētibus nubibus mox euanescent. Et in Meteoris prodit Aristoteles, quoniam in nube aeris concipiatur iris, quadam speculi similitudine. Et Albertus, effigies corporum, inquit, naturæ ui in aere humecto facile effingi possunt eodem modo, quo imagines rerum sunt in rebus. Et narrat Aristoteles, cuidā ex uisus debilitate contigisse, ut speculum illi fieret propinquus aer, & radius uisuius ad ipsum repercuteret, nec posset penetrare, unde quorsum ibat, idolum suum aduersa facie, sese præcedere arbitrabatur. Similiter speculorum quorundam artificio, quas uolumus imagines in aere, etiā remote, extra specula producuntur: quæ tunc imperiti homines uidentes, dæmonum, aut animarum umbras se uidere putant: cum tamē non sint, nisi simulcra quædam sibiipsis cognata, ac uitæ omnis expertia. Et notum est, si quis in loco obscuro, & omnis luminis experte, nisi quod per minimū foramen solis radius alicubi ingrediatur, supposita illi papyro alba, aut speculo plano, uideri in ea quæcunq; foris à sole illustrata agantur. Et est aliud præstigiū admirandū magis, ubi pictis certo artificio imaginib; scriptis uel literis, quis nocte serena plenæ lunæ radiis opponat, quarum simulacris in aere multiplicatis, sursumq; raptis, & unā cū lunæ radiis reflexis, alius quispian rei conscius per longam distantiam uidet, legit, & agnoscit, in ipso disco, seu circulo lunæ: quod equidem nunciandorū secretorū obsessis uillis, & ciuitatibus utilissimū artificium est, olim à Pythagora factitatū, & hodie aliquibus adhuc, pariter & mihi nō incognitū. Atq; oīa hæc, & multo plura, maioraq; in ipsa aeris natura fundata sunt: & ex mathematica, atq; optica, suas rationes habent. Et sicuti hæc simulacra reflectūtur ad uisum, ita nonnūq; etiam ad auditum, quod in echo manifestum est. Sed sunt illis occultiora

artificia, quo quis etiam per remotā distantia, audire & intelligere queat, quid alius loquatur, uel susurret in occulto. Ex aereo elemento sunt etiam uēti: ipsi enim nihil aliud sunt, q̄ motus aer, & cōcitatus. Horū quatuor sunt principales, à quatuor cœli cardinib⁹ flātes, uidelicet Notus ab austro, Boreas ab aquilone, Zephyrus ab occidēte, & ab oriente Apeleotes siue Euris: quos Pontanus his duobus uersiculis complexus ait:

A summo Boreas, Notus imo spirat olympo.

Occasum insedit Zephyrus, uenit Euris ab ortu.

Notus uentus meridionalis est, nebulosus & humectus, & calidus, & morbosus, quē Hieronymus uocat pincernā pluuiarū. Ouidius sic describit:

Madidis Notus euolat alis

Terribilem picea tectus caligine uultum,

Barba grauis nimbis, canis fluit unda capillis,

Fronte sedent nebulae, rorant pennaeq; sinusq;

Boreas autem Noto contrarius, septentrionalis uentus est, uiolentus & sonorus, qui nubes discutiens aerem serenum reddit, aquā gelu constringit: hunc Ouidius de se sic inducit loquentem:

Apta mihi uis est, qua tristitia nubila pello,

Et freta concutio, nodosaq; robora uerto,

Induro nubes, & terras grandine pulso:

Idem ego, quum fratres cœlo sum nactus aperto,

(Nam mihi campus is est) tanto molimine luctor,

Vt medius nostris concussibus infonet æther,

Exiliantq; cauis elisi nubibus ignes.

Idem ego, cum subii conuexa foramina terræ,

Supposuiq; ferox imis mea terga cauernis,

Sollicito manes, totumq; tremoribus orbem

Concutio.

Zephyrus uero, qui & fauonius, uentus leuissimus ab occidente flans, & placide spirās, frigidus est & humidus, resoluēs hyemes, germina floresq; producens, huic cōtrarius Euris, qui & subsolanus, & Apeleotes, ab oriēte, uentus aquosus & nubificus, & rapidē uoracitatis. de istis ita canit Ouidius:

Euris ad auroram, Nabathæaq; regna recessit,

Perfidaq; & radiis iuga subdita matutinis.

Vesper, & occiduo quæ littora solæ tepescunt,

Proxima sunt Zephyro, Scythiam septemq; triones,

Horrifer inuasit Boreas: contraria tellus

Nubibus assiduis, pluuiioq; madescit ab Austro.

De generibus compositorum, quomodo se habeant

ad elementa, atq; quid elementis ipsis conueniat

cū anima, & sensibus, & moribus. Cap. VII.



Ost quatuor simplicia elemēta, proxime sequuntur ex illis cōposita perfectorum quatuor genera, quæ sunt lapides, metalla, plantæ, & animalia: & licet ad singulorum generationē omnia elementa in cōpositionē conueniant, singula tamen unū præcipuum elementū sequuntur imitanturq;: Nam lapides omnes terrei sunt, natura siquidem graues sunt, & descēdunt, & ita concreti siccitate, ut liquefi eri nequeant. Metalla aut aquea sunt & liquabilia, & quod confitentur phyfici, experiuntur alchimici, ex aqua uiscosa, siue ex aqueo argento uiuo generata sunt. Plantæ sic cum aerē conueniunt, ut nisi sub diuo non pullulent, neq; coalescant. Sic animalibus omnibus,

Igneus est ollis uigor & cœlestis origo.

Adeoq; cognatus illis ignis est, ut eo extincto mox tota uita deficiat. Rursus unumquodq; illorum generum in se distinctum est per elemētorū gradus. Nam inter lapides præcipue terrei dicuntur, qui opaci sunt, & grauiorē: aquei aut, qui transparentes sunt: & qui ex aqua concreti sunt, ut crysallus, berillus, & margaritæ in conchis: & sunt aerei qui aque supernatāt, & spōgiosi sunt, ut lapis, spōgia, & pumex, & tophus: sunt & ignei, ex quibus ignis extrahitur, & in ipsum aliquando resoluitur, aut ex ipso geniti sunt: sicut lapis fulminis, & lapis pyrites atq; asbestus. Similiter inter metalla, terrea sunt plumbum & argentum: aquea, argentū uiuum: aera, cuprum, & stannum: ignea uero, aurum atq; ferrum. In plantis quoq; terrā imitātur radices, propter densitatem: folia autem, aquam propter succum: flores aerem, propter subtilitatem: semina ignem, propter spiritū gignitiuum. Præterea aliæ dicuntur calidæ, aliæ frigidæ, aliæ humidæ, aliæ siccæ, elemētorumq; nomina ab eorum qualitatibus sibi mutuantes. Inter animalia etiam quædā præ cæteris terrea sunt, & terræ uiscera inhabitant, ut uermes, & lumbrici, & talpæ, & multa reptilia: alia aquea sunt, ut pisces: alia aerea, quæ extra aerem uiuere nequeant: sunt & ignea ignem habitātes, ut salamandræ, & quædā cicadæ, pyraustas uocant, & quæ igneo quodam calore feruēt: ut columbæ, strutiones, leones, & quas uocat Sapiens bestias uaporem igneum spirātes. Præterea in animalibus terram referunt ossa, caro aerem, & spiritus uitalis ignē, aquam uero humores. Et hi etiam elementis partiti sunt, nā rubra cholera cedit igni, sanguis aerei, pituita aquæ, nigra bilis terræ. In ipsa deniq; anima, teste Augustino, refert ignem intellectus, aerem ratio, aquā imaginatio, terram uero sensus. Atq; hi etiam inter se elementis dispartiuntur, nam uisus igneus est, nec enim sine igne & luce percipit: auditus aereus est, nam aere percusso sonus efficitur: olfactus autem & gustus ad aquam referuntur, sine cuius humore nec sapor nec odor fit: deniq; tactus totus terreus est, & crassiora corpora sibi adsciscens. Actus quoq; & operationes hoīs ab elementis moderant: tardus enim motus & solidus, à terra signatur: pauorē, & inertiā, & remissum opus, aqua signat: alacritatē, et amicabiles mores, aer: impetū

acutū & iracūdū, ignis. Elemēta itaq; omniū prima sunt, & omnia ex illis & secundū illa sunt, atq; ipsa in omnibus, & per omnia uires suas diffundūt.

Quomodo elementa sunt in cœlis, in stellis, in dæmonibus, in angelis, in ipso deniq; deo. Cap. VIII.



ST Platoniorum omnium unanimis sententia, quemadmodum in archetypo mundo omnia sunt in omnibus, ita etiam in hoc corporeo mundo, omnia in omnibus esse, modis tamē diuersis, pro natura uidelicet suscipientiū: sic & elementa non solum non sunt in istis inferioribus, sed & in cœlis, in stellis, in dæmonibus, in angelis, in ipso deniq; omnium opifice & archetypo. Sed in istis inferioribus elemēta sunt crassæ quædam formæ, immersæ materiæ, & materialia elementa: in cœlis autem sunt elementa per eorum naturas & uires: modo uidelicet cœlestis & multo excellentiori, quàm infra lunam. Nam cœlestis terræ soliditas illic est absq; crassitudine aquæ: & aeris agilitas procul ab effluxu: ignis calor ibi non urens, sed lucens, omniaq; suo calore uiuificans. Ex stellis præterea ignei sunt Mars, atq; Sol: aeri, Iupiter & Venus: aquei, Saturnus & Mercurius: terrei, qui incolant orbem octauū, atq; Luna (quæ tamē à plerisq; aquea putatur) quādo uidelicet terræ instar cœlestes aquas attrahit, quibus imbibita uicinitate sua illas nobis influit & cōmunicat. Sūt etiam inter signa quædam ignea, quædam terrea, quædā aëra, quædā aquea: reguntq; in cœlis elementa, quatuor illas triplicitates distribuentes illis cuiusq; elementi principium, medium & finem: sic principium ignis Aries, progressum & augmentū Leo, finem Sagittarius habent: principium terræ Taurus, progressum Virgo, extremum Capricornus: aeris principium Gemini, processum Libra, terminū Aquarius: aquæ principium Cancer, medium Scorpius, finem Pisces possident. Ex horum itaq; planetarū & signorum mixtionibus simul cum elemētis, conficiuntur omnia corpora. Iam uero etiam & dæmones hac ratione à se distincti sunt: ut alii dicātur ignei, alii terrestres, alii aerei, alii aquei. Hinc illi apud inferos quatuor fluuii, igneus Phlegethon, æreus Cocytus, Styx aqueus, terreus Acheron. Quin & in euangeliiis legimus ignē gehennæ, & ignem æternum, in quem ire iubebuntur maledicti: & in Apocalypsi legit, stagnū ignis: & Esaias de dānatis ait, Percutiet eos dominus aere corrupto: & apud Iob: Ad nimium calorē transilient ab aquis niuium: & apud eundem legimus, terrā tenebrosam & operatā mortis caligine, terram miseriæ & tenebrarum. Proinde etiā in supramundanis angelis & beatis intelligentiis hæc elemēta ponūtur: est enim in ipsis essentiæ stabilitas, terrea uis, qua sunt firma dei sedilia: est & clementia pietasq; aquea uirtus mundans: Hinc à Psalmista uocantur aquæ, ubi de cœlo ait, Qui regis aquas supiora eis: sunt etiā in illis aer subtilis spiritus, & amor ignis relucens: hinc uocātur à sacris literis, pennæ uentorum: & alibi de illis ait Psalmista: Qui facis angelos tuos spiritus, & ministros tuos ignē urentē.

Ex ordinibus quoq; angelicis ignei sunt seraphin, & uirtutes, & potestates: terrei cherubin: aquei, throni, & archangeli: aerei dominationes & principatus. De ipso etiā archetypo omnium rerum opifice nōne legit, Aperiatur terra, & germinet saluatorē: nonne de eodē dicitur, fons aquæ uiuæ mūdificans & regenerans: nōne idē spiritus spirans spiraculū uitę: idēq; etiā Mose & Paulo testibus, ignis consumens est: Elementa igitur ubiq; & in omnibus reperiri suo modo, nemo negare potest: primū in istis inferioribus, sed feculēta & crassa, in cōlestibus aut puriora & nitida: in supracōlestibus uero uiuentia, & ex omni parte beata. Sunt igitur elemēta, in archetypo ideā producendorū, in intelligentiis distributę potestates, in cōlis uirtutes, in inferioribus crassiores formę.

*Elemēta oī-
bus insunt re-
bus.*

De uirtutibus rerum naturalium ab elementis proxime
dependentibus. Caput IX.



Virtutes rerum naturales quædā sunt elementales, ut calefacere, frigefacere, humefacere, exsiccare: & uocantur operationes seu qualitates primę, & secundū actū: hæ enim qualitates solę totā omnino transmutāt substantiā, quod alię qualitatū nulla facit: quædā uero insunt rebus ab elementis cōponētibus tales, etiā ultra qualitates primas, ut sunt maturatiuę, digestiuę, resolutiuę, mollificatiuę, induratiuę, stypticę, absterfuię, corrosiuę, causticę, apertiuę, euaporatiuę, cōfortatiuę, mitigatiuę, cōglutinatiuę, opilatiuę, expulsiuę, retētiuę, attractiuę, repulsiuę, stupefactiuę, elargitiuę, lubricatiuę, & alię plures: multa enim habet agere qualitas elemētalīs in mixto, q̄ per se nō operat. Et hæ operationes dicūt qualitates secundarię, q̄a sequūtur naturā & mēsurā mixtionis primę uirtutū: quēadmodū de his in medicorū libris copiose tractat: sicut maturatio, q̄ est operatio caloris naturalis secundū certā mēsurā in substantia materię: induratio operatio est frigoris: similiter & congelatio, & sic de similibus. Et hæ operationes quādoq; agūt in mēbrum determinatū, ut prouocantes urinam, uel lac, uel menstrua, & dicūtur qualitates tercię, quę sequuntur secundas, sicut secundę primas. Secundū has itaq; primas, secundas & tertias qualitates, multę ægritudines & curantur & inducuntur. Multa etiā artificialiter fiunt, quę homines ualde admirātur: sicut est ignis aquā cōburens, quē uocāt ignē Græcū: cuius plures cōpositiones docet Aristoteles in tractatu de hoc singulari. Simili modo fit etiā ignis, qui oleo extinguitur, & aqua accenditur frigida, quando rorat desuper: & ignis qui pluuia, uel uēto, uel sole accēdit. & fit ignis, qui uocatur aqua ardēs, cuius cōfectio notissima est, qui nihil cōsumit præter seipsum: & fiunt ignes inextinguibiles, & olea incombustibilia, & lampades perpetuę, quę nec uento, nec aqua, nec ullo modo extingui possunt: quod penitus incredibile uidetur, nisi fuisset famosissima illa lampas, quę in templo Veneris quōdam lucebat, in qua ardebat lapis asbestus, qui semel accensus reuera, nunquā extinguitur. Cō-

*Virtutes na-
turales rerū
uarię.*

*Artificiosa
multa admit-
tenda.*

tra etiam præparatur lignum, uel aliud quoddam combustibile, ut ab igne lædi nō possit, et fiūt cōfectiones qbus inunctis manibus possumus portare ferrū ignitū, aut mittere manū i metallū liquefactū, seu toto corpore ire in ignē absq; ullo malo, et horū similia. Et est genus lini, quod Plinius asbestū uocat, Græci ἄσβεστον dicūt, quod ignibus nō absumitur, de quo Anaxilaus ait, circumdatā eo arborē surdis, et qui nō exaudiant iētibus cædi.

De uirtutibus rerum occultis. Cap. X.



Nsunt præterea rebus uirtutes aliæ, quæ non sunt alicuius elementī, sicut fugare uenenū, pellere anthraces, attrahere ferrū, uel quid aliud: et hæc uirtus est sequela speciei, et formæ rei huius, uel istius. Vnde etiam exigua quantitate non exiguum habet in agendo effectum: quod non est elementalī qualitatī concessum. Nā hæc uirtutes, quia multum formales sunt, ideo cum minima materia plurimū possunt: elementalī autē uirtus, quia materialis est, ut multū agat, multā etiā desiderat materiā. Vocātur autē proprietates occultæ: quia causæ earū latentes sunt, ita quod humanus intellectus non potest eas usquequaq; inuestigare: quare philosophi maximā earū partē longa experiētia, plus q̄ rationis indagine adepti sunt. nā ut in stomacho cibus digeritur per calorē, quē cognoscimus: sic transformatur per uirtutē quādam occultam, quam ignoramus: non quidē per calorē, quia sic in foco potius apud ignē q̄ in stomacho transformaretur. Sic sunt rebus ultra elementales qualitates quas cognoscimus innatæ quādā aliæ uirtutes, & ita à natura cōcreatæ, quas admiramur, ac sæpe stupeſcimus nobis ignotas, uel raro uel nusq̄ conspectas: ut de phœnicē aue unica seipsam renouante legitur apud Ouidium:

Vna est quæ reparat, sese ipsa refeminat ales,

Aſſyrii phœnica uocant.

Et alibi:

Conuenit Aegyptus tanti ad miracula uisus,

Et raram uolucrem turba salutat ouans.

Admirationem grandem tum Græcis tum Romanis olim de se Matreas peperit: Is dicebat feram à se nutriri, quæ ipsa semet uoraret. Vnde & hodie adhuc anxie multi scrutantur, quæ nam sit Matrea fera. Quis non miretur fossiles ex terra pisces, de quibus Aristoteles, Theophrastus & Polybius historicus prodiderunt: Et quæ de canentibus lapidibus tradidit Pausanias, oīa sunt occultarū uirtutū opa. Sic auis struthio ferrū frigidū atq; durissimū coq̄t, & digerit in corporis sui nutrimentū: cui? stomachus tradit etiā ferro ignito nō lædi. Sic pisciculus ille echeneis, ita frenat uētorū impet⁹, & domat æquoris rabiē, ut quantūcūq; etiā imperēt & sæuiāt procellæ, infinitis etiā uelis per uentum tensis, tamē usq; adeo solo tactu cōpescit & cogit stare nauigia, ut moueri nullo modo possint: sic salamādræ & pyraustæ bestiolæ uiuunt in igne: & licet quandoq; ardere uideantur, tamē non lædūtur. Simile est de quodam bitumine, quo oblita dicuntur fuisse arma Amazonū, quod

Proprietates occultæ cur dicuntur.

Matrea fera.

nec ferro, nec igne soluitur: cū quo etiam & portā Caspiā ex ære fabricatā illitā fabulantur ab Alexandro magno: simili etiam bitumine legitur arcā Noë cōglutinatam fuisse, ipsa à tot milibus annorum super montibus Armeniæ adhuc durare. Sunt horum mirabilium alia multa uix credibilia, quæ tamen experientia ipsa cognita sunt: cuiusmodi de Satyris prodit antiquitas, quæ animalia semihumana ac semibruta figura constant, sermonis tamen & rationis capacia: quorū unum quēpiā beato Antonio eremitæ quondā locutum, & gentilem errorē in se animalibus colendis dānasse, cōmunemq; deum pro se precandū orasse, ipse refert sacer Hieronymus, eorumq; uiuentem unum olim in publicum productum affirmat, & mox ad Constantinum principem destinatum.

Quomodo uirtutes occultæ infunduntur rerum speciebus ab ideis, per rationes animæ mūdi, stellarūq; radios: & quæ res hac uirtute magis abundant. Cap. XI.



Platonici omnia inferiora ferūt esse ideata à superioribus ideis: ideam autē definiunt esse formā supra corpora, animas, mētes, unam, simplicem, puram, immutabilem, indiuisibilē, incorporeā & æternā: atq; eandē idearū oīm esse naturā. Ponūt autē ideās primo in ipso quidē bono, hoc est deo, per causę modū, solū esse relatiuis quibusdam rationibus inter se distinctas: ne, quicquid est in mundo, sine ullā uarietate sit unicū: conuenire tamen inter se essentia, ne deus sit substantia multiplex. Ponunt secundo in ipso intelligibili, hoc est in anima mūdi, per formas proprię, atq; insuper absolutis formis inuicem differētes, ita ut ideā in deo quidē omnes una forma sint: in anima mundi uero multæ: ponuntur in sequentibus mentibus siue corpori coniunctis, siue à corpore separatis, participatione iam quadam, & gradatim iam magis magisq; distinctæ. Ponunt in natura tanq̃ semina quædā infima formarū ab ideis infusa. ponunt in materia deniq; ut umbras. Accedit ad hæc, quod totidē sunt in anima mundi rationes rerū seminales, quot ideæ sunt in mēte diuina: quibus ipsa rationibus ædificauit sibi in cœlis ultra stellas etiā figuras, impressitq; his omnibus proprietates. Ab his itaq; stellis, figuris ac proprietatibus omnes specierum inferiorū uirtutes & proprietates dependēt, ita, ut quælibet species, habeat figurā cœlestē sibi conuenientē, ex qua etiā prouenit sibi mirabilis potestas in operando, qualē per rationes animæ mūdi seminales propriam ab idea sua suscipit dotem. Sunt enim ideæ nō modo causæ essendi alicuius speciei, sed etiā sunt causæ cuiusq; uirtutis, quæ tali speciei inest: & hoc est, quod multi dicūt philosophorū, quod uirtutibus certis, scilicet certam & stabilem rationē habentibus, non fortuitis, nec casualibus, sed efficacibus, sed potentibus & indeficientibus, nihil frustra, nihil incassum agētib; mouentur uirtutes in natura rerū existentes, quæ quidē uirtutes sunt idearū operationes: quæ non errant nisi per accidēs ex impuritate uidelicet

& inæqualitate materiæ: hoc enim modo inueniuntur res etiã eiusdẽ speciei magis ac minus potentes, secundũ puritatẽ uel confusione materiẽ, omnes enim influxus cœlestes impediri possunt per cõfusionem & inabilitatẽ materiæ. Vnde Platoniciis ipsis in prouerbio fuit, secundũ merita materiæ infundi uirtutes cœlestes: de quo & Vergilius meminit ubi canit:

igneus est ollis uigor, & cœlestis origo

Seminibus, quantum non noxia corpora tardant.

Quare hæ res, in quibus minus immergitur idea materiæ, hoc est, quæ separatorum maiorem accipiunt similitudinem, uirtutes habent potentiores in operatione, similes operationi ideæ separata. Scimus itaq; situm ac figuram cœlestium, causam esse omnis nobilis uirtutis, quæ est in speciebus inferioribus.

Quomodo diuersis indiuiduis, etiam eiusdem speciei, diuersæ uirtutes influuntur. Cap. XII.



Indiuiduorum singulares etiã dotes plurimis insunt, tam mirabiles, quàm in speciebus, etiam à figura cœlestium situq; stellarum. Omne enim indiuiduum quando incipit esse sub determinato horoscopo & constellatione cœlesti, contrahit cū esse, mirabilem quandam uirtutem operandi & patiendi, rem mirabilem, etiam præter eam quam habet à sua specie, cum per influxum cœlestium, tum per obedientiam materiæ generabilium ad animam mundi, quæ quidem talis est, qualis est obedientia nostri corporis ad nostras animas. Nos enim sentimus in nobis id, quòd ad quamcunq; formam concipimus, mouetur corpus nostrum delectabiliter, uel horrende, uel fugiendo: sic frequenter animæ cœlestes, quando diuersa concipiunt, tunc materia mouetur per obedientiam ad illud: sic in natura multa apparent prodigia ex imaginatione superiorum motuum: sic etiam uirtutes diuersas, nō modo res naturales, sed etiam quandoq; res artificiales concipiunt, & hoc maxime si anima operantis in idem nititur. Vnde inquit Auicenna, quæcunq; hic fiunt, oportet præexistere in motibus & conceptionibus stellarum, & orbium. Sic fiunt in rebus uarii effectus, inclinationes & mores, non tātummodo à materia uarie disposita, ut pleriq; opinantur, sed ab influxu uario & forma diuersa: nō quidem diuersitate specifica, sed particulari & propria. Et horum gradus uarie distribuuntur ab ipsa omnium prima causa deo, qui idem manens distribuit singulis ut uult, cui tamen cooperantur secundæ causæ, angelicæ & cœlestes, corpoream materiam, & alia illis commissa disponentes. Infunduntur itaq; uirtutes omnes à deo per mundi animam, particulari tamen uirtute imaginum & intelligentiarum præfidentium, & concursu radiorum & aspectuum stellarum peculiari quodam & harmonico concentu.

Vnde proueniant uirtutes rerum occultæ.

Caput XIII.



OMnibus notum est, uirtutem quādam magneti inesse, qua fer-
rum attrahit: & quod adamas sua præsencia uirtutem magne-
tis tollit: sic electrum & balagius cōfricati & calefacti paleam
deducunt: lapis asbestus accensus, nunquam aut uix extingui-
tur: carbunculus in tenebris lucet: aëtites foetus mulierum & plātarum, su-
perpositus corroborat, suppositus trahit: iaspis sanguinem cōprimit: echi-
neis nauem sistit: rabarbarum, cholera depellit. Chamæleontis iecur sum-
mis tegulis exustum, imbres & tonitrua excitat. Heliotropius lapis uisum
perstringit, & gestantem inuisibilē reddit: lyncurius lapis præstigia ab ocu-
lis aufert: lipparis suffitus omnes bestias euocat: Synochitides umbras infe-
rorum educit: anachitides diuorū imagines apparere facit: Ennectis somni-
antibus suppositus oracula reddit. Est herba Aethiopica, qua ferūt siccari
stagna, & clausa omnia aperiri, & laticem herbā legimus à Persarum regi-
bus dari legatis, ut quocunq; uenissent, rerum copia abundarent. Est & her-
ba Spartanica, siue Scythica, qua gustata uel saltē in ore detenta, ferunt Scy-
thas duodecim dies fame & siti durare. & dicit Apuleius se à numine edoctū,
multa herbarum & lapidum genera esse, quibus homines etiam perpetuā
uitam sibi contribuere possunt: sed fas non esse, scientiam eorum homines
cognoscere: qui cum paruum tempus uiuētes, malis auide studeant, & nul-
lum non scelus audeant: si prolixitatem temporis accipiant, neq; diis ipsis
parsuros. Verum unde nam sint hæc uirtutes, nemo ex his prodidit, qui de
rerū proprietatibus ingentia uolumina ediderūt, nō Hermes, nō Boethus,
nō Aaron, nō Orpheus, nō Theophrastus, nō Thebith, nō Zenothemis, nō
Zoroaster, non Euax, non Dioscorides, non Isaac Iudæus, nō Zacharias Ba-
bylonius, non Alberrus, non Arnoldus: & tamen omnes hi fassi sunt, quod
Zacharias ad Mithridatem scribit, magnā uim, & humana fata lapidū her-
barumq; uirtutibus inesse. Vnde igitur hæc ueniant altior speculatio requi-
ritur. Opinatur Alexander Peripateticus, à suis sensibus & qualitatibus non
discedens, hæc ab elementis earundemq; qualitatibus prouenire: quod for-
te uerum putari posset, nisi qualitates illæ sint eiusdem speciei, operationes
autem lapidum multæ, nec in specie, nec in genere conuenientes. Ideo Aca-
demici cum suo Platone ideis rerum formatricibus has uirtutes attribuūt:
Auicenna autem ad intelligentias, Hermes ad stellas, Albertus ad formas
rerum specificas, huiusmodi operationes reducunt. Et quāuis hi autores si-
bi inuicem aduersari uideantur, nullus tamen eorū, si recte intelligatur, à ue-
ritate discedit: cum omnia eorum dicta ad eundem effectū in pluribus con-
ueniant. Deus enim in primis omnium uirtutū finis & origo, sigillū idearū
ministris suis præstat intelligētis: qui tanquā fideles executores, res quasq;
sibi creditas ideali uirtute consignāt cœlis atq; stellis, tanquā instrumenta,
materiam interim disponentibus ad suscipiendum formas illas, quæ in ma-
iestate diuina, ut ait Plato in Timæo, per astra deducenda residēt: easq; da-

tor formarum distribuit per ministerium intelligentiarum, quas super opera sua constituit rectrices & custodes, quibus ea facultas in rebus sibi commissis credita est, ut omnis uirtus lapidum, herbarum, metallorum & ceterorum omnium sit ab ipsis intelligentiis præsentibus. Prouenit itaque forma & uirtus primo ab ideis, deinde ab intelligentiis præsentibus & regentibus, postea à cælorum aspectibus disponentibus, porro ab elementorum dispositis complexionibus correspondentibus cælorum influxibus, à quibus ipsa elementa disponuntur. Habent igitur operationes eiusmodi in rebus istis inferioribus per expressas formas, in cælis autem per uirtutes disponentes, in intelligentiis per rationes medianas, in archetypo per ideas & formas exemplares, quas omnes in cuiusque rei effectus & uirtutis executione conuenire necesse est. Virtus igitur & mirabilis operatio est in unaquaque herba & lapide, sed maior in stella, ultra quam etiam ab intelligentiis præsentibus unaquaque res multa sibi comparat: potissime autem à suprema causa, cui omnia mutua & consummata correspondent, consonantia suo harmonico concentu, ueluti hymnis quibusdam, semper summum illum opificem collaudantes, quemadmodum in fornace Chaldaica à sanctis illis pueris inuitantur cantantibus: Benedicite dominum uniuersa germinantia in terra, & omnia quæ mouentur in aquis, omnes uolucres cæli, bestię & pecora simul cum filiis hominum. Nulla itaque est causa necessitatis effectuum, quàm rerum omnium connexio cum prima causa, & correspondentia ad illa diuina exemplaria & ideas æternas, unde unaquaque res determinatum habet in archetypo particularem locum, unde uiuit & originem trahit: omnisque uirtus herbarum, lapidum, metallorum, animalium, uerborum & orationum, & omnium quæ sunt à deo, insita est. Qui licet per intelligentias, & cælos in hæc inferiora operatur, nonnunquam tamen omittit his mediis, aut suspeso eorum ministerio, immediate ex seipso illa facit deus, quæ opera tunc miracula uocant: nam cum primæ causæ impio & ordine, secundarię causę, quas ministras Plato & alii uocant, necessario agant, & effectus suos necessario producant, nonnunquam tamen pro libitu suo sic illas absoluit aut suspendit deus, ut ab illius imperii & ordinis necessitate penitus desistant. Et hæc maxia dei sunt miracula. Sic ignis in fornace Chaldaica non combustit pueros: sic sol ad imperium Iosue à cursu suo unius diei spatio retrocessit: sic ad Ezechia petitionem, per decem lineas siue horas regressus est: sic patiente Christo in plenilunio defectum sol sustinuit. Et harum operationum rationes, nullo rationis discursu, nulla magia, nulla quantumcunque occulta seu profunda scientia inuestigari aut attingi possunt, sed solis diuinis oraculis addiscenda sunt & exquirenda.

De spiritu mundi quis sit, & quod sit uinculum occultarum uirtutum. Cap. XIII.



Democritus autē & Orpheus, & multi Pythagoricorū, cœlestiū uires inferorūq; naturas diligentissime perscrutati, omnia plena diis esse dixerunt: nec abs re, siquidē nulla res est tā pręstantibus uiribus, quę uiduata diuino auxilio sui natura contenta sit. Deos autē uocabāt uirtutes diuinas in rebus diffusas: quas Zoroaster diuinas illices, Synesius symbolicas illecebras, alii uitas, alii etiā aīas nominabāt: & ab his uirtutes rerum depēdere dicebāt: quia solius animę sit, ab una materia extendi in res alias, circa quas operatur: sicut homo, qui extēdit intellectū ad intelligibilia, & imaginationē ad imaginabilia: & hoc est quod intelligebant dicētes, uidelicet unius entis animā egredi, & in aliud ingredi, & fascinare ipsum, & suas operationes impedire: quęadmodū adamas impedit magnetem, ne ferrum attrahat. Cū uero anima primū mobile sit, & ut dicunt, sponte & per se mobile: corpus uero uel materia per se ad motū inefficax, & ab ipsa anima longe degenerans, accirco ferunt opus esse excellentiori medio, scilicet, quod sit quasi nō corpus, sed quasi iam anima, siue quasi non anima, & quasi iam corpus, quo uidelicet anima corpori cōnectatur. Medium autē tale fingunt esse spiritum mundi, scilicet, quem dicimus essentiā quintam: quia non ex quatuor elementis, sed quoddam quintū super illa aut pręter illa subsistens. Talis igitur spiritus necessario requiritur tanq̃ mediū, quo animę cœlestes insint corpori crassiori, & mirificas dotes largiantur. Hic quidem spiritus talis formę est in corpore mundi, qualis in humano corpore noster: sicut enim animę nostrę uires per spiritum adhibentur membris, sic uirtus animę mundi per quintam essentiā dilatatur per omnia: nihil enim reperitur in toto mundo quod suę uirtutis scintilla careat. Magis tamē ac maxime infunditur his, qui huiusmodi spiritus plurimū hauserint: hauritur autē per radios stellarū, quatenus res his se reddunt conformes. Per hunc itaq; spiritū oīs occulta proprietas propagat, in herbas, lapides & metalla, & in animantia, per solē, per lunā, per planetas, perq; stellas planetis sublimiores. Potest autē hic spiritus nobis prodesse magis, si quis illū sciuerit ab aliis elementis plurimū segregare: aut saltem his rebus plurimū uti, quę hoc spiritu plurimū abundant. Hę siquidem res, in quibus spiritus ille minus immergitur corpori, ac minus cohibetur materia, potentius perfectiusq; agunt, tum etiā promptius generant, sibi simile: est enim omnis generatiua & seminaria uirtus in eo: quare Alchymistę nituntur eū spiritum ex auro argētoq; secernere: quem rite segregatum & extractum, si postea illum cuius eiusdem generis materię, hoc est, cuius metallorū adhibuerint, aurum statim argentumue conficiant. Et nos illud facere nouimus, & aliquando uidimus: sed non plus auri fabricare potuimus, nisi quantum erat illud auri pondus, de quo spiritum extraximus. Nam cum sit ille spiritus forma extensa & non intensa, non potest ultra suam mēsurā imperfectū corpus in perfectū pmutare: quod tamē fieri posse alio artificio non inficior.

Quomodo debemus inuestigare, & experiri uirtutes rerum, per uiam sumptam à similitudine. Cap. XV.



Atet ergo in rebus proprietates occultas non ab elemē tali natura, sed cœlitus inſitas, ſenſibus noſtris occultas, rationi uix deniq; notas: quæ quidem à uita ſpirituq; mundi per ipſos ſtellarum radios proficiſcuntur: quæ à nobis non aliter quàm experientia & coniecturis indagari poſſunt. Vnde ò cupiēs, qui in hoc ſtudio operari affectas, conſiderare debes, quòd unaquæq; res mouet & conuertit ad ſuum ſimile, & inclinat ad ſeipſum, ſecundum totum poſſe ſuum, tam in proprietate, ſcilicet in uirtute occulta, quàm in qualitate, ſcilicet uirtute elementalī. Quādoq; etiam in ipſa ſubſtātia, ſicut in ſale uidemus: nā quicquid diu ſteterit cum ſale, fit ſal: omne enim agens cū agere cœperit, non ad inferius ſeipſo mouet: ſed quodammodo quoad fieri poteſt, ad ſui par & cōſentaneum: quod etiam manifeſte uidemus in animantibus ſenſibilibus, in quibus cibum non in herbam, uel plantam, nutritiua uirtus trāſmutat, ſed in carnem conuertit ſenſibilem. Quibus igitur in rebus ineſt alicuius qualitatis uel proprietatis exceſſus, ut calor, frigus, audacia, timor, triſtitia, iracundia, amor, odium, uel quæuis alia paſſio, aut uirtus, ſiue inſit ipſis per naturam, ſiue quandoq; etiam per artem uel caſum, ut audacia in meretrice: hæ res ad talem qualitatem, paſſionem, uirtutem, maxime mouent & prouocant. Sic ignis mouet ad ignē, & aqua mouet ad aquā, & audax mouet ad audaciam. Et eſt notum apud medicos, quòd cerebrum iuuat ad cerebrū, & pulmo iuuat ad pulmonem: ſic ferunt, quòd ranæ dexter oculus dextro, ſiniſter ſiniſtro, ſuſpenſi è collo natiui coloris panno, lippitudines ſanant: ſimile etiam de cancri oculis ferunt: ſic pedes teſtudinis conferunt podagricis, adalligati ita, ut pes pedi, manus manui, dextro dextro, ſiniſtro leuſ ſuſpēdatur. Hoc modo dicunt, quòd omne animal ſterile prouocat ad ſterilitatem: & ex eo maxime teſticuli, & matrix uel urina. Sic ferūt mulierem non concipere quæ accipit omni mēſe de urina mulæ, uel aliquid inſuſum in ea. Si igitur uolumus operari ad aliquam proprietatē uel uirtutē, quæramus animantia, uel alias res, quibus talis proprietas excellentius ineſt, & ex his aſſumamus nobis partē, in qua talis proprietas uel uirtus maxime uiget: ut ſi quando uelimus promouere amorem, quæramus aliquod animal quod maxime diligit, cuiuſmodi ſunt columba, turtur, paſſer, hirūdo, motacilla: & ex his aſſumamus mēbra uel partes, in quibus maxime uiget Veneris appetitus: quæ ſunt cor, teſticuli, matrix, priapus, ſperma, menſtruum. Atq; id fiat eo tēpore, quando hæc animalia tali affectu maxime capiuntur, & intendunt: tunc enim ualde prouocant amorem, & inferunt. Simili modo ad augendam audaciam, quæramus leonē, uel gallum, & ex his capiamus cor, uel oculos, uel frontem. Et ſic intelligendum eſt, quod dicit Pſellus Platonius, quòd canes, & corui, & galli, conferunt ad uigiliam: etiā

philomela, & uespertilio, & noctua, atq; ex his maxime caput, cor, & oculi. Ideo dicunt, si quis cor corui, uel uespertilionis super se portauerit, nō dormitabit donec deponatur. Idem facit caput uespertilionis aridum alligatū in dextro brachio uigilantis: nam si ponatur super dormientem, fertur nō excitari, donec depositum fuerit. Eodem modo rana & bubo efficiūt loquacem, & ex his maxime lingua & cor: sic lingua ranæ aquaticæ supposita capiti, facit loqui in somnis: & cor bubonis impositū mammæ mulieris dormientis sinistræ, fertur efficere, ut omnia secreta pronunciet: idem fertur efficere cor noctuæ, & sepum leporis positum supra pectus dormientis. Eodem modo omnia animalia longæua ad uitam conferunt longæuam: & quæcunq; habentia in se uirtutem renouatiuam, conferunt ad nostri corporis renouationem & iuuentutis restitutionem, quod medici se nosse multoties ostenderunt: sicut manifestum est de uipera & serpentibus. Et notū est, quod cerui renouant senectutem suam comestione serpentum: eodem modo phœnix renouatur per rogam, quem sibi construit, & similis uirtus est in pellicano, cuius dexter pes si sub fimo calido ponatur, post tres menses regeneratur ex eo pellicanus. Idcirco medici quidā quibusdā confectio- nibus ex uipera & elleboro, & ex quorundā eiusmodi animalium carnibus cōfectis, promittūt restituere iuuentutē, & restituūt quādoq; nōnunquā etiā ralem, qualē Medea Pelix seni promissam restituit. Creditū quoq; est, ursi sanguinē applicato ore ē recenti uulnere haustū, hoc potionis genere corporei roboris incrementa præstari: quia id animal robustissimū sit.

Qualiter diuersarum uirtutum operationes transfun-

dantur ab una re in aliam, & sibi mutuo com-

municantur.

Caput XVI.



Cire debes, tantam esse rerum naturalium potētiam, quod nō modo cunctas res sibi propinquantes sua uirtute afficiant, uerum etiā præter hoc, infundunt ipsis cōsimilē potētiam, per quā hac eadē uirtute ipsæ etiā cetera afficiāt, quæadmodū in magne- te uidemus: qui quidē lapis non solū annulos ferreos trahit, sed uim etiā an- nulis ipsis infundit: qua hoc idē efficere possunt, qualē se uidisse referūt Au- gust. & Albertus. Hoc modo fert, quod meretrix publica in qua est audacia & impudētia exterminata, hac ipsa proprietate cūcta sibi propinqua afficit quæ deinde reddūt eā aliis. Ideo dicūt, quod si qs induat uestē uel camisiā meretricis, uel secū habuerit speculum in quo ipsa se quotidie speculauerit, reddetur audax, intimidus, impudēs & luxuriosus: simili modo dicūt pānū, qui fuerit in funere, concipere ex hoc proprietatē aliquā tristitiæ & saturna- lem: & laqueū suspendiosi similiter aliquas mirabiles habere proprietates. Simile est quod narrat Plinius, si quis terram substernat lacertæ uiridi ex- cæcatæ, & unā in uitreo uase annulos includat ferro solido uel auro, cum recepisse uisum lacertam apparuerit, per uitrum emissa annulos contra

lippitudinem ualere. Idem quoque in mustela & annulis ualere, cuius oculis punctim erutis, constat etiam uisum reuerti: simili modo ponuntur annuli per certum tempus in nido passerum siue hirundinum, quibus postea ad amorem uel beneuolentiam utimur.

Qualiter per litem & amicitiam, uirtutes rerum inuestiganda, & experiunda sunt. Cap. XVII.



Estat nunc uidere, quod omnes res habent inter se amicitiam & inimicitiam: & omnis res habet aliquod timendum & horribile inimicum & destructiuum: contra, aliquod exultans, lætificans & confortans: sic in elementis, ignis aduersatur aqua: & aer terræ: cæterum inter se conueniunt. Rursus in cælestibus Saturno amici sunt, Mercurius, Iupiter, Sol & Luna: inimici eius Mars & Venus: Iouis amici sunt omnes planetæ præter Martem: sic & Martem omnes odio habent, præter Venerem: Solem amant Iupiter & Venus, inimicantur Mars, Mercurius & Luna: Venerem diligunt omnes præter Saturnum: Mercurii amici sunt, Iupiter, Venus & Saturnus: inimici, Sol, Luna, Mars: Lunæ autem amici sunt, Iupiter, Venus, Saturnus: inimici, Mars & Mercurius. Est alia stellarum inimicitia, quando uidelicet habet domus oppositas: sicut Saturnus ad luminaria, Iupiter ad Mercurium, Mars ad Venerem. Et fortior inimicitia est eorū, quorum exaltationes oppositæ sunt: ut Saturni & Solis, Iouis & Martis, Veneris & Mercurii. Fortissima autem est amicitia eorum qui concordant in natura, qualitate, substantia, potestate, sicut Mars cum Sole, & Venus cum Luna, similiter Iupiter cum Venere: & est amicitia eorum quorum exaltatio est in domo alterius: ut Saturni cum Venere, Iouis cum Luna, Martis cum Saturno, Solis cum Marte, Veneris cum Ioue, Lunæ cum Venere. Et cuiusmodi sunt amicitia & inimicitia superiorū, tales sunt inclinationes rerum illis subditarū in istis inferioribus. Habitudines ergo istæ amicitia & inimicitia, nihil aliud sunt, quam inclinationes quedam rerum in se inuicem, appetendo talem uel talem rem, si absit: & moueri ad illā, nisi impediatur, & requiescere in adepto, fugiendo contrariū, & horrēdo proximationem eius, nec quiescere in illo. Hac itaque sententia ductus Heraclitus, professus est omnia fieri per litem, & amicitiam. Inclinationes uero amicitia in uegetabilibus, & mineralibus sunt, qualem habet magnes attractiuā in ferrum: & smaragdus in diuitias, & gratiam: iaspis in partum: achates in facundiam: Simili modo naphtha trahit ignem, profilitque in eā undecunque uisam: similiter aproxis herba radix, è longinquo attrahit ignem, ut naphtha: & similis inclinatio est inter palmā masculinam & fœminam: quarū cum ramum unius ramus alterius tetigerit, complicant se in mutuum amplexum, nec fructum fert fœmina absque masculo: & amygdala solitaria minus fœcunda est. Amant uites, ulmum, & oppium: & oliua myrtum mutuo diligit: similiter oliua & ficus. In animalibus uero amicitia est inter merulā

& turdum, cornicem & ardeolam, inter pauones & colūbas, turtures & psittacos. Vnde scribit Sappho ad Phaonem:

Et uariis albæ iunguntur sæpe columbæ,

Et niger à uiridi turtur amatur aue.

Rursus amici sunt musculus & balena. Nec solum animalium inter se amicitia est, sed etiam cū aliis rebus, ut cum metallis, & lapidibus, & cum uegetabilibus: sic feles siue catus gaudet nepeta herba, ad cuius affricationem concipere tradit, & defectū masculi, supplere: & equæ in Cappadocia se flatui uēti exponunt, atq; ex eius afflatu & attractu cōcipiunt: sic ranæ, buffones, serpentes, & quæcunq; uenenosa reptilia, gaudent in planta quæ apium risus dicitur, de qua ferunt medici, si quis comederit, ridendo moritur. Rursus testudo quando uenatur à serpente, comedit origanum, & confortatur per illud: & ciconia in serpentum pastu origano sibi salutem quærit: & mustela pugnatura cōtra regulum, comedit rutam: unde cognoscimus origanum & rutam uirtutem possidere contra uenena. Sic in quibusdam animalibus est naturalis peritia, & ars innata medicinalis: nam buffo quādo alieno morfu & ueneno uulneratur, solet adire rutam, uel saluiam, & locum uulneris affricare, & sic se à periculo ueneni liberare. Sic homines à brutis multa admodum morborum remedia, & rerum uirtutes edocti sunt: sic chelidoniam uisui salubrem herbam hirundines monstrauiere, quæ cū ea pulloꝝ suorum oculis medentur: & pica cū ægrotat, lauri folium in nidum immitit, & ita conualescit. Similiter palumbi, graculi, perdices, merule lauri foliis annum fastidium purgant, quo etiam corui chamæleontis uenenum extinguunt: & leo si febricitat, uorata simia cōualescit: upupa uua pasta læsa, adianto sibi medetur: sic dictamnnum herbam ad extrahendas sagittas utilem cerui docuerunt: siquidem percussi telo, hoc eius herbæ pastu eiiciunt: idem faciunt capræ Cretenſes: sed & ceruæ paulo ante partum, purgant se quadam herba, quæ fefelis dicitur: similiter phalangio tacti, canculos edendo sibi salutem quærunt: Sues etiam à serpentibus læsæ, eodem sibi pastu medentur: & corui cū uenenatos se sentiunt toxico Gallico, quercū, uel ut alii dicunt, coruatiam quærunt pro medela: Elephantes chamæleonte deuorato, sibi succurrunt oleastro: Vrsi à mandragora læsi deuoratis formicis euadunt: medentur sibi anseres, anates, cæteræq; aquaticæ aues herba fideritide: Columbæ, turtures, gallinæ, herba helxine: Grues iunco: Pantheræ contra aconitum sibi humanis stercorebus medentur: Apri hedera: Ceruæ herba cinnare.

*Animalium
cū aliis rebꝝ
amicitia.*

*Homines à brutis
quædam didicerint.*

De inimicitiarum inclinationibus. Cap. XVIII.



Conuerso se habent inimicitiarum inclinationes: sunt autem sicut odium naturæ inclinationes eiusmodi, & tanquam ira, indignatio & contrarietas quædam imperiosa, ut res fugiat suū cōtrariū, aut propellat tanquā fugientia à facie eius. Eiusmodi

Animalia
antipathia
atq; dissidia
um.

inclinationes habet rabarbarum in cholera, theriaca in uenenum, sapphi-
rus in anthracem, & ardores febriles, & ægritudines oculorum: amethystus
in ebrietatem: iaspis in fluxum sanguinis, & noxia phāta smata: smaragdus,
& agnus castus in libidinem: achates in uenena: Pæonia in morbum cadu-
cum: corallus in atre bilis illusiones, & dolores stomachi: topazius in ardo-
res spirituales, ut sunt auaritia, luxuria, & omnes excessus amoris. Similis
est inclinatio formicarum ad origanum herbam, & ad alam uespertilionis,
& ad cor upupæ, à quorum præsentia fugiunt: estq; etiam origanum solifu-
gis contrarium, & salamandris resistit: & cum brassica tam pertinaci odio
dissentit, ut alternatim sese conficiant: sic oleum oderunt cucumeres, ut in
hamum sese curuent, ne attingāt: & dicitur quod fel corui fugat & deterret
homines à loco ubi absconditum fuerit cum quibusdam aliis rebus: sic ada-
mas dissidet cum magnete, ut iuxta positus non sinat ferrū abstrahi: & apiū
raninum fugiunt oues tanq̃ mortiferum: & quod mirabilius est, signum hu-
ius mortis natura pinxit in hepatis ouium, in quibus figura apii ranini
descripta naturaliter apparet: similiter capræ sic odiunt ocimum, ut nihil
sibi ducant pestilentius. Rursus inter animalia dissentiunt mures & muste-
læ: unde caseos, si cerebrum mustelæ coagulo addatur, negant à muribus
attingi, nec corrumpi præterea uetustate: sic scorpionibus contrarius est
stellio intātum, ut uisu quoq; pauorem eis afferat, & torporem frigidi sudo-
ris: itaq; in oleo putrefaciunt, & interficiūt cum eo iētus inungētes scorpio-
num. Est etiam inimicitia inter scorpiones & mures: quare etiam mus sup-
positus puncturæ scorpionis, curare eam traditur. Inimicantur etiam scor-
pius & stalabores, aspides, & ichneumones. Fertur quoq; serpentibus nihil
æque aduersari quàm cancos, suesq; percussas hoc pabulo sibi mederi. Sol
etiam cum sit in cancro torqueri serpentes. etiam scorpium & crocodilus se
mutuo perimunt: & si quis crocodilum ibidis penna tangat, immobilē red-
det: otidis auis euolat uiso equo, & ceruus fugit uiso ariete: fugit etiam uisa
uipera: elephas audito grunnitu suis, & leones uiso gallo timēt: & pantheræ
non attingunt perunctos iure gallinarum, præcipue si allium ei fuerit inco-
ctum. Est etiā inimicitia inter uulpes, cygnos, tauros & cornices. Inter aues
quoq; perpetuum bellum gerunt cornices & noctuæ, miluius & coruus, pi-
talles & turtures, bicuthus & pagrus, clorius & turtur, ægepii & aquilæ, cerui
& dracones. Inter aquatilia etiam inimici sunt, delphines & balenæ, cestris &
lupus, muræna & congrus. Itē polypum intantū locusta pauet, ut si iuxta
uideat omnino moriatur. Locustam congrus, rursus polypum congrus lace-
rant: pantheris quoq; esse in metu hyæna dicitur, ut ne conetur quidem re-
sistere, & aliquid de corio earum attingere: & si pelles utriusq; cōtrarie suspē-
dātur, ferunt decidere pilos pantheræ. dicitq; Orus Apollo in hieroglyphi-
cis, si quis hyænæ pelle succinctus medios feratur in hostes, à nullo lēditur,
& intrepide præterit. Similiter habet agnus inimicitias & noxietatem lupi

contra se, & horret & fugit ipsum, atq; timet. Et dicunt quòd si suspendatur cauda, uel pellis, uel caput lupi supra præsepe tristatur oues, nec comedunt aliquid præ nimio timore. Et refert Plinius, quòd esalon parua auis oua corui frangēs, cuius pulli infestantur à uulpibus, inuicē hæc catulos ipsius, ipsamq; uellit: quod ubi uiderint corui contrā auxiliantur, uelut aduersus communem hostem. Acanthis auicula in spinis uiuens, iccirco asinos odit flores spinæ deuorātes, Egithus uero auis minima intantum cum asino dissentire fertur, ut sanguinem sorum constet non coire, quo etiā rudente egithi oua, & pulli pereunt. Oliua quoq; cum meretrice intantum dissentire fertur, quòd si ab eadem plantata fuerit uel infructuosa perpetuo manere, uel omnino arescere dicitur. Nihil magis timet leo, q̃ faces ardentes, neq; ulla alia re atq; his domari creditur: & lupus neq; ferrum timet, neq; hastam, sed lapidem, cuius proiectu uulnere facto gignūtur lupo uermes: reformidat camelum equus, adeo ut nec quidem speciem eius intueri nec sentire sustineat. Elephas furēs uiso ariete mitescit. coluber nudum hominē timet, quē uestibus persequitur. taurus ferociens si ficui alligetur conflacessit impetus eius. Electrum omnia trahit præter ocymum & quæ oleo perlita sunt, cum quibus naturali quadam antipathia dissidet.

Quomodo inuestigandæ & experiundæ sunt rerum uirtutes, quæ illis à tota specie insunt, aut particulari ipsius indiuidui dono alicui rei sunt agnatæ. Cap. XIX.



Super considerare debes uirtutes rerū inesse quibusdā secundum speciem: ut audacia & animositas in leone & gallo, timiditas in lepore & agno, rapacitas seu uoracitas in lupo, insidiositas & fraudulentia in uulpe, adulatio in cane, auaritia in coruo & cornice, superbia in equo, ira in tygride & apro, tristitia & melancholia in cato, libido in passere, & sic de similibus. Maxima enim pars naturalium uirtutum species comitatur. Quædam uero insunt rebus secundum indiuiduum, quæadmodum sunt quidam homines, qui uehementer abhorrent aspectum cati, ita ut sine horrore grauissimo aspicere non possint, qui quidem horror non inest ipsis secundum speciem humanam, quod manifestum est. Et narrat Auicenna, tempestate sua uixisse hominem, quem fugerent uenenata omnia, morientibus omnibus, quæ forte mordicus illum apprehēdissent, ipso omnino illæso: & refert Albertus se in Agrippina Colonia uidisse puellā, quæ araneas in escam uenabatur, eoq; cibi genere oblectata insigniter aleretur. Sic sunt audacia in meretrice, timiditas in fure. Et hoc modo dicunt philosophi, quòd indiuiduum aliquod quod nunquam passum sit ægritudinem, confert omni ægritudini: ideo dicunt quòd os hominis mortui, qui nunquam habuerit febres, suspensum supra patientem, liberat à quartana. Insunt etiā indiuiduis singulares multæ uirtutes, à corporibus cælestibus infusæ, quod superius monstrauiamus.

*Virtutes
rebus di-
pliciter
insunt.*

Quod uirtutes naturales quibusdam insunt per totam suam substantiam, quibusdam uero in certis suis particulis aut membris. Cap. XX.



Vrius considerare debes, uirtutes rerum quibusdam inesse secundum totum, hoc est, secundum totam suam substantiam, uel eius omnes partes: sicut pisciculus ille echeneis, qui solo tactu fertur nauem sistere, hoc non agit secundum aliquam precipuam suā partē, sed secundū suā totā substantiam: Sic hyēna habet secundum suam totam substantiam, quod umbræ eius contactu canes obmutescant: sic chelidonia confert uisui, non secundū aliquā, sed secundū oēs suas partes, non minus radice, q̄ foliis & semine: & sic de similibus. Quædā autē uirtutes insunt rebus secundum aliquas eius partes, puta solum in lingua, uel oculis, uel aliis quibusdam membris, siue partibus: sic in oculis basilisci & catablepæ est uirtus uiolentissima occidendi homines, ubi ipsos uiderit: similis uirtus est in oculis hyænæ, quæ quodcunq; animal lustrauerit, euestigio hæret, stupefcit, & mouere se nō potest: similis uirtus est in oculis luporū quorūdā, qui si quē prius uiderint, stupefcit, & rauescit adeo, ut si clamare uoluerit, nō habeat uocis ministeriū: de hoc Vergil. meminit, ubi canit:

Vox quoq; Mærim

Iam fugit ipsa, lupi Mærim uidere priores.

*Cur oculis
& nō alijs
partib⁹ po-
tissimum
utant fasci-
natores.*

Sic & fœminæ quædam erant in Scythia, & apud Illyricos & Triballos, quæ quoties quem iratæ aspexerant, interemisse feruntur. Similiter & Telchines Rhodi populi leguntur fuisse, qui omnia aspectu suo in peius cōmutauerāt, propterea à Ioue submersi. Iccirco fascinatores huiusmodi animalium oculis in collyriis utuntur ad similes passionēs, per fascinationes operaturi. Simili modo formicæ fugiunt ex corde upupæ, nō ex capite, pede uel oculis: sic fel stellionum in aqua tritum, fertur cōgregare mustelas, non cauda, uel caput: & fel caprarū uase æneo in terrā cōclusum, ranas congregat: & iecur caprinū papilionibus & tineis omnibus cōtrariū est: & cor canis habentem fugiunt canes: & uulpes gallinaceos nō attingunt qui uulpinum iecur comederint. Sic habent res plurimæ diuersas uirtutes per diuersas suas partes diuersimode dispersas, prout ipsis secundum receptibilium diuersitatē cœlitus infunduntur: quemadmodum in corpore humano ossa non recipiūt nisi uitam, oculi uero uisum, & aures auditum. Et est in humano corpore os quoddam minimū, quod Hebræi Luz appellant, magnitudine ciceris mūdātī, quod nulli corruptioni obnoxium, nec igne quidem uincitur, sed semper conseruatur illāsum: ex quo (ut dicunt) uelut planta ex femine, in resurrectione mortuorum corpus nostrum animale repullulascet. Et hæ uirtutes non declarantur ratione, sed experientia.

De uirtutibus rerum quæ insunt ipsis in uita tantum, & quæ re manent in illis etiam post interitum. Cap. XXI.



Cire præterea oportebit quasdam proprietates inesse rebus tantummodo in uita, quasdam etiam permanere post mortem: sic echeneis sistit nauigia: & regulus, & catablepa interimunt uisu, quando uiuunt: post mortem uero nihil tale agunt: sic tradunt in torminibus anate uiua apposita uentri transire morbum, anatemque emori: simile est quod dicit Archytas: si accipiat cor recenter extractum ex animali, & adhuc calens, atque uiuens suspendatur supra patientem febrem quartanam, tollit eam. Sic si quis transglutit cor upupæ, uel hirundinis, uel mustelæ, uel talpæ, eo adhuc uiuente & palpitante, confert ei ad memoriã, reminiscentiã, intellectum & diuinationem. Hinc ortum est generale præceptum, quod scilicet quæcunque colligenda sunt ex animalibus, siue lapides, siue membra, siue excrementa, ut pili, sterqus, ungula, hæc ab animalibus, illis adhuc uiuentibus, auferri debent, atque etiã, si fieri potest, ipsis postea adhuc uiuis remanentibus. Vnde præcipiunt, quando colligis linguam ranæ, eam uiuam remittas in aquam: si colligas dentem uel oculum lupi, non interficias lupum: & sic de similibus. Sic tradit Democritus, si quis extrahat ranæ marinæ uiuenti linguam, nulla alia parte corporis adhærẽte, ipsa quoque demissa in mare, imponat supra cordis palpitacionem mulieri dormienti, quæcunque interrogauerit, uera responsuram. Simili modo oculos ranarum ante solis ortum adalligatos ægro, ita ut cæcas demittant in aquam, tertianas abigi promittunt: eosdemque cum carnibus lusciniæ in pelle ceruina adalligatos præstare uigiliam somno fugato, tradunt. Similiter pastinace radius adalligatus umbilico, fertur faciles partus facere, si uiuenti ablatus sit, ipsa quoque denuo in mare demissa. Sic ferunt serpentis oculum dextrum adalligatum contra epiphoras prodesse, si serpens uiuus dimittatur. Et est quidam piscis, siue serpens maximus nomine myrus, cui si eruat oculus, & alligetur fronti patiens, ophthalmiam sanare dicitur, pisci uero oculum renasci: sed altero illum capi lumine, qui uiuentem non dimiserit. Item dentes omnium serpentum, quando uiuis exempti sunt, suspensi supra patientem, quartanã sanare dicuntur: similiter dente talpæ uiuæ exempto ea dimissa, sanari dentium dolores: nec adlatrare canes, caudam mustelæ, quæ dimissa sit, habentes. Et narrat Democritus, linguam chamæleontis, si uiuenti erepta sit, ad iudiciorum euentum pollere, eandemque salutarem esse parturientibus circa domum: cauendum autem, ne domo inferatur, quia esset perniciosissimum. Sunt adhuc proprietates post mortem remanentes: ac de his dicunt Platonici, quod res in quibus minus mergitur idea materiæ, in his adhuc postquam mortuæ sunt, & defunctæ fuerint, id quod immortale est, mirabilia operari non cessat: Sic in herbis & plantis, auulsis & arefactis adhuc uiget & operatur ipsa uirtus ab idea quondam infusa. Inde est, quod sicut aquila in uita sua omnes aues superat & uincit: sic etiam ea defuncta, pennæ eius omnes alias auium penas & plumas destruunt & corrodunt: eadem ratione pellis leonis omnes alias pelles

Ab animalibus colligenda, illi uiuentibus auferri debent.

Quæ post mortem uires suas retineant.

*Tympano
rum ex di-
uersis pelli-
bus, diuer-
si effectus*

cōsumit: & pellis hyænæ destruit pelles pantheræ: & pellis lupi corrodit pellem agni. Et quædam hæc non agunt solum in contactu corporeo, sed etiã quandoq; in harmonia uocali: sic tympanum factum de pelle adib, hoc est lupi, obmutescere facit tympanum de pelle agni. Simili modo tympanum factum de pelle Ericii marini, procul fugat omnia reptilia, per quamcunq; distantiam sonus eiusmodi auditus fuerit: & fides factæ ex intestinis lupi, si cum ouinis fidibus in lyra, aut cythara tensæ fuerint, nullam inde fieri posse consonantiam, manifestum est.

Quomodo res inferiores subsunt corporibus cœlestibus, & quomodo humanum corpus, ipsaq; hominum exercitia & mores, stellis atq; signis distribuuntur. Cap. XXII.



Manifestum est, quod omnia inferiora subsunt superioribus, & quodam modo (ut inquit Proclus) sibi inuicem insunt, scilicet in infimis suprema, & in supremis infima: sic in cœlo sunt terrena, sed sicut in causa modoq; cœlesti: & in terra sunt cœlestia, sed modo terrestri, scilicet secundum effectum. Sic dicimus esse hic entia quædam solaria, quædam lunaria, in quibus sol & luna causant aliquid suæ uirtutis. Vnde res eiusmodi recipiunt plures operationes & proprietates cōsimiles operationibus stellarum & figurarum, quibus subsunt: sic cognoscimus solaria esse respectiua cordis & capitis, propter leonē solis domū, & arietē solis exaltationē: sic Martialia conferunt capiti & testiculis, propter arietem, & scorpionem: hinc quibus uino inebriatis, sensus titubant & caput dolet, missis in aquam frigidam testibus, aceto uel dilutis, præsentaneum remedium est. Sed circa ista necessarium est scire, quomodo corpus humanum distribuitur planetis atq; signis. Scias itaq; iuxta Arabum traditionē, solem præesse cerebro, & cordi, femori, medullis, oculo dextro & spiritui uitæ: linguæ uero & ori, & cæteris instrumentis siue organis sensuum, tam interioribus exterioribus: insuper manibus, pedibus, cruribus, neruis, & uirtuti phantasticæ præesse: Mercurium spleni, lienī, stomacho, uesicæ, matrici ac auri dextræ, ipsiq; receptiuæ uirtuti: Saturnū hepati & carnosiori parti stomachi: uētri quoq; & umbilico Iouē: unde in Iouis Ammonii tēplo effigiē umbilici repositā tradit antiquitas. Sūt præterea q̄ illi etiã costas, pectē, intestina, sanguinē, brachia & dextrā manum, ac sinistram aurem, ac uirtutē naturalem attribuūt: sanguini autem & uenis, & renibus, & chysti fellis, natibus, & dorso, & decursui spermatis, & ui irascibili, præficiant Martem. Iterū renibus & testiculis, uulua, & matrici, & genitali semini, & ui concupiscibili Venerem: insuper & carni, & pinguedini, uentri, pectini, & umbilico, & eiusmodi omnibus quæ operi Venereo inferuiunt, ut ossi sacro, & spinæ dorfi, & lumbis: præterea, capiti & ori, quo osculū amoris pignus donat, præesse dicūt. Luna uero etsi totū corp⁹, & singula mēbra pro uarietate signorū sibi uēdicet, tamē peculiariter sibi adscribūt cerebrū, pulmo, medulla spinæ dorfi, stomachus,

*Umbilici
effigies
cur in tem-
plo Iouis
Ammonij.*

& menstrua, & omnia excrementa, atq; oculus sinister cum crescendi uigore. Ipse uero Hermes in animalis capite septē dicit esse foramina, septē planetis distributa: uidelicet aurem dextram, Saturno: sinistram, Ioui: narem dextram, Marti: Veneri sinistram: oculum dextrum, Soli: sinistrum, Lunę: os autem Mercurio. Singula perinde signa zodiaci sua membra curant: ic Aries caput atq; faciem regit: Taurus, collum: Gemini, brachia atq; humeros: Cancer præest pectori, pulmōni, stomacho & lacertis: Leo præest corde, & stomacho, & iecori, atq; dorso: Virgo respicit intestina, & fundum stomachi: Libra gubernat renes, & femur, atq; nates: Scorpius genitalia, & uulnam, & matricē: Sagittarius dominatur femori atq; subinguinibus: Capricornus regit genua: aquarius crura & tibias: Pisces regūt pedes. Et sicut horum signorū triplicitates sibi correspondent, & conueniunt in cœlestibus: sic etiam conueniunt in membris, quod ea experiētia satis constat, quoniā ex frigore pedum dolet uenter & pectus, quæ membra eidem triplicitati respondent. Vnde et medela uni apposita, alteri prodest: ut calefactis pedibus cessat dolor uentris. Huius itaq; ordinis memor, scias, quod res quæ alicui planetarum subsunt, singularem quendam habēt aspectum, siue inclinationem ad membra eidem planetæ, et suis præcipue domiciliis et exaltationi attributa: reliquæ enim dignitates, ut triplicitates, et termini, et facies in hac parum habēt. Hac igitur ratione Pæonia, citraria, gariophyllon, cortices citri, amaracus, dorycnium, cinnamomum, crocus, lignum aloës, thus, ambra, muscus, et partim myrrha, medentur capiti et cordi: propter Solem, Arietem et Leonem: sic arnoglossa herba Martis, medetur capiti et testibus propter Arietem et Scorpionem: et sic de reliquis. Præterea conferunt Saturnalia ad tristitiam & melancholiam: Iouialia ad lætitiā & dignitatem: Martialia ad audaciam, rixam & iram: Solaria ad gloriā & uictoriā & animositatem: Venerea ad amorem, libidinem & concupiscētiā: Mercurialia ad facundiam: Lunaria ad uulgarem uitam. Ipsaq; hominum exercitia & mores secūdem planetas distributa sunt: nam Saturnus regit senes, & monachos, & melancholias, & thesauros absconditos, & quæ longis itineribus & cum difficultate acquiruntur: Iupiter uero habet religiosos, prælatos, reges & duces, & lucra licite acquisita: Mars tonsores, chirurgos, medicos, lictores, carnifices, macellarios, furnarios, pistores, milites, qui passim Mauortii dicuntur. Similiter & reliquæ stellę sua exercitia significāt, prout hæc in Astrologorum libris descripta sunt.

Humani
corporis
partes qui
bus plane-
tis atq; zo-
daci si-
gnis sub-
sint.

Hominum
mores &
exercitia,
planetis
subiacent.

Quomodo cognoscendum, quibus stellis res naturales subsunt,
atq; quæ res sunt solares. Caput XXIII.



Væ uero res cui stellæ uel signo subsint, cognoscere, difficile est ualde: cognoscūtur tamen per imitationem radiorum, uel motus, uel figuræ superiorū: quædam etiam per colores & odores, quædā etiam per suarum operationum effectus quibusdā

stellis consonantes. Sic solaria sunt inter elementa ignis, & lucida flamma: in humoribus sanguis purior, & spiritus uitæ: inter sapores, qui est acutus, dulcedini mixtus. Inter metalla aurum propter splendorem: habetq; à Sole, quòd sit cordis confortatiuum. Inter lapides uero qui aureis guttis solares radios imitantur: sicut lapis ærites aureis guttis. Solem imitans, uirtutem habet contra morbum caducum, & contra uenena: sic lapis, qui dicitur Solis oculus, figuram habens similẽ pupillæ oculi, ex cuius medio radius emicat, confortat cerebrum, confert uisui: sic carbunculus nocte lucens, uirtutem habet contra omne uenenum aëreum & uaporosum: sic chrysolithus lapis habens in colore tenuem & lucidam uiriditatem, in qua quãdo Soli opponitur stella aurea emicat, cõfortat spiritualia, cõfert asthmaticis: & quãdo perforatur, & setis asini in foramen repletus, sinistro brachio alligatus, fugat phantasmata, & terrores melancholicos stultitiamq; repellit: sic lapis Iris similis in colore crystallo, qui ut frequẽter, reperitur hexagonus, quãdo sub recto pars eius radiis Solis opponitur, & pars altera in umbra tenet, colligit radios in se solares, quos proiciẽs reflectẽdo facit apparere Irim in opposito pariete. Itẽ heliotropius lapis uiridis ad modũ iaspidis, uel smaragdi, guttis rubeis stellatus, facit cõstantẽ, gloriosum & bonæ famæ, cõfert ad uitę longitudinem: & est uirtus eius mirabilis, quã habet in radios solares, quos in sanguinẽ cõuertere dicit, hoc est, apparere sanguineos, quasi Sol pateret eclipsim, quãdo uidelicet inũgitur succo herbæ eiusdem nominis, & in uas plenum aquæ ponitur: & est alia uirtus eius mirabilior in oculos hominũ, quorum aciem ita perstringit, atq; ita obcæcat uisum hominum, ut uideri non permittat gestantem se, quod tamen non facit sine adiutorio herbæ eiusdem nominis, quæ & heliotropium uocatur, hoc est solsequiũ. Has uirtutes & Albertus magnus, & Gulielmus Parisiensis in scripturis suis confirmant. Hyacinthus etiam habet uirtutem à Sole contra uenena, & pestiferos uapores, reddit gestantem tutum & gratum, confert ad diuitias, & ingeniũ, confortat cor: retentus in ore, uehementer animum exhilarat. Itẽ pyrophilos lapis rubicundus permixtus, de hoc teste Alberto refert Aesculapius in una epistolarum suarum ad Octauium Augustum, quòd aliquod uenenũ est tantæ frigiditatis, quòd cor hominis intercepti conseruat ab uisione, ita quòd, si aliquãdiu ponatur in igne, conuertitur in lapidem: & hic est ille, qui uocatur pyrophilos ab igne. Habet mirabilẽ uirtutẽ contra uenena, & reddit gestantem gloriosum, & formidolosum aduersariis. Præ omnibus autẽ solaris est lapis, quem inuenisse fertur Apollonius, nomine pantaurea, qui alios lapides ad se trahit, quemadmodum magnes ferrum, cõtra omnia uenena efficacissimus, ab aliis pantherus dictus, quia pantherę animali maculoso adsimilatur: ideo etiam Pantocrhas dicitur, quia omnes colores continet. Aaron illũ Euanthum nũcupat. Solares præterea sunt, topazius, chrysopassus, rubinus, balagius: Item solaria sunt auripigmentum, aureiq; colo-

Chrysolithus lapis.

Iris lapis.

Hyacinthus uirtutes.

Pyrophilos lapis.

ris, & luminis plurimi. Ex plātis uero & arboribus, sunt solares, quæ uertuntur ad solē, ut heliotropium, & quæ implicant in se folia recedēte Sole, oriente uero, explicant paulatim: ut lotos, quam quidam arbusculam solarē esse, & fructuum & foliorum figura testatur: Sic Pæonia, chelidonia, citraria, zinziber, gentiana, dictamnus, uerbena quoq; præstans uaticinium & expiationem, fugansq; cacodæmones. Laurus etiam Phœbo sacer, ac cedrus, palma, & fraxinus, & hederæ, & uitis: & quæcūq; uenena, & fulgura repellūt, & perpetuo uiuentes hyemis algores non uerentur. Item solaria sunt mēta, mastix, zedoaria, crocus, balsamus, ambra, muscus, mel flauum, lignum aloës, garyophyllum, cinnamomum, calamus aromaticus, piper, thus, amaracus, & Libanotis: quod Orpheus uocat solis thymiama. Inter animalia uero solaria sunt magnanima, animosa, studiosa uictoriæ & gloriæ: ut leo ferarū rex, crocodilus, lynx, aries, caper, taurus armentorū rex, ab Aegyptiis apud Heliopolim soli sacratus, quem ueritem nomināt: & bos Apis in Memphi, & in Hermintho taurus nomine Pathim. Lupus etiam Apollini & Latonæ sacer est. Præterea solaris est cynocephalus, qui per singulas horas duodecies in die latrat, & æquinoctii tempore duodecies per singulas horas mingit: idem & in nocte, unde illum in hydrologiis sculpebant Aegyptii. Item solares sunt inter aues, phœnix auis unica, & aquila auium regina: item uultur, olor siue cygnus: & quæ quasi quibusdam hymnis applaudunt surgēti soli, & quasi aduocāt, ut gallus & coruus, accipiter etiam, quia in Aegyptiorum theologia spiritus & lucis symbolum est, à Porphyrio inter solares numeratur. Præterea solaria sunt quæcūq; colligunt solis operū similitudinē, ut uermiculi nocte lucētes, scarabeus quoq; quē felē uocāt, forma lucida, quē etiam cantharum dicunt, qui pilulas uoluit, ac desuper incubat, aliosq; generat. Appionis interpretatione hoc ipso solis operum similitudinem colligens, cuius oculos etiam iuxta solis cursum uariari constat, solaris esse iudicatur: & quæ ex eis sunt. Ex pisculis autem maxime solaris est uitulus marinus, fulguri resistens, item daëtylus, & pulmo nocte lucentes, & Stella ob adurentem feruorem, strombi regem secuti: similiter & margari regem habentes, exsiccatiq; in lapidem aurei coloris durefcunt.

Quæ res subsint lunæ. Caput XXIII.



Vnaria uero sunt inter elementa terra, deinde aqua, tam maris quàm fluuiorū, & omnia humida, humores arborū, & animalium, maxime albi, ut albumina ouorū, pinguedines, sudores, pituitæ & superfluitates corporū. Ex saporibus salsus & insipidus: Inter metalla uero argentū: Inter lapides illius est crystallus, argentea marcasita, & omnia alba & uirida. Item lapis selenites, id est lunaris, ex candido translucens, melleo fulgore, motum imitans lunarem, lunæ figuram in se habens, reddensq; eam in dies singulos crescētis, minuētis uel numero. Itē margaritæ, q̄ ex aquæ stillicidijs i cōchis generāt: similiter & crystallus,

Cynocephalum in hydrologijs Aegyptiis cur pinxerint.

Arbores et
plantæ lu-
nares.

Animalia
lunaria.

Aues luna-
res.

Pisces lu-
nares.

& berillus. Inter plantas & arbores lunares sunt, selenotropion quæ uertitur ad lunam, quemadmodum heliotropion ad solem, & palma arbor ad singulum lunæ ortum, singulum ramum emittens: hyssopus etiam species roris marini, minima arbor & maior plantarum, de utrisq; participans: est etiam lunaris hagnus castus, siue casta arbor, & oliua. Similiter & herba chinostates, quæ crescit & decrescit cum luna: scilicet in substantia & numero foliorum, non solum in humore & uirtute: quod singule plantæ quodammodo commune habent, præter cepas Martias, quæ solæ contra lunæ augmenta & decrementa minuendi & augendi uires contrarias habent: quemadmodum inter uolatilia origis Saturnia auis lunæ simul ac soli inimicissima est. Animalia lunaria sunt quæ humana consuetudine gaudent, & quæ uario naturæ amore & odio pariter excellunt, ut canes omnis generis. Lunaris etiam est chamæleon, qui pro uarietate coloris obiecti similem semper induit: quemadmodum luna pro uarietate signi, in quo reperit, naturā uariat. Item lunares sunt, porcæ, ceruæ, capræ, & animalia quæcunq; quæ lunarem motum obseruant & imitantur: ut cynocephalus & panthera: fertur enim hæc in armo habere similem lunæ maculam crescētem in orbem, & cornua pari modo curuantem. Lunares sunt & feles, quorum oculi ad lunæ uices ampliores aut minores fiunt: & quæ huiusmodi sunt, ut sanguis mēstruus, cum quo multa mira & monstrifica fiunt apud magos. Hyæna etiam sexū mutans, uariisq; obnoxia ueneficiis, & animalia omnia, quæ amphibia dicuntur, ut quæ terram simul cum aqua incolunt: ut castores & lutres, & quæ uenantur pisces: præterea animalia omnia monstrosa, & quæ absq; manifestis seminibus aut æquiuoce generantur, ut mures ex coitu et ex terræ computrescentia. Inter aues, lunares sunt anseres, anates, merguli, et oēs aquatiles et piscium uenatrices, ut ardeæ: et quæ æquiuoce producuntur, ut uestig ex cadaueribus equorum: apes ex putrefactione uaccarum: musciliones ex uino corrupto, et scarabei ex carnibus asinorum. Maxime uero lunaris est scarabeus bicornis, quem tauriformem uocant: qui pilulam defodiēs, relinquit octo et uiginti diebus, quibus luna totum zodiacū metitur, nono autem et uigesimo die, quibus luminariū cōiunctionem futuram purat, adaperiens in aquam proiicit, unde tūc prodeunt scarabei. Inter pisces lunares sunt ælurus, cuius oculi ad uices lunæ uariantur: et quicunq; lunæ motum obseruant, ut torpedo, echeneis, cancer, ostrea, conchylia et ranæ.

Quæ subsunt Saturno.

Caput XXV.



Aturnalia sunt inter elementa terra, et etiam aqua: inter humores atra bilis humectans, tam natiua, quàm aduentitia præter adustam: Ex saporibus acetosi, acriores, et graues. Inter metalla plumbum, et propter pondus aurū, aureaq; Marcasita. Inter lapides onychinus, ziazaa, camoinus, sapphirus, fuscus iaspis, chalcedonius, magnes, et omnia terrea fusca, et pōderosa. Inter plantas et arbores, aspho-

delus, serpentaria, ruta, cuminum, helleborus, silphium, mādāgorā, opiū:
 & quæ stupefaciūt, & quæ neq; seruntur unquā, neq; fructus ferūt, & quæ ni-
 grantes baccas, nigros uē fructus producūt: ut ficus atra, pinus & cupressus
 arbor feralis, & non regerminans baccis, torua, sapore amara, odore uiolen-
 ta, umbra nigrata, pice acerrima, fructu superuacua, duratione incorrupta,
 funesta & diti sacra sicut apium, quo antiquitus tumuloꝝ thecas, antequā
 in illis mortuoꝝ imponerēt corpora, sternere consueuerunt: quāobrem in
 conuiuiorum coronamentis ex omnibus passim herbis & floribus sarta ne-
 ctere fas erat præterquā ex apio: quoniā lugubre sit, & hilaritati non conue-
 niat. Animalia reptilia segregata, solitaria, nocturna, tristia, contem-
 platiua uel penitus bruta, auara, timida melancholica, multi laboris, tar-
 di motus, immundi uictus, & quæ fœtus suos deuorant. Ex istis ergo sunt,
 talpa, asinus, lupus, lepus, mulus, catus, camelus, ursus, sus, simia, dra-
 co, basiliscus, bufo, serpentina omnia & reptantia, scorpiones, formicæ, & quæ
 ex putrefactione nascuntur in terra, in aquis, in ædium ruinis, ut mures uer-
 mesq; multiplices. Inter aues uero Saturniæ sunt, quæ sunt longi colli &
 grossæ uocis, ut grues, struthiones, & pauones, Saturno & Iunoni sacra.
 Item bubo, noctua, uespertilio, upupa, coruus, & origis auis inuidiosissi-
 ma. Ex piscibus uero anguilla seorsum ab aliis piscibus degens, muscipula, &
 canicula fœtus suos deglutientes. Item testudines, ostrea, conchylia, & spō-
 giæ marinæ, & quæ ex eis sunt.

Cupressus
feralis ar-
bor.

Apiū coro-
namentis
olim inter
dictum.

Quæ sunt Iouialia. Caput XXVI.



Ouialia sunt inter elementa aër: inter humores sanguis, & spi-
 ritus uitæ, cuncta quoque ad uitæ augmentum nutrimen-
 tum que & uegetationem spectantia. Ex saporibus, qui sunt
 dulces & suaues. Ex metallis, stannum, argentum & aurum,
 propter temperantiam. Inter lapides, hyacinthus, berillus, sapphirus,
 tuthia, smaragdus, iaspis uiridis, & perpetuo uirides, aërei que colores. In-
 ter plantas & arbores, barba Iouis, ocymum, buglossa, macis, spica, menta,
 mastychæ, inula, uiola, lolium, hyoscyamus, populus: & quæ fœlices arbo-
 res traduntur, ut quercus, æsculus, ilex, phagus, corilus, populus, sorbus,
 ficus alba, pirus, malus, uitis, prunus, fraxinus, & cornus, atq; oliua & oleum.
 Insuper frumentum, hordeum, triticum, passulæ, liquiricia, zaccarum, &
 omnia quorum dulcedo est manifesta & subtilis, participās aliquid stypti-
 ci & acuti saporis, ut sunt nuces, amygdalæ, pineæ, auellane, pistaceæ, radices
 pæoniæ, myrobalani, & rabarbarum, & māna. Orpheus quoq; illi attribuit
 styracem. Inter animalia sunt, quæ præferunt aliqualem dignitatē & sapien-
 tiā: & quæ sunt mitia & bonæ disciplinæ, ac bonorū morum, ut ceruus, tau-
 rus, elephas: & mansueta quæq; animantia, ut ouis et agnus. Ex auibus au-
 tem quæ sunt complexionis temperatæ, ut gallinæ et uitella ouorum. Itē
 perdix, phasianus, hirundo, pellicanus. Item cucupha et ciconia, aues

Aquila im
peratorii
insigne, et
iustitiæ
symbolum

piissimæ & gratitudinis signacula: estq; ei sacrata aquila, Imperatorum in-
signe, ac iustitiæ cum clementia symbolum. Inter pisces autem delphinus,
anchia, silurus, propter pietatem.

Quæ referunt Martem. Cap. XXVII.



Artialia sunt inter elementa, Ignis: pari modo adusta & acuta
omnia: inter humores cholera: Sapores autem amari, acres, &
linguam perurentes, & qui dicuntur lachrymosi: inter metalla,
ferrum, æs rubeum: & omnia ignea, rubea & sulphurea: inter la-
pides, adamas, magnes, lapis sanguinaris, iaspis, multigenius, amethystus:
inter plantas & arbores, elleborus, allium, euphorbium, cartabana, armoni-
acum, raphanus, laureola, napellus, scāmonia, & omnia uenenosa ex caloris
superabundantia: & quæ pungentibus spinis munitæ sunt uel contactu suo
cutem urunt, pungunt uel ampullant, ut cardo, urtica, flammula: & quæ co-
mesta lachrymas excutiunt, ut cepæ, ascalonia, porrum, sinapium, castoreū:
& arbores omnes spinosæ, atq; cornus Marti sacer. Animalia autē quæ sunt
bellicosa, rapacia, audacia, & perspicuæ imaginationis, ut equus, mulus, hir-
cus, hœdus, lupus, pardus, onager: serpētes quoq; & dracones ueneno infen-
si: & quæcunq; hominibus infesta, ut pulices & muscæ, cynocephalus, pro-
pter iracundiam. Aues omnes rapaces, carniuoræ, ossifragæ, ut aquila, fal-
co, accipiter, uultur: & quæ diræ & ferales aues dicuntur, noctuæ, ululæ, rin-
nunculi, miluii: & quæ semper famelicæ ac rapacissimæ sunt: & quæ glutiūt,
& quasi uocem stragulantis emittunt, ut corui & cornices, & picus præ cæ-
teris Marti sacer est. Ex piscibus habet lucium, mullum, pastinacam, arie-
tem, hircū, lupum, Glaucum, qui uoracissimi simul ac rapacissimi sunt.

Quæ sint Venerea. Cap. XXVIII.



Enerea sunt inter elementa, aër atq; aqua: inter humores pitui-
ta cum sanguine, spiritu ac semine genitali: inter sapores habet
dulcem, unctuosum & delectabilem: inter metalla habet argē-
tum, & æs croceum atq; rubeum: inter lapides conueniunt illi
berillus, chrysolithus, smaragdus, sapphirus, iaspis uiridis, corneola, lapis
aëtites, lapis lazuli, corallus, omnesq; pulchri, uarii, albi uel uiridis coloris.
Inter plantas & arbores, uerbena, uiola, capillus Veneris, herba lucia, siue
Valeriana quæ Arabice dicitur phu. Item thymus, ladanū, ambra, muscus,
sandalum, coriādrum, & omnia thymiamata, & fructus delectabiles, & sua-
ues, ut pira dulcia, ficus, & mala Punica, quæ poëtæ dicunt in Cypro à Vene-
re primo fata. Præterea dedicata illi sunt Luciferi rosa, Hesperii etiam myr-
rus. Animalia habet luxuriosa, deliciofa, fortis amoris, ut catuli, cuniculi,
fœtosæ oues, capræ, & hircus, cæteris animantibus citius generans, quē etiā
post septimum diem ab ortu coire dicunt. Item taurus propter fastum, &
uitulus propter lasciuiam, etiam Venerei sunt. Ex auibus uero cygnus, mo-
tacilla, hirundo, pellicanus, & chenalopex, pullorum maxime amantes. Itē

Hirci salda
citas.

coruus & columba Veneri sacra, & turtur, quarum auium alterutra offerri iubebatur in purificationem partus: passer etiam Veneri sacer, qui iubente lege dabatur in purificationem lepræ Martii mali, quo nil æque proficiū resistit: Aquilam etiam Aegyptii Venerem uocāt, quod sit in Venerē pro-na, terdecies enim in die oppressa, si mas uocet, denuo accurrit. Ex piscibus uero Veneri sunt, grues libidinosi, scari salacissimi, merula ob fœtus amo-rem, & cancharus pro coniuge pugnans, & tithymallus ob odoris fragran-tiam & suauitatem.

Quæ sequuntur Mercurium. Cap. XXIX.



Mercurialia sunt inter elementa aqua, licet indistincte omnia moueat: similiter & humores, præcipue tamen permixtos: sed & spiritum animale regulat, sapesq; uarios & peregrinos permixtosq;: ex metallis illius sunt, argentum uiuum, stannū, marcasita argentea. Inter lapides, smaragdus lapis, achates, porphyrites, to-pazius, & qui sunt diuersorum colorum, & quibus figuræ uariæ à natura in-litæ, aut qui ab arte factitii sunt, ut uitrum, & quæ croceum cū uiridi miscēt. Inter plantas & arbores, corilus, pentaphyllon, Mercurialis, fumus terræ, pimpinella, maiorana, petroselinum, & quæ breuiore & minores in foliis sunt, mixtisq; naturis & uario colore compositæ. Animalia sagacia, ingenio-sa, strenua, uersatilis ingenii, uelocis cursus, & facilem consuetudinē cū hominibus habētia, ut canes, simiæ, uulpes, mustelæ, ceruus & mula: & ani-malia Hermaphroditica, & quæ utrunq; sexum uicissim mutant, ut lepus, & hyæna & similia. Inter aues quæ à natura ingeniosæ, canoræ & musicæ sunt & uersatiles, ut cardueles, ficedulæ, merula, turdus, alauda, philomela, calan-dris, psitacus, pica, ibis, porphyrio, & scarabeus unicornis. Inter pisces uero trochus qui seipsum init, quocirca masculo, fœminā uocāt. Item polypus fraudulentus & colore uersatilis, et pastinaca ob solertiam: similiter et mu-gil cauda cibum hamo excutens.

Quod totus sublunaris mundus, et quæ in eo sunt, planetis distribuitur. Cap. XXX.



Ræterea quicquid in toto mūdo reperitur, iuxta planetarum dominia afficitur, uirtutemq; sortitur: sic in igne uiuificum lu-men, Soli calor, Marti in terra, superficies uaria Lunæ et Mer-curio et stellato cœlo, moles autem tota Saturno. At in me-diis elementis, ubi regit, humor aëreus subiacet Ioui, aqueus uero Lunæ, mixtus autem obtemperat Mercurio et Veneri. Simili ratione in natura causæ agentes sequuntur Solem, materia uero Lunam, fœcunditas causarū agentium Iouem, fœcunditas materiæ Venerem, expeditio uelox ad effe-ctum Martem et Mercurium: illum propter uehementiā, hunc propter dexteritatem multiformemq; uirtutem: cūctorum autē cōtinuatio perma-nens Saturno dedicatur. Sed et in uegetabilium numero omne fructum

ferens à Ioue est, & omne flores ferens à Venere, & omne semen & cortex à Mercurio, omnis aut radix à Saturno, & lignū omne à Marte, & folia à Luna. Hinc omnia quæ fructum ferunt & non florescunt, Saturni & Iouis sunt: quæ uero florescunt, & semina, non autem fructum producant, hæc Venere sunt atq; Mercurii: quæ autem sine semine sponte producantur, à Luna & Saturno sunt: pulchritudo omnis à Venere est, & robur à Marte: & unusquisq; planetarum regit & disponit id, quod ei assimilatur. Similiter in lapidibus, pondus glutinien & stypticitas est à Saturno, beneficium & temperamentum à Ioue, duricies à Marte, uita à Sole, gratia & pulchritudo à Venere, occulta uirtus à Mercurio, commune beneficium à Luna.

Qualiter prouinciæ, & regna planetis distribuunt. Cap. XXXI



Pse etiam terrarum orbis per sua regna & prouincias, planetis atq; signis distributus est: Nam Saturno cū Capricorno subiiciuntur Macedonia, Thracia, Illyria, India, Arriana, Gordiana: quarum regionū multæ sunt in Asia minori. Cum Aquario autē subsunt illi, Sauromatica regio, Oxiana, Sogdiana, Arabia, Phazania, Media, Aethiopia, & hæ regiones pro maiori parte ad Asiam interiorem pertinent. Ioui autem subiiciuntur cum Sagittario, Tuscia, Celtica, Hispania, & felix Arabia. Cum piscibus, Lycia, Lydia, Cilicia, Paphylia, Paphlagonia, Nafamonia, & Garamantica. Mars regit cum Ariete, Britanniam, Galliam, Germaniā, Barstaniā, concaua Syriæ, Idumeam & Iudæam. Cū Scorpione autem, Syriam, Comagenem, Cappadociam, Metagonitidem, Mauritaniam & Getuliam. Soli cum suo Leone subiectæ sunt, Italia, Apulia, Sicilia, Phœnices, Chaldæi, Orsenii siue Orchenii. Venus cum Tauro habet Cyclades, maritima parua Asiæ, Cyprum, Parthiam, Mediā & Persidem. Cum Libra autem imperat, Bactrianis, Caspiis, Sericæ, Thebaidi, Oasidi, & Troglodytis. Mercurius cū Geminis tenet Hyrcaniam, Armeniam, Mantianam, Cyrenaicam, Marmaricam, & inferiorem Aegyptum. Cum Virgine uero, Græciam, Achaiam Cretam, Babylonem, Mesopotamiam, Assyriam, & Elam, unde Elamite in scriptura dicti sunt. Lunam cum Cancro sequuntur, Bithynia, Phrygia, Colchica, Numidia, Aphrica, Carthago, & tota Carchedonia. Hæc ita ex Ptolomæi sententiâ collegimus: quibus iuxta aliorum astrologorum scripta alia multa addi possent. Verum qui has prouinciarum partitiones supra syderalem hæc distributionem cū regentium intelligētiarum ministeriis, ac Israeliticorum tribuum benedictionibus, apostolorum sortitionibus, ac sacrarum literarum typicis signaculis conferre nouerit, grandia, quin & prophetica super unamquamq; regionem elicere poterit, futurorum oracula.

Quæ subsunt signis, ac stellis fixis, earumq; imaginibus.

Caput XXXII.



Imilis est per omnia ratio de figuris stellarum fixarum habenda: sic Arieti cœlesti uolūt subiici arietem terrestrem, & Tauro cœlesti, taurum, atq; bouem terrestrem: sic Cancro cācos, Leoni leones, Virgini uirgines, & Scorpionem præsidere scorpionibus, & Capricornum capricornis, & Sagittarium equis, & signo Piscium subesse pisces. Similiter Vrsa cœlestis præsidet urfis: Hydra serpentibus, & cani subsunt canes: & sic de singulis. Ipse uero Apuleius signis atq; planetis, præcipuas ueluti proprias quasdam herbas distribuit, uidelicet Arieti elelisphacon, Tauro peristereona orthion, Geminis peristereona hyption, Cācro symphyton, Leoni cyclaminū, Virgini calamynthū, Libræ scorpiuron, Scorpioni arthemisiā, Sagittario anagallidē, Capricorno lapathū, Aquario draconteā, Piscibus aristolochiā. Planetis uero, Saturno semperuiuum, Ioui eupatorium, Marti peucedanum, Soli heliotropium, Veneri panacem, siue callitrichum, Mercurio phlomum, Lunæ agloophotim. Verū Hermes, quem sequitur Albertus, Planetis dat Saturno asphodelū, Ioui hyoscyamum, Marti arnoglossam, Soli polygoniam, Veneri uerbenā, Mercurio pentaphylon, Lunæ chenostacen. Iamq; etiam experientia cognoscimus, asparagos subesse Arieti, & basilicon Scorpioni. Nam seminata rasura cornu arietis, nascuntur asparagi, & basilicon contritum inter duos lapides gignit scorpiones. Præterea ex stellis insignioribus, iuxta Hermetis, & Thebit doctrinam, hic aliquot enumerabo, quarum prima dicitur caput Algol, & præest ex lapidibus adamanti: ex plantis elleboro nigro & Arthemisiā. Sequuntur Pleiades, præidentes ex lapidibus crystallo & diodoco: ex plantis herbæ diacedon, & thuri, & sceniculo: præterea subesse sibi uolunt ex metallis argētum uiuum. Tertia Aldeboran habet sub se ex lapidibus, carbunculum & rubinum: ex plātis tithymallum, & matrisyluam. Quarta dicitur Hircus, hic tenet ex lapidibus, sapphirū: ex plantis, marrubium siue præsiū, mentam, Arthemisiā & mandragoram. Quinta Canis maior, hic habet ex lapidibus sub se berillum: ex plantis sauinam, Arthemisiā, & draconteam: ex animalibus linguam colubri. Sexta canis minor, habet ex lapidibus achatem: ex plantis florem heliotropii & pulegii. Septima cor Leonis, habet ex lapidibus granatum: ex plantis chelidoniam cum Arthemisia, & mastychē. Octaua cauda Vrsæ maioris, habet ex lapidibus magnetem: ex plantis cichorium, cuius folia & flores uoluuntur ad septentrionem, & Arthemisiā cum flore peruincæ: ex animantibus dentem lupi. Nona dicitur Ala corui, huic subest ex lapidibus onychinus niger: ex plantis lappacium, quadrigenum, hyoscyamus, & consolida: ex animantibus uero, lingua ranæ. Decima spica, habet sub se ex lapidibus, smaragdum: ex plantis, saluiam, trifolium, peruincam seu promarullam, Arthemisiā & mandragoram. Undecima dicitur Alchamech, præest ex lapidibus, iaspidi: ex plantis, plantagini. Duodecima Elpheia, huic subest ex lapidibus, topazius: ex plātis præest,

Asparagos
rum satio
mira.
Scorpionū
productio.

rorimarino, trifolio & hederæ. Decimatertia dicitur cor Scorpionis, huic subest ex lapidibus, sardonius, & amethystus: ex plantis aristolochia longa, & crocus. Decimaquarta uultur cadens, huic subest ex lapidibus chrysolithus: ex plantis satireia, & fumus terræ. Decimaquinta, cauda capricorni dicitur, hæc tenet ex lapidibus chalcedonium: ex plantis maioranam, Arthemisiam, nepetam, & quam calamintham dicunt, pulegio similem, & radicem mandragoræ. Illud præterea sciendum est, non quamlibet, aut lapidem, aut plantam, aut animal, aut aliud uno solo sydere regi, sed multa etiã à pluribus recipere influxum, & non tam separatum, quàm coniunctum: sic inter lapides chalcedonius subest Saturno & Mercurio, cum cauda Scorpionis, & Capricorni, sapphirus autem Ioui & Saturno, & stellæ Alhayoth. Tuthia Ioui & luminaribus: smaragdus Ioui, Veneri & Mercurio, ac spicæ: Amethystus autore Hermete, subest Marti cum Ioue, & corde Scorpionis: iaspis multigenus Marti, & Ioui, ac stellæ Alchamech: chrysolithus Soli, Veneri & Mercurio, & stellæ quæ dicitur Vultur cadens: topazius Soli, & Elpheia: adamas Marti & capiti algol. Simili modo ex uegetabilibus herba serpentaria subest Saturno & Serpentario cœlesti: mastychæ & menta Ioui atq; Soli, sed mastychæ etiam cordi Leonis, & menta hirco adherent: sic elleborus Marti & capiti algol. Muscus & sandali, Soli cum Venere: coriãdrum Veneri cum Saturno dicata sunt. Ex animalibus etiã uitulus marinus subest Soli ac Ioui. Vulpes & simiæ Saturni sunt & Mercurii, & canes domestici Mercurii sunt, & Lunæ. & iã plura ex istis in superiorib; docuim?.

De signaculis & characteribus rerû naturalium. Cap. XXXIII.



Mnes stellæ suas proprias habent naturas, proprietates, conditiones: quorum signacula & characteres per suos radios etiã in istis inferioribus producant, in elemētis, in lapidibus, in plantis, in animalibus & eorum membris. Vnde unaquæq; res à dispositione harmonica, & à sua stella ipsam irradiante sortitur speciale aliquod signaculum, seu characterem sibi impressum, illius stellæ siue harmoniæ significatiuum, ac specialem in se continentem uirtutem, ab aliis differentem, uel genere, uel specie, uel numero, præiacentis materiæ. Habet itaq; quælibet res suum characterem ad aliquem peculiarem effectum sibi à sua stella impressum, maxime ab illa quæ in ipsa præ cæteris obtinet principatum: & hi characteres has stellarum suarum proprias naturas, uirtutes & radices in se continent atque retinent, earumq; confirmiles operationes in res alias, super quas reflectuntur, producant, & stellarum suarum influxus prouocant adiuuantq; siue planetarum, siue etiam stellarum fixarum, & imaginum, & signorum cœlestium, quoties uidelicet in debita materia, suo tempore debitisq; solennitatibus fuerint fabricati. Quod considerantes antiqui sapientes, qui ad inuestigandas occultas rerû conditiones plurimum laborauerunt, stellarum imagines, figuras, signacula, sigilla, characteres

Res quælibet suam habet characterem.

Inhumana
natura coe
lestiū in
fluxuū si
gnaculū a
būde repe
riuntur.

SECVVNTVR FIGVRAE LITERARVM
DIVINARVM.

Literæ siue characteres Saturni.

II H Λ Λ Λ X E W

Literæ seu characteres Iouis.

W3 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100 101 102 103 104 105 106 107 108 109 110 111 112 113 114 115 116 117 118 119 120 121 122 123 124 125 126 127 128 129 130 131 132 133 134 135 136 137 138 139 140 141 142 143 144 145 146 147 148 149 150 151 152 153 154 155 156 157 158 159 160 161 162 163 164 165 166 167 168 169 170 171 172 173 174 175 176 177 178 179 180 181 182 183 184 185 186 187 188 189 190 191 192 193 194 195 196 197 198 199 200 201 202 203 204 205 206 207 208 209 210 211 212 213 214 215 216 217 218 219 220 221 222 223 224 225 226 227 228 229 230 231 232 233 234 235 236 237 238 239 240 241 242 243 244 245 246 247 248 249 250 251 252 253 254 255 256 257 258 259 260 261 262 263 264 265 266 267 268 269 270 271 272 273 274 275 276 277 278 279 280 281 282 283 284 285 286 287 288 289 290 291 292 293 294 295 296 297 298 299 300 301 302 303 304 305 306 307 308 309 310 311 312 313 314 315 316 317 318 319 320 321 322 323 324 325 326 327 328 329 330 331 332 333 334 335 336 337 338 339 340 341 342 343 344 345 346 347 348 349 350 351 352 353 354 355 356 357 358 359 360 361 362 363 364 365 366 367 368 369 370 371 372 373 374 375 376 377 378 379 380 381 382 383 384 385 386 387 388 389 390 391 392 393 394 395 396 397 398 399 400 401 402 403 404 405 406 407 408 409 410 411 412 413 414 415 416 417 418 419 420 421 422 423 424 425 426 427 428 429 430 431 432 433 434 435 436 437 438 439 440 441 442 443 444 445 446 447 448 449 450 451 452 453 454 455 456 457 458 459 460 461 462 463 464 465 466 467 468 469 470 471 472 473 474 475 476 477 478 479 480 481 482 483 484 485 486 487 488 489 490 491 492 493 494 495 496 497 498 499 500 501 502 503 504 505 506 507 508 509 510 511 512 513 514 515 516 517 518 519 520 521 522 523 524 525 526 527 528 529 530 531 532 533 534 535 536 537 538 539 540 541 542 543 544 545 546 547 548 549 550 551 552 553 554 555 556 557 558 559 560 561 562 563 564 565 566 567 568 569 570 571 572 573 574 575 576 577 578 579 580 581 582 583 584 585 586 587 588 589 590 591 592 593 594 595 596 597 598 599 600 601 602 603 604 605 606 607 608 609 610 611 612 613 614 615 616 617 618 619 620 621 622 623 624 625 626 627 628 629 630 631 632 633 634 635 636 637 638 639 640 641 642 643 644 645 646 647 648 649 650 651 652 653 654 655 656 657 658 659 660 661 662 663 664 665 666 667 668 669 670 671 672 673 674 675 676 677 678 679 680 681 682 683 684 685 686 687 688 689 690 691 692 693 694 695 696 697 698 699 700 701 702 703 704 705 706 707 708 709 710 711 712 713 714 715 716 717 718 719 720 721 722 723 724 725 726 727 728 729 730 731 732 733 734 735 736 737 738 739 740 741 742 743 744 745 746 747 748 749 750 751 752 753 754 755 756 757 758 759 760 761 762 763 764 765 766 767 768 769 770 771 772 773 774 775 776 777 778 779 780 781 782 783 784 785 786 787 788 789 790 791 792 793 794 795 796 797 798 799 800 801 802 803 804 805 806 807 808 809 810 811 812 813 814 815 816 817 818 819 820 821 822 823 824 825 826 827 828 829 830 831 832 833 834 835 836 837 838 839 840 841 842 843 844 845 846 847 848 849 850 851 852 853 854 855 856 857 858 859 860 861 862 863 864 865 866 867 868 869 870 871 872 873 874 875 876 877 878 879 880 881 882 883 884 885 886 887 888 889 890 891 892 893 894 895 896 897 898 899 900 901 902 903 904 905 906 907 908 909 910 911 912 913 914 915 916 917 918 919 920 921 922 923 924 925 926 927 928 929 930 931 932 933 934 935 936 937 938 939 940 941 942 943 944 945 946 947 948 949 950 951 952 953 954 955 956 957 958 959 960 961 962 963 964 965 966 967 968 969 970 971 972 973 974 975 976 977 978 979 980 981 982 983 984 985 986 987 988 989 990 991 992 993 994 995 996 997 998 999 1000 1001 1002 1003 1004 1005 1006 1007 1008 1009 1010 1011 1012 1013 1014 1015 1016 1017 1018 1019 1020 1021 1022 1023 1024 1025 1026 1027 1028 1029 1030 1031 1032 1033 1034 1035 1036 1037 1038 1039 1040 1041 1042

Literæ seu characteres Martis.

45 D C 5 H 7

Literæ siue characteres Solis.

Literæ siue characteres Veneris.

Literæ siue characteres Mercurii.

Literæ siue characteres Lunæ.

Quomodo per res naturales earumq; uirtutes, possumus allicere & attrahere influxus atq; uirtutes corporum cœlestium. Cap. XXXIII.



Vnc si optas ex aliqua mundi parte stellâ ue uirtutem accipere, adhibitis quæ ad stellam hanc attinent, eius proprium subis influxum, uelut lignum per sulphur, picem & oleum, paratû ad suscipiendum flammam. Nihilominus quando cuidam rerum speciei uel indiuiduo rite adhibes multa, quæ sparsa sunt eiusdem inter se ideæ ac stellæ conformia, mox per materiam hanc ita opportune paratâ singulare munus ab idea infunditur per rationem animæ mundi. Dico autem opportune paratâ, scilicet sub harmonia simili harmoniæ, quæ quandam uirtutem infuderat materiæ. Nam licet res uirtutes aliquas, quales diximus, habeant: tamen illæ uirtutes ita delitescunt sunt, quod raro opus aliquod ab illis tali uirtute perfectum extat: sed sicut in grano sinapis confusio latentem excitat acuitatem: & sicut calor ignis literas scriptas succo cepæ uel lacte, producit in aspectum prius delitescunt: & literæ hirci adipe lapidi inscriptæ, & prorsus occultæ, quâdo submergitur lapis aceto, produnt, & quasi sculptæ eminentes extant, atq; sicut tactus scopæ uel arbuti rabiem suscitât consopitam, sic ipsa harmonia cœlestis latentem in materia uirtutem prodit, excitat, corroborat, & manifestam efficit, atque ut ita loquar, de potentia producit in actum: quando res illi sub cœlesti opportunitate rite exponuntur. Exēpli gratia: si cupis uirtutē à Sole attrahere, quære quæ sunt solaris: inter uegetabilia, plantas, metalla, lapides, & animantia:

simile.

hæc sunt adhibenda, hæc sumēda : potissime uero quæ in ordine solari sunt superiora, hæc enim magis cōferunt: sic singulare munus à Sole trahes per radios Solis simul opportune susceptos, perq; spiritum mundi.

De commixtionibus rerum naturalium ad inuicem,
earumq; utilitate Caput XXXV.



Ompertum habemus in natura inferiori, non inueniri in uno quodam comprehēdas cunctas superiorum corporum dotes, sed per plures apud nos species esse dispersas, sicut sunt plures res solares, quarum tamen unaquæq; non cunctas Solis complectitur uirtutes: sed alia alias habet à Sole proprietates. Quare aliquando necesse est, in operationibus fieri mixtiones, ut si centum uel mille Solis uirtutes per tot plātas, animalia et similia sparsæ fuerint, possumus has simul cōflare et in unam redigere formam, in qua dictas uirtutes iam omnes unitas uidebimus contineri. Est autem in commixtione uirtus duplex: una uidelicet, quæ partibus suis prius insita est, et cœlestis: alia, per certam et artificiosam multarum rerum inuicem confusarum, et secundum certas proportionem commistionum, quales cum cœlo consentiant sub certa cōstellatione acquisita: et hæc uirtus descendit per similitudinem et habitudinē quandam rerum ad inuicem cum superioribus, in quantum sequentes uirtutes antecēditibus gradatim correspondent, ubi præsertim patiens ad suū insuper agens accommodatur: sic ex certa quadam herbarum, uaporum et similibus compositione, cum physicè, tum astronomicè confecta, resultat quædam communis forma, pluribus syderum dotata muneribus: sicut in melle apum, quod ex innumerabilium florum succis exceptum et in unā formam redactum, omnium continet uirtutem, diuino propè et admirabili muscarum artificio. Quo tamen haud minus mirandum est, quòd Eudoxus Gnidius refert de melle factitio, quod gigātum in Libya gens quædā ex floribus cōficere nouit optimum, adeo ut ab apum melle minimum distare uideatur. Omnis autem commixtio, quæ cōstat ex pluribus, tunc est perfectissima, quando ita ex suis partibus conglutinator, ut unum fiat, undiq; sibi constet, neq; facile dissipetur: sicut uidemus aliquando lapides et corpora diuersa, ui quadā naturali sic conglutinari & uniri, ut penitus unū uideantur: sicut duæ arbores per insitionē, & ostreæ cum lapidibus ui quadam naturæ occulta: uisq; sunt animalia in lapides uersa, atq; sic cum lapidis substantia unita, ut iam unum corpus, & illud homogeneum efficere uiderentur. Sic hebenus in arborum genere, modo lignum, modo lapis est. Quando itaq; aliquis commixtionem fabricat ex multis materiis sub cœlestibus influxibus, tūc uarietas illinc quidē cœlestiū actionū, hinc uero potentia naturalium cōgregata, facit qdā mirabilia, per unguēta, per collyria, per suffumigationes, per similia, qualia uidelicet legūtur in libris Chiramidis, Archytæ, Democriti & Hermetis q Alchorat inscribit, & aliorū pluriū.

Duplex in
cōmixtio-
ne uirtus.

De unionerum commixtarum, atq; introductione nobilioris
formæ uitæq; sensibilis Cap. XXXVI.



Ciendum uero, quo alicuius rei nobilior forma est, eo res ipsa
prōptior est, & propēfior ad recipiendum, eo etiā potētior ad
agendū. Reddunt itaq; incōprehensibilia reꝝ mirabilia, quan
do scilicet materiis commixtis, opportunisq; tēporibus præ
paratis, ad uiuificandum ponuntur, uitam illis ex stellis, animamq; sensibi
lem, tanquam nobiliorem formam conciliando. Tanta quippe est in mate
riis præparatis potentia, quas tunc uitam adipisci uidemus, quando qualia
tatum perfecta commixtio priorem iam contrarietatem fregisse uidetur:
perfectiorem uero adeptæ sunt uitam, quatenus complexio à contrarieta
te est remotior. Cælum uero causa præpotens ab initio cuiusq; rei genera
dæ, concoctione materiæ & digestionē perfecta, cœlestes influxus dotesq;
mirificas cū uita simul largit̃, quatenus in ipsa uita animaq; sensibili est cō
prehensio ad nobiliores uirtutes ac sublimiores cōcipiēdas. Virtus præterea
cœlestis alibi quidem sopita iacet, ceu sulphur à flamma remotum: in uiuē
tibus autem corporibus sæpe flagrat, sicut sulphur accensum: tum uapōre
suo proxima omnia complet: sic miranda quædam opera procreātur, qua
lia legūtur in libro Nemith, qui & legum Plutonis inscribitur: quia eiusmo
di generationes monstrosæ sunt, neq; secundum leges naturę producūtur.
Nos enim scimus, quod ex uermibus generantur culices, ex equo uespæ, ex
uitulo & boue apes, ex cācro ablatis pedibus inhumato generatur scorpius,
ex anate tosta donec in puluerem teratur, illo in aquam proiecto, genera
tur ranæ: si autem in pastillo cocta & per frustra incisa in loco humido &
subterraneo dimittatur generantur bufones: ex basilicone herba inter duos
lapides trita, generantur scorpiones: & ex capillis mulieris menstruata sub
fimo locatis, fiunt serpentes: & pilus ex cauda equi in aquam proiectus, uitā
concipit, & trāsfit in uermem perniciosum. Et est artificium, quo in ouo ex
cubante gallina generatur forma similis homini, qualem ego uidi, & com
ponere noui, quam magi mirandis uirtutibus efficacem perhibent, & hanc
ueram mandragoram dicunt. Oportet igitur cognoscere, quæ & quales ma
teriæ, siue natura siue arte inchoatæ uel perfectæ, siue ex pluribus aggrega
tæ, quales cœlitus influxus suscipere possunt. Congruitas enim rerum natu
ralium ad cœlestia sufficit, ut ab illis hauriamus influxum: quia cum nihil
prohibeat ad inferiora cœlestia lumen suum diffundere, materiā nullā per
mittunt expertem fore suæ uirtutis. Quapropter quantumcunq; materiæ
perfectum ac purum est, ad cœlestem influxum nō ineptum est. Ea enim
est colligantia & continuitas materiæ ad animam mundi, quæ quotidie in
fluit super naturalia, & super omnia quæ natura præparauit, ut impossi
bile sit præparata materia non influi uitam aut nobiliorem quandam for
mam.

Variuari
crum ani
malium pro
creatio.

Materia
ad animā
mundi col
gantia.

Quomodo certis quibusdam præparamentis naturalibus & artificialibus, cœlestia quædā & uitalia dona desuper trahimus. Cap. XXXVII.

Dicunt Academici simul cum Trismegisto, & Iarchas Brachmanus, atq; Hebræorum Mecubales fatetur, omnia quæ sunt sub lunari globo in hoc inferiori mundo generationi, & corruptioni subiecta. Eadem etiam esse in cœlesti mûdo, sed modo quodam cœlesti, deinde etiam in mundo intellectuâli, sed multo perfectiori, & meliori nota, perfectissimo tandem in archetypo. Atq; hac serie unumquodq; infernum suo superiori, & per hoc supremo, pro suo genere respondere: & ab eisdem suscipere, è cœlis quidem uim illam cœlestem, quam quintam essentiam, siue spiritum mundi, siue mediam naturam uocant: ab intellectuâli autem mundo spiritualem, uiuentemq; uigorem, omnem qualitatiuam uirtutem transcendentem: ab archetypo deniq; per hæc intermedia pro gradu suo originalem uim totius perfectionis. Hinc ab istis inferioribus ad sydera, ab illis ad eorundem intelligētias, & inde ad archetypum unaquæq; res aptè reduci potest: ex quarum serie tota magia, & omnis occultior philosophia emanat. Trahitur enim quotidie aliquid naturale per artem, trahitur quotidie diuinum aliquod per naturam, quod intuentes Aegyptii, naturam magam uocauere, hoc est, uim ipsam magicam, in attractu similibum per similia, & conuenientium per couenientia. Attractus autem huiusmodi, per rerum mutuam conuenientiam ad seinuicem superiorum cum inferioribus, Græci *συμπάθεια* uocauerunt: sic cōuenit cum terra aqua frigiditate, aqua cum aëre humore, aër cum igne calore, ignis conuenit cum cœlo in materia: nec miscetur ignis cum aqua, nisi per aërem, nec aër cum terra, nisi per aquam. Sic nec miscetur anima corpori, nisi per spiritum: nec intellectus spiritui, nisi per animam. Sic uidemus, cum natura factus corpus humanum figurauerit, hoc ipso præparamēto, spiritum statim ab uniuerso deducit: spiritus hic fomes est in spiritu corporeq; ad intelligētiam, mentemq; diuinitus consequendam: sicut in ligno fœccitas parata est ad penetraturū oleum: oleum huic imbibitum esca est ad ignem: ignis ipse luminis est uehiculum. His exemplis uidemus quomodo certis quibusdā præparamentis naturalibus & artificialibus, cœlestia quædam dona desuper suscipere possumus. Conueniunt enim lapides & metalla cum herbis, & hæc cum animalibus, hæc uero cum cœlis, & hi cum intelligentiis, & istæ cum diuinis proprietatibus & attributis, atque cum ipso deo, ad cuius similitudinem, & imaginem omnia creata sunt. Prima autē dei imago, mundus: mûdi homo, hominis animal, animalis zoophytū, illius uero planta, plantæ autem metalla, & horum lapides similitudines imaginationesq; repræsentant. Rursus in spiritualibus conuenit planta cū bruto uegetatione, brutum cum homine sensu, hic cum dæmone intellectu, illi cum deo im-

Magiam
de emaret

Naturæ
mira colli-
gantia.

mortalitate iunguntur: diuinitas menti, mens intellectui: hic intēctioni, hęc imagini: illa sensationi, ea sensibus, ipsi tandē rebus. Ea enim est naturæ col-
ligantia & continuitas, ut omnis uirtus superior per singula inferiora lon-
ga & continua serie radios suos dispertiendo usq; ad ultima fluat: & inferio-
ra per singula sua superiora ad suprema perueniāt. Sic enim inferiora ad su-
periora inuicem cōnexa sunt, ut influxus ab eorum capite prima causa, tan-
quam chorda quædam tensa, usq; ad infima procedat: cuius si unum extre-
mum tangatur, tota subito tremat, & tactus eiusmodi usq; ad alterum extre-
mum resonet, ac moto uno inferiori, moueatur & superius, cui illud corre-
sponderet, sicut nerui in cythara bene concordata.

Quomodo dona, nō solū cœlestia & uitalia, uerūetiam intellectualia
quædā & diuina desuper suscipere possumus. Cap. XXXVIII



Radunt Magi per inferiora superioribus conformia, posse
opportunis cœli influxibus cœlestia dona trahi: atq; sic quoq;
per hæc cœlestia cœlestes dæmones, quatenus stellarū pedisse
quos nobis cōciliari & insinuari. Quare certis quibusdam ma-
teriis naturalem uim diuinitatis habentibus, hoc est, quæ naturaliter supe-
ris cōsentaneæ sunt, rite collectis, partim physicè, partim astronomicè, un-
diq; opportune conflatis, dona non solum cœlestia aut uitalia, uerūetiam
intellectualia, quædam dæmoniaca & diuina desuper suscipi posse, Iambi-
chus, Proclus, atq; Synesius, cum tota Platoniorum schola confirmant: &
Mercurius Trismegistus scribit ex propriis certisq; rebus certo cuidam dæ-
moni congruentibus, compositam rite statuam, confestim per dæmonem
cōgruum animari. Cuius etiam meminit Augustinus de ciuitate dei libro
oçtauo. Ea enim est mundi concordia, ut etiam supercœlestia trahantur à
cœlestibus, & supernaturalia à naturalibus cōspirent ac trahantur: quia una
uirtus opifex & specierum participatio per omnia diffunditur: quæ quidē
uirtus opifex, sicut ex occultis rationibus manifesta producit, ita magus
assumit manifesta, occulta ut attrahat: puta, per stellarū radios, per suffumi-
gationes, per lumina, per sonos, per res naturales cœlestibus congruas: qui-
bus ultra corporeas qualitates insunt etiam rationes, & sensus, & numeri, &
mensuræ incorporeæ atq; diuinę. Sic legimus antiquos certis rebus natura-
libus sæpe diuinum aliquod & mirandum suscipere solitos: sic lapis qui na-
scitur in pupilla oculorum hyænæ, sub lingua retentus, diuinationem præ-
stare dicitur. Idem fertur selenites lapis lunaris, efficere: sic anchitide di-
cunt euocari imagines deorum, synochitide umbras inferorum euocatas
teneri: Similia aglaoptis herba, quæ & marmoritides uocatur, in marmo-
ribus Arabiæ nascens Persico latere, efficit, ut narrat Plinius, atq; magos ea
uti, cum uelint deos euocare, esseq; herbam theangelidam nomine, qua po-
ta magi diuinent. Præterea etiam esse herbas quasdam, quibus mortui reuo-
cētur ad uitam. unde Xanthus historicus narrat herba quadā nomnie bali,

Magus p
manifesta,
occulta at-
trahit.

occisum draconis catulum, uitæ restitutum à parente, eademq; Tillonem quendā, quā draco occiderat, resuscitatum. Et Iuba refert, in Arabia herba quadam hominem reuocatum ad uitam. Verum an possint talia reuera fieri ui herbarū, uel cuiusuis alterius rei naturalis in hominem, in sequentibus differemus: posse autem fieri in ceteris animantibus certum & manifestū est. Sic muscæ submersæ si ponantur in cineribus tepidis, reuiuiscunt: & apes submersæ similiter uitam recuperant in succo nepetæ, & anguillæ defectu aquæ mortuæ, si corpore integro existēte ponantur sub fimo in aceto, & addatur de sanguine uulturis, post paucos dies oēs recuperāt uitā. Echeneim si quis in frustra discerpserit, & in mare proiecerit, paulo post partes cōuenire, & reuiuiscere aiunt. Scimus quoq; pellicanum necatos pullos suos reuocare ad uitam proprio sanguine.

Tillophera
bā uitæ re-
stituta.

Aialia ad
uitā reuo-
cari pos-
sunt, homo
non ita.

Quod certis quibusdam mundi materiis mundana numina, & horū numinū ministros dæmones allicere possumus. Ca. XXXIX.



Emo ignorat malos dæmones malis ac prophanis artibus allici posse, quæadmodū narrat Psellus Gnosticos magos cōsueuisse, quos pene execranda & abhominabiles turpitudines exequabant, quales olim in sacris Priapi, & in seruitio idoli quod uocabat Panor: cui pudendis discoopertis sacrificabat. Neq; istis dissimile est, si mō ueritas & nō fabula est, quod legit de Tēplariis: detestanda heresi, & similia horū de maleficis mulieribus cōstāt: q̄ qdē anilis demētia sepe in eiusmodi flagitiis errare deprehenditur. His igitur & horum similibus mali dæmones alliciuntur, atq; conspirant: quæadmodum malignus dæmon de Cynope mago ad Ioannem: omnis, inquit, potestas satanæ illic inhabitat, & coniurationē inquit cū uniuerfis principatibus, & pariter nos ipsi cū eo, & obedit nobis Cynops, & nos uicissim obedimus illi. Nemo rursus ignorat ecōuertere bonis operibus, pura mente, mysticis orationibus, deuotis suppliciis & similibus, supercœlestes angelos nobis cōciliari. Nemo igitur dubitet simili modo certis quibusdā mūdi materiis mūdāna numina quoq; allici posse, uel saltē dæmones horū numinū ministros siue pedissequos, ut inquit Mercurius, dæmones aëreos, non supercœlestes, nedū sublimiores. Sic legimus ueteres sacerdotes fecisse statuas & imagines futura prænūciātes, spiritusq; stellarum ipsis infudisse, nō tam materiis certis cohibitos, q̄ eis dē gaudentes: quatenus uidelicet eiusmodi materias ipsi sibi congruas dignoscentes, semper libenterq; habitant in eisdem, perq; illas loquuntur efficiuntq; mirabilia, nō secus atq; soleāt dæmones humana corpora occupantes.

Dæmones
mali, malis
alliciuntur
artibus.

Angeli ba-
ni, bonis cō-
ciliantur
operibus.

De ligationibus cuiusmodi sunt, & quibus modis soleāt fieri. Ca. XL.



Ictum est de uirtutibus & mirabili efficacia rerum naturalium. Restat nunc uidere rem magnæ mirabilitatis, & ipsa est ligatio hominum in amorem uel in odium, in ægritudines & sanitates, & eiusmodi. Item ligatio furum & latronū, ut in aliquo loco

Ligatio
multiplex.

Ligatiões
per quas
fiunt.

furari non possint: ligatio mercatorum, ut in aliquo loco emere uel uendere nequeant: ligatio exercitus, ut metam aliquam transire nō possit: ligatio nauium, ut nulla uiuentorum, etiam infinitis uelis per uentum tensis portum egredi minime ualeant. Item ligatio molendini, ut nullo impetu uolui possit: ligatio cisternæ, uel fontis, ut aqua exinde hauriri nequeat: ligatio agri, ut fruges in eo produci nequeant: ligatio loci alicuius, ut in eo ædificari nihil possit: ligatio ignis, ut in aliquo loco accendi non possit: & quod aliquod combustibile apposito fortissimo igne nō ardeat. Item ligatio fulgurum & tempestatum, ut nocere non possint. Item ligatio canum, ut latrare non possint: ligatio auium & ferarum, ut uolare uel fugere nequeant: & horum similia uix credibilia, quæ tamen sapius experiētia cognita sunt: Funt autem ligationes huiusmodi per ueneficia, per collyria, unguēta, poriones siue philtrea, per alligationes & suspensiones, per annulos, per fascinationes, per fortes imaginationes & animi excessus, per imagines & characteres, per incantationes & imprecationes, per lumina, per sonos, per numeros, per uerba & nomina, inuocationes, sacrificia, adiurationes, exorcismata, consecrationes, deuotiōes, perq; uarias superstitiones & obseruatōes, horq; similia.

De ueneficiis, earundemq; potentia. Cap. XLI.



Ueneficiorum tanta narratur esse potentia, ut credatur omnia inferiora subuertere, & tabescere & permutare posse, quemadmodum canit Vergilius:

Has herbas, atq; hæc Ponto mihi lecta uenena

Ipse dedit Mæris. nascuntur plurima Ponto:

His ego sæpe lupum fieri, & se condere syluis,

Mærim, sæpe animas imis exire sepulchris,

Atq; fatas aliò uidi traducere menses.

Item alibi de sociis Vlyssis:

Quos hominum ex facie dea sæua potentibus herbis

Induerat Circe, in uultus, ac terga ferarum.

Et paulo post:

Picus equum domitor, quem capta Cupidine coniunx,

Aurea percussum uirga, uersamq; uenenis

Fecit auem Circe, sparfitq; coloribus alas.

Sunt autem huiusmodi ueneficiorum species, cuiusmodi recitat Lucanus de uenefica illa Thessala, manes euocante, inquires:

Huc quicquid særu genuit natura sinistro

Miscetur, non spuma canum, quibus unda timori est,

Viscera non lyncis, non duræ nodus hyanæ

Defuit, & cerui pasti serpente medulla.

Non puppim retinens Euro tendente rudentes

In mediis echeneis aquis, oculiq; draconum.

Et qualia narrat Apuleius de Pamphila illa uenefica ad amorem operante: cui Fotis ancilla pilos caprinos ab inflatis utribus detōsos, pro Bœotii adulescentis capillis, attulit Pamphilæ, inquiens: lam uecors animi, tectum scādulare conscendit, quod altrinsecus ædium patore perflatili nudatum, ad omnes orientales cæterosq; aspectus peruium maxime his artibus suis cōmodatum, secreto colit, priusq; apparatu solito instruxit feralem officinā, omne genus aromatis, ignorabiliter laminis literatis, & infeliciū nauium durātibz clauis defletorum, sepulcorum etiam cadauerum expositis multis admodum membris: hic nares & digiti, illic carnosī clauī pendentium, alibi trucidatorum seruatus cruor, & extorta ferarum dentibus trunca caluaria, tunc decantatis spirantibus fibris litat uario latice, nūc rore fontano, nunc lacte uaccino, nunc melle montano libat & mulsa: sic illos capillos in mutuos nexus obditos atq; nodatos, cum multis odoribus dat uiuis carbonibus adolendos, tunc protinus inexpugnabili magicæ disciplinæ potestate, & cæca numinum coactorum uiolentia, illa corpora quorum fumabant stridentes capilli, spiritum mutuuntur humanum, & sentiunt, & audiunt, & ambulant, & quo nidor suarum ducebat exuuiarum ueniunt, & pro illo iuene Bœotio aditum gestientes fores insiliunt. Augustinus quoq; perhibet se in Italia audiuisse mulieres quasdam ueneficas, artibus adeo imbutas, ut dato casco statim homines conuerterent in iumenta, quæ necessaria porterent, & hos finito opere in homines iterum restituerent.

Et oēs fructus
in iumenta
trahunt.

De quorundā ueneficiorū admirādis uirtutibus. Cap. XLII.



Vnc uero narrabo quædam ueneficia, & horum exemplo sit parata uia ad totam hanc considerationem. Ex eis igitur sunt sanguis menstruus, qui quantas in ueneficio uires habeat, uideamus: Nam ut dicunt, acescunt eius superuentu musta nouella, uitis eius tactu in perpetuum læditur, sterilescunt tactæ fruges, moriuntur insitæ, exuruntur hortorum germina, & fructus arborum decidunt, speculorum fulgor aspectu ipso hebetatur, & acies ferri in cultris tonsoriis eborisq; nitor perstringuntur, etiam ferrum rubigine protinus corrumpitur: æs etiam contactum, graue uirus diri odoris accipit & æruginem: in rabiem aguntur gustato eo canes, atq; insanabili ueneno morsus infigitur. al uei apum emoriuntur, tactisq; alueariis fugiunt, linaq; cum coquuntur, nigrescūt. eque si sint grauidæ, cōtacto eo aborti patiuntur: abortū etiā facit illi tū prægnātibus. Asinæ nō concipiūt tot annis, quot grana hordei eo cōtacta comederint: cinisq; pannorum mēstruosorum si quis eum aspergat lauandis uestibus purpuram mutat, floribus colorem adimit. Ferunt tertianas quartanasq; febres fugari menstruo in lana arietis nigri in argento brachiali incluso. Præterea tertianis quartanisq; efficacissimum dicitur plantas ægri cum eo subterlini: multoq; efficacius ab ipsa muliere etiā ignorātis sic & comitiales impetus morbosq; sanari. Inter omnes autem conuenit, si

Sanguinis
menstrui
uires.

Hydropho
bi remediū

aqua potus ue formidetur à morfu canis, supposita tantū calyci lacinia mē
struo tincta, statim metum eum discuti. Præterea ferunt nudatas in mense,
si segetem ambiant, erucas ac uermiculos, scarabeosq; ac cantharides & no
xia quæq; decidere: cauendum uero, ne id oriente sole faciāt, sementē enim
arescere. Similiter abigi grandines turbinesq;, ac contra fulgura prodesse.
horum plura Plinius ipse recitat. Illud scias, maius uenenum esse, si decre
scente luna accidat: sed uim eius maiorem esse, si in silente luna contingat:
si uero in defectu lunæ solis ue euenit, irremediabile fieri: maxime uero ac
potentissimi uigoris esse, quando purgatio illa primis annis euenit, atq; in
uirginitate prima fit, id quoq; conuenit tunc ei: nam tactis omnino postu
bus domus, irritum in ea fit omne maleficiū. Præterea ferūt, quod fila ue
stis contactæ, ne igne quidem uincuntur, atq; si in incēdium proiiciantur,
non dilatari amplius. Dicitur quoq; quod si radix pæoniæ cum castoreo &
litura pannorum menstruorum detur patienti, sanari morbum comitia
lem. Præterea si stomachum cerui cremaueris uel assaueris, adiungasq; de
pannis menstruosis suffitus, eo balistas nihil proficere ad uenationem: ca
pillis etiam mulieris menstruosæ, si sub fimo ponantur, generari serpen
tes: ac etiam si cremētur, fugari eorum odore serpentes, tanta uis eius uene
ficii est, ut etiam uenenosis sit uenenum. Est & hippomanes carūcula, inter
ueneficia haud parū famosa, caricæ magnitudine, colore nigro, quæ in fron
te nascentis pulli equini apparet: quam nisi statim mater uorauerit, animū
à filio penitus auersum habet, & fœtum nō alit: ob hoc maximam uim eius
ad amorem concitandum ferunt, quando in puluērem uersa cum amantis
sanguine propinatur in poculis. Est & aliud ueneficiū quod eodem nomi
ne hippomanes dicūt, uirus scilicet illud, quod ex equarum inguinibus de
fluit, quo tēpore ferūt in amoris furorē, cuius meminit Verg. ubi canit:

Hippoma
nes.

Hinc demum hippomanes, uero quod nomine dicunt

Pastores. lenrum distillat ab inguine uirus.

Hippomanes quam sæpe male legere noueræ,

Miscentes herbas, & non innoxia uerba.

De hoc & Iuuenalis Satyricus:

Hippomanes carmenq; loquar, coctumq; uenenum

Priuigno datum.

Narrat Apollonius in suis Argo nauticis, Promethei herbam quam natam
ait ex sanie & cruore in terrā stillante, dum iecur Promethei uultur in Cau
caso laceraret ac depasceretur: cuius flos, inquit, assimilis croco, colore co
rycto, caule gemino, cubiti mensura prominens, radix sub terra uelut caro
recenter incisa succum nigricātem tanq; phagi emittit: Quo si quis Proser
pinæ prius re diuina peracta corpus illiniat, illum nec ferro nec igne oblā
di posse, tradit. Et Saxo Grammaticus scribit, Frotoni cuidam uestē fuisse,
qua indutus nullo telorum acumine ladi poterat. Hyæna etiam multis ue

neficiis inficitur: nam, ut refert Plinius, sanguine eius tactis postibus, ferūt
 prastigiorum infestari artes, nec posse elici deos, nec colloqui quocūq; mo-
 do tententur. Item tali sinistri cinere decocto, cum sanguine mustelæ per-
 unctos, omnibus odio euenire. Idem fieri oculo decocto. Rursus extremā
 fistulam intestini contra ducum ac potestatum iniquitates administrari,
 & ad successus petitionum, iudiciorum ac litium euētus pollere, si omnino
 aliquantulum quis secum habeat, eiusdem quoq; cauerna sinistro lacerto
 religata, si quis mulierem aspiciat, amatoriū esse tam præsens, ut ilico sequa-
 tur: frontis uero corium fascinationibus resistere. Basilisci quoq; sanguinē,
 quem & Saturni sanguinem uocant, tantas in ueneficio uires habere ferunt,
 ut gerenti ipsum, tribuat successus petitionum à potestatibus, tum etiam à
 diis precum, morborumq; remedia & beneficiorum munera: dicunt quoq;
 ricinum, si euellatur ex aure leua canis, cui nō insit alius, q̃ niger color, in au-
 gurio uitæ uim magnam obtinere, nam si æger respondeat ei, qui intulerit
 à pedibus stante interroganteq; de morbo, certam esse spem uitæ: moriturus
 uero, si nihil respondeat. Dicunt quoq; lapidem à cane rabioso morsum, ha-
 bere uim discordiæ, si ponatur in potu, nec adlatrari à cane, lingua canina
 in calceamento subdita pollici, præsertim si iungatur cum herba eiusdē no-
 minis, scilicet cynoglossa. Idem fieri membranam ex secundis canis habentem:
 fugere autem canes cor caninum habentem. Et narrat Plinius, esse ranas
 rubetarum nomine, quæ in uepribus tantum degunt, plenas ueneficio-
 rum, mirāda de his fieri: nam officulo quod est in sinistro latere, deiecto in
 aquam frigidam, statim feruere, canum impetus eo cohiberi, amorem con-
 citari, & iurgia, addito in potione: libidinem adligatū, stimulare: contrā offi-
 culo quod est in dextro latere, refrigerari aquam feruentem, nec postea fer-
 uere nisi exempto, quartanas cū eo sanari adligato in pellicula anguina re-
 centi, aliasq; febres, atq; amorem libidinemq; inhiberi. Lien uero atq; cor
 ex his ranis contra ueneficia quæ fiunt ex ipsis efficaciter auxiliari, hæc Pli-
 nius recitat. Dicitur etiam ferrum cū quo homo occisus sit, mirandā inter
 ueneficia uim habere: nam si fiant ex eo morsus equi, & calcaria, ferūt cum
 eis omnem equum uel ferocissimum facillime regi & superari. Et si ex eis fer-
 rentur equi pedes, ferunt ipsum uelocissimum fieri, nec ullo labore lassescere.
 Volunt præterea characteres & nomina quædam inscribi debere. Dicūt
 etiam, si quis gladium cum quo decollantur homines uino immergat, qui-
 cūq; de hoc æger biberit, liberatur à febre quartana. Dicunt etiam poculū
 ex ursino cerebro confectum, & ex eiusdem craneo propinatum, ursinā ra-
 biem induere, ita, ut homo ille qui biberit, se in ursam trāsfiguratum putet,
 omniaq; uisa sub urforum specie diiudicet, & sic in illa rabie perseverare,
 quousq; poculi uis fuerit resoluta, nullo alio malo in complexione sua in-
 de percepto.

*Hiene ue-
ficia.*

*Basilisci,
et illi⁹ san-
guinis ue-
neficia.*

De suffitibus, & earum ratione & potentia.

Cap. XLIII.

e



*Suffitus ad
prophetiā
conducens.*

*Spirituum
herbe.*

Vffumigationes etiam quædam ad stellas accommodata plurimum possunt, quatenus aërem spiritumq; uehementer afficiunt ad dotes cœlestes opportune sub stellarum radiis capessendas: spiritus enim noster ab huiusmodi uaporib⁹ plurimū transmutatur, siquidem uterq; sit uapor quidam alterius similis. Aër etiā per dictos uapores inferiorum & cœlestium qualitatibus facillime affectus, in præcordia assidue & repente penetrans, ad similes nos mirabiliter redigit qualitates: quare uaticinatio adhiberi solent suffumigationes ad phantasmam afficiendam, quæ quidem certis numinibus consentaneæ ad diuinam inspirationem suscipiendam nos accommodant: sic dicunt quod suffitus ex semine lini, & semine psyllii, & radicibus uiolæ & apii, facit uidere res futuras, & confert ad prophetiam. Quātum uero suffumigationes in aërem possint nemo miretur, qui sentiat cum Porphyrio certis quibusdā uaporibus à propriis suffumigationibus exhalantibus, aëreos dæmones statim allici & innuari, tonitrua, & fulmina induci & similia: quemadmodum iecur chamaeleontis in summis regulis ustum, constat imbres & fulmina incitare: similiter caput & guttur, si roboreis lignis accēdatur, imbrium & tonitruum cōcussus facere. Fiunt etiam suffumigationes sub opportunis stellarum influxibus, facientes dæmonum idola in aëre uel alibi protinus apparere. Sic inquirunt, si ex coriandro, & apio siue hyoscyamo cum cicuta fumigium fiat, dæmones statim congregari: hinc illas herbas spirituum uocant. Similiter dicunt, si ex radice cannæ ferulæ cum succo, cicutæ & hyoscyami, & rassi, barbassi, & sandalo rubeo ac papauere nigro, facta confectio fiat suffitus, facit apparere dæmones & figuras extraneas: & si istis additum fuerit apium, fugat dæmones ex omni loco, & destruit idola illorum. Simili modo suffitus factus ex calaminto, pæonia, menta & palma Christi, omnes malos spiritus & noxia phantasmata propellit. Præterea certis suffumigiis, quædam animalia cōgregari uel fugari tradunt, sicut de lipare suffito refert Plinius, omnes bestias euocari: sic è summo gutture cerui ustis ossibus congregari serpentes, cornu uero ceruino suffito fugari. Idem faciunt pennæ pauonū suffitæ. Similiter accenso pulmone asini, uenenata oīa fugere: ungula equi suffita in domo aliqua, effugari mures. Idem fieri ex ungula mulæ. Muscas quoq; ea fugari, si de sinistro pede fuerit. & dicunt, quod si suffumigetur domus aut locus aliquis cum felle sepiæ, confecto cum thimymate, & rosis, & ligno aloës, si tunc proiciatur in loco illo aliquid de aqua marina, aut de sanguine, uidebitur rota domus plena aqua aut sanguinis: & si proiciatur ibi terra arata, uidebitur terra tremere. Vapores autē eiusmodi corpus alia quod efficere, & uirtutē huic infundere atq; diutissime perseuerare, nō secus arbitrādū est, atq; cōtagiosus aliquis aut uenenosus pestilentiæ uapor etiā ultra bienniū in pariete dom⁹ seruatus, habitātes inficit, ac qualis ex epidemia uel lepra latēs in ueste calamitas, diu postea inficit urētē. Idcirco imaginib⁹

& annulis, & similibus magiæ instrumentis, & thesauris absconditis suffumigationes certæ adhibentur, quas haud parū conferre Porphyrius testatur. Sic dicunt, si quis defoderit aurum uel argentum uel aliquod pretiosum, luna soli coniuncta in imo cœli, & suffumigauerit locum cū coriandro, & croco, & hyoscyamo, & apio, & papauere nigro, æquis ponderibus cōtufis, & cū succo cicutæ distēperatis, nūquā inueniri aut auferri poterit quod sic absconditū est, semperq; dæmones custodiēt illud: & si q̄s nitatur inde aliquid auferre, infestabit ab illis, & incidet in phrenesim. & dicit Hermes, quod sperma ceti in suffitu non habet sibi par ad alliciendos dæmones: quare si ex eo & ligno aloës, costo, musco, croco, thymiamate, cū sanguine upupæ distēperatis fiat suffitus, ualde cito cōgregat spiritus aëreos: & si ex eo suffumigetur circa sepulchra mortuorū, congregat manes & umbras mortuorū. Sic quoties ad solem opus aliquod dirigimus, suffumigamus cum solaribus: si ad lunam, cū lunaribus, & similiter de cæteris faciebant. Et est sciendū, quod sicut cōtrarietas & inimicitia est in stellis & spiritibus, ita etiā in suffumigiis adeosdē: sic contrariātur inuicem lignum aloës & sulphur: thus, & argentū uiuum: & spiritus inducti per suffitū ligni aloës, accenso sulphure fugiunt. Quemadmodum exemplificat Proclus spiritum solitum apparere in forma leonis, obiecto gallo, mox disparuisse, quia gallus contrariatur leoni, & sic de similibus considerandum & practicandum est.

Cōpositio quorundā suffitū planetis accōmodator. Ca. XLIII.



Itē cōficimus pro Sole suffumigationem, ex croco, ambra, musco, ligno aloës, ligno balsami, & ex fructibus lauri, cum garyophyllis, & myrrha, & thure, quæ omnia contusa & certa proportionē commixta, ea uidelicet quæ suauiore reddat odorem, incorporātur cum cerebro aquilæ, uel sanguine galli albi, in modum pillularum uel trochiscorum.

Lunarem uero suffumigationem conficimus ex capite ranæ arefacto, & oculis tauri, & semine papaueris albi cū thure & camphora, quæ incorporantur cum sanguine menstruo, uel sanguine anseris.

Pro Saturno capitur semen papaueris nigri, semen hyoscyami, radix mādragoræ, lapis magnes & myrrha, & conficiuntur cum cerebro cati, uel sanguine uestertilionis.

Pro Ioue accipitur semen fraxini, lignum aloës, storax, gummi benzae, lapis lazuli, & de summitate pennarum pauonis, & incorporantur cum sanguine ciconiæ, uel hirundinis, uel cerebro ceruino.

Pro Marte capimus euphorbium, bdelliū, armoniacū, radices utriusq; ellebori, lapidem magnetis & parum sulphuris, & incorporantur omnia cū cerebro corui, sanguine humano, & sanguine catti nigri.

Pro Venere cōficim⁹ fumigiū ex musco, ambra, ligno aloës, rosis rubeis, & corallo rubeo, & cōficiuntur cū cerebellis passerū & sanguine colūbarū.

Pro Mercurio fit suffumigium, ex mastiche, thure garyophyllis & herba pentaphyllo, ac lapide achate, & incorporantur omnia cū cerebro uulpis uel mustelæ, & cum sanguine picæ.

Sunt præterea suffitus Saturni, omnes odoriferæ radices, ut costi & herbarum thuris. Iouis suffitus, odoriferi quique fructus, ut nux muscata, ut garyophylli. Martis, omne odoriferum lignum, sandalorum, cupressi, balsami, & ligni aloës. Solis omne gūmi, thus, mastiche, benzae, storax, ladanū, atque ambra & muscus. Veneris sunt flores, rosæ, uiole, crocus, & cōsimiles. Mercurii omnes cortices lignorum & fructuum, ut cinnamomū, cassia lignea, macis, cortices citri, & lauri grana, & quæque etiam odorifera semina. Luna habet pro suffitu uergetabiliū omnium folia, ut foliū Indum, & folia myrti, & lauri. Scias præterea iuxta magorum sententias, quod in omni opere bono, ut sunt amor, beneuolentia & similia, suffumigium debet esse bonum, redolēs, & pretiosum. In malo autē opere, ut sunt odiū, ira, calamitas & similia, suffumigium debet esse fœtidum & uile. Habent etiam duodecim signa Zodiaci suos suffitus, ut Aries, myrrham: Taurus, costū: Gemini, mastichen: Cācer, cāphorā: Leo, thus: Virgo, sandalos: Libra, galbanum: Scorpius, opopanax: Sagittarius, lignum aloës: Capricornus, asam: Aquarius, euphorbium: Pisces, thymiam. Potētissimum autē suffituum describit Hermes, ex septem aromatibus, iuxta septem planetarum uires conflatum: recipit namque à Saturno costū, à Ioue nucem muscatam, à Marte lignum aloës, à Sole mastichem, à Venere crocum, à Mercurio cinnamomum, à Luna myrrum.

De Collyriis, unctionibus, philtis, eorumque uirtutibus. Ca. XLV.



Collyria etiam & unguenta naturalium cœlestiumque uires conspirantia circa spiritum nostrum, possunt eum multiplicare, transmutare, transfigurare, transformare, alias aliter: iam uero & transpositionem inducere potētiarum illarum, quæ sibi insunt, ut iam non solum possit in proprium corpus agere, sed etiam in propinquū, atque illud per radios uisuales, per fascinationes, perque cōtactus quadam simili afficere qualitate: spiritus autē noster, quia uapor est sanguinis subtilis, purus, lucidus, æreus, atque unctuosus. Iccirco conducit collyria ex similibus uaporibus conficere, qui cum spiritu nostro magis consonant in substantia, tum propter similitudinem magis alliciunt, attrahunt spiritūque transformant. Similes uirtutes unguenta quædam & aliæ confectioes possident: hinc per cōtactus quādoque ægritudines, ueneficia, uel amores inducuntur quibusdam rebus manibus uel uestibus inunctis: similiter per oscula quibusdam rebus in ore retentis amores inducuntur, ut apud Vergilium legimus Venerem Cupidinem precatam esse:

Vt cum te gremio accipiat lætissima Dido
Regales inter mensas, laticemque Lyæum
Et dabit amplexus, atque oscula dulcia figet,

Occultum inspire ignem, fallasq; ueneno.

Visus autem quia est purius, & reliquis sensibus clarius sentiens, acutiusq; ac altius nobis rerum notas infigens, maxime ac plus aliis conuenit cū spiritu phantastico, quod apparet in somniis, ubi sæpius nobis uisa sese offerūt quàm audita, uel reliquæ sensationes. Idcirco collyria quando uisuales spiritus transformant, spiritus ille imaginationem facile afficit, quæ quidem diuersis speciebus ac formis affecta, ipsas per eundem spiritum transmittit ad sensum exteriorem uisus, quo casu causatur in eo talium specierū ac formatum sensatio suo modo, ac si ab exteris obiectis moueretur, ut putet se uidere imagines terribiles, dæmones, & similia: sic fiunt collyria facientia nos dæmonū umbras in aëre uel alibi protinus aspicere, quales ego noui ex felle hominis & oculis catti nigri, & ex quibusdam aliis rebus cōficere. Simile huic etiam ex sanguine upupæ, uespertilionis & hirci conficitur: & dicūt, si inungatur speculum chalybeum cum succo arthemisiæ, & fumigetur, facit in eo uidere inuocatos spiritus. Sic fiunt etiam quædam suffumigationes uel inunctiones, quæ faciant dormientes loqui, ambulare & exercere opera uigilantium, atq; etiam quādoq; quæ uigilantes uix possint uel ausint. Quædam nos faciunt audire sonos horrendos, uel delectabiles nusq; præsentis & eiusmodi. Hæc eadem causa est cur maniaci ac melancholici credunt se ea uidere uel audire extrinsecus, quæ non nisi intrinsecus imaginatio phantasticatur, hinc timent non timēda, & in suspiciones mirabiles, ac falsissimas incidunt, & fugiunt nemine persequente, irascūtur & luctantur nemine præsentis, timent ubi non est timor: cuiusmodi passionis etiam magicæ confectiones inducere possunt, per suffumigationes, per collyria, per unguenta, per potiones, per ueneficia, per lampades & lumina, per specula, per imagines, incantamenta & carmina, per sonos & concentus, ex certorum animalium neruis certa harmonia constantibus, etiā per uarios ritus, obseruationes, ceremonias, religiones, & superstitiones, sicut hæc suis locis tractabuntur. Neq; solum his artificijs eiusmodi passionis, apparitiones & imaginationes inducuntur, sed etiam res ipse atq; homines reuera permutantur, & in uarias formas transfigurantur, sicut de Proteo, Periclimēno, Acheloo, & Metra Erisichtonis filia narrant Poëtæ: sic Circe socios mutauit Vlyssis: & quondam in Iouis Lycæi sacris gustatis sacrificiorum extis, homines in lupos uertebantur, quod dicit Plinius accidisse cuidam Demarcho, putat idē Augustinus. Narrat etiam se dum esset in Italia, accepisse quasdam fœminas, dato uiatoribus ueneficio in caseo, eos in iumenta uertisse, rursusq; cū portassent, quæ uoluissent onera, in homines restituisse, idq; patri cuidam Præstantii nomine tunc accidisse. & ipsæ sacræ literæ testantur magos Pharaonis mutasse uirgas suas in dracones, & aquā in sanguinē, & alia quædā.

De alligationibus, & suspensionibus physicis.

Caput XLVI.

Visus purior est q̃ auditus.

Maniaci & melancholici credunt se ea uidere.



*Palme fo-
minine ad
masculinā
inclinatio.*

*Torpedo
stuporem
inducit.*

*Alligatio-
nes et in-
uolutiones
quomodo
fieri debe-
ant.*

Nima mundi quando per suam uirtutem omnia uel naturali-
ter generata, uel artificialiter facta fecundat, infundendo ipsis
proprietas cœlestes, ad aliquos mirabiles effectus quos ope-
rantur, tunc res ipsæ nō solum applicatæ per suffumigationes,
uel collyria, uel unguenta, uel potiones, uel aliquo eiusmodi modorum, ue-
rumetiam quando conuenienter inuolutæ alligantur, uel è collo suspēdun-
tur, uel alio quouis modo supponuntur, uel leuissimo contactu approxi-
mantur, suam nobis imprimunt uirtutem: per has itaq; alligationes, suspē-
siones, inuolutiones, suppositiones contactusq; corporis & animæ acciden-
tia mutantur, in ægritudines, in sanitates, in audaciam, in timorem, in tristi-
tiam, in lætitiā, & similia: & reddunt gestantes gratiosos uel terribiles, ac-
ceptos uel reprobos, honoratos & dilectos, uel odiosos & abominabiles.
Passiones autem eiusmodi per supradicta infundi non secus arbitrantur, q̃
in insitionibus arborum manifestum est, ubi uirtus uitalis transfunditur à
trunco in surculum illi insitum cum alia ligatura, qua contactus sibi inuicē
non hæreant: sic in palma foeminina quādo appropinquat ad masculinā,
rami eius declinant ad masculum & incuruantur: quod uidentes hortulani,
ligant funes de masculo ad foeminā, quæ redit erecta super seipsam, tanq̃
iam adepta sit per cōtinationem funis masculi uirtutem. Simili modo ui-
demus, quod torpedo marina etiam per longissimā uirgam procul tacta
subito manum stupefacit tangētis. Quod si quis etiam leporem marinum
atingat, aut manu aut baculo dum in morbo est, animi defectum incurrit.
Similiter dicunt, quod stella marina uulpino sanguine & clauo æreo ianuæ
affixa, mala medicamenta nocere non posse: dicitur etiā, quod si mulier ac-
cipiat acum, inficiatq; fimo, deinde inuoluat luto in quo cadauer humanū
defossū fuerit, & secum portauerit in panniculo qui fuerit in funere, non
poterit uir quispiam cum ea coire q̃ diu secum habuerit. Iam his exēplis ui-
demus quo modo certis quarundam rerum alligationibus uel suspensioni-
bus, & quodam simplici contactu, aut per alicuius fili cōtinationē quasdā
uirtutes inde suscipere possumus. Oportet autem nosse certam alligandi &
suspendendi legem & modum huic artificio congruentem, ut scilicet fiant
sub certa cōstellatione & consona, fiantq; dictæ alligationes & suspē-
siones cum filis metallicis uel sericeis, uel ex capillis, uel neruis, uel pilis, uel setis
certorum animalium factis. Inuolutiones uero fiāt in foliis herbarum, uel
pelliculis animalium, uel certis pāniculis & similibus, quatenus res inter se
consentiant: ut si solarem alicuius rei uirtutem tibi cōciliaturus fueris, hæc
inuoluram lauri folio, uel pelle leonis, filo aureo, uel sericeo croci coloris,
collo suspēdas, Sole in figura cœli regnāte: sic enim solaris uirtutis illius rei
poteris euadere cōpos. Quod si Saturnalis rei alicui⁹ uirtutē optas, hæc fimi-
li mō, Saturno domināte, iuoluas pelle asini, uel pāniculo funerali, p̃sertim
si ad tristitiā oparis, & filo nigro suspēdas: Simili mō de reliqs æstimādū est.

De annulis & eorum compositionibus. Cap. XLVII.



Nnuli etiā quos semper magnificat antiquitas, quando opportune fabricantur, simili modo suam in nobis promunt uirtutem, quatenus gestantem, eiusq; spiritum afficiunt lætum, uel tristem, māsuetum uel terribilem, audacem uel timidum, amabilem uel odiosum: etiam quatenus muniunt nos contra ægrotudines, uenena, hostes, cacodæmones, & cōtra quæuis alia noxia, uel nos obligāt eisdē. Modus autem construendi annulos eiusmodi, talis est: quando uidelicet stella aliqua ascendit fortunata, & à Luna fœliciter aspecta, uel sibi coniuncta, debemus lapidem herbamq; huic stellæ subditam accipere, atq; annulū ex metallo huic stellæ conformi fabricare, & in eo lapillum infigere herba uel radice subiecta: deniq; inscriptiones imaginum, nominum, characterū, præterea suffumigationes nō prætermittere: sed hæc alibi discutiemus, ubi de imaginibus & characteribus tractandum erit. Sic legimus apud Philostratum Iarcham sapientum Indorum principem, septem annulos hæc lege confectos, & septem planetarum uirtutibus, ac nominibus insignitos tradidisse Apollonio, quos ille singulis diebus singulos gestauerit, iuxta dierum nomina distinguens, quorū beneficio ipse supra annum centesimum ac tricesimū uixerit, insuper & iuuentæ nitore semper retinēs. Simili modo Moses Hebræorū legislator ac princeps, in Aegypto magia imbutus, annulos amoris & obliuionis confecisse legitur apud Iosephū. Erat etiā, narrāte Aristotele, apud Cireneos annulus Batti, gratitudinis atq; honoris habens argumentum. Legimus insuper Eudamum quendam philosophum annulos cōtra serpentū morsus, fascinationes atq; dæmonia cōfecisse. Idē de Salomone narrat Iosephus. Quin & apud Platonē legimus Gygi Lydorū regi annulum fuisse mirandæ ac inusitatæ uirtutis, cuius sigillum cū ille in palmā conuertisset, à nullo uidebatur, ipse omnia uidens: qua annuli opportunitate fretus, reginæ stuprum intulit, regem dominum occidit, & quoscūq; sibi obstare arbitrabatur interemit, atq; in his eum facinoribus nullus uidere poterat, tandem eo annuli beneficio rex Lydia factus est.

Annulorū
cōpositio.

De locorū uirtutib; & q̄ loca cuiq; stellarū correspondēt. Ca. XLVIII.



Vnt & locorū mirandæ uirtutes, aut à rebus locatis, aut ab influxibus stellarū illa comitantes, aut alio quouis modo aduentitiæ: Nam, ut refert Plinius de cuculo, quo quis loco primū audiat alitē illā, si dexter pes circūscribat, ac uestigiū id effodiatur, nō gigni pulices ubicunq; spargatur. Sic ferunt puluerē è uestigio anguium collectum, si cū eo respergantur apes, in alueare reuerti: similiter puluerem in quo se mula uolutauerit inspersum corpori, mitigare ardores amoris: puluerē aut in quo se accipiter uolutauerit, si alligēt linteolo rutilo, ferūt ipsum quartanis remedio esse: sic & è nido hirūdinū lapill' collectus, recreare cōfestim dicif comitiales: & adalligatus, perpetuo tueri, potissime

Loca Plan-
etis respo-
d. n. i. a.

Mundi pla-
ne-
tis subiecta

si sanguini uel cordi hirundinum fuerit inuolutus: & fertur, si quis incisa ue-
na & ieiunus transierit super locum ubi recenter ceciderit corruens morbo
comitiali, in eum transire morbum. & narrat Plinius, quod clauum ferreum
defigere in quo loco primum caput defixerit corruens morbo comitiali, ab-
solutorium eius mali fore. Sic herbam in capite statuæ natam collectamq;
alicuius, in uestis panno adalligatam lino ruffo, capitis dolorem cōfestim
sedare tradunt: & herbam quamcunq; è riuis, aut fluminibus collectam an-
te solis ortum, ut nemo colligentem uideat, tertianam leuo brachio, ita, ut
æger quid sit illud ignoret. Ex locis uero quę stellis appropriata sunt, Satur-
no correspondent loca quęuis fœtida, tenebrosa, subterranea, religiosa & fu-
nesta, ut cœmiteria, busta, & hominibus deserta habitacula, & uerustate ca-
duca, loca obscura, & horrenda, & solitaria antra, cauernæ, putei. Præter
rea piscinæ, stagna, paludes, & eiusmodi. Ioui adscribuntur loca quæuis
priuilegiata, purpuratorum consistoria, tribunalia, cathedræ, gymnasia,
scholæ, & omnia loco nitida, munda, uariis suauibus odoramentis resper-
sa. Mars tenet loca ignea & sanguinolenta, fornaces, pistrinas, macella, cruces,
patibula, & loca in quibus bellorum strages, cedesq; factæ sunt, & carnifi-
cinas, & eiusmodi. Ad Solem pertinent lucida, aer serenus, palacia regum, &
principū aula, pulpita, theatra, throni, & omnia regia, & magnifica quæq;
Venus autem incolit fontes amœnos, uiridatia prata, floridos hortulos, or-
nata cubilia, & lupanaria, (& ut Orpheo placet) cerulea, littora, & balnea,
chorearum palæstras, & muliebria cuncta. Mercurius obtinet officinas, scho-
las, tabernas, mercatorum foros & consimilia. Luna habitat deserta, syluas,
rupes, & immania saxa, montes, nemora, fontes, aquas, flumina, maria,
littora, naues; dicitur quoque uarios lucos inerrans, possidetq; uias publi-
cas, & recōditoria frugum, & similia. Hac ratione ad amorem operaturi, so-
lent suæ artis instrumenta, siue annulos, siue imagines, siue specula, seu alia
per aliquod certū tempus sepelire, aut abscondere in lupanari, quo ex loco
illo Venerea quadā facultate adficiat: quod nō secus fieri putat, q̄ res q̄ stāt
in loco fœtido, efficiuntur fœtidæ: & quæ in loco aromatico, fiūt aroma-
ticæ & redolentes. Ipsi etiam mundi situs huc pertinent. Hinc collecturos
herbam Saturnalem, uel Martialem, uel Iouiam, iubent ad oriētem specta-
re, uel ad meridiem. Primum, quia gaudent esse orientales à Sole: alterum,
quia principalia eorum domicilia, scilicet, Aquarius, Scorpius, Sagittarius,
signa sunt meridionalia: Similiter Capricornus & Pisces. Collecturos uero
rem Veneream, Mercurialem uel Lunarem, spectare iubent uersus occide-
tem, quia gaudent esse occidentales: uel contra septentrionem, quia domi-
cilia eorū principalia, quæ sunt, Taurus, Gemini, Cancer, Virgo, signa sunt
septentrionalia: sic in opere solari spectandum est contra oriētem, uel me-
ridiem, quin potius semper ad ipsum solare corpus atq; lumen.

De lumine & coloribus, de lychnis & lampadibus,

& q̄ colores, q̄bus stellis, domibus & elemētis distribuant. Ca. XLIX.



Vmen etiam qualitas multum formalis, & simplex actus intelligentiæ, & imago: primo à diuina mente in omnia diffusa, sed in ipso deo patre, qui est pater luminū, est prima uera lux: deinde in filio illius illustrans splendor & exuberans: in spiritu sancto ardens fulgor, superans omnem intelligentiam etiam, ut inquit Dionysius, seraphinorum. In angelis itaq; diffusa fit splendens intelligentia, profusumq; gaudium supra omnis rationis terminos, diuersis tamē gradibus secundum suscipientis intelligentiæ naturā suscepta: descendit deinceps in cœlestia, ubi fit copia uitæ & efficax propagatio, etiā uisibilis splendor: In igne uero naturalis quidā uigor à cœlestibus insitus: In hominibus deniq; fit lucidus rationis discursus, & rerum diuinarum cognitio, totaq; rationalis: sed & hæc multiplex, aut dispositione corporis, ut uolūt Peripatetici, aut quod uerius est, pro libito causæ largientis, qui diuidit singulis prout uult: transit inde ad phantasiā, supra sensum tamen: sed solum imaginabilis tandē ad sensum, maxime uero oculorum. In eo fit uisibilis claritas, porrigiturq; alternis perspicuis corporibus, in quibus fit color & pulchritudo renitens: in opacis autem uirtus quædam benefica & generans, penetratq; usq; ad centrum, ubi radiis eius in angustum collectis, fit caliginosus calor, crucians & exæstuans, adeo omnia lucis uigorem, pro eorū capacitate persentiunt, quæ cuncta ad se uiuifico calore cōnectens, tum cuncta permeans entia, earum qualitates uirtutesq; conducit per omnia. Iccirco uetant magi umbra cuiusq; infirmi aspergi, uel infirmi alicuius urinam cōtra solem lunam uel nudari: quia radii luminis penetrantes, subito morbosum corpus noxias qualitates secum ferentes, traiciunt in aduersum, atq; illud eiusmodi qualitate male afficiunt: Hæc ratio est, cur fascinantes obseruant, ut umbra sua fascinatū contegant: sic hyæna umbræ suæ cōtactu facit obmutescere canēs. Fiunt etiam artificialiter lumina quædam per lampades, lychnos, cadelas, & eiusmodi ex certis quibusdam rebus & liquoribus, ad stellarū normā opportune electis, & ad eorundē cōgruitatē inter se compositis, quæ quando accenduntur, atq; solæ lucent, solent nonnullos mirabiles & cœlestes producere effectus, quos sæpe homines admirantur, quemadmodum ex Anaxilao narrat Plinius, equarum uirus à coitu in lychnis accensum, equinorū capitum uisum, monstriſſice representare: simile fieri etiam ex asinis. & muscilioes cum cera distemperatæ & accensæ, faciunt uidere muscas: & corium serpentis accensum in lampade, facit apparere serpentes. Et dicunt quando uuæ sunt in flore, si quis circumligarit illis phialam plenam oleo, & dimiserit ita donec fuerint maturæ, illuminato illo postea in lampade, facit uidere uuas. Idem ualere etiam in cæteris fructibus. Quod si centaurea permisceatur cū melle & sanguine upupæ, & ponatur in lucerna, circūstātes apparebūt solito maiores: etsi per noctē illuminetur in sereno, uidet, quod stellæ discurrāt

adinuicem. Piscis sepia atramento etiam ea uis est, ut in lucernam addito, Aethiopes uidere faciat. Fertur quoque, quod candela ex quibusdam Saturnalibus rebus confecta, si accensa extinguatur in ore hominis recēter mortui, postea quoties sola luceat, inferre circumstantibus tristitiam maximam, atque timorem. Huiusmodi plures consimiles lychnos, & lampades, narrat Hermes & Plato, & Chyrānides, & ex posterioribus Albertus, in quodā tractatu de hoc singulari. Colores etiam lumina quaedam sunt, qui rebus immixti, solent eas stellis ac cœlestibus corporibus, quibus ipsi congruunt, exponere. Et nos in posterioribus dicemus, quorum colorum sint planetarū lumina: secundum quos etiam fixarum stellarum naturę deprehendantur: quæ etiam ad lampadum & lucernarum flammās huc adhibere licebit. Sed hoc loco quomodo rerum inferiorum mixtorumque colores, uariis planetis distribuuntur referemus. Sunt enim colores omnes nigri, lucidi, terrei, plūbei, fusci, Saturnum referentes. Colores uero sapphiri, aërei, perpetuo uirides, clari purpurei, obscuriores, aureique: argēteo mixti, pertinent ad Iouem. Colores autem rubei, ardētes, ignei, flammei, uiolacei, purpurei, sanguinei & ferrei, referunt Martem. Colores autem aurei, crocei & purpurei, lucidiores, referunt Solem. Colores uero omnes albi, pulchri, uarii, uirides, rubicundi, aliquātulum crocei siue purpurei, referunt Venerem, Mercurium, atque lunam. Quinetiam ex domibus cœli, prima & septima, habēt colorem album: secunda & duodecima, uiridem: tertia & undecima, croceum: quarta & decima, rubeum: quinta & nona, mellitum: sexta & octaua nigrū. Habent etiam elementa suos colores, per quos phyfici de complexione & proprietate naturæ iudicant: terrenus enim color, ex frigido siccoque conductus, fuscus & niger est, & atram bilem, Saturniamque naturam pollicetur: cœruleus ad albedinem tendens, denotat pituitam: nam frigus albefacit humidum, siccumque denigrat: sub rubeus color sanguinem indicat: sed igneus, siue flāmeus excandescens cholera: quæ cum propter subtilitatem suam, omnibus facile est cōmixtibilis, uarios deinceps causat colores: nam si sanguini miscetur, illo dominante rubore uiget: si dominetur cholera, subruffum efficit: si æqualis mixtio est, ruffum facit: sed si cum sanguine est cholera adusta, canabinum reddit: rubeum cum sanguine dominante, aut subrubicundum, præualente cholera: quod si cum humore melacholico misceatur, nigredine tingit, sed cum melancholia & phlegmate, æqua portione, facit canabinum: si superabundat phlegma, luteum: si melācholia uincit, glaucū: si autem cum solo phlegmate misceatur, æqua portione, facit citrinum: si per excessum alterius, pallidum aut suppallidum. Sunt autem colores oēs magis potentes, quando sunt sericei uel metallei, uel in substantiis perspicuis, uel lapidibus pretiosis, & in his, quæ cœlestem similitudinem propinquius imitantur, maxime autem in uiuentibus.

Planetarū
colores.

Domorum
cœli colores
Humorum
colores

De Fascinatione, atque eius artificio. Cap. L.



Fascinatio est ligatio, quæ ex spiritu fascinantis per oculos fascinati ad cor ipsius ingressa peruenit. Fascinationis autem instrumentum spiritus est, scilicet uapor quidam purus, lucidus, subtilis, à cordis calore ex puriori sanguine generatus: hic similes sibi radios per oculos semper emittit: radii isti emissi uaporè spiritalem secū ferunt: uapor ille sanguinem, sicut apparet in lippis ac rubentibus oculis, cuius radius usq; ad obuios spectantis oculos emissus uaporem unà secū corrupti sanguinis trahit, cuius contagione cogit spectantis oculos morbo simili laborare. Sic patefactus, & in aliquem intentus oculus cum forti imaginatione pro suorum radiorū aculeis, qui spiritus uehicularia sunt, ipsos in aduersos oculos iaculatur: qui quidē lentus spiritus fascinati diuerberans oculos, cū à percutientis corde incitatur, percussī præcordia, tanq̃ regionē propriā fortitus, cor uulnerat, & spiritum inficit peregrinus hic spiritus. Vnde Apuleius: Isti, inquit, oculi tui p̃ meos oculos ad intima delapsi præcordia, acerrimū meis medullis cōmouēt incendiū. Scias itaq; hoīes tū maxime fascinari, quando frequētissimo intuitu acie uisus ad acie dirigētes, oculi oculis reciproce inhiant, radii radiis copulantur, & lumina luminibus iunguntur, tūc spiritus spiritui iūgitur, & scintillas defigit, sic fortissimæ ligationes, sic amores acerrimi solis oculorum radiis. Accenduntur etiā uel repētino quodam intuitu, ueluti iaculo seu ictu totū corpus penetrāte: unde tūc spiritus & sanguis amatorius sic uulnerati, non aliter in amātem & fascinantē feruntur, q̃ sanguis & spiritus uindictæ alicuius cæsi prolabuntur in cādentem: unde Lucretius de his amatoriiis fascinationibus cecinit:

Fascinatio
quid.

Fascinatio
nūc instru-
mentū, spi-
ritus.

Radij, uehī-
cula spūs.

Fascinatio
quō fiat.

Idq; petit corpus mens unde est saucia amore,
Nanq; omnes plerunq; cadunt in uulnus, & illam
Emicat in partem, sanguis quaq; icimur ictu,
Et si cominus est, hostem rubor occupat humor.
Tanta est fascinationis potentia, præsertim quando affectui uapores oculorum subseruiunt. Idcirco utuntur fascinantes collyriis unctionibus, alligationibus & huiusmodi, ad spiritum tali uel tali modo afficiendum & corroborandum. Vt ad inducendum amorem collyriis utuntur Venereis, ex hippomane, sanguine columbarum uel passerum, & ex similibus. Ad inducendum timorem, collyriis utuntur Martialibus, ut ex oculis luporum, hyænæ, & similibus. Ad calamitatem uel ægritudinem, utuntur Saturnalibus. Similis de singulis ratio est habenda.

De certis obseruationibus, admirandas uirtutes
producentibus. Caput LI.



Crus quoq; certos & obseruationes, certam naturalium uim possidere tradunt, ut credāt morbos quosdam sic uel sic auferri posse aliquando, uel inferri: sic ferunt quartanas abigi, si resermina unguiū ægri ligētur ad collū anguille uiuæ in linteolo,

Resermina
nūc unguiū
effectus.

ipsa sic in aquā remissa. Et narrat Plinius, quòd ex agro refegmina unguiū
 ē pedibus manibusq; cera permixta, ita ut dicatur, quartanæ, tertianæ, uel
 quotidianæ feбри remedium fieri, atq; sic ante solis ortum alienæ ianuæ affi-
 gantur, remedium fore in his morbis. Simili modo omnia refegmina un-
 guium, si ad cauernas formicarum adiiciantur, eam quæ primo cœperit tra-
 here, correptam iubet collo subnecti, atq; ita discuti morbum: & è ligno ful-
 gure icto, reiecto post terga manibus, aliquid demorbari ferunt: & in quar-
 tanis fragmētum clauī ē cruce inuolutum lana, subnectunt collo, aut spar-
 tum ē cruce, liberatoq; condunt cauerna, quam sol non attingat. Item im-
 matura morte raptorum manu, strumas parotidas gutture tacto, sanari af-
 firmāt. Itē dicunt difficiles partus statim solui, cū quis lectū in quo sit gra-
 uida transmiserit, lapide uel missili, ex his quæ tria animalia singulis ictibus
 interfecerūt, scilicet, hominem, aprum, ursam. Idem quoq; efficere hastam
 militarem, euulsam à corpore hominis, si terram nō attigerit, sagittas etiā
 corpore eductas, si terram non attigerint, subiectas cubantibus, ferunt ama-
 torium esse. dicunt etiam comitiales morbos sanari cibo ē carne feræ occi-
 sæ eodem ferro quo homo interfectus sit: negātur oculorum uitia fieri, nec
 lippiri eos, qui cum pedes lauent aqua, inde ter oculos tangant: in guinibus
 medentur aliqui licium telæ detractum, nouenis septenis ue nodis adalli-
 gantes, ad singulos nodos uiduam aliquam nominantes. Item pecudis lien
 super dolentes lienem extenditur, dicēte eo qui medetur lieni se remedium
 facere: post hæc iubent ipsum in pariete dormitorii, tecto ue includi & obfi-
 gnari annulo, ter noniesq; carmen dici: liberat eodem uitio lacertæ uiridis
 urina, in olla ante cubiculum dormitorii eius cui medetur suspēsa, ita quòd
 æger egrediens reuertensq; attingat manu. Item in urina uituli lacerta ne-
 cata, Venerem eius qui fecerit cohiberi dicūt: qui uero in urinam canis suā
 ingesserit, dicitur ad Venerem pigrior fieri, ac lumborū torporē sentire: fe-
 runt contrā omnia mala medicamenta auxiliari suam cuiq; urinam maturi-
 nis horis instillatam in pedem. Est rana parua arborem scādens, in eius os
 si quis expuat, ipsamq; dimittat, tussim liberare dicitur. Mirum quoq; est,
 sed experimēto facile quod narrat idem Plinius, si quē pœniteat ictus emis-
 nus cominus ue illati, & statim expuat, mediam in manū qua percussit, le-
 uatur ilico percussus à pœna, hoc delūbata quadrupede approbari, statim
 à tali remedio correcto animalis ingressu: quidam etiam aggrauāt ictus an-
 te conatum. Simili modo saliuā manu ingesta, expuere similiter in calcea-
 mentum dextri pedis anteq̃ induatur, bonum est, cum quis transit locum,
 in quo aliquod periculū adierit. Despuimus quoq; comitiales morbos, con-
 tagia, reperiendo: ueniam etiam à diis spei alicuius audacioris petunt ali-
 qui in sinū despuendo. Simili modo terna despuere deprecatione in omni
 medicina mos fuit, atq; ex hoc effectus adiuuari. Tradunt lupos in agrum
 non accedere, si capti unius pedibus infractis, cultroq; adacto paulatim

*Sputi uel
 saliuæ effi-
 cacia.*

*Lupi quōdā
 finibus ar-
 cendi.*

sanguis circa fines agri spargatur, atq; ipse fodiat in eo loco, à quo cœperit primo trahi. Methanenses Trezeniorum oppidani contra Noti iniuriã ad præseruandas uites præsentaneũ remediũ certissimo semper experimẽto cõpertũ habuerunt, si flante adhuc uento, gallũ gallinaceũ albũ duo uiri diuersum trahentes discerperent mediũ, & uterq; suã partẽ retinens uincta perlustrarẽt, quousq; circuitu peractõ ad eum ex quo mouerãt loco, ambo sibi obuui rediissent, tũcq; eo loci gallinacei frustra defodissent. Tradũt etiã si quis uiperam in uaporẽ baculo sustineat, eum futura præcinere, baculũ quoq; quo angui rana excussa sit parturientibus auxiliari. hæc Plinius ipse recitat. Iubent etiam in colligendis radicibus & herbis tribus circulis ante gladio circumscribere, postea effodere, cauere præterea contrarium uentũ. Item dicitur, quod si quis mensurauerit hominem mortuum cum fune, primo à cubito ad maiorem digitum, deinde ab humero ad eundem digitum, & postea à capite usq; ad pedes, faciendo ter omnes istas mensurationes, si alius quispiam postea cum eodem fune simili modo mensuretur, ferunt illum improsp̃ari, & infortunari, ac cadere in calamitatem & tristitiam. Et narrat Albertus ex Chyrannide, quod si qua mulier te ligauit maleficiis in amorem suum, accipe camisiã suã, & per capucium, & per manicã eius dextram minge foras & dissoluetur maleficium. Et narrat Plinius, quod ad fidere grauidis, uel cum remedium alicui adhibetur, digitis pectinatim inter sese complexis, ueneficium esse, idq; compertum Alcumena Herculem pariente: peius autem fore, si circa unum ambo ue genua id fiat: Similiter poplites alternis genibus imponere ueneficium est: ideoq; hæc in consiliis ducum potestatumq; fieri uetitum, uelut omnes actus impediẽtia: & dicitur si quis ante ostium stans nomine uocet cum muliere iacentem, atq; ille respondeat, si tunc aut cultrum, aut acum infigat ostio, frangatq; acie demissa, non poterit iacens coire cum illa, quã diu hæc ibi fuerint.

De uultu, ac gestu, corporisq; habitudine & figura, & quæ ex his quibus stellis respõdeãt, unde physiognomoniam, & metoposcopia, & chiromantia, diuinationũ artificia, suã fundamẽta habeãt. Ca. LII.



Vltus uero ac gestus, corporisq; motus & situs, & figuræ nobis insuper adhibitæ, ad cœlestia munera capiẽda conducunt, nosq; superis exponunt, certosq; in nobis effectus producunt, non secus atq; in elleboro, quam quidẽ herbam colligens, siue folium sursum trahat, siue deorsum, hoc ipso motu causat, ut humores sursum trahat, uel deorsum. Quãtum etiam uultus atq; gestus, uisum, imaginationem spiritumq; animalem afficiunt, nemo ignorat: sic coeuntes ad prolem, plerunq; uultus quos ipsi tunc uel agunt, uel imaginantur, solent nascituris filiis imprimere: sic clemens ac lætus in urbe principis uultus lætificat populum: ferox uel tristis, repẽte perterret: sic facile misericordiam mouet gestus ac figura lugẽtis: sic facile amorem excitat amabilis personæ

Vultus atq;
gestus q̃ru
imaginati-
onem affi-
ant.

Qui ge-
stus, quos-
nā referat
planetas.

figura . Scire autem debes huiusmodi gestus ac figuras tanquam corporis harmonias ipsum non secus exponere cœlestibus, quàm odores & medicina spiritum, atq; passionēs interiores animam. Nā quemadmodū medicina & passionēs animi certis cœli dispositionibus coalescūt: sic etiam gestus ac motus corporis certis cœlestium influxibus efficaciam nanciscuntur. Sunt autem gestus Saturnum referentes, qui sunt tristes ac mœsti, ut sunt planctus, capitis ictus: item religiosi, ut genuflexio aspectu deorsum fixo, ueluti deprecantis: pectoris ictus uultusq; consimiles, & austeri ac Saturnini hominis, qualem describit Satyrus:

Obstipo capite, & figentem lumina terra,
Murmura cum secum, & rabiosa silentia rodit,
Atq; exporrecto trutinatur uerba labello.

Figure q-
bus plane-
tis respon-
deant.

Iouem uero referunt, uultus hilares & honesti, gestus honorifici, manuum coniunctio, quasi plaudentis, siue laudantis: item genuflexio capite sursum eleuato tanquam adorantis. Martem referunt, gestus acres, feroces, crudeles, iracundi, truces, uultusq; consimiles. Solares sunt animosi, honorifici, uultusq; consimiles: item deambulationes & genuflexio, unico genu tanquam honorantis regem. Venerei sunt, ut choreæ, amplexus, risus, uultus amabiles ac læti. Mercuriales sunt inconstabiles, strenui, lubricosi & huiusmodi, uultusq; cōsimiles. Lunares sunt mobiles, uenefici, pueriles & eiusmodi. Et quemadmodum de gestibus loquuti sumus, sic etiam hominum figuræ discretæ sunt: Saturnus enim hominem indicat, colore inter nigrum & croceum, macrum, recuruum, cute aspera, eminentibus uenis, corpore pilosum, paruis oculis, iunctis superciliis, rara barba, grossis labris, aspectu in terram demerso, ponderoso incessu, confricantem pedes ambulando, callidum, ingeniosum, seductorem, interfectorem. Iupiter uero hominē significat colore album, rubore suffusum, pulchri corporis, bonæ staturæ, caluū, habentē oculos maiusculos, nō prorsus nigros, pupillā latā, nares, breues, non æquales, dentes anteriores maiusculos, barbā crispā, boni animi & bonorū morū. Mars hominē facit rubeū, capillitio ruffo, facie rotūda, oculis croceis, horribilis & acuti prospectus, audacē, festiuū, superbū, callidum. Sol hominem significat colore fuscum, inter croceum & nigrum, cum rubore superfusum, staturæ breuioris, pulchri tamē corporis, corpore caluū, & crispum, oculis croceis, sapientem, fidelem, laudis cupidū. Venus hominē significat album, tendentem ad nigredinem, plus tamen albū, & rubore adornatum, pulchro corpore, pulchra facie & rotunda, pulchro capillitio, pulchris oculis, quorum nigredo est intensior, bonorum morum, boni amoris, beneuolum, patientem & iocundum. Mercurius significat ex figuris hominem non multum album, neq; nigrum, facie oblonga, fronte eleuata, pulchris oculis, nō ex toto nigris, naso recto & longiusculo, rara barba, & longos habentē digitos, ingeniosum, subtilē inquisitorem, uersipellem & uariis

fortunis subiectum. Luna uero significat hominē colore album, mixto rubore, pulchra statura, facie rotunda, & sepe signata, oculis nō ex toto nigris, iunctisq; superciliis, beneuolum, facilem & sociabilem. Habēt etiam Signa, & facies signorum suas figuras, quas qui scire uelit in Astrologorum libris eas requirat. Ex istis deniq; figuris & gestibus, physiognomonia, & metoposcopia, diuinationum artes dependent: ipsaq; etiam chiromantia, prædicentes futuros euentus, non ut causā, sed ut signa per effectus cōsimiles, ab eadem causā causatos: & licet hæc diuinationum species per inferiora & debiliora signa uaticinari uideantur, non tamen aspernanda nec damnanda sunt eorum iudicia, quādo non ex superstitione, sed ex partium omnium corporis harmonica correspondētia prognosticantur. Quicūq; aut nūc natura, studio, actione, motu, gestu, uultu, animi affectib; tēporisq; opportunitate cœlestia meli' imitat, is tāq; supis illis similior, ampliores inde pōt recipe dotes.

De diuinatione auspicioꝝ, & augurioꝝ. Cap. LIII.



Vnt quædam alia diuinationū genera à naturalibus causis dependentia, quæ sua arte & experientia cōstant in uariis rebus: quibus medici, agricolæ, pastores, nautæ, unusquisq; ex probabilibus signis prognosticāt: quorum multa tradidit Aristoteles libro de temporibus. Inter quæ diuinationum genera, auspicia & auguria, principatum tenent: quæ tanto olim apud Romanos in pretio fuerunt, ut nihil eorum, quæ ad publica uel priuata negotia pertinerent, inauspicato perfecerint: populum uero Hetruscum hoc artificio maxime præstitisse, Cicero in libro Diuinationum, copiose declarat. Sunt uero auspicioꝝ plures species: nam quædam dicuntur pedestria, quæ uidelicet ex quadrupedibus capiuntur: quædam auguria, quæ ex auibus: quædam cœlestia, quæ ex tonitruis & fulmine: quædam caduca, ut cū in templo uel alibi, quid decidisset: quædam sacra, quæ ex sacrificiis capiebantur. Horum quædam dicebantur piacula & tristia auspicia, ut cum hostia profugisset ab ara, uel percussa mugitum dedisset, uel in aliam partem corporis, quā oportet cōcidisset. His superadditur Exauguratio, quando uidelicet ē manu augurantis uirga decidisset, qua contemplari & auspiciū capere mos fuit. Michael Scotus duodecim recitat augurioꝝ genera, sex uidelicet à dextris, quorum nomina dicit, fernoua, feruetus, confert, emponēthem, sonnasarnoua, sonnasaruetus: & alia sex à sinistris, quorum nomina sunt, confernoua, confertuetus, uiarā, herrenam, scassarnoua, scassaruetus: deinde exponens ea nomina inquit: Fernoua est augurium, quando tu exiueris domum tuam causa faciendi aliquid, & eundo uides hoīem, uel auē, eundo uel uolando, ita quod se ponat ante te in sinistra parte tui: istud est tibi signum bonæ significationis super negotiū. Feruetus est auguriū, quādo tu exiueris domū causa faciendi aliquid, & eundo prius inuenis uel uides auē, uel hoīem pausantē ante te in sinistra parte tui: istud est tibi malum signum super negotio. Viaram est

Romani
nil inauspi-
catum fe-
cerunt.
Auspicioꝝ
species.

Augurioꝝ
genera duodecim.

augurium, quando homo, uel auis, suo itinere uel uolatu ante te transit, ueniens à dextra parte tui, & tendēs in sinistram, euanescit: istud est tibi bonū signum super negotio. Confer noua est augurium quando prius inuenis hominem uel auem, euntem uel uolantem, & pauset ante te à dextris, te uidente: istud est tibi bonum signum super negotio. Confer uetus est augurium quando prius inuenis uel uides hominem uel auem, reclinantem à dextris tuis uidēte te: est tibi signū malū super negotio. Scimafarnoua auguriū ē, quādo homo uel auis post terga cōsequit te, & trāsit te, sed antequā perueniat ad te, uel tu ad eam, alicubi pauset te uidēte à dextris tuis: est tibi signum bonum. Scimafaruetus est augurium quando uides post te hominem uel auem à dextro latere pausantem: est tibi signum malum. Scassar-noua est, si uideris post te hominem uel auem, sed antequam perueniat ad te uel tu ad eam, pauset in loco te uidente: signum est tibi bonum. Scassarue-tus est, si uideris hominem uel auem prāter euntem, & in loco pausantem à sinistro latere: signum est tibi malum. Emponenthem, est quando homo uel auis ueniens à sinistris, & transiens ad dextrā, euanescit à conspectu tuo absq; quod uideas repausantem: signum est tibi bonū. Hartenam auguriū est, si homo, uel auis à dextris ueniens, post terga tua trāsiens in sinistram, uiderisq; eam alicubi pausantem: hoc signum est malum. hęc Scotus hactenus. Augurabant etiam ueteres ex sternutamentis, quorum meminit etiam Homerus in Odysea libro decimo septimo, quia putabant illa procedere ex loco sacro, uidelicet capite, in quo uiget & operatur intellectus: unde & sermo quicunq; mane surgenti inopinato in buccam mentem ue uenerit, prālagium & augurium aliquod habere traditur.

De diuersis quibusdam animātibus, & aliis rebus, quā in auguriis significationē habeant. Cap. LIIII.



Rima quæq; auspicia in opis cuiusq; initio accipiēda sunt: ut si uestē tuā in initio opis à foricibus corrosam senseris, desine ab inceptis: si egrediēs offenderis in limine, aut in uia impegeris pedē, cōtine iter: si qd mali ominis in principio negotiorū tuorū tibi occurrerit, differ inchoata: ne, uel tota intētio frustret, aut inutiliter cōpleat: sed expecta donec omine meliore faustā agēdis arripas horā. Videm⁹ aialia pmulta ex ui quadā ipsis à natura insita, prāstigiosa atq; fatidica: nōne gall⁹ cāru horas solertissime indicat: & alis aptis leonē fugat: aues cōplures cāru & garritu, muscæ acri pūctura pluuiā pñūciant: & delphines crebris supra aquas saltibus tēpestates pcurrūt. Lōgū esset retexere oīa prālagia q̄ ex auibus, & animalibus didicere Phrygii, Cilices, Arabes, Vmbri, Tusci, & alii populi, q̄ auguria sequuti sūt: q̄ p illos multis expimētis & exēplis cōprobata sūt. In omnib⁹ nāq; sūt abscondita futuroꝝ oracula: maxima autē q̄q; tibi aues ominales pñūtiabūt. Hæ sunt quas ex hoīb⁹ in aues cōuersas eē referūt poēte. Itaq; quid cornix loquat̄ diligēter ausculta, sitūq; ei⁹ sedētis, aut uolātis à dextris

Ominales
aues quæ
sunt.

an à sinistris, loquax an clamosa an silens, præcedat an sequatur, transeun-
 tis uel expectet aduentum, an fugiat, quò uel discedat, omnia diligenter atten-
 de. Dicit Orus Apollo in hieroglyphicis: Geminæ cornices nuptias signifi-
 cant: quoniã hoc animal duo oua parit, ex quibus marem & fœminam ge-
 nerari oportet: si autẽ, quod rarissime euenit, duo mares generẽtur, aut duæ
 fœminæ, iugatæ mares cum fœminis alteri cornici non admiscẽtur: itidem
 neq; fœminæ alteri mari, sed dissociatæ, solæ degunt: Ideo unicæ cornici oc-
 currentes, augurantur futurum, ut uiduali uita sibi uiuẽdum sit. Idẽ etiam
 portendit columba nigra: hæc enim post maris interitum, semper sola de-
 git. Coruos autem non minore diligentia obseruabis, hos nanq; rebus ma-
 ioribus præferri, & cornici præiudicare dicũt: & sensit Epicetetus Stoicus phi-
 losophus & grauis autor, si cui coruus aduersum crocitarer, uel corpori uel
 fortunæ, uel honori, uel uxori, aut natis aduersa portẽdere. Deinde cygnos,
 qui aquarum secreta prænoscent considerabis, eorum nanq; hilaritas non
 modo nautis, sed quibusq; præterea peregrinãtib; felices præsagiunt euen-
 tus, nisi fortioris superentur superuentu, ut puta aquilæ, quæ potentissima
 imperii sui maiestate, omnium auium fidem, si contra loquatur, euacuat:
 cunctis siquidem auibus altius uolat, profundiusq; perspicit, & ab ipsius Io-
 uis arcano nunq̃ excluditur: altitudinem & uictoriam, sed per sanguinẽ por-
 tendit: quia non aquam, sed sanguinem bibit. Locrensibus aduersus Croto-
 nenses dimicantibus, aquila superuolans contulit uictoriam Hieroni: ad
 prima belli egredienti, aquila ex improviso residẽs in clypeo, regem illum
 futurum prænuntiauit. Nascente Alexandro Macedone duæ aquilæ tota
 die supra domũ sedentes, omen duplicis imperii Asiæ & Europæ ei porten-
 derunt. Eadem Lucio Tarquinio Prisco Demarathi Corinthii filio ob sedi-
 tionem domo profugo, & in Heturiam profecto Romamq; petenti, pileũ
 auferens ac alte uolãs rursus capiti reponens, Romanorum regnũ illi por-
 tendit. Iam uero & uultures significant difficultatem, duritiem, & rapacita-
 tem, quod in origine urbis cõdendæ experiẽtia uerificatũ est: futuræ quoq;
 stragis loca ostendunt septem diebus præuenientes: & quoniam in eam par-
 tem respiciunt, in qua altera pars inferior futura est, tanquã inhians occidẽ
 dorum maiori numero, ideo solebant antiqui reges speculatores mittere,
 qui renunciarent, quam in partem uersi respicerent uultures. Phœnix autẽ
 singularis fœlicitatis successus pollicetur, qua uisa noua Roma, melioribus
 auspiciis condita est. Pellicanus, quia filiorum causa periclitatur, significat
 hominem amicitia suæ pietate subiturum discrimen. Picta auis Pictauorũ
 urbi nomen dedit, ac gẽtis lenitatem colore & uoce præfigurauit. Ardea re-
 rum arduarum auspicium est. Ciconia, concordia auis, concordiam facit.
 Grues à gruere antiquo uerbo, quasi congruere dicti, semper adferũt quòd
 expedit, atq; inimicorum insidias cauere faciunt. Cucupha gratitudinẽ in-
 dicat, sola enim hæc parentibus senio confectis gratiam refert: contra Hip-

Auguria à
 maioribus
 auibus sum-
 menda.

A minori
bus que su-
mantur au-
guria.

popotamus paricida, ingratitude meritorum & iniustitiā nunciat. Origis
avis inuidiosissima, inuidiā significat. Iamq; etiā ex minoribus auibus, Pica
loquax, hospites nuntiat: albanellus prateruolans, si à sinistris ad dextrā fe-
ratur, hospitii hilaritatē: si contrario, contrarium indicat. Stryx avis semper
infausta est, & etiam noctua: quæ quia noctu ex improviso aggreditur pul-
los, quæadmodum mors de improviso superuenit, ideo mortem prænunti-
are dicitur, nonnunq; tamen quia noctis tenebris non cæcatur, hoīs diligē-
tiā & uigilantiā significat, quod residens in Hieronis hasta cōprobauit. Bu-
bonē uero Dido dū misceret Aeneæ infaustum sensit, inde cecinit Poëta:

Solaq; culminibus ferali carmine bubo

Sæpe queri & longas in fletum ducere uoces.

& alibi:

Ignauus bubo dirum mortalibus omen.

Idem in capitolio cecinit, quum res Romana apud Numatiā inferior fuit,
atq; quum Fregellæ ob factā in Romanos coniurationē sunt dirutæ. Inquit
Almadel, bubones & nycticoraces cum ad insolitas regiones mansionesq;
diuerſerūt, iudicio esse earundē regionū & ædiū hoīes morituros, propterea
quod aues illæ delectantur cadaueribus, eaq; præsentunt: morituri aut ho-
mines, iā potestate cadauera sunt. Sed & de accipitre litis pñutio canit Naso:

Odimus accipitrem, quia uiuit semper in armis.

Lælius Pompei legatus in Hispania inter pabulatores occiditur, id fatum
accipiter supra caput uolitans, sibi prænūtiasse dicitur. Et inquit Almadel,
quod eiusdem speciei aues inter se pugnātes, regni mutationem significāt:
si uero specie diuersæ contra se inuicem bellum gerant, & quæ amplius non
uiſæ conueniant, nouam regionis illius fortunam portendunt. Minutulæ
etiam aues, aduentu uel recessu suo familiam augeri uel minui portendūt:
earum uero uolatus quanto serenior, tanto laudabilior. Vnde Melampus
augur, ex auicularum uolatu Græcorum stragem coniecit, quando ait: Vi-
des ut nulla serenos ales agit cursus. Hirundines quoniam moribundæ pul-
lis latebras parant, patrimonium amplum uel à mortuis legatum porten-
dunt. Vespertilio fugienti occurrens, euasione significat: nā ipsa licet pen-
nas non habeat, tamen euolat. Passer autem fugienti malum omen est, ipse
enim accipitrem fugiens ad noctuam percurrit, apud quam æque pericli-
tatur: tamen in amoribus boni auspicii est, siquidem libidine concitus, septies
in hora coit. Apes regibus bona omnia sunt, nam populū obsequentē mon-
strant: muscæ uero importunitatem & impudentiam significant, quia sæ-
pius abactæ, continuo nihilominus redeunt. Aues etiam domesticæ, augu-
riorū nō sunt expertes, nam galli cantu suo spem & iter inchoantis promo-
uent. Quin & Tiberio nascituro prægnās Liuiā mater ouum gallinæ subdu-
ctū, eouſq; sinu suo fouit, donec gallus insigniter cristatus exclusus est, un-
de augures interpretati sunt, nasciturū puerū fore regnaturū. Et scribit Ci-
cero apud Thebaidam gallos gallinaceos canēdo totis noctibus Bæotiis,

Domesti-
carum au-
guria.

aduersus Lacedæmones præfagisse uictoriam: quod augures ita interpreta-
ti sunt, quoniã auis illa uicta filet, canit autẽ si uicerit. Simili ratione etiã ab
animalibus & bestiis, euentuũ omina capiuntur, nã occurfus mustelæ omi-
nosus est. Leporis occurfus, itinerati timẽdus est, nisi captũ ceperit. Mulus
quoq; infensus est, quia sterilis est. Porcus uero perniciosus, talis est enim
eius natura, ideo perniciosos homines significat. Equus iurgiorũ & pugne ra-
tionem habet: Vnde apud Vergiliũ uisus equis albis exclamat Anchises:

Ab anima-
libus omnia
que suman-
tur.

Bellum o terra hospita portas,

Bello armantur equi, bella hæc armenta minantur.

Tamen quando curru iuncti occurrunt, quia concordia iugo trahunt, pacẽ
significant sperandam. Asinus inutilis est: profuit tamen Mario, qui cum
hostis patriæ pronuntiatus, uidit asinum oblatum pabulum spernentẽ, ad
aquam properantem, quo augurio ostensam sibi salutis uiam ratus, auxili-
arẽ amicorũ turbã orauit hoc unum auxilii genus exhiberent, & se ad mare
cõduceret, quo impetrato, parua superimpositus carinæ Syllæ uictoris mi-
nas euasit: utcunq; tamen asellus in augurio occurrat, semper laborẽ, patiẽ-
tiam, impedimenta significat. Lupus uero obuius bonus nuncius est, cuius
efficacia uisa est in Hierone Siculo, cui lupus in literario ludo tabulam eri-
piens, successum regni firmavit: tamẽ eius quẽ ante uiderit uocẽ præcludit.
P. Africano & C. Fuluius Coss. Minturnis lupus uigilem lanauit, quando
Romanus exercitus in Sicilia à fugitiuis superatur. Quin & perfidos signifi-
cat, & malæ fidei homines: quod notum est in Romuli progenie: nam fides
quam matre lupa olim suxerunt, & sibi inuicem ab initio seruauerũt, uelut
lege quadam naturæ, manauit ad posteros. Leoni occurrere, cũ sit hoc ani-
mal inter cætera fortissimũ, omnibus terrorẽ incutiens, bonum est: sed læ-
nam mulieri occurrere, malum est, quia conceptũ impedit, nam læna non
parit secundo. Ouibus & capris occurfare bonum est. Legitur quoq; in
Ostentario Tuscorum, si hoc animal insolito colore fuerit indutum, portẽ
di imperatori rerum omnium cum felicitate largitatẽ: Vnde Vergilius ad
Pollionem canit:

Ipse sed in pratis aries iam suaue rubenti

Murice, iam croceo mutabit uellera luto.

Bonum etiã est occurrere bobus tritulantibus, sed melius arantibus, qui etsi
uiam rumpentes iter tardant, moram tamen hanc hospitii gratia compen-
sant. Canis in itinere faustus est, quod Cyrus expositus in syluis, à cane ad
regnũ enutritus est: quẽ & angelus, Tobia socius, nō est aspernatus comitẽ.
Castor quia uenatoribus testiculos suos demordens, abiectos relinquit, ma-
li ominis est, & homini sibiipsi damnũ illaturũ portendit. Iamq; etiã ex mi-
nutis animalibus mures dãnũ significat: quẽ quũ in capitolio aurũ roserũt,
eodẽ die ambo cõsules iuxta Tarẽtum insidiis ab Annibale intercepti sunt.
Locusta quasi loco stare faciẽs, aut loca exurẽs, uota præpedit, & mali omi-

Minutorũ
omina ani-
malium.

Efficacissi-
mū ab ho-
mine auspi-
cium.

nis est: contrā cicadæ iter promouent, & bonum rerum nunciant euentum Aranea à superioribus filum ducens, spem uenturæ pecuniæ nunciare dicitur. Similiter & formicæ, quia norunt sibi prouidere, & tutas parare latebras, ideo securitatem & diuitias portendūt, multitudinisq; exercitum significāt. Hinc cum Tiberii Cæsaris māsuefactum draconem formicæ deuorassent, respōsum fuit, ut caueret multitudinis tumultum. Si tibi occurrat anguis, caue à maledico inimico: nam hoc animal nullo alio mēbro pollet, quā ore. Anguis in regiam irrepens, Tarquinio casum suum augurata est. Duo angues in lecto Sempronii Gracchi reperti sunt, dictum illi ab aruspice, si marem aut fœmellam emitteret, aut sibi aut uxori breui moriendū: ille uxoris uitam suæ præferēs, occiso mare fœmellam emisit, paucisq; post diebus uita excessit. Sic uipera mulieres prauas scelestosq; filios significat, & anguilla hominem significat omnibus infensum: hæc enim seorsum ab aliis piscibus degit, nec iuncta cum aliis inuenitur. Inter omnia autē auspicia & omnia, nullum homine efficacius est, nullum potentius, nullum quod euidentius ueritatem exponat: eius igitur occurrentis conditionem, ætatem, sexū, professionem, situm, gestum, motum exercitium, complexionem, habitū, nomen, uerba sermonemq; omnia diligēter notabis, & requires: nam cum cæteris animalibus tam multa insunt præfagiorum lumina, non dubiū est, hæc multo efficaciora clarioraq; humanæ animæ esse infusa, quod & Tullius ipse testatur inquiring, humanis animis naturaliter quoddam auspiciū inesse suæ æternitatis, ad omnes rerum series, & causas cognoscēdas. In fundamentis Romanæ urbis caput hominis integra facie repertum, magnitudinem imperii præfagiuit, & monti capitolii nomen indidit. Brutiani milites contra Octauium & M. Antonium præliaturi, in castrorum porta Aethiopem offenderunt: quem licet ut aduersæ rei augurium ilico trucidarēt, tamen infelicitè pugnatū est, atq; Brutus & Cassius ambo duces interiere. Ipse etiam monachorum occursum uulgo ominosus habetur, magis autem si matutinus fuerit: quia id hominum genus plurimum è mortuario ueluti uultures ex morticiniis uictitat.

Quomodo uerificantur auspicia per lumen sensus naturæ, ac de eius experiundæ aliquot regulis. Cap. LV.



Auspicia & auguria, quæ ex animantibus & auibus futura prædicent, Orpheum illum theologum primo monstrasse legimus, quæ de post apud omnes gentes magni habita sunt. Verificantur autem ipsa per luminositatem sensus naturæ, quasi ab hoc quædā lumina diuinationis descendant super quadrupedia, uolatilia & alia animantia, per quæ habeant nobis de euentibus humanis præfagire: quod etiam sentire uidetur Vergilius ubi canit:

Haud equidem credo, quia sit diuinius illis

Ingenium, aut rerum fato prudentia maior.

Eiusmodi aut̃ sensus naturæ, ut inquit Gulielmus Parisiensis, ipse est omni humana apprehensione sublimior, & prophetiæ uicinissimus uehementerq; similis. Ab hoc sensu mirabilis quidam diuinationis splendor aliquibus animalibus naturaliter inditus est: quemadmodū in quibusdam canibus manifeste apparet, qui latrones & occultos homines, & sibi & hominibus penitus incognitos, huiusmodi sensu agnoscunt, inueniunt, inuestigant, cōprehendunt, in eos faucibus & dentibus irruētes. Simili sensu uultures futuras præuident strages ex præliis, & cōgregantur in locis ubi futuræ sunt, tanquam præuideant sibi futuram escam cadauerum. Eodem sensu perdices cognoscūt matrē suam, quam nunquā uiderūt, & relinquunt perdicē quæ furatur oua matris, & fouet ea. Hoc eodē sensu, omnino ignorante anima humana sentiuntur quædam nociua & terrifica, unde terror & horror inuadit plurimum homines nihil de rebus huiusmodi sentiētes uel cogitantes. Sic latro latens in domo aliqua, qui cum omnino ibi esse nesciatur uel cogitetur, horrorem, timorem & cordis inquietudinem incutit eiusedem domus habitatoribus, fortasse non omnibus, quia huiusmodi splendor nō omnibus hominibus inest, sed paucis. Sic meretrix abscondita in domo aliqua amplissima, aliquando ab aliquo omnino ignorante, ibi esse sentitur. Proditum est historiis, Heraiscū quendam Aegyptium, diuinæ naturæ uirū, immundas mulieres nō oculis tantū sed uoce procul audita cognouisse, statimq; capitis dolore eā ob rē non mediocriter affectū. Refert quoq; Gulielmus Parisiensis, mulierē quandā suo tēpore, uix quē adamabat, quando adiret locū in quo ipsa morabat, eiusmodi sensu lōge à duobus miliaribus præsensisse ueniētē. Refert etiā tēpore suo ciconiā quandā adulterio cōuictā per olfactū masculi cōgregata à masculo multitudine ciconiarum ac detegēte ipso crimē fœmelle, ipsam à tota illa multitudine tanq̃ omniū iudicio reā iudicatā, deplumata ac laceratā fuisse. Recitat etiā de quodā equo, qui cū ignorans cū matre sua cōcubuerat, postea idprehendens, ipsum sibi propriis dētibus, genitalia abscondisse, tanq̃ uindicantē in se incestū. Similia de equis recitant Aristoteles, Varro & Plinius. Narrat ipse Plinius de aspide quadā simile factū, q̃ cū ad mēsam cuiusdam ueniēs in Aegypto quotidie aleretur, enixa catulos quorū ab uno filius hospitis interēpt⁹ est, illa reuerfa & cognita culpa, necē intulisse catulo, nec postea in teētū id reuersam fuisse. Iam his exēplis uidemus, quō sup animantia quædam præfagiorū lumina descēdere possunt, uelut signa rerū in eorū gestu, motu, uoce, uolatu, incessu, cibo, colore, & eiusmodi cōstituta. Nam iuxta Platoniorū doctrinam, est rebus inferioribus uis quædam infita, per quam magna ex parte cū superioribus cōueniūt, unde etiam animalū taciti cōsensus cū diuinis corporibus consentire uident, atq; his uiribus eorū corpora & affectus affici, quarum nomine suis adscribuntur numinibus. Considerare igitur oportet quæ animantia sunt Saturnalia, quæ referunt Iouem, quæ Martem, & sic de singulis, & secūdum eorū

*Sensus naturæ
sublimior
animis.*

proprietates elicere præfagia : sic quæ Saturnum referunt & Martem, diræ omnes dicuntur & ferales aues: ut noctuæ, ululæ, & cæteræ quas supra recitauimus, bubo quoq; quia auis Saturnalis solitaria & nocturna inauspicatissimi ominis esse fertur, de qua ait poëta:

Fœdaq; sic uolucris uenturi nuncia luctus

Ignauus bubo, dirum mortalibus omen.

Cygnus uero auis deliciofa, Venerea, atq; etiam Phœbo sacra, felicissimi dicitur esse præfagii, præsertim in auspiciis nautarum, quia aqua non mergitur, unde canit Ouidius:

Cygnus in auspiciis semper lætissimus ales.

Osciua
aues.

Sunt præterea osciua aues, quæ ore cantuq; auspicium faciunt: ut sunt coruus, picus, cornix, unde Vergilius.

Sæpe sinistra caua prædixit ab ilice cornix.

In auium
latu qd cō-
siderandū

Aues uero quæ futura uolatu portendunt sunt, sicut buteones, sanqualæ, aquilæ, uultures, grues, cygni, & similes: in uolatu nanq; considerantur, utrū tarde an festinanter uolant, si quando ad dextram, uel ad sinistram uolūt, quot numero insimul conuolitent: hoc modo grues quando festināter uolant, significant tempestatem: quando silenter, serenitatem. Item quando duæ aues simul conuolant & ferales sunt, malum portēdere dicuntur, quia numerus confusionis est. Simili modo de cæteris inuestigabis rationem de numeris huc transferendo: præterea similitudinem obseruare in his coniecturis magistrale est, quæadmodum apud Vergilium dissimulata ipsa Venus filium Aeneam his carminibus edocet:

Ni frustra augurium uani docuere parentes,

Aspice bis senos lætantes agmine cygnos,

Aetherea quos lapsa plaga Iouis ales aperto

Turbabat cælo, nunc terras ordine longo,

Aut capere, aut captas iam despectare uidentur,

Vt reduces illi ludunt stridentibus alis,

Et cœtu cinxere polum, cantusq; dedere.

Haud aliter puppesq; tuæ pubesq; tuorum

Aut portum tenet, aut pleno subit ostia uelo.

Mirabilissimum autem augurandi genus est eorū, qui audiunt & intelligūt sermones animalium sicuti apud ueteres Melāpus & Tiresias & Thales atq; quo legitur excelluisse Apollonius Tyaneus, quem auium sermonem caluisse ferunt: de quo narrāt Philostratus & Porphyrius, quod cū olim Apollonius in cœtu amicorum confedisset, spectans ad passerem in arbore confidentes, uenisse unum aliunde passerulum garritu & uoce obstrepentem, cunctosq; illum sequutos euolasse, dixit ad socios, passer ille reliquis nūciauit asinum prope urbem in angiportu onustum tritico cecidisse, triticūq; humi diffusum: his uerbis affatim permulti commoti iuere spectatū, & ita

factum esse ut Apollonius dixerat, mirabundi inuenerunt: Porphyrus autem Platonius libro tertio de sacrificiis hirundinē fuisse dicit. Certū enim est, quia omnis uox cuiuscūq; animalis significatiua est alicuius animæ suæ passionis, uel affectus læti, uel tristis, uel iracūdi, quas uoces ab hominibus circa has exercitatis intelligi posse non est adeo mirandum. Verum Democritus ipse, hanc artem tradidit, ut ait Plinius nominando aues, quarum cōfuso sanguine serpens gignatur: quē quisquis ederet, intellecturus sit auium colloquia. Et ait Hērmes, Si quis certo die kalendarū Nouēbriū egressus ad uenādum, primam auem quā ceperit coxerit cum corde uulpis, omnes qui ex hoc ederint auium cæterorumq; animalium uoces intellecturos. Tradiderunt etiam Arabes, eos brutorum callere sensa, qui cor aut epar draconū comedissent. ipseq; Proclus Platonius credidit tradiditq; cor talpæ ad præsentia cōferre. Erant etiā diuinationes & auspicia, quæ ab extis, & fibris sacrificiorū capiebantur, quarum inuentor fuit Tages, de quo Lucanus cecinit:

Et fibris sit nulla fides, sed conditor artis

Finxerit illa Tages.

Extorum caput Romanorum religio putauit iecur. Hinc aruspices in extis futura perquirentes, iecur primum inspiciebant, duobus in eo cōstitutis capitibus, quorū unū ciui, alterū hosti nūcupabant, collatisq; capitibus huius aut alterius partis pronūtiabāt uictoriā, quēadmodū apud Lucanū Pōpeianorū cædē, ac Cæsareanorū uictoriā exta significasse legim⁹ in his uersib⁹:

Quodq; nefas nullis impune apparuit extis,

Ecce uidit capiti fibrarum increfcere molem,

Alterius capitis pars ægra & marcida pendet,

Pars micat, & celeri uenas mouet improba pulsu.

Deinde perfectis uisceribus cor perquirebant. Quod si hostia sine corde reperta esset, aut caput in iocinore defuisset, pestifera hæc erāt auspicia, & piacularia dicebātur. Similiter etiam si hostia ab ara profugisset, aut percussa mugitum dedisset, aut in aliā quā oporteret corporis partē cecidisset. De his legimus, Iulio Cæsari quo die ueste purpurea processit, & in sella aurea sedit sacrifici cor in extis bis defuisse. Et C. Mario Vtica immolati, iecur in extis defuit. Similiter & Caio principi, & M. Marcello, C. Claudius & L. Petellius Coss. cum immolassent uictimas, iecur subito tabuit: nec multo post hic morbo, alter Ligurū armis interiit, extis ita prædicētibus: quod profecto aut deorum uirtute, aut dæmonum opera fieri putatur. Hinc maximi semper apud ueteres momēti habitum est, quoties insolitū quid in extis appareret: quemadmodum Syllæ apud Laurentum sacrificanti similitudo coronæ in capite iecoris apparuit: quod Posthumius aruspex illi uictoriā cum regno porrēdere interpretatus est, admonuitq; iccirco, ut solus Sylla extis illis uesceretur. Ipse etiam extorum color suam considerationem habet. De istis meminit Lucanus:

Anim. diu
uoces, p. s.
sonus
significan
tue sunt.

Iecur ex
torum ex
put.

Terruit ipse color uatem, nam pallida tetris
Viscera tincta notis, gelidoq; infecta cruore,
Plurimus asperfo uariabat sanguine liuor.

Tanta olim ueneratio fuit harum artium, ut potentissimi & sapientissimi
quiq; uiri illas sectarentur, imò senatus atq; reges nihil inauspicato agerēt.
Sed hæc omnia hodie cum negligentia hominum, tum auctoritate patrum
abolita sunt.

De aruspicina fulgurum, & fulminum, & quomodo portenta &
prodigia interpretanda sunt. Cap. LVI.



Aeterum autem in augurio fulgurum & fulminum, ostento-
rumq; , & quomodo portenta & prodigia interpretanda sunt,
Hetrusci uates, & sacerdotes scientiam tradiderunt. Statuerunt
enim sexdecim cœli regiões, & cuiq; sua numina adscripta: præ-
terea undecim fulminum genera: & nouem deos qui ea iacularentur, ratio-
nes prodendo quid ex quaq; parte significet. Portenta uero, & prodigia, ostē-
taq; quotiescunq; cōtingunt, semper aliquid magnum prænūtiare certum
est. Oportet autem illorum interpretem esse similitudinum optimum cō-
iectorem simul ac curiosum indagatorem, eorum quæ in tempore illo uer-
santur principum prouinciarumq; negotia. Solorum siquidem principū, &
populorū, prouinciarumq; ea cœlestium cura est, ut præ cæteris per astra,
per sydera, per portenta, perq; prodigia præfigurentur, admoneanturq;.
Quod si etiam præteritis sæculis idem aliquod, uel cōsimile quid apparue-
rit, id ipsum quoq; & quid inde secutū sit considerare oportebit, & iuxta hæc,
uel eadem, uel cōsimilia prædicere, quia eadem sunt signa rebus eisdem, si-
miliaq; similibus. Sic multos excellētes uiros & reges, prodigia præuenerūt
in ortu aut obitu: ut de Mida puero refert Cicero, cui dormienti formicæ
tritici grana in os coniecere, quod omen fuit magnarum diuitiarū. Sic Pla-
toni cum in cunis dormienti apes in ore consedisent, orationis suauitas
prænunciata est. Hecubæ Paridem parituræ, uisum fuit parere ardētem fa-
cem, quæ Troiam & totam Asiam incenderet. Matri Phalaridis uisum fuit
Mercurii simulachrum sanguinem in terram effundere, quo tota domus
inundaret. Genitrici Dionysii uisum fuit parere satyris, quæ prodigio-
sa somnia, ipse euentus secutus est & comprobauit. Tarquinii Prisci uxor ui-
dēs flammam lambere Seruii Tullii caput, regnum illi prædixit. Simili mo-
do post captam Troiam disceptante Aenea cum Anchise patre de fuga, ap-
paruit flamma uerticem lambens Ascanii, nullamq; illi inferens lētionem:
quod cum Ascanio regnum portenderet, discedere persuasit, omnes & in-
signes clades portentis & prodigiis præuentæ sunt. Sic legimus apud Pliniū:
M. Attilio & C. Portio consulibus lac & sanguinem pluuisse, quod sequenti
anno pestem ualidam Romam inuasuram prænunciavit. Item in Lucanis
pluit ferrum spongiarum fere simile anno antequā M. Crassus in Parthis

Prodigia
interpretē
qualem esse
oporteat.

interemptus est: omnesq; Lucani milites, quorū magnus numerus in exercitu erat, cum eo occisi sunt. Item L. Paulo, & C. Marcello consulibus laqueus pluit circa castellum Corisani, iuxta quod post annum T. Annius Milo occisus est. Item Cimbricis bellis armorū crepitus & tubæ sonitus è cælo auditus est, & Liuius de bello Macedonico, Anno inquit quo discessit Annibal per biduum pluit sanguis. Idem de secundo bello Punico, refert aquā sanguini permixtam de cælo descendisse in modum pluuię, tēpore quo Annibal lacerabat Italiam. Lacedæmoniis paulo ante Leuctricam calamitatē in phano Herculis arma sonuerunt, & eodē tēpore Thebis in tēplo Herculis ualuæ clausæ repagulis seipsas aperuerunt, & arma parietibus adfixa humi inuenta sunt. Similes euentus de similibus prognosticare cōuenit, quē admodū diuersis tēporib⁹ olim ex illis aliquid prædiuinatū est. Sed & oportet circa ista etiam cœlestium influxuum iudicia nō negligere, de quibus latius loquemur in posterioribus.

De Geomantia, Hydromantia, Aëromantia, Pyromantia quatuor elementorum diuinationibus.

Cap. LVII



Amq; etiam ipsa elementa nos fatales euentus edocent, unde quatuor illa famosa diuinationum genera, Geomantia, Hydromantia, Aëromantia, Pyromantia, nomen adepta sunt, de quibus apud Lucanum uenefica illa sese iactare uisa est quando inquit:

Ad uerum tellus, aërq; ætherq; chaosq;

Equoraq; & campi, Rhodopeiaq; saxa loquentur.

Prior itaq; Geomantia, ex terræ motibus, crepitu, tumore, tremore, scissura, uoragine, exhalatione, cæterisq; impressionibus suis futura præmōstrat: cuius artem tradidit Almadel Arabs. Sed est & alia Geomantia species, quę per puncta ui quadam, aut casu terræ inscripta diuinatur, quæ præsentis speculationis non existit, sed de illa inter sortes dicemus in sequētibus. Hydromantia autem uaticinia præstat, per impressiones aqueas, illarumq; fluxus & refluxus, excrecentias & depressiones, tempestates, & colores & similia: cui iunguntur etiam uisiones, quæ in aquis fiunt: Genus diuinationis à Persis repertum, qualem refert Varro puerum uidisse in aqua Mercurii effigiē quæ cētum quinquaginta uersibus omnem Mithridatici belli euentū præ-nunciauit. Legimus etiam Numam Pompiliū hydromantiam exercuisse: in aqua enim deorū imagines eliciebat, & ab illis futura discebat. Quod artificium etiam Pythagoras lōgo tempore post Numam exercuit. Erat etiam olim apud Assyrios in magno pretio hydromantia species, Lecanomantia nūcupata, à pelui aquæ plena: cui imponebant aureæ & argenteæ laminæ, & lapides pretiosi, certis imaginibus, nominibus & characteribus inscriptæ: ad quam etiā referri potest artificium, per quod plūbo aut cera liquefactis, & in aquā proiectis, rē quā scire cupimus, manifestis exprimūt ima-

Geomantia.

Lecanomantia Hydromantia species.

ginum notis. Erant etiam olim fontes fatidici, sicut Patris fons Achaia, & quæ dicebatur aqua Iunonis apud Epidaurum, de quibus plura in sequentibus ubi de oraculis loquemur. Verum huc etiam referri poterit Aruspicina piscium cuiusmodi olim apud Lycios capiebatur in loco qui Dina dicebatur iuxta mare in sacro Apollinis luo sicca in arena excavatus, in quem consulturus de futuris assatos carnes demittens, subito locus ille aquis replebatur, magnaq; piscium multitudo ac admirabilium figurarum hominibus ignotorum apparebat, è quorum formis uates quod futurum esset prædicebat. Hæc latius ex Polycharmo in Lyciorum historiis refert Athenæus: Simili modo Aëromantia prognostica præbet, per impressiones aëreas, per uentorum flatus, per irides, per halones, per nebulas & nubes perq; imaginationes in nubibus, & uisiones in aëre. Ita etiam Pyromantia diuinatur per impressiones igneas, per stellas caudatas, per igneos colores, perq; uisiones & imaginationes in igne. Sic Ciceronis uxor illū sequenti anno consulē futurū prædixit, eo quod cū quādā post peractū sacrificiū in cineribus conspiceret uellet, flamma repente exiliuit. Huius generis sunt quæ dicit Plinius, quod terreni ignes pallidi murmurantesq; tēpestatum nuntii sentiuntur: pluuiæ etiā, si in lucernis fungi: si flexuose uolitet flamma, uentū portendi: & lumina cū præ se flāmas elidūt aut uix accendūtur: itē cū in eo pendentes coaceruantur scintillæ, uel cū tollentibus ollas carbo adhærescit, aut cū contentus ignis è se fauillā discutit, scintillamue emit, uel cū cinis in foco cōcrescit, & cū carbo uehemēter perlucet. His adiungitur Capnomantia, à fumo sic dicta, quia flammā & fumū scrutatur, eorūque colores, sonos & motus: quādo in rectū protenditur, uel in obliquū fertur, siue in orbē uoluit, quēadmodū de his legitur apud Statiū his uersibus:

Vincatur pietas, pone eia altaria uirgo,
Quæramus superos, facit illa acieq; sagaci
Sanguineos flammæ apices, genitumq; per auras
Ignem, & clara tamen mediæ fastigia lucis
Orta, docet tunc in speciem serpētis inanem
Ancipiti gyro uolui, frangi q; rubore.

Iam uero etiam in Aethnæis crateribus atq; in Nympheis cāpis apud Apolloniatas auguria ab igne & flammis capiebantur læta quidem, si quæ iniecta fuissent corripere: tristia, si respuissent. Atq; de his etiam in posterioribus inter oraculorum responsa dicemus.

De mortuorū reuiuiscētia, de lōgeua dormitiōe atq; inedia Ca. LVIII.



Onueniūt philosophi Arabes, quod aliqui homines possunt se eleuare supra uires corporis, & supra uires sensitiuas, illisq; superatis perfectione cœli & intelligentiarum diuinum in se recipere uigorē. Cū itaq; animæ hominū omnes perpetuæ sint, perfectis quoq; animis omnes spiritus obediūt, putant magi perfectos homines per suæ animæ uires alias inferiores animas iam quodāmodo sepa-

ratas moribundis corporibus suis posse restituere, rursusq; inspirare, nō se-
 cus atq; mustela interempta spiritu & uoce parētis reuocatur in uitam: atq;
 leones inanimem partum inhalando uiuificant: & quoniā, ut aiunt, omnia
 similia similibus applicata similiū naturarū efficiuntur, & omne patiens &
 actum alicuius agentis in se recipiens etiā agentis illius natura induitur at-
 que connaturatur: hinc putant ad hanc uiuificationē haud parū conferre,
 etiā herbas quasdā & magicas confectiōes, quales ex cinere Phœnicis, &
 serpentum exuiis confici tradunt, quod tamen plerisq; fabulosum & mul-
 tis etiā impossibile uideri posset, nisi historica fide haberetur cōprobatum.
 Nam plerosq; aqua submersos, alios ignibus iniectos, & rogo impositos, ali-
 os in bello occisos, alios aliter exanimatos post plures etiā dies reuixisse le-
 gimus, quēadmodum de Auiola uiro consulari, de L. Lamia, Cælio Tube-
 rone, Corfidio, Gabieno, & plerisq; aliis testatur Plinius. Similiter Aesopū
 fabulatorem, Tindorem quoq; & Herculem, atq; Palicos Iouis & Thalię fi-
 lios mortuos iterum reuixisse legimus: plurimos etiam per magos & medi-
 cos in uitā reuocatos, sicut de Aesculapio ab historiis proditum est, & nos
 superius narrauimus ex Iuba & Xantho, & Philostrato, de Tillone & Arabe
 quodam, atq; Apollonio Tyaneo. Legitur etiam Glaucus quispiā mortu⁹,
 quem præter omnium expectatiōem accurrentibus medicis, herba quam
 draconem uocant uitæ restitutum dicunt: alii gustato mellito pharmaco
 reuixisse aiūt, unde ortū est adagium: Glaucus poto melle resurrexit. Apu-
 leius etiam ritum huiusmodi reuocationū referens de Zachla Aegyptio p-
 pheta inquit: Propheta sic propitiatus herbulam quampiā ob os corporis,
 & aliam pectori eius imponit, tunc orientē obuersus, uel incrementa solis au-
 gusti racitus imprecatus, uenerabili scena facies ad studia præsentīū tantū
 miraculum certatim adrexit, iam tumore pectus extolli, iam salubris uena
 pulsari, iam spiritu corpus impleri, & adsurgit cadauer, & profatur adole-
 scens. Quæ si uera esse debeant, oportet moribūdas animas nonnunquam
 in corporibus suis latere uehementioribus extasibus oppressas, & ab omni
 corporea actione solutas: sic ut uita, sensus, motus, corpus omne deserāt, ita
 tamen, quod homo uere nondū mortuus sit, sed iaceat exanimis, & tanquā
 mortuus, etiam per diuturnum tempus. Atq; id sæpissime compertum est,
 pestilentiarum temporibus multos uidelicet qui pro mortuis tumulandi
 ferebantur in sepulchris reuixisse: multoties etiam mulieribus accidisse le-
 gimus ex suffocatione matricis laborantibus: & narrat Raby Moyſes ex li-
 bro Galeni, quē transtulit Patriarcha, quod accidit homini suffocatio quæ
 durauit diebus sex, nec comedit, nec bibit, & redduntur eius arteriæ duræ.
 Et dixit in eodem libro, quod accidit homini repletio ex qua amittitur pul-
 sus totius corporis, & non mouetur cor, & iacet sicut mortu⁹. Et dicit quod
 accidit ex casu à loco alto, uel clamore magno, uel ex longa mora sub aqua
 syncopis, durans quadraginta octo horis, & iacet homo sicut mortuus,

Suffocatio
 nis et extra
 sis mira ex
 empla.

Somni diu
turni exē-
pla.

in cuius facie surgit puluis uiriditas. Et refert in eodem libro, de eo qui sepeliuit mortuum ante septuaginta duas horas post mortem ipsius, & interfecit eum, quia sepeliuit eum uiuum, & dedit ibi signa quibus cognoscitur, quod isti sint uiui licet iaceant similes mortuis, & certo moriantur, nisi succurratur illis, aut per phlebotomiam, aut alias curationes: & hæc sunt ex his quæ ualde raro contingunt. Et hic est modus per quem intelligimus magos & medicos suscitare mortuos, sicut qui serpentum ictu exanimati olim per Marforum & Pfillorum gentem uitæ restituebantur. Posse autem huiusmodi extases longo tempore durare, absq; hoc quod homo uere mortuus sit, non secus arbitrādum est, atq; in gliribus & crocodilis, & plerisque serpentibus, quæ per totam hyemem sic obdormierunt, sic somno expirant, ut uix igne reuocari queant: & ego sæpe uidi dissectum glirem immobilem manere, tanquam mortuum, donec coqueretur, atq; tunc primū in bulienti aqua dissecta membra uitam commonstrasse. Similiter licet difficile creditu sit, legimus ramen apud probatos historicos, etiam hoīes quosdam longo somno plurimos annos continuos dormiuisse, interim donec euigilassent, nihil seniores effecti: quod ipse testatur Plinius, de puero quodam, quem æstu & itinere fessum in specu septē & quinquaginta annos dormiuisse narrat. Legimus etiā Epimenidē Gnosium annis quinquaginta septē dormiuisse in spelūca. Hinc natū adagiū: Ultra Epimenidem dormire. Narrat M. Damascenus suo tempore in Germania defessum rusticū sub fœni tumulo per totū autumnū, sequentemq; hyemē continuo dormiuisse, donec æstate fœno paulatim depasto experrect⁹ tanquā semimortuus, totusq; extra se positus, inuentus est. Confirmant hanc opinionē ecclesiasticæ historiæ de septem dormientibus, quos annos centum & nonaginta sex dormiuisse ferunt. Est in Noruegia sub eminēti littore antrū, ubi ut Paulus Diaconus & Methodius martyr scribunt, septem uiri dormientes iacuerunt sopiti longo tempore sine ulla corruptione, & sæpe populos ad ipsos lædendum ingressos continuo fuisse contractos: deniq; accolas pœna præsentī cautos ab ipsorum læsione destitisse aiūt. Ipse autem inter philosophos non infimi nominis Xenocrates, longāuā hanc indormitationē, quandā naturalē pœnā, certis qbusdam animarū demeritis ab æterno deputatā putauit. Ipse M. Damascenus multis rationib⁹ possibilē & omnino naturalē probat, nec absurdū putat, quod cū cæteris animātibus quibusdā cōcessum est, ut sine cibo & potu, sine excretionē, sine tabefactiōe & corruptione pluribus mensibus dormire possint: id etiā homini, siue id accidat illi potione aliqua uenefica, aut ægritudine soporifera, seu meticuloso quodā sopore, aut similibus de causis, pluribus diebus, aut mēsis, aut annis, secūdū intentionē uel remissionē uiriū, & passionū aīæ suæ posse cōtingere. Et narrāt medicā antidota, de quibus si quis nimīā portiūculā ediderit, diuturnā deinde posse pferre inediā, ceu quondā Helias certo esculēto ab angelo past⁹,

ambulauit & ieiunauit in fortitudine cibi illius quadraginta dies. Et recitat Ioannes Bocatius, fuisse suo tempore uirum apud Venetias, qui in singulos annos per quadraginta dies absq; ullo cibo ageret ieiunium. Quodq; magis mirum est, fuisse eodem tempore in inferiori Germania mulierem, quæ in tricesimum annum nihil unquã cibi sumpisset, quod quidem nobis incredibile uideri posset, nisi confirmaret hanc rem recens, & nostri seculi miraculum in fratre Nicolao de Saxo, natione Heluetio, quem in eremo duobus & uiginti annis, quousq; uita excessit, sine omni cibo uixisse cõstat. Mirum & illud quod prodidit Theophrastus, fuisse Philinũ quendam qui nullo fit usus potu uel cibo, præterquã lactis. Et sunt graues authores qui herbã quandam Spartanicam describunt, qua Scythas duodecim dies durare sine cibo & potu, ea semel gustata, uel in ore retenta tradunt.

Mira ieiuniorũ exẽpla.

De diuinatione, quæ per somnia fit. Cap. LIX.



ST etiam diuinationis species, quæ inter dormiendum fit, somniorum scilicet, & philosophorũ traditionibus, & theologorum autoritatibus historiarumq; exẽplis, & quotidiana experientia comprobata. Somnium autẽ dico hic, nõ quod phantasma, uel insomnium: hæc enim uana sunt, & nihil diuinationis habet: sed ex uigiliarum reliquiis aut corporis turbatione nascuntur: quoties nanq; oppressi corporis uel fortunæ commodis uel incommodis, tunc qualis animus uigilantem fatigauerat, talis se ingerit dormienti: uel aliquando contrarius insomnio decepti. Somnium igitur dico hic, quod in spiritu phantastico, animo & corpore bene se habetibus, cœlestium causatur influxu. Huius quidem interpretandi regula apud astrologos inuenitur, in ea parte, quæ de quæstionibus inscribitur, sed tamẽ parũ sufficiens, quia somnia huiusmodi diuersis hominibus, diuersimode usuueniunt, iuxta diuersam spiritus phantastici qualitatem ac dispositionem: quapropter non potest eadem cõmunisq; regula somniorum interpretandorum singulis adhiberi: sed iuxta Synesii sententiam, cum accidentia sunt eadem rebus, eisdem similiaq; similibus, sic qui in idem aut simile uisum sæpius inciderit, eandem aut simile sibi designauerit sententiã, passionẽ, fortunã, actionem, euentum deniq; quem admodum inquit Aristoteles, sensu confirmatur memoria, ex memoria uero eiusdem rei sæpius obtẽta nascitur peritia; ex pluribus peritiis paulatim cumulatur ars & scientia: simili ratione & circa somnia oportebit incedere. Vnde iubet Synesius, unumquenq; somnia sua & suos inde obseruare euentus, scilicet, quæ uisa in quales euentus inciderint, ac huiusmodi regulas, scilicet uisa & accidentia, cum somniis, tum uigiliæ memoriæ commendare, atq; sedula quadam hac obseruatione huiusmodi per plurimas regulas penes seipsum accumulare, ex qua quidem accumulatione, ars quædam diuinatori, & suorum cuiq; somniorum interpretandorum paulatim consurgit, dum nihil dilabitur à memoria. Efficaciora autẽ sunt somnia, quan-

Somnium.

do luna illud peruertit signum, quod fuit in nona radice natiuitatis uel reuolutionis illius anni, uel in nono signo à signo perfectionis. Verissima autem atq; certissima diuination, neq; natura neq; humanis artibus, sed purgatis mentibus prouenit, inspiratione diuina. Quod uero hic ad uaticinia & oracula spectat, discutiemus.

De furore & diuinationibus, quæ in uigilia fiunt, de melancholici humoris potentia, quo etiam dæmones nonnunquam in humana corpora illiciuntur.

Cap LX.



Furor diuinationis species.

Ontigit etiam, non modo dormientes, sed & uigilantes nonnunquam soluto animo, suisq; stimulis impulso diuinare, quæ diuinationem Aristoteles furorem uocat, & ab humore melancholico procedere docet in tractatu de diuinatione inquires: Melancholici propter uehementiam longe bene coniectant, & cito habitum imaginantur, facillimeq; cælestium recipiunt impressionem. Et in Problematis ait: Sibyllas, & Bacchides, & Niceratum Syracusanum, & Amonem à naturali melancholica complexione fuisse diuinatores atq; poetas. Causa itaq; furoris, si qua intra humanum corpus est, humor est melancholicus: non quidem ille, qui atra bilis uocatur, qui adeo praua horribilisq; res est, ut impetus eius à phycis ac medicis ultra maniam, quam inducit, etiam malos dæmones ad obsidenda humana corpora illicere perhibeatur. Humorem igitur hic intelligimus melancholicum, quæ naturalis & candida bilis uocatur: Hæc enim quando accenditur, atq; ardet, furorem concitat, ad scientiam nobis ac diuinationem conducentem, maxime autem si iuuetur influxu aliquo cælesti, præcipue Saturni, qui cum ipse frigidus sit atq; siccus, qualis est humor melancholicus, illum quotidie influit, auget atq; conseruat. Præterea cum sit ipse arcanae contemplationis autor, ab omni publico negotio alienus, ac planetarum altissimus, animam ipsam cum ab externis officiis ad intimam semper reuocat, tum ab inferioribus ascendere facit, trahendo ad altissima, scientiasq; ac futuroꝝ præfagia largitur: & hoc est quod intendit Aristoteles in lib. Problematum: Ex melancholia, inquires, quidam facti sunt sicut diuini prædicentes futura, & quidam facti sunt poetas. Ait præterea omnes uiros in quauis scientia præstantes, ut plurimum extitisse melancholicos: quibus etiã Democritus & Plato attestantur asserentes melancholicos nonnullos intantum præstare ingenio, ut diuini potius quam humani uideantur. Sic melancholicos per plures primū rudes, ineptos, insanos, quales extitisse aiunt Hesiodum, Ionem, Tynnichum, Calcinensem, Homerum, & Lucretium, sæpe furore subito corripi, ac in poetas euadere, & miranda quædam diuinaq; canere, etiam quæ ipsimet uix intelligat. Vnde diuus Plato in Ione, Pleriq; inquit, uates postquā furoris remissus est impetus, quæ scripserūt nō satis intelligūt, cū tamē recte de singulis artibus in furore tractauerint, quod singuli harū artifices legendo diiudicāt. Tantū præterea tradūt melancholici hu

Melancholici ingenio pollent.

moris imperium esse, ut suo impetu etiā cœlestes dæmones in humana corpora nonnunquā rapiantur, quorū præsentia, & instinctu, hoīes debacchari, & mirabilia multa effari omnis testatur antiquitas: idq; sub triplici diffinitione, iuxta triplicē animæ apprehensionē, uidelicet imaginatiuā, rationalē & mentalem contingere putant. Dicunt itaq; quando anima melancholico humore impulsā, nullo cohibente, habenas corporis, mēbrorumq; uincula transgressa, tota in imaginationē trāsferatur, subito efficitur inferiorū dæmonū habitaculū, à quibus manualiū artiū sæpe miras accipit rationes. Sic uidemus rudissimum aliquem hominem subito in pictorem egregium aut architectum, uel alterius cuiusq; artis euadere magistrū. Quando uero eiusmodi dæmones futura nobis portendunt, tunc ostendunt quæ ad elementorū turbationes, temporumq; uicissitudines attinent, ut futuram pluuiam, tempestatē, inundationem, terræmotū, mortalitatē, famē, stragem & eiusmodi: quemadmodū apud Aulū Gelliū legimus, Corneliū, sacerdotem, quo tempore Cæsar & Pompeius in Thessalia confligebant, Patauī furore correptum, & tempus, & ordinem, & exitum pugnæ prænarrasse. Quādo uero anima tota in rationem conuertitur, mediorum dæmonū efficitur domicilium: hinc rerū naturalium humanarumq; nanciscitur scientiam atq; prudentiam. Sic uidemus hominem aliquem subito in philosophum, uel medicum uel oratorem egregiū euadere, ex futuris autē prædicere quæ ad regnorum mutationes & seculorū restitutiones pertinent, quemadmodū Sibylla Romanis. Cū uero anima tota in mentem assurexerit, tunc sublimiū dæmonum receptaculum effecta, ab illis arcana ediscit diuinorū, puta dei legem, ordines angelorū, & quæ ad æternarum rerum cognitionem animarumq; salutem pertinent. De futuris uero præuidet, quæ diuinæ prouidentie adiacent, ut futura prodigia seu miracula, futurū prophetā, uel legis mutationem. Sic de Christo Sibyllæ ante aduentum eius longo tempore uaticinatae sunt. Sic Vergilius nasciturum Christum iam in propinquo intelligens, Cumanæ Sibylla recordatus, cecinit ad Pollionem:

Ultima Cumæi iam uenit carminis ætas,
Magnus ab integro seclorum nascitur ordo.
Iam redit & uirgo, redeunt Saturnia regna,
Iam noua progenies cœlo demittitur alto.

Et paulo post innuens originalem culpam irritam fore, ait:

Te duce si qua manent sceleris uestigia nostri
Irrita, perpetuo soluent formidine terras.
Ille deum uitam accipiet, diuisq; uidebit
Permixtos heroes, & ipse uidebitur illis,
Pacatumq; reget patriis uirtutibus orbem.

& subiungit:

Subditq; inde serpentis occasum, & ligni mortis, siue ligni scientiæ boni & mali uenenum sopitum iri, inquiens:

Melancholici humoris imperium.

Occidet & serpens, & fallax herba ueneni.

Mansuram tamen originalis peccati fomitem innuit, cum dicit:

Pauca tamen suberunt prisca uestigia fraudis.

Tandem, quæ potest maxima hyperbole hanc prolem acclamando dei sobolem, adorat his uerbis:

Chara deum soboles magnum Iouis incrementum

Aspice conuexo nutantem pondere mundum

Et terras, tractusq; maris, cælumq; profundum,

Aspice uenturo latentur ut omnia seculo.

O mihi tam longe maneat pars ultima uitæ,

Spiritus & quantum sat erit tua dicere facta.

Sunt etiam quædam prognostica, quæ inter confinia naturalis & transnaturalis diuinationis media sunt, ut in his qui morti proximi, & senectæ debilitati, nonnunquam futura præuident, quia ut inquit Plato, in repub. qui sensibus minus præpediti sunt, eo acutius intelligunt, & quia loco quo sunt migraturi uiciniores sunt, & quasi iā paululū relaxatis uinculis, nō oīno corpori amplius obnoxii sunt, diuinæ reuelationis lumina facile percipiunt.

De formatione hominis, de sensibus exteris & intimis ac mente: de triplici animæ appetitu, ac passionibus uoluntatis. Cap. LXI.



ST Theologorum quorundam opinio, deum ipsum hominis primæui corpus nō immediate creasse, sed cœlitum adiutorio ex elemētis composuisse atq; formasse, cui opinioni adstipulatur etiam Alcinous ex Platonis dogmate, putās summum deū mundi totius deorumq; & dæmonum creatorē esse, atq; illa iccirco immortalia esse, cætera autem & mortalium animantium genera iuniores deos ad mandatum summi dei procreasse: nam si ipse hæc etiam genuisset, immortalia nata fuissent. Dii itaq; ex terra & igne aëreq; & aqua, portiones quasdam mutantēs ligantesq; inuicem, corpus unum ex omnibus confecerūt, quod animæ ad ministerium subiecerunt singulis illius potentiis singulas in eo prouincias assignātes, humilioribus quidem humiliores sedes assignantes: quippe iracundiæ præcordia, cupidini uterum, nobiliores autem sensus in caput, ueluti in totius corporis arcem: deinde sermonis organa multifaria. Diuidunt autem sensus in externos & intimos: externos deinde in quinque omnibus notissimos partiūtur, quibus pariter quinque organa siue subiecta, quasi fundamenta quædam attribuuntur sic disposita, ut quæ eminentiore parte corporis collocantur, potiore quoq; puritatis ordinem obtineant: oculi enim supremo loco collocati purissimi sunt, ignis lucisq; naturæ sunt cognati: deinde aures secundum & loci & puritatis ordinem obtinentes, comparantur aëri: tertium possident nares, mediam inter aërem aquamq; continentes: deinceps uero gustandi organum crassius & aqueæ naturæ simillimum: postremo gradu tactus per totū diffusus, terræ crassitudini deputa-

Sensus exteriores
quibus elementis
respondeant.

cur . Puriores autem sensus sunt , qui non appropinquantes sensibilibus à longinquo percipiunt, ut uisus, & auditus: deinde etiam odoratus per medium aërem non appropinquantia percipit: gustus autem non nisi propinqua sentit. Tactus utroq; modo se habet, nam appropinquātia corpora sentit: & quemadmodum uisus per medium aërem cernit, ita etiam tactus per mediam uirgam uel baculum, dura, mollia & humida sentit. Verum tactus solus è sensibus omni animali communis est: certissimum autem hunc sensum homo possidet, hoc namq; & gustu reliqua animalia præcellit, sed in aliis tribus sensibus à quibusdam animalibus euincitur, sicut à cane qui homine acutius uidet, audit, atq; olfacit, similiter acutius multis cæteris animalibus, & homine uident lynces & aquilæ. Sensus uero interiores, ut uult Auerrois, in quatuor partiti sunt, quorum primus communis appellatur, eo quod omnes quæ per externos sensus hauriuntur imagines primus colligit atq; perficit. Secundus uis imaginatiua, cuius officiū est cū ipsa nihil præsentiat, imagines à prioribus sensibus acceptas retinere, easq; tertiæ sentiendi naturæ, quæ phantasia existimandi atq; cogitandi uis est offerre, cui opus est, acceptis imaginibus, quid aut qualis sit id cuius illæ imagines sunt, percipere atq; iudicare, atq; ea ipsa quæ sic discreuerit, coniunxerit, perceperit, iudicauerit quartæ potentiæ, quam memoriam dicimus, seruanda commendare. Etenim illius in genere uirtutes sunt, discursus, dispositiones, persecutiones & fugæ, atq; concitationes ad agendū. At in specie intellectuāliū intellectiones, uirtutes, disciplinæ ratio, consiliū, electio. Hæc autem est, quæ per somnia, nobis futura monstrat: unde phantasia aliquando nominat intellectus phantasticus: est enim ultimū uestigiū intelligētiae, quæ, ut ait Iamblichus, omnibus animi uiribus adnata, omnes figuras effingit, similitudines species, & operationes, uisāq; seu impressiōes uiriū aliarq; trāsmittit in alias: quæ quidē à sensu micāt, in opinionē excitat: quæ uero ab intellectu, secundo loco offert opinioni, sed à seipsa ab omnib; imagines suscipit, atq; p suā proprietatē, secundū assimilationē proprie designat, omnes actiōes anime fingit, atq; externas accommodat intimis, etiā corpori impressiōes imprimit. Habēt autem sensus isti sua organa in capite, nā sensus communis cū imaginatione, priores cerebri cellulas possidet, licet Aristoteles organum sensus communis, posuerit in corde, cogitatiua autem uirtus, supremum, & medium capitis obtinet, deinde memoria postremū. Porro organa uocis, atq; sermonis, multa sunt, siquidem interni pectoris inter la tera, musculi, thorax, pulmo, trachea, arteria, fauces, & horū maxime, quod est cartilaginofum, secundū recurrentes neruos, & plectrū linguæ, & omnes hæ particulæ & musculi, q exufflationis organa sunt. Sermonis uero organū propriū, os est, in quo plasmanitur, formantur, & figurantur uerba & loquelæ, lingua, & gurgulione, in illo plectri obtinentibus uicem, & palato sonum faciente, dentium & oris apertione, ueluti in lyra chordarum similitudinem referentibus naso,

Gustus
tactus hō re
liqua præ
cellit ani
malia.

Sensuū or
gana in ca
pite.

Mentis ge
mina natu
ra.

Triplex in
anima ap-
petitus

insuper ad sonoritatem bonam aut malam conferente. Super a sensibile ani-
mam, quæ per corporis organa vires suas explicat, supremum in locum occu-
pat mens ipsa incorporea, & hæc geminam naturam habens: Vnam rerum
earum quæ naturæ ordine continentur, causas, proprietates progressusque
perquirentem, & in ueritatis contemplatione contentam, quem iccirco cō-
templatiuum intellectum uocant: Alteram mentis natura siue uis, quæ agē-
da, quæq; fugienda sint consultando discernens, tota in consultatione &
actione uersatur, quem iccirco actiuum intellectum uocant. Hunc itaque
ordinem potentiarum, natura statuit in homine, ut per exteriores sensus co-
gnosceremus corporalia, per interiores ultra hoc similitudines corporū, &
ulterius per mentem siue intellectum abstracta quæ nec corpora sunt, nec
illis similia. Et iuxta hunc triplicem potentiarum animæ ordinem tres na-
scuntur in anima appetitus: Primus naturalis, qui est inclinatio quædā na-
turæ in suū finē, ut lapidis deorsum qui inest omnibus: alius animalis q se-
quitur sensus, diuisus in irascibilem & cōcupiscibilem: tertius intellectiuus,
qui appellatur uoluntas, in hoc differens à sensitiuo qui est per se illos, quæ
possunt offerri sensibus, nihil concupiscens, nisi aliquo modo comprehē-
sum. Voluntas uero etsi sit per se omniū possibiliū, quia tamē libera est per
essentiam, potest etiā esse impossibiliū, qualis fuit in dæmone appetente se
esse æqualē Deo, itaq; uoluptate & dolore cōtinuo alteratur & deprauatur,
dum inferioribus potentiis assentitur. Vnde quatuor ex eius deprauato ap-
petitu nascuntur in eo passionēs, quibus similiter corpus nonnunquā afficit,
quarū prima uocatur oblectatio, quæ est mentis siue uolūtatis quædā mol-
lities atq; assentatio, qua illi quomodo sensus porrigūt suauitati libētissime
cōsentit, paret, atq; obsequit: quam iccirco definiūt esse inclinationē animi
ad emolientē uoluptatē. Secunda uero dicitur effusio, quæ est remissio aut
dissolutio uirtutis, quando uidelicet ultra oblectationē tota mētis, uis atq;
intentio præsens boni dulcedine deliquescit ac defluit, penitusq; se diffun-
dit & effert ad eo fruendū. Tertia dicitur iactantia, scilicet elatio gestiēs, ex-
istimans se maximum quoddam bonum consequutum, cuius possessione
se insolentius efferēs, exultat & inaniter gloriatur. Quarta & ultima est ma-
leuolentia, uoluptas quædam ex malo alterius sine suo emolumento. Dici-
tur aut sine emolumento suo, quia si quis ob utilitatem suam ex malo alte-
rius gaudeat, hoc erit potius ex beneuolentia in seipsum, quàm ex maleuo-
lentia in alios: Atq; his quatuor passionibus ex deprauato uoluptatis appe-
titu genitis, totidem contrarias passionēs generat ipse dolor, puta horrorē,
tristitiam, metum, & de bono alterius sine suo detrimento dolorem, quam
dicimus inuidiam, hoc est, in alienis bonis tristitiam, quemadmodum mi-
sericordia tristitia quædam est in alienis malis.

De passionibus animi, & earum origine, differentia & speciebus.

Cap. LXII.



Passiones animi nihil aliud sunt, quàm quidam motus siue inclinationes prouenientes ex apprehensione alicuius rei, tanquam boni uel mali, conuenientis uel disconuenientis. Apprehensiones autem huiusmodi sunt triplices, uidelicet sensuales, rationales, mentales. Et secundum has triplices sunt in anima passiones: nā quandoque sequuntur apprehensionem sensitiuā, & tunc respiciūt bonū aut malum temporale, sub ratione cōmodi uel incōmodi, delectabilis & offensusiui, & dicuntur passiones naturales siue animales: quandoque sequuntur apprehensionem rationalem, & sic respiciunt bonum aut malum sub ratione uirtutis & uitii, laudis & uituperii, utilis & inutilis, honesti & turpis: & dicuntur passiones rationales seu uoluntariæ: quandoque sequuntur apprehensionem mentalē, & respiciunt bonum & malum sub ratione iusti & iniusti, ueri & falsi, & tunc dicuntur passiones intellectuales, siue syndæresis. Subiectū autem passionum animæ, est ipsa uis animæ concupitiua, & diuiditur in concupiscibilem & irascibilem, & utraq; respicit bonū & malū, sed diuersimode: Vis enim concupiscibilis quandoque respicit bonum & malum absolute, & sic causatur amor seu libido, & e contrario odium: uel respicit bonum, ut absens, & sic causatur cupiditas: seu desiderium & malū ut absens, sed ut imminens, & sic causatur horror, fuga & abominatio: uel respicit bonum & malū ut præsens & adeptum, & sic oritur hinc delectatio, lætitia, uoluptas: inde tristitia, angustia, dolor. Vis autem irascibilis respicit bonum & malū sub ratione difficultatis ad adipiscendū siue obtinendū, fugiendū uel depellendū: & hoc quandoque cum fidentia: & sic causatur, hinc quidem spes, inde uero audacia: quandoque cū diffidentia, & sic oritur desperatio, & metus, siue timor. Quandoque uis ipsa irascibilis surgit in uindictam, & hoc fit solum circa malum præteritum tanquam illatæ iniuriæ seu læsionis, & causatur ira. Et sic reperimus undecim passiones in ipso animo, quæ sunt, amor, odium, desiderium, horror, lætitia, dolor, spes, desperatio, audacia, timor, ira.

Quomodo passiones animi mutant corpus propriū permutando accidentia, & mouendo spiritum.

Cap. LXIII



Passionum autem animæ quando sensualem apprehensionem sequuntur, uim regitiuam habet phantasia, seu uirtus imaginatiua. Hæc enim de sua potentia iuxta passionum diuersitatem primo diuersimode alterat & transmutat corpus propriū transmutatione sensibili, mutando accidentia in corpore, & mouendo spiritum sursum uel deorsum, ad extra uel ad intra, & diuersas qualitates producendo in membris: Sic in gaudio spiritus expelluntur, in timore retrahuntur, in uerecundia mouentur ad cerebrum: Sic in gaudio dilatatur cor ad extra paulatim, in tristitia constringitur paulatim ad intra. Simili modo in ira uel timore, sed subito. Rursus ira uel cupiditas uindictæ producit calorem, rubedinem, amarum sorem, & alui fluxum. Timor inducit frigus, cordis

Animi pas-
siones mor-
tem nonnū
quam infe-
runt.

trepidationem, uocis defectum, atq; pallorem. Tristitia si aorem, & albedinem caruleam. Misericordia etiam quæ tristitia quædam est, sæpe miserantis corpus male afficit, ut alterius corp⁹ uideatur affectum. Palam quoq; est inter amantes aliquos, tam fortem esse ligaturam amoris, ut quod patitur unus eorum, patiatur & alter. Anxietas etiam inducit siccitatem, & nigredinem: quantos etiam calores cupido amoris concitet, in hepate & in pulsu, noscunt medici, eo iudicio nomen amatae in passione heroica deprehēdentes. Sic Nausistratus cognouit Antiochum amore Stratonice captum. Manifestum præterea est passionibus eiusmodi quando uehementissimæ sunt, posse mortem inferre: & hoc apud uulgus palam est, nimia lætitia, tristitia, amore, odio, interdum mori homines, sæpe etiam morbo leuari. Sic legim⁹ Sophoclem & Dionysium Siciliae tyrannum, utrunq; accepto tragicæ uictoriae nuntio, subito mortuos. Sic mater uiso filio è Cannensi prælio redeūte, repente obiit. Quid etiam tristitia possit, omnibus notū est. Scimus etiā canes nimia tristitia de morte dominorum suorum sæpe mortuos fuisse. Nonnunquam etiam ex huiusmodi passionibus morbi diuturni sequuntur, & quandoq; curantur. Sic ex alto despicientes aliqui præ timore nimio contremiscunt, caligāt, infirmantur, quandoq; sensus amittunt. Sic singultus, febres, morbi comitiales quandoq; sequuntur, quandoq; uero recedūt, quādoq; mirabiles quidam effectus proueniunt, ut in Cræsi filio, quem genitrix mutum ediderat, metus uehemens auiditasq; uocem excussit, quam natura diu negauerat. Sic repentino quodam casu affectū, sæpe uita, sensus, motus, subito membra deserunt, ac sæpe statim reuertuntur. Quantum etiam coniuncta magnanimi audaciæ, uehemens ira faciat, ipse ostendit magnus Alexander, qui in India prælio circumuentus, lumē & ignem ex se profundere uisus est. Theodorici pater ignis scintillas ex toto corpore profudisse legitur, ita, ut scintillantes flammæ hincinde etiam cum sono profilerent. Atq; horum similia nonnunquam etiam in beluis apparēt, sicut de Tiberii equo, quem ore flammigerasse proditum est.

Quomodo passionibus animi immutant corpus per modum imitationis à similitudine. Item de transformatione ac translatione hominū, & quas uires uis imaginatiua non solum in corpus, sed etiam in animam obtineat.

Cap. LXIII.



Passiones supradictæ quandoq; alterant corpus per modū imitationis, propter uirtutem quam habet similitudo rei ad transformandum, quam uehemens mouet imaginatio, sicut in stupore & congelatione dentium ex uisu uel auditu aliquo, uel quia uidemus uel imaginamur alium comedere res acres: sic uidēs aliū oscitare etiam oscitat, & aliqui cum audiunt acida nominare, lingua acescit: molestia etiam tetri alicuius spectaculi gustum inficit, & prouocat nauseam: quidam sanguinis humani aspectu syncopantur: nonnulli cum alicui amare

cibū afferri uidet, sentiūt in ore saluā amarā. Et narrat Gulielmus Parisien-
 sis se uidisse hunc, q̄ solo aspectu medicinæ mouebatur quoties opus erat
 motu expurgatiōis: cū tñ nec substātia medicinæ, nec sapor nec odor ipsius
 ad ipsum peruenisset: sed sola similitudo apprehensa. Hac ratiōe somniātes
 se ardere, uel esse in igne, quādoq; cruciātur intolerabiliter, tanq̄ si uere arde-
 ant, cū tñ ueritas & substantia ignis apud eos non est, sed sola similitudo per
 imaginationem apprehensa. Nonnunq̄ etiā ipsa humana corpora transfor-
 mantē trāsfiguranturq; & transportātur, sæpe quidem in somniis, nonnunq̄
 etiā in uigilia. Sic Cypus qui postea electus est rex Italiæ, dū tauroꝝ pugna
 uictoriāq; uehementius admirās meditatur, in illa cura obdormiens noctē,
 mane corniger repertus est, nō aliūde q̄ uirtute uegetatiua uehementi ima-
 ginatione stimulata, corniferos humores in caput eleuante, & cornua produ-
 cente. Vehemēs enim cogitatio, dum species uehementer mouet, in illis rei
 cogitatæ figuram depingit, quam illi in sanguine effingunt, ille nutritis à se
 imprimit membris, cum propriis, tum aliquando etiam alienis: sicut imagi-
 natio prægnātis in fœtum imprimit rei desideratæ notā, & imaginatio mor-
 si à cane rabido, in urinam imprimit imagines canum. Sic multi subito cane-
 scunt: alius è puero, unius noctis somnio, in uirum perfectum excreuit. Huc
 multi etiam Dagoberti regis cicatrices, & Francisci stigmata referre uolūt,
 dum ille correptionem uehementer timet, alter Christi uulnera uehemen-
 tius contemplatur. Sic multi etiā transportantur de loco ad locum transeū-
 tes flumina, & ignes, & loca inaccessa: quādo uidelicet uehemētis alicuius cō-
 cupiscentiæ, aut timoris, uel audaciæ species spiritibus impressæ, uaporibus
 permixtæ mouēt organū tactus in sua origine, unā cū phantasia, quæ motus
 localis principiū est. Vnde concitātur mēbra & organa motus ad motū, mo-
 uēturq; sine errore ad locū imaginatū, non quidē ex uisu, sed ex phantasia in-
 teriore. Tāta est uis animæ in corpus, ut quorsum ipsa imaginatur & somni-
 at, ipsum corpus simul attollat atq; traducat. Legimus alia pleraq; exempla
 quibus uis animæ in corpus cū admiratione explicat, quale illud scribit Aui-
 cenna de quodā, qui cū uellet, corpus suū paralyti oblādebat. Narrat de Gal-
 lo Vibio, cui hoc accidit uni, ut in infantiā nō casu incideret, sed iudicio pueni-
 ret: nā dum insanos imitat, dū ingenii lenociniū furorē putat, quā adsimula-
 bat infantiā, ad uerā redegit. Et Augustinus refert quosdā q̄ aures pro arbitrio
 mouerēt, & q̄ immoto capite uerticē totā deponerēt ad frontē, reuocarentq;
 cū uellent: & aliū quendā solitū sudare ubi uellet. Notū quoq; est aliquos fle-
 re cū uolūt, & ubertim lachrymas profunderē: quosdā etiā repertos, qui eorū
 quæ deglutissent, uaria paulatim tanq̄ de sacculo, quod placuisset, proferrēt.
 Et hodie adhuc uidemus plures, qui auium, pecorū, canum hominūq; quo-
 runq; uoces sic imitantur exprimuntq;, ut discerni omnino nō possint. Iam
 uero & fœminas in mares mutatas fuisse, multis exemplis narrat Plinius: si-
 milia & suo tempore accidisse testatur Pontanus, de quadā muliercula Caie

Mira imagi-
 nationis uis.

Francisci
 stigmata.

tana, & altera quadam Aemilia, quæ cum utraq; nupta, post plures annos in viros mutata sunt. Quantum autem ipsa imaginatio possit animam, nemo ignorat: est enim substantiæ animæ uicinior quàm sensus, quare etiam plus agit in animam quàm sensus: sic mulier per introductas certis magicis artificiiis fortes imaginationes, somnia, suggestiones, sæpissime ligantur in amorem alicuius arctissimū. Sic perhibent Medeam ex solo somnio exarsisse in amorē Iasonis. Sic autem nonnunquam per uehementē imaginationē uel speculationē à corpore omnino abstrahitur, quemadmodū Celsus narrat de quodā presbytero, qui quoties collibuisse auferebat se à sensibus & iacebat similis mortuo, ut cum pungeretur & ureretur, non sentiret ullum dolorē, iacebatq; immotus & sine anhelitu: hominum tamen uoces, si altius inclamassent, tanquam ex longinquo se audisse postea referebat. Verum de his abstractionibus latius in posterioribus differemus.

Quomodo passionēs animi etiam operantur extra se
in corpus alienum. Caput LXV.



Passiones animæ quæ phantasiā sequuntur, quando uehementissimæ sunt, non solum possunt immutare corpus proprium, uerum etiam possunt transcendere ad operandum in corpus alienum, ita, quod admirabiles quædam impressiones inde producuntur in elementis & rebus extrinsecis, atq; etiam morbos quosdam animi siue corporis, sic possent auferre uel inferre: Nam passionēs animæ sunt potissima causa temperamenti corporis proprii. Sic anima fortiter eleuata & uehementi imaginatione accēsa, immittit sanitatē uel ægritudinem, non solum in corpore proprio, sed etiam in corporibus alienis. Sic putat Auicenna, quod ad imaginationem alicuius cadat camelus. Sic qui morsus à cane rabido in rabiem incidit, apparent in urina eius figurę canum. Sic prægnantis mulieris cupiditas in corpus alienum agit, quando inficit fœtum in aluo, rei desideratæ nota. Sic multę monstruosæ generationes prodeunt ex monstruosis prægnatiū imaginibus, ceu qualē refert Marcus Damascenus apud Petram sanctam, oppidum in Pisanis confinibus sitū, Carolo Boëmiae regi & Imperatori oblatam puellā, toto corpore feræ instar hirsutā & uillosam, quam mater religioso quodam horrore, in imaginē diui Ioannis Baptistæ, quæ ad lectulum erat, dum conciperet affecta, talem postea progenerauit. Atq; id non solum in hominibus, sed etiā in brutis animantibus fieri spectamus. Sic legimus Iacobū patriarchā, uirgis in aquā proiectis, discolorasse oues Laban. Sic pauonū aliarūq; uolucrū cubantiū imaginarię uires, pennis colorē imprimūt: unde albos producimus pauones, cubantiū habitacula albis linteis circūpendētes. Iamq; his exēplis patet, quomodo phantasiæ affectus, ubi uehementius se intenderint, non modo corpus propriū, sed & alienū afficiūt. Sic etiā malefactorū nocendi cupiditas, fixis obrutibus quæ perniciosissime homines fascinat. Assentiūt istis Auicenna, Aristoteles, Algazel & Galenus. Manifestum enim

Pauones albi
quō produ-
cantur.

est, corpus à uapore alterius corporis morbidi facillime infici, quod in peste & lepra patemus. Rursus, in uaporibus oculorum tanta uis est, quod possunt proximum fascinare atque inficere, sicut regulus, & catablepa aspectu suo homines interimunt: & femina quaedam in Scythia, apud Illyricos & Triballos, quem irata aspexerant, interimebāt. Nemo ergo miretur, corpus atque animam unius, ab animo alterius posse similiter affici, cum sit animus longe potentior, fortior, feruentior, motuque ualentior, quam uapores ex corporibus exhalantes, nec etiam desunt media, per quae operetur: neque praeterea minus subiicitur corpus alieno animo, quam alieno corpori. Hoc modo ferunt hominem, solo affectu atque habitu agere in alterum: Ideoque praecipunt philosophi, consortium malorum atque infeliciū hominū procul fugiendum, horū siquidem anima noxiorum plena radiorum, calamitosa contagione propinquos inficit: contra, bonorum ac feliciū consortia, praecipiunt appetenda, quoniam sua propinquitate multum nobis profunt. Sicut enim odor ex asae foetida, uel musco, sic ex malo mali, & ex bono boni, aliquid profilit in proximum, ac diu quandoque perseverat infusum. Nunc uero si passionēs supradictae tantam uim habent in phantasia, certe maiorem habent in ratione, quatenus iam ratio ipsa, phantasia est excellentior. Multo denique maiorem in mente, haec enim quando ad beneficium aliquod, tota animi intentione erga superos defigitur, sepe corpus tam proprium quam alienum, circa quod est affectum, diuino aliquo munere afficit. Hoc modo legimus ab Apollonio, Pythagora, Empedocle, Philolao multisque prophetis, & etiam nostrae religionis sanctis, miracula facta fuisse. De his latius patebit inferius, ubi de religione differemus.

*Ratio excellentior
phantasia,*

Quod passionēs animi plurimum iuuantur ab opportunitate celestis: & quam necessaria sit in omni opere, ipsa animi constantia.

Cap. LXVI.



Passiones animi cum cælo plurimum adiuuantur & adiuuant, potentissimaeque euadunt, quatenus cum cælo consentiunt uel naturali quodam pacto, uel uoluntaria electione seu libero arbitrio. Nam, ut inquit Ptolemæus, qui elegit id quod melius est, nihil differre uidetur ab eo, qui habet hoc ex natura. Conducit ergo maxime in quouis opere ad beneficia cæli suscipienda, si cogitationibus, affectibus, imaginationibus, electionibus, deliberationibus, contemplationibus & similibus, nos quoque cælo consonos praestiterimus. Passiones enim eiusmodi spiritum nostrum ad similitudinem suam uehementer agitant, ac subito nos nostraque superis exponunt eiusmodi passionēs significatibus: tum etiam ob dignitatem & propinquitatem suam cum superioribus multo magis atque amplius celestia capiunt, quam res quauis materiales. Potest enim animus noster per imaginationem uel rationem quadam imitatione, ita alicui stellae conformari, ut subito eiusdem stellae muneribus impleatur, tanquam sui influxus proprium receptaculum

Mens uero cōtemplatrix quatenus se ab omni sensu, imaginatione, natura deliberatione seuocat, & ad separata se reuocat, nisi quatenus Saturno se exponit, præsēntis indagatōis non existit. Multa enim mens nostra p̄ fidē operat̄, quæ est firma adhæsiō, fixa intentio, & uehemens applicatio operantis aut suscipientis, in quacūq; re ad ipsum cooperantem & dantē uim ad opus, quod facere intendimus, adeo, ut fiat quodāmodo in nobis idolū uirtutis suscipiēdæ, & rei in nobis uel à nobis faciēdæ. Debemus igit̄ in quouis opere & reꝝ applicatiōe uehemēter affectare, imaginari, sperare firmissime que credere, id enim plurimū erit adiuuētō. Et uerificatū est apud medicos, firmā credulitatē, sp̄e indubiā, & amorē erga medicū, & medicinā, ad sanitatē plurimū cōferre, etiā aliquādo uel plus q̄ medicinā. Nā cū hoc quod operatur medicinę uirt̄ & efficax uis, operatur etiā medici fortis anim⁹, potēs immutare qualitatis in corpore ægroti, maxime quādo ille medico adhibēs fidē eo ipso sese disponit ad medētis & medicinæ uirtutē suscipiēdā. Ideoq; oportet in magia operantē esse cōstanti credulitate, confidentē, & de cōsecutione effectus nullatenus dubitare, nec animo hæsitare. Nā sicut firma & pertinax credulitas mirabilia operatur, etiā nonnunquā in operibus falsis, sic diffidētia atq; hæsitatio uirtutē animi operātis, quæ inter utrūque extremū mediū est, dissipat atq; frangit, unde cōtingit optatū à superioribus influxū frustrari atq; deperdi, q̄ sine animi nostri stabili ac solida uirtute rebus & operibus nostris coniungi atq; uniri minime potest.

Quomodo animus humanus potest coniungi cum cœlestium animis & intelligentiis, atq; simul cum illis mirabiles quasdam uirtutes rebus inferioribus imprimere. Cap. LXVII.



Icūt Philosophi, maxime Arabes, animū humanū quādo per suas passiones & effectus ad opus aliquod attentissimus fuerit, cōiungi ipsum cū stellaz animis, etiā cū intelligētis: & ita quoque coniunctū causam esse ut mirabilis quædā uirtus operib⁹

Res oīs naturalē habet ad animū humanū obedientiam.

ac rebus nostris infundatur, cū quia est in eo reꝝ omniū apprehēsiō & potestas, tū quia omnes res habēt naturalē obedientiā ad ipsum, & de necessitate efficaciam, & mouēt ad id quod desiderat nimis forti desiderio. Et secundum hoc uerificatur artificiū charactēꝝ, imaginū, incantationū & sermonum quorundā, & plurimoz aliorū experimentorū mirabilium ad omnem rem quā animus affectat. Hoc modo quicquid dictat animus uehemēter amantis, efficaciam habet ad amorem, & quicquid dictat animus fortissime odiētis, habet efficaciam nocendi & destruendi. Similiter & in cæteris quæ adfectat animus forti desiderio. Omnia enim quæ tunc agit & dictat ex characteribus, figuris, uerbis, sermonibus, gestibus & eiusmodi, omnia sunt adiuuantia appetitum animæ & acquirūt mirabiles quasdam uirtutes, tū ab anima operantis in illa hora quando ipsam appetitus eiusmodi maxime inuadit, tum ab opportunitate & influxu cœlesti animum tunc taliter mouente

Animus enim noster quando fertur in aliquem magnū excessum alicuius passionis uel uirtutis, arripit sæpissime ex seipso horam uel opportunitatē fortiorem, meliorem & magis conuenientem. Quod etiam Thomas Aquinas tertio libro cōtra Gentiles fatetur. Sic mirandę multę uirtutes admirabiles quasdam operationes causantur, & sequuntur, per grādes affectiones in rebus illis quas dicitur tunc anima in illa hora ad illas. Sed scias eiusmodi res nihil, uel saltem parum nisi auctori earū conferre, atq; illi qui iam inclinatur ad illas ac si iam esset auctor illarum: & hic est modus per quem inueniuntur efficacia ipsarū. Et est generalis regula in istis, quod omnis animus qui est magis excellēs in suo desiderio & affectu ipso, efficit sibi res huiusmodi magis aptas, efficaces, ad id quod appetit. Oportet igitur quęcūq; uolentē operari in magia, scire & cognoscere suę ipsius animę proprietatē, uirtutē, mensurā, ordinem & gradum in potentia ipsius uniuersi.

Regula generalis.

Quomodo animus noster potest permutare & ligare res inferiores, ad id quod desiderat. Caput LXVIII.



Nest etiam hominum animis uirtus quędam immutādi, attrahendi, impediendi & ligandi res & homines ad id quod desiderat, & omnes res obediunt illi, quando fertur in magnum excessum alicuius passionis uel uirtutis intantū, ut superet eos quos ligat. Superius enim ligat quod inferius est, & ad se conuertit, & inferius eadem ratione ad superius conuertitur, uel aliter afficitur aut agitur. Hac ratione res quę superiorem alicuius stellę obtinent gradum, ligāt, uel attrahunt, uel impediunt res, quę tenent inferiorem, prout inter se conueniunt uel disconueniunt. Hinc timetur gallus à leone, quoniam præsētia solaris uirtutis conuenit gallo magis q̃ leoni: sic magnes trahit ferrū, quia in ordine cœlestis ursę superiorē obtinet gradum: sic adamas impedit magnetē, quia in ordine Martio sibi est superior. Simili modo homo aliquis cū per sui animi affectiones, tum etiam per rerum naturalium ritas adhibitiones cœlestibus dotibus opportune expositus, si in uirtute solari fortior euaserit, ligat & trahit inferiorem in admirationem & obedientiam: in ordine lunari ad seruitutem uel infirmitatem: in Saturnali ad quietem uel tristitiam: in Iouio ad uenerationem exhibendam: in Martio ad timorem uel discordiam: in Venereo ad amorem uel lætitiā: in Mercuriali ad persuasionem & obsequiū, & similia. Radix uero eiusmodi ligationis ipsa est affectio animę uehemens & exterminata, cum concursu ordinis cœlestis. Dissolutiones autē uel impeditioes huiusmodi ligationis fiūt per cōtrarium effectum, & illū excellentiorem & fortiorem: nam sicut maior animi excessus ligat, ita etiā soluit & impedit. Deniq; ubi times Venerem, oppone Saturnum: ubi Saturnum times aut Martē, Venerē oppone uel Iouē: hos enim inimicos & maxime contrarios inuicem ferūt esse astrologi. Hoc intellige, affectus diuersos & contrarios in istis inferioribus causantes: nam in cœlo quidem ubi ni-

Ligationis radix.

hil deficit, ubi amore cuncta regunt, odiū seu inimicitia esse minime potest.

De sermone, atq; uirtutibus uerborum.

Cap. LXIX.



Stenſo itaq; nunc in animi affectibus magnam reſidere uirtutem, ſciendum inſuper eſt, non minorē in eſſe uerbis rerumq; nominibus, maximam præterea in ſermonibus & orationibꝫ complexis. Quibus potiſſimum à brutis differimus & rationales dicti ſumus, non à ratione quæ ſecundum animam accipitur, quam capacem affectuum appellant, quam Galenus dicit etiam bruta animalia nobiſcum habere communem, licet alia magis, alia minus: ſed rationales dicimur à ratione quæ iuxta uocem in uerbis & ſermone intelligitur, quæ uocatur ratio enunciatiua qua parte cæteris animantibus maxime antecellimus: nam λόγος Græcis & rationem & ſermonem & uerbum ſonat. Eſt autem uerbum duplex, internum uidelicet & prolatum: internum uerbum eſt conceptus mentis & motus animæ, qui in cogitatiua præſentia ſine uoce fit: quæ admodum dum in ſomniis nobis loqui & diſputare uidemur, & in uigilia etiam ſilentes sæpe totam aliquam percurrimus orationem. Verbum autem prolatum quendam in uoce & locutionis proprietate actum habet: & cum anhelitu hominis, oris apertione & ſermone linguę proferitur: in quo parēs natura corpoream uocem & ſermonem, menti & intellectui copulauit, enūciatiuam & conceptuum intellectus noſtri interpretem illam faciens ad audientes, de quo nobis hic dicendum eſt. Sunt itaq; uerba aptiſſimum medium inter loquentem & audientem deferentia ſecum non tantum conceptum, ſed & uirtutem loquentis energia quadam transfundentes in audientes & ſuſcipientes, tanta sæpe potentia, ut non immutent ſolummodo audientes, ſed etiam alia quædam corpora & res inanimatas. Illa autem uerba præ cæteris maioris efficaciæ ſunt, quæ res maiores, puta intellectuales, cæleſtes, & tranſnaturales, cū expreſſius, tū myſterioſius repræſentant: quæq; à digniore lingua, & ſanctiori dignitate inſtituta ſunt, hæc enim ueluti ſignata quædam & repræſentationes, ſeu ſacramenta rerum cæleſtium & ſupernaturalium uim obtinent, cum ex uirtute rerum explicatarum quarum uehicula ſunt, tum ex ui inſita illis à uirtute inſtituentis & proferentis.

Quæ uerba maioris ſint efficacia.

De uirtute propriorum nominum.

Cap. LXX.



Propria rerum nomina magicis operationibus plurimum neceſſaria teſtantur fermè omnes. Nam quum uis rerum naturalis procedit primo ab obiectis ad ſenſus, deinde ab his ad imaginationem, ab hac deniq; ad mentem, in qua cōcipitur quidē primo, deinde p uoces & uerba exprimitur. Dicunt iccirco Platonicī in hac ipſa uoce, ſiue uerbo, ſiue noīe iā ſuis articulis formato ipſam uim rei ſub ſignificatiōis forma quaſi uitā aliquā latere: primo ab ipſa mētē quaſi p ſemina rerū conceptā, porro p uoces ſiue uerba quaſi partū æditā, poſtremo etiā ſcriptis ſeruata. Hinc dicūt Magi propria rerū noīa eſſe quosdā rerū radios ubiq; ſemp præſentes, rerūq; uim ſeruantes, quatenus eſſentia rei ſignatē in

ipsis dominat & discernit, atq; res per illa tāq; p proprias & uiuas imagines agnoscūt. Sicut nim ex cœlorū influxibus & elemētis cū uirtutibus planetarū summus opifex producit diuerfas species & res particulares: sic secūdū earūdem influxuū & influentiū proprietates propria rebus nomina resultāt & imposita sunt ab eo, qui numerat multitudinem stellarū omnibus eis nomina uocans, de quibus nominibus alibi dicit Christus: nomina uestra scripta sunt in cœlis. Hos itaq; cœlestiū influxus rerūq; singularū proprietates cognoscēs protoplastes, nōia rebus secūdū earū quiditates impoluit sicut scriptū est in Genesi: quia adduxit de^o cūcta quæ creauerat corā Adā ut nominaret illa: & sicut ipse uocauit rē, hoc est nomē illius, quæ quidē nōia profecto admirandas in se rerū significatarū continent uires. Omnis itaq; uox significatiua primo significat per influxū harmoniæ cœlestis, secūdario per impositionem hominis, licet frequentius aliter & aliter per hanc atq; per illā: quādo aut in aliqua uoce siue nomine concurrūt utrāq; significationes, q̄ ab harmonia, & q̄ ab hominibus impositæ sunt, tūc geminata uirtute, naturali uidelicet & uolūtaria, nomē illud ad agendū redditur efficacissimum quoties debitis locis & tēporibus & solēnitatē cū intētiōe exacta in materiā dispositā, & à natura sua ab illo patibilē fuerit prolatū. Sic legim⁹ apud Philostratū, quod cū Romæ puella quædā nuptiarū die mortua Apollonio oblata esset, cōtacta uirgine nomē eius accurate inq;siuit, quo cognito aliquod occultū pronūciasse, quo puella reuixerit. Erat etiā Romanis in sacrorū ritu obseruatio, ut cū urbē aliquā obsiderēt, ei⁹ propriū nomē, nomenq; illi⁹ numinis in cuius tutela esset urbs illa, diligēter exquirerēt: quibus cognitis carmine quodā tūc eius urbis tutelares deos euocarēt, urbēq; ipsam habitantesq; deuouerēt, atq; sic tādē absentib⁹ diuis deuincerēt, sicut canit Vergili⁹:

Excessere omnes, aditis arisq; relictis,

Dii quibus imperium hoc steterat.

Carmē uero quo euocabātur numina hostesq; deuuebātur cū oppugnationē ciuitas cingeretur, qui nosse uelit apd Liuiū & Macrobiū requirat sed & plura illorū narrat Serenus Samonicus in libris recōditorum.

De sermonibus complexis, & carminibus, incantamentorūq; uirtutibus & astrictiōibus.

Cap. LXXI.



Utra uerborū atq; nominū uirtutes alia quoq; maior uirtus reperit in orationibus cōplexis à ueritate in eis cōtenta, q̄ maximā uim imprimēdi, immutādi, ligādi & stabiliēdi habet, adeo ut exagitata magis splēdeat, impugnata magis firmetur & consolidetur: q̄ ueritatis uirtus nō est in uerbis simplicibus, sed in enūciationibus, quibus aliquid affirmatur aut negatur, cuiusmodi sunt carmina, incantamēta, imprecationes, deprecationes, oratiōes, inuocationes, obtestatiōes, adiurationes, exorcismata & huiusmodi. In cōponendis itaq; carminibus & orōibus pro attrahēda stellæ aut numinis alicuius uirtute, oportet diligēter

h iiii

Propria
nomina re
rum radij
quidam
sunt.

considerare quas in se quælibet stella continet uirtutes, effectus & operationes, atq; hæc carminibus inferere laudando, extollendo, ampliando, exornando, quæ solet stella huiusmodi afferre & influere, deprimendo & improbando quæ solet destruere & impedire, supplicando & obtestando pro eo quod cupimus adipisci, accusando & detestando id quod uolumus destrui & impediri, atq; ea ratione orationem carminis componere ornatam, elegantem, ac per articulos certis competentibusq; numeris & proportionibus debite distinctam. Iubent præterea magi inuocandum & precandum per nomina eiusdem stellæ siue nominis, quibus tale carmen attinet, & per sua mirabilia siue miracula, per cursus suos & uias suas in sphaera sua, per lumen suum, per nobilitatem regni sui, per gratiam & claritatem quæ in eo est, per fortes & mirabiles uirtutes suas, & per horum similia. Quemadmodum apud Apuleium Psyche precatur Cererem: Rogo te, inquit, per frugiferam tuam dexteram constanter deprecor per lætiferas messium ceremonias, per tacita secreta ci starum, per famulorum tuorum draconum pinnata curricula, & glebæ Siculæ sulcamina, & currum rapacem, & terram tenacem, & illuminatam: Pro serpinæ nuptiarum demeacula, & luminosarum filiarum inuentionum remeacula, & cætera quæ silentio tegit Eleusis, Attice sacrarium. Præterea cum mul tiugis stellarum nominibus, iubent nos etiam inuocare per nomina intelligentiarum ipsis stellis præsidentium, de quibus suo loco dicemus latius. Qui autem ampliora horum exempla cupit, hymnos Orphei scrutetur, quibus nihil in magia naturali est efficacius, si illis debita harmonia cum omni attentione ceterisque circumstantiis, quas norunt sapientes, adhibere fuerint. Sed ad propositum nostrum reuertamur. Eiusmodi itaque carmina apte atque rite ad stellarum normam composita intellectu sensuque plenissima, uehementi affectu opportune pronunciata, tum secundum eorum articulorum numerum & proportionem, atque secundum formam ex articulis resultantem unam, atque per imaginationis impetum uim maximam conspirant in incantante, atque subinde traiciunt in rem incantatam ad illam ligandam aut dirigendam, quorsum affectus sermonesque incantantis intenduntur. Instrumentum uero ipsum incantantium est spiritus quidam purissimus harmonicus, calens, spirans, uiuens, motus, affectus, significatus secum ferens, suis articulis compositus, præditus sensu, ratione denique conceptus: per huius itaque spiritus qualitatem, per cœlestem eius similitudinem, præter ea quæ dicta sunt, etiam ex opportunitate temporis excellentissimas cœlitus concipiunt carmina uirtutes, multo quidem sublimiores & efficaciores quam spiritus & uapores ex uita uegetabili, ex herbis, radicibus, gummis, aromatibus, suffitibus, & his similibus exhalantes. Atque ideo solent Magi incantantes res simul afflare, & uerba carminis inhalare, ceu uirtutem ipso spiritu inspirare, ut sic tota animæ uirtus dirigatur in rem incantatam ad suscipiendam dictam uirtutem dispositam. Atque hic est notandum, quod omnis oratio, & scriptura, & uerba, si

uerba, sicut per consuetos suos numeros & proportiones atq; formam consuetos inducunt motus, ita etiam præter solitū ordinem & retrograde prolata aut scripta ad insolitos mouent effectus.

De incantamentorum mirabili potentia.

Cap. LXXII.



Incantationum itaq; siue carminum tantam ferunt esse potentiam, ut penè omnem naturā posse subuertere credantur, quæ admodū inquit Apuleius: Magico susurramine amnes agiles reuerti, mare pigrum colligari, uentos unanimis expirari, solem inhiberi, lunam despumari, stellas euelli, diem tolle, noctem teneri. & de eisdem canit Lucanus:

Cessauere uices rerum, dilataq; longa

Hæsit nocte dies, legi non paruit æther.

Torpuir, & præcepto audito carmine mundus.

& paulo ante:

Carmen Thessalidum dura in præcordia fluxit,

Non satis adductus amor.

& alibi:

Mens hausti nulla sanie polluta ueneni

Excantata perit. Item Vergilius in Damone:

Carmina uel cælo possunt deducere lunam.

Carminibus Circe socios mutauit Vlyssis.

Frigidus in pratis cantando rumpitur anguis, &

Atq; satas aliò uidi traducere messes.

Et Ouidius in, Sine titulo, inquit:

Carmine læsa Ceres sterilem uanescit in herbam,

Deficiunt læsi carmine fontis aquæ.

Illicibus glandes cantataq; uitibus uua

Decidit, & nullo poma mouente fluunt.

Quæ si uera nō essent, nō tā arcte statuta pœna legibus sancitū esset contra eos qui fruges excantassent. Et Tibullus de quadam incantatrice ait:

Hanc ego de cælo ducentem sydera uidi,

Fluminis hæc rapidi carmine uertit iter.

Hæc cantu finditq; solum, manesq; sepulchris

Elicit, & repido deuocat ossa rogo.

Cum liber hæc tristi depellit nubila cælo,

Cum liber æstiuo conuocat orbe niues.

De quibus omnibus uenefica illa se multum iactare uidetur apud Ouidiū cum ait:

Cum uolui ripis ipsis mirantibus amnes

In fontes redire suos, concussaq; fisto,

Stantia concutio cantu freta, nubila pello,

Nubilaq; induco, uentos abigoq; uocoq;

Vipereas rumpo uerbis & carmine fauces,

Viuāq; saxa sua conuulsaq; robora terra,
Et syluas moueo, iubeoq; tremiscere montes,
Et mugire solum, manesq; exire sepulchris,
Te quoq; luna traho.

Omnes præterea poëte canunt, & philosophi non negant, posse carminibus mirāda multa effici: ut pelli segetes, cogi fulmina uel iperari, curari morbos & eiusmodi. Nā & Cato in re rustica contra bestiarū morbos quibusdā utebatur cantionibus, quæ adhuc in scriptis eius extant. Solomonem quoque eiusmodi incantationes calluisse, Iosephus testat. Narrat quoq; Celsus Africanus iuxta Aegyptiorum doctrinam, humanum corpus iuxta signorum zodiaci, facierum, numerum, per totidem scilicet triginta sex demones curari, quorum singuli propriam partem suscipiunt atq; tuentur, quorū nomina patria uoce appellant, quibus inuocatis incantamentis suis uitiatas corporis partes sanitati restitunt.

De uirtute scripturæ, & de imprecationibus & inscriptionibus faciendis. Cap. LXXIII.



Efficiū uerborum atq; sermonis est interiora mentis enunciare, ac de penetralibus cogitationum secreta depromere, uolūtatemq; pandere loquentis. Scriptura autem ipsa ultima mentis expressio est, sermōis uocisq; numerus, collectio, status, finis, continentia & iteratio faciens habitum, qui unius uocis actui non perficitur. Et quicquid in mente, in uoce, in uerbo, in oratione, in sermone est, totum hoc, & omne etiam in scriptura est. Et sicut nihil quod mente concipitur, uoce non exprimitur: sic nihil quod exprimitur nō etiam scribitur. Atq; ideo iubent magi in quouis opere faciendas imprecationes & inscriptiones, quibus operans suum exprimat affectum: ut sibi herbam colligat, uel lapillum, proferat ad quem usum id faciat: si fabricet imaginem, dicat & inscribat ad quem effectum ea fiat, quas quidem imprecationes & inscriptiones etiam Albertus in speculo suo non improbat: sine quibus opera nostra non deducerentur in effectum: siquidem dispositio non causet effectum, sed actus dispositionis. Inuenimus quoq; idem præceptorum genus antiquis in usu fuisse, quod uel ipse testatur Vergilius ubi canit:

Terna tibi hæc primum triplici diuersa colore

Licia circundo, terq; hæc altaria circum

Effigiem ducō. & paulo post:

Necte tribus nodis ternos Amarylli colores,

Necte Amarylli modo, & Veneris, dic, uincula nec̄to.

& ibidem:

Limus ut hic durefcit, & hæc ut cæra liquefcit

Vno eodemq; igni, sic nostro Daphnis amore.

De proportionē, correspondētia, reductionē literarū ad signa cœlestia & planetas scđm uarias linguas cū tabella hoc indicāte. Ca. LXXIII.



Edit deus homini mentem atq; sermonem, quæ (ut ait Mercuri
 us Trismegistus) eiusdem uirtutis, potentiæ, atq; immortalitatis
 præmium censentur. Sermone uero hominum ipse omnipoten-
 tens deus sua providentiâ in diuersas linguas diuisit: quæ quidem
 linguæ iuxta suam diuersitatem etiam diuersos ac proprios receperunt scri-
 pturæ characteres, suo quodam certo ordine, numero & figura constantes,
 non fortuito, nec casu, nec fragili hominum arbitrio sed diuinitus sic disposi-
 tos atq; formatos, quo cum cœlestibus atq; ipsis diuinis corporibus uirtuti-
 busq; consentiant. Præ omnibus uero linguarum notis Hebræorum scriptu-
 ra omnium sacratissima est in figuris characterum, punctis uocalium & api-
 cibus accentuum: ueluti in materia, forma & spiritu consistens. In sede dei,
 quod cœlum est, siderum positione primum exarata, ad quorum figuram,
 ut testantur Hebræorum magistri, sunt formata ipsæ literæ mysteriorum cœ-
 lestium plenissime cum per eorum figuram, & formam & significata, tum
 per numeros in illis significatos, tum per earundem uariam colligantiæ har-
 moniam. Vnde secretiores Hebræorum Mecubales ex literarum illarum
 figura & characterum formis earundemq; signatura simplicitate, compositio-
 ne, separatione, tortuositate, directione, defectu, abundantia, maiori-
 tate, minoritate, coronatione, apertura, clausura, ordine, transmutatione, colligā-
 tia, reuolutione literarum & punctorum & apicum, ac supputatione nume-
 rorum per literas significatorum omnia explicare promittunt, quomodo à
 prima causa profecta sunt, & rursus in eandem reducibilia. Trifariam præte-
 rea partiuntur Hebræi alphabeti sui literas, uidelicet in duodecim simplices,
 septem duplices, & tres matres: quas tanquàm characteres rerum significare
 dicunt duodecim signa, septem planetas, & tria elementa, uidelicet ignem,
 aquam, terram: nam aërem non elementum, sed uelut elementorum glutinum
 & spiritum habent. His etiam puncta & apices coordinant. Sicut itaq; ex pla-
 netarum & signorum aspectibus simul cum elementis opifice spiritu & ueri-
 tate omnia producta sunt & producuntur, ita ex his literarum characteribus
 & punctis illa producta significantibus constituuntur rerum omnium no-
 mina, ueluti sacramenta quædam & uehicula rerum explicatarum, illarum
 essentiam & uires ubiq; secum ferentes. Horum profunda sensa & sacramenta
 in characteribus illis illorumq; figuris, numeris, situ, ordine & reuolutione in-
 hærent, ut Origenes iccirco existimet ea nomina in aliud idioma traducta
 propriam uim minime retinere: quia non retineant suam naturalem signifi-
 cationem: sola enim nomina primaria quæ sunt recte imposita, quia signifi-
 cant naturaliter, actiuitatem habent naturalem: non sic est de his quæ signi-
 ficant ad placitum, quæ actiuitatem non habent ut significatiua sed ut in se
 res quædam naturales. Si qua autem est lingua prima & causalis, cuius uerba
 habent naturalem significationem, hanc constat esse Hebraicam, cuius ordi-
 nem qui profunde & radicaliter tenuerit, atq; illius literas proportionabili-

Hebræorum
 scriptura
 sanctissima.

ter reuoluere nouerit, cuiuscunq; idiomatis perfecte inueniendi normam & regulam habebit. Sunt itaq; uigintidua literæ fundamētum mundi & omnium creaturarum quæ sunt & nominantur in eo, & omne dictum, & omne creatum, ex illis sunt, & ex earum reuolutionibus nomen, & esse, & uirtutem sortiuntur. Oportet autem illarum inuestigatorem per singulas literarum combinationes tam diu discurrere, quousq; pateat uox dei, & apertus sese offerat sacratissimarum literarum textus: hinc enim uoces & uerba in magicis operibus efficaciam habent: quia illud in quo primum magicam exercet natura, uox est dei. Sed hæc altioris speculationis existunt quam ut in hoc libro tractanda ueniant. Sed ad literarum partitionem redeamus. Harum apud Hebræos tres matres sunt uidelicet: י ו א Septem duplices, uidelicet, ח ט ק ר ל מ נ Reliquæ duodecim uidelicet, ש צ פ כ ג ד ה ו ז ט י ת simplices sunt. Par ratio apud Chaldaeos est. Ad harum imitationem etiam cæterarum linguarum literæ signis & planetis atq; elementis suo quodam ordine distribuuntur: Nam ex Græcis α β γ δ ε ζ η θ ι ο ϕ χ ψ septeni planetis respondent, ς ζ η θ ι κ λ μ ν ξ ο π ρ σ τ duodecim signis zodiaci attribuuntur. Cætera quinque; θ ς φ χ ψ quatuor elementa & mundi spiritum representāt. Apud Latinos uero hæc eadem, sed alio ordine significantur: Nam uocales quinque, A E I O V, atq; I & V consonantes septem planetis adscribuntur: Consonantes uero B C D F G L M N P R S T præfunt duodecim signis: Cæteri, scilicet K Q X Z quatuor faciunt elementa. H aspiratio mundi spiritum representat. Y, quia Græcus & non Latinus character est, & Græcis uerbis solum inseruiens, sui idiomatis sequitur naturam. Verum illud non est ignorandum, Hebræas literas compertum à sapientibus omnium esse efficacissimas, quia habent similitudinem maximam cum cœlestibus & mūdo. Cæterarum uero linguarum literas tantam efficaciam non habere, quia ab illis remotius distant. Harum uero dispositiones sequens tabella explicabit. Habent etiam literæ quæq; sui ordinis numeros duplices, extensos uidelicet qui quotas literarum secundum suum ordinem simpliciter exprimūt: atq; collectos, qui præcedentium omnium literarum numeros secū recolligunt. deinde etiam numeros integrales qui ex literarum nominibus iuxta uarios numerandi modos resultant. Quorum numeroꝝ uires qui cognouerit, poterit in unaquaque lingua per suas literas admiranda elicere mysteria, pariterq; & præteritorum & futurorum temporum colligere uaticinia. Sunt insuper & alia literarū cum numeris mysteriosa coniugia, sed de his omnibus in sequentibus libris abunde differentes, huic priori libro hic finem imponemus.

♂	♂	♂	B	B
♂	♂	♂	Γ	C
♂	♂	♂	Δ	D
♂	♂	♂	Z	F
♂	♂	♂	K	G
♂	♂	♂	Λ	L
♂	♂	♂	M	M
♂	♂	♂	N	N
♂	♂	♂	Π	P
♂	♂	♂	P	R
♂	♂	♂	Σ	S
♂	♂	♂	T	T
♂	♂	♂	A	A
♂	♂	♂	E	E
♂	♂	♂	H	I
♂	♂	♂	I	O
♂	♂	♂	O	V
♂	♂	♂	Υ	I cōfo.
♂	♂	♂	Ω	V cōfo.
Terra	♂	♂	⊙	K
Aqua	♂	♂	Ξ	Q
Aër	♂	♂	Φ	X
Ignis	♂	♂	X	Z
Spiritus	♂	♂	ψ	H

AMPLISSIMO DOMI NO, PRINCIPI ILLVSTRISSIMO HERMAN-

manno ab Vuyda, Principi electori, Vuestphaliæ & Angariæ Duci,
Domino & Archipræsuli Colonienfi & Padebornēfi, Domino suo
gratiosissimo, Hēricus Cornelius Agrippa ab Nettefzheym. S. D.



N N V N C (PRINCEPS ILLV-
strissime amplissimeq; præsul) reliquos occul-
toris philosophiæ siue magiæ libellos, quos nu-
per me editurum fuisse, quando priorem illorū
in lucem dedi, tuæ magnidecentiæ promiserā:
sed repentina fermē & inopinata Diuæ Marga-
retæ Austriacæ principis meæ obitus superue-
niens, ab illo edendi studio tunc me retardauit
Deinde quo minus ederentur, obstitit nonnul-

lorum rostratorum sycophantarum, atq; scholasticorum aliquot sophista-
rum improbitas, ob editam de Vanitate scientiarum & excellentia uerbi dei
declamationem, sine intermissione contra me sæuentium, & acerba odii,
inuidiæ, liuoris & calumniarum continuatione contra me certantium, quo-
rum alii elato supercilio, plenis buccis, declamatoria uoce in templis apud
promiscuum populum me impietatis traducebant: alii angularibus susur-
ramentis per singulas domos uicatim imperitorum aures mea infamia cō-
plebant: alii p publica & priuata conciliabula, Pontifices & principes ipsum
que Cæsarem contra me instigabāt. Hinc hæsitare cœpi, essem ne residuos
hos libellos editurus, quum subdubitarem hoc ipso me maioribus obiice-
re calumniis, & ueluti ex fumo in flammam coniiicere, timorq; quidam ru-
sticus inuasit, ne illos edendo tibi molestus plus quàm officiosus uiderer, ac
etiā tuæ sublimitati zoilorum illorum conflare inuidiā, pariterq; detrahen-
tiū linguis te obiiicerē. Quæ omnia cū me uaria desperatione perturbarēt,
hæsitatiōē meā tuę intelligētiæ pspicacitas, exacta discretio, cādor iudicii,
sine superstitiōe religio, cæteræq; in te notissimę uirtutes, & maior oī exce-
ptione autoritas atq; integritas, q̄ obtrectantiū linguas facile cōtinere atq;
etiā refrenare possent, excusso timore erexerūt impulerūtq; id rursus au-
dētius adgredi, qđ iā propē ex desperatiōe deseruerā. Accipe igit nūc (Prin-
ceps illustrissime) bono animo hūc secūdū occultioris philosophiæ librū,
in quo cœlestis magiæ mysteria intimam⁹, patefactis oībus atq; mōstratis q̄
de iis pita rebus prodit antiq̄tas, quęq; ad notitiā nostrā puenerūt, quo studio-
sis & horū arcanorū curiosis post naturaliū uiriū ostēsiōē, etiā cœlestis ma-
giæ arcana (hacten⁹ neglecta & parū iusta notitia à posteris apprehēsa) nūc
tuo auspicio p nos proponant: è quibus quotuquisq; posthac profecerit aut
aliquid fruct⁹ excerpserit, tibi referat adscribatq; gratiā, q̄ hui⁹ editiōis occasio
fuiisti, quodq; forib⁹ patefactis hæc ē uinculis emitterent, facultatē pstitisti.

VALE.

HENRICI CORNE

LII AGRIPPAE DE OCCULTIORE PHI-

losophia siue de magia, Liber secundus.

De necessitate Mathematicarū disciplinarū, atq; de mirandis multis
operibus, quæ solis mathematicis artibus perpetrantur. Cap. I.



ATHEMATICAE DISCIPLINAE AD
magiam tam sunt necessariæ atq; cognatæ, ut qui hæc
absq; illis profiteatur, is tota aberret uia, frustra q; la-
boret, minimeq; desideratum adsequatur effectū: quæ
cunq; enim sunt & fiunt in istis inferioribus naturali-
bus uirtutibus, omnia hæc numero, pondere, mensu-
ra, harmonia, motu & lumine fiunt atq; reguntur: &

omnes res quas uidemus in istis inferioribus, habent radicem & fundamen-
tum in illis: nihilominus tamen etiam absq; naturalibus uirtutibus, ex solis
mathematicis disciplinis, opera naturalibus similia produci possunt, ut in-
quit Plato, res non quidem ueritatis & diuinitatis particeps, sed simulachra
quædam sibiipsis cognata, ut corpora euntia uel loquentia, quæ tamen ca-
rent uirtute animali, quales fuerunt quæ apud antiquos Dædali simulachra
& αὐτόματα appellata sunt, & quorū Aristoteles meminit, Vulcani & Dædali
tripodes seipfos mouentes, quos sponte sua in certamen produisse narrat
Homerus, & quos legimus in Hiarbæ Gymnosophistæ conuiuio seipfos
motasse: aureasq; statuas pincernarum & structorum operam cōuiuiis præ-
stasse. Leguntur etiam statuæ Mercurii quæ loquebantur, & columba Ar-
chitæ quæ lignea uolabat: & quæ narrat Cassiodor⁹ Boëthii miracula, Dio-
medem in ære buccinantem, æneum anguem insibilantem, simulatas aues
cantilenæ dulcedinē emittentes. Huiusmodi generis sunt quæcunq; ex Geo-
metria & Optica prodeunt simulachrorum miracula, de quibus in priori-
bus, ubi de elemento aëris locuti fuimus, fecimus mētionem. Sic fiūt specu-
la, alia concaua, alia columnaria, facientia rerum simulachra in aëre, remo-
tis extra se spatiis uelut umbras uideri: cuiusmodi Apollonius & Vitellius
in suis libris de Perspectiua & speculis docuere. & legimus Magnum Pom-
peium speculum quoddam inter spolia ex oriēte Romam attulisse, in quo
armatorum conspiciebantur exercitus. Et fiunt specula quædam tralucida,
quæ certis quibusdam herbarum succis infecta, artificialiq; lumine irradi-
ta, totum circumuicinum aërem mirabilibus implent phantasmatis. Et
noui ego fabricare duo specula reciproca, in quibus lucēte sole omnia quæ
cunq; illius radiis illustrantur, per remota plurium miliarium spatia euidē-
tissime cernuntur. Hinc magus expertus philosophiæ naturalis & mathe-
seos, cognitisq; mediis sciētiis ex his utrisq; existētib⁹, Arithmetica, Musica,

Speculorū
mira arti-
ficia.

Geometria, Optica, Astronomia, & quæ ponderibus, mensuris, proportionibus, articulus & iuncturis scientiæ sunt, cognitisq; etiam mechanicis artibus ex illis resultantibus, quid mirum si supra cæteros homines arte & ingenio præcellens, mirabilia multa operetur, quæ etiam prudentissimi quique & scientissimi ualde admirentur. Nonne in hunc diem uestigia extant antiquorū operum, puta Herculis & Alexandri columnæ, portæ Caspiæ ex ære conflatæ, & ferreis trabibus obferatæ, ut nullo ingenio nec arte elidi possint: & Iulii Cæsaris Romæ iuxta Vaticanum erecta pyramis, & in medio mari extructi arte montes, & artes saxorumq; moles, cuiusmodi ego in Britannia uidi uix credibili arte congestas. Et legimus apud fidos historicos, similibus artibus olim abscissas rupes, completas ualles, & actos in planum montes, perfossa saxa, ad aperta mari promontoria, excauata terræ uiscera, diducta flumina, iuncta maribus maria, coërcita æquora, scrutataq; maris profunda, exhaustos lacus, exiccatas paludes, factas nouas insulas rursusque alias restitutas continenti, quæ omnia etsi cum natura ipsa pugnare uideantur, tamē legimus facta, & in hunc diem cernimus illorum uestigia, cuiusmodi uulgus dæmonum opera fuisse fabulatur, cum eorum artes atque artifices à memoria perierint, nec sint qui curent ea intelligere atque scrutari. Ideoq; mirandum spectaculum aliquod uidentes, cæcutientes intellectu, effectum omnem in dæmones reiciunt, aut miracula putant, quæ aut naturalium aut mathematicarum disciplinarū sunt opera. Vt si quis ignoret uirtutem magnetis, uideatq; graue ferrum sursum ferri, aut in aëra suspendi, sicut olim Mercurii idolum ferreum apud Treuerim in medio templi magnetis lapidibus legitur suspensum, hoc attestante uersiculo:

Ferreus in mediis uolitat caducifer auris.

Simile cuius etiam de Solis idolo in Serapis templo apud Aegyptum factum legimus: nonne protinus dicet, quoniam dæmonum opus est: si uero cognouerit uirtutem magnetis ad ferrum, & expertus fuerit illam, cessat omnis sua admiratio, & nullus supererit scrupulus illud esse opus naturæ. Atque hic uos scire conuenit, quod sicut per res naturales uirtutes colligimus naturales, ita per res abstractas, mathematicas & cælestes, uirtutes suscipimus cælestes, puta motum, uitam, sensum, sermonem, præsagium & diuinationem, etiam in materia minus disposita, ut quæ non natura, sed arte sola fabricata sit: & ita dicuntur fieri posse imagines loquentes & futura prædicentes, sicut narrat Gulielmus Parisiensis de capite æneo sub ortu Saturni conflato, quod humanis uocibus loqui perhibent. Qui uero eligere nouerit materiam dispositam & patiendi paratissimam, agensque fortissimum, hic indubios potentioresque producet effectus. Est enim Pythagoreorum generalis sententia, sicut mathematica sunt formaliora Physicis, ita esse actualiora: & sicut in suo esse minus dependent, ita etiam in suo operari: inter omnia autem

mathematica, numeros, ut sunt formaliores, ita etiam esse actualiores, quibus uirtutem & efficientiam tam ad bonum quam ad malū, nō solū ethicorum philosophi, sed etiā Hebræorū ac Christianorū attribuūt theologi.

De numeris eorundemq; potentia & uirtute.

Cap. II.



Nquit Seuerinus Boëthius, omnia quęcūq; à primęua rerum natura constructa sunt, numerorum uidentur ratione formata, hoc enim fuit principale in animo conditoris exemplar: hinc elementorum multitudo mutuata est, hinc temporum uices, hinc motus astrorum & cœli conuersio, omniumq; status numerorum colligatione subsistit. Sunt itaq; numeri magnarū sublimiumq; uirtutum potētes. Neq; enim mirum est, cum in rebus naturalibus sint tot ac tantę uirtutes occultę, licet manifestarum operationū, esse in ipsis numeris multo quidem maiores, occultiores, mirabiliores atq; efficaciores, quatenus ipsi sunt formaliores, perfectiores, cœlestibus infiti, separatis substantiis immixti, deniq; maximam & simplicissimam habentes cum ideis in mēte diuina commixtionem, à quibus proprias & efficacissimas uires sortiuntur: quam ob rem etiam ad dæmonica & diuina munera consequenda plurimum ualent, plusq; possunt, quemadmodum in rebus naturalibus qualitates elementales in transmutando ad aliquod elementale multum ualent atq; possunt. Rursus omnia quę sunt atq; fiunt, certis numeris subsistunt uirtutemq; sortiuntur. Tempus enim constat numero, omnisq; motus & actio, & omnia quęcūq; tempori & motui subiecta sunt: concentus etiam atq; uoces per numeros eorumq; proportionem uim habent atq; cōstant, proportionēsq; ex numeris ortę, per lineas & puncta constituunt characteres & figuras: & hi sunt proprii operibus magicis, medio existēte inter utroque appropriato per declinationem ad extrema, ut in usu literarum. Deniq; omnes species naturalium & eorum quę supra naturam sunt, certis numeris astringuntur: quod intuens Pythagoras, numerum esse inquit quo cuncta constant, distribuit quę singulis singulas uirtutes. & Proclus ait: Numerus semper existit: alius tamen in uoce, alius in earum proportionē, alius in anima & ratione, & alius in diuinis. Themistius uero & Boëthius, & Auerrois Babylonius cum Platone, sic numeros extollunt, ut neminem absque illis posse recte philosophari putent. Loquuntur autem de numero rationali & formali, non de materiali, sensibili siue uocali, numero mercatorum, de quo Pythagorici & Academici, & Augustinus noster nihil curant, sed intendunt ad proportionem ex illo resultantem, quem numerum naturalem, & formalem & rationalem uocant, ex quo magna sacramenta emanant, tam in naturalibus, quam diuinis atq; cœlestibus. Per illū habetur uia ad omnia scibilia indagāda & intelligēda. Per illū habetur proximus accessus ad prophetiā naturalem: atq; ipse abbas Ioachim in prophetiis suis alia uia quam per numeros formales nō processit.

*Omnia
tis cōstant
numeris.*

Quantas uirtutes numeri possideant in rebus cum naturalibus tum
transnaturalibus. Cap. III.



P Numeris itaq; mirandam latere efficaciam & uirtutem, tam ad bonum quàm ad malum, non modo splendidissimi philosophi unanimiter docent, sed etiam doctores catholici, præ ceteris Hieronymus, Augustinus, Origenes, Ambrosius, Gregorius Nazianzenus, Athanasius, Basilus, Hilarius, Rabanus, Beda & plures alii confirmant. Hinc Hilarius in commentariis super Psalmos, testatur septuaginta seniores secundum numerorum efficaciam psalmos in ordinem rede gisse. Rabanus quoq; doctor præclarus, de numerorum uirtutibus singularem librum composuit. Cæterum nunc in natura quantas uirtutes possident numeri, patet in herba quæ pentaphyllon, hoc est quinquifolium dicitur: hæc enim uirtute quinarum resistit uenenis, pellit dæmonia, confert expiationi: atq; eius folium bis quotidie unum uino sumptum, curat ephemeram: tria, tertianam: quatuor, quartanam. Similiter seminis heliotropii grana quatuor pota, quartanis: tria uero, tertianis prodesse dicuntur. Simili modo uerbenaca febribus in uino mederi fertur, si in tertianis à tertio geniculo: in quartanis, à quarto incisa fuerit. Serpens si semel calamo percutiatur, interit: si secundo, confirmatur. Hæc & eiusmodi plura apud uarios autores testificata leguntur. Vnde autem hæc fiant, causam certe habent, quæ est ipsa uaria uariorum numerorum ad seinuicem proportio. Mirum quoq; de septenario experimentum, quod masculus omnis septimus absq; femella intermedia natus, uim habet curandi strophulas, solo tactu uel uerbo. Similiter filia quæq; septima nata, miro modo partum adiuuare traditur: nec attenditur hic numerus naturalis, sed formalis ratio quæ est in numero. Illudq; quod supra diximus, semper mente teneatur, non in uocalibus & mercatoriis numeris has uires esse, sed in rationalibus, formalibus & naturalibus, hæc dei & naturæ sacramenta distincta atq; contenta. Quicumque autem nouerit numeros uocales & naturales cum diuinis coniungere, & in eandem consonantiam temperare, hic per numeros poterit operari mirabilia & etiam cognoscere. Pythagorici etiam multa sese prognosticare profitebantur per numeros nominum, in quibus profecto nisi magnum aliquod lateret mysterium, non dixisset Ioannes in Apocalypsi: Qui habet intellectum, computet numerum nominis bestię, qui est numerus hominis: & hic modus computandi, penes Hebręos & Cabalistas celeberrimus est, sicut infra ostendemus. Sed illud sciendum est, quod numeri simplices significant res diuinas: denarii, cœlestes: centenarii, terrestres: millenarii, quæ futuri sunt seculi. Præterea cum partes animi secundum Arithmeticam mediocritatem, propter identitatem seu excessum æqualitatem inuicem copulantur: corpus uero, cuius partes magnitudinibus differunt, secundum Geometricam mediocritatem cõpositum sit: animal

*Pentaphylli
herba uirtutes.*

*Septenarij
mirum ex
perimentum.*

*In numeris
hic qd con
siderandum*

*Numerorum
significatio.*

uero ipsum ex utroq; , anima scilicet ex corpore , secundum eam quæ harmoniæ conuenit mediocritatem constet , hinc est quod numeri plurimum operantur in animam , figuræ in corpora , concentus autem in ipsum animal.

De unitate & eius scala.

Cap. IIII.



Vnc particulatim de numeris ipsis determinemus : quia uero numerus nihil aliud est quàm unitatis repetitio , primo ipsam unitatem consideremus. Vnitas enim omnem numerum simplicissime penetrat , omniumq; numerorum communis mensura , fons & origo , omnem numerum in se unice coniunctum continet , multitudinis omnis infors , semper eadem & immutabilis : unde etiam in se ipsam multiplicata , nihil producit nisi seipsam : indiuisibilis est , partium omnium expers : quod si diuidi aliquando fingatur , non secatur , sed multiplicatur , scilicet in unitates : nulla tamen harum unitatum maior uel minor est tota unitate , quemadmodum pars minor est toto : multiplicatur itaq; non in partes , sed in seipsam : ideoq; hæc alii concordiam , alii pietatem , alii amicitiam nuncupauere , quòd ita nectatur , ut nō secetur in partes : sed & Martianus ex Aristotelis sententia , Cupidinem asserit nomina , tam , ex eo quòd unum solum ipsa sit , & se quæri semper uelit , & ultra nihil habeat , sed expers totius elationis aut copulæ , in se proprias detorquet ardores. Vnum itaq; omnium rerum principium est & finis , neque ipsum principium aut finem habens : nihil uno prius est , nihil uno posterius. Vnum omnium rerum principium est , & usque ad unū omnia sunt , & ultra ipsum nihil est , & omnia quæ sunt , unum ipsum desiderant , quia omnia ab uno processerant , & ut sint eadem omnia , ab illo uno participare necesse est : & sicut omnia ab uno in multa processerunt , sic cuncta quæ ad illud unum à quo processerunt redire conantur , necesse est exuere multitudinem. Vnum igitur ad summum refertur deum , qui cum ipse sit unus & innumerabilis , innumeras tamen res de se creat & intra se continet. Vnus itaq; est deus , unius dei unus mundus , unius mundi unus sol , unus quoque in mundo phoenix , rex unus in apibus , dux unus in gregibus , in armentis rector unus , & grues unam sequuntur , & multa alia animantia unitatem uenerantur. Inter membra corporis , unum est principium à quo reliqua reguntur , siue id sit caput , siue (ut alii uolunt) cor. Vnum est elementum uincēs & omnia penetrans , ignis . Vna res est à deo creata , subiectum omnis mirabilitatis , quæ in terris & in cœlis est , ipsa est actu animalis , uegetalis & mineralis , ubique reperta , à paucissimis cognita , à nullis suo proprio nomine expressa , sed innumeris figuris & ænigmatibus uelata , sine qua neque Alchymia , neque naturalis magia , suum completum possunt attingere finem . Ab uno homine ! Adamo , omnes producti sunt : ab uno illo , omnes mortui sunt : ab uno Iesu Christo , rursus regenerati sunt :

Vnitatis
nomina.

Vnitatis
excellētia

In rebus
unum quæ
sint.

& quod ait Paulus, unus dominus, una fides, unum baptisma. Vnus deus & pater omnium, unus mediator dei & hominum, unus altissimus creator qui sup omnes, per omnia & in omnibus nobis: unus enim pater deus, à quo omnia, & nos in illo: unus deus Iesus Christus, per quem omnia, & nos per ipsum: unus deus spiritus sanctus, in quem omnia, & nos in ipsum.

SCALA VNITATIS.

In mundo Archetipo

Iod

Vna diuina essentia, fons omnis uirtutis et potestatis, eiusq; nomen unica simpliciſſima litera expreſſum.

In mundo intellectuāli

Anima mundi.

Vna ſuprema intelligentia, prima creatura, fons uitarum.

In mundo cœleſti

Sol.

Vnus rex ſtellarum, fons lucis.

In mundo elementālī

Lapis philoſophorum.

Vnum ſubiectum et instrumentū omniū uirtutum naturalium et tranſnaturaliū.

In minore mundo

Cor

Vnū primū uiuens et ultimū moriens.

In mundo infernali

Lucifer

Vnus princeps rebelliois angelorum et tenebrarum.

De dualitate & eius Scala.

Cap. V.

Binarij ap-
pellatiōes,

Inarius primus numerus est, q̄a prima multitudo est, à nullo potest numero metiri præterquā à sola unitate omnium numerorum mensura communi: non est compositus ex numeris, sed ex sola unitate una & una coordinatus: nec dicitur numerus incompſitus, sed magis propriè, non compositus: ternarius autem primus numerus incompſitus dicitur: binarius aut primū unitatis germē & prima procreatio: hinc Genesis dicitur, & Iuno, & opinabilis corporatio, motusq; primi probamentum, primaq; forma paritatis. Numerus primæ æqualitatis, extremitatis & interualli, ideoq; iustitiæ peculiaris, eiusq; proprius actus, eo quod duobus gaudeat pariter pōderatis: diciturq; numerus ſcientiæ, & memoriæ, & lucis, & numerus hominis, qui alter & minor mundus dicitur: diciturq; numerus charitatis & mutui amoris, nuptiarum & ſocietatis, ſicut dictū est à domino: Erunt duo in carnem unam. & Ecclesiasticus ait: Melius duos eſſe ſimul quā unū, habent enim emolumentū ſuæ ſocietatis: ſi unus ceciderit, ab altero fulciatur. Væ ſoli, quia cum ceciderit, non habet ſubleuantem ſe: & ſi dormierint duo, fouebuntur mutuo, unus quomodo caleſcit & ſi quiſpiam præualeat contra unum, duo reſiſtunt ei. Et dicitur numerus connubii & ſexus, duo enim ſunt ſexus, maſculinus & ſcēmineus: & columbæ bina oua pariunt, ex quorum primo maſculum, ex ſecundo ſcēminam excludunt. Diciturq; medietas capax, bona malaq; par

icipans, principiū diuisionis, multitudinis & distinctionis, & significat materiam. Dicitur aliquando hic etiam numerus discordiæ & confusionis, infortunii & immunditiæ, unde diuus Hieronymus contra Iouinianū inquit, quod ideo in secundo die creationis mundi non fuit dictū, & uidit deus quoniam bonū: quia binarius numerus sit malus. Hinc est etiā, quare iusserit deus omnia animalia immunda in arcā bina ingredi: quia binarius (ut dixi) numerus immunditiæ est, estq; in auspiciis infelicissimus, præsertim si res illæ à quibus auspiciū capitur, Saturniæ sint uel Martiæ: nam hæ duæ infortunæ numerant ab astrologis. Fertur etiā binariū adferre occurfacula umbrarum, terribilimenta laruarum, nocumenta malorum spirituū his qui nocte iter faciunt. Pythagoras (ut Eusebius refert) unitatem deum esse dicebat, & bonum intellectum: dualitatem uero dæmonem ac malū, in quo materialis est multitudo: quare Pythagorici dicunt binariū nō esse numerum, sed cōfusionē quandā unitatū. Et Plutarchus scribit, Pythagoricos unitatē Apollinē nuncupare: diada litē & audaciā: triada, iustitiā, q̄ est summa pfectio, neque tamē uacat multis mysteriis. Hinc duæ tabulæ legis in Sina, duo cherubim respicientes in ppitiatoriū apud Moysen, duæ oliuæ stillātes oleū apud Zachariā, duæ naturæ in Christo, diuina & humana: hinc duas dei apparitiōes, uidelicet facies & posteriora, uidit Moyses, itē duo testamēta, duo præcepta charitatis, duæ primæ dignitates, duo primi populi, duo genera dæmonū, boni & mali, duæ creaturæ intellectuales, angelus & anima, duo luminaria magna, duo solstitia, duo æquinoctia, duo poli, duo elementa producentia animam uiuentem, terra & aqua.

Binarius
malus.

In rebus q̄
sunt duo.

SCALA BINARII

In Archetypo	<p>י' Iah</p> <p>א' El</p>		Nomina dei duarum literarum.
In mundo intellectuali	Angelus	Anima	Duæ substantiæ intelligibiles
In mundo coelesti	Sol.	Luna	Duo luminaria magna
In mundo elementalī	Terra	Aqua	Duo elementa producētia animam uiuentem
In minore mundo	Cor	Cerebrum	Duæ principales sedes animæ
In mundo infernali	Beemoth Fletus	Leuiathan Stridor dentiū	Duo duces dæmoniorum Duo q̄ cōminatur Christus damnatis.



Ternarius primus numerus incompositus, numerus sacer, numerus perfectionis, numerus potentissimus: tres enim sunt personæ in deo, tres sunt uirtutes theologales in religione. Hinc est quod ad ceremonias deorum & religionis plurimum hic numerus cōfert, ut cuius auspicio preces & libamina tertio repetuntur. Vnde canit Vergilius:

Numero Deus impare gaudet.

Et Pythagorici utebātur eo in sanctificationibus & purificationibus, unde apud Vergilium:

Idem ter socios pura circumluit unda.

Estq; etiam ligationibus aptissimus, hinc illud Vergilii:

Terna tibi hæc primum triplici diuersa colore

Licia circundo, terq; hæc altaria circum

Effigiem duco.

Et paulopost:

Necte tribus nodis, ternos Amarylli colores,

Necte Amarylli modo, & Veneris, dic, uincula necto.

Et de Medea legimus,

Verbaq; ter dixit placidos facientia somnos,

Quæ mare turbatum, quæ flumina concita sistunt.

Et apud Pliniū, Terna despuere deprecatione in omni medicina mos fuit, atq; ex hoc effectus adiuuari. Ternarius siquidem trino augmento perfectus, longo, lato, profundo, ultra quæ nulla datur dimensionis progressio, unde primus numerus cubicus dicitur. Hinc dicitur, quod corpori trimetro, & numero cubico nihil addi potest. Quare Aristoteles in principio sermonum de cælo, illum quasi legem uocat, secundum quam omnia disponuntur. Tribus enim corporalia & spiritualia constant, principio, medio, fine. tribus (ut Trismegistus ait) perficitur mūdus, Hemarmene, necessitate & ordine, hoc est, conuentione causarum adinuicem, quā pleriq; fatum dicūt, & executione ad fœtum, ac fœturæ debita distributione. Tota tēporis mensura ternario concluditur, uidelicet, præterito, præsentī, futuro. Omnis magnitudo tribus continetur, linea, superficie, corpore. Tribus interuallis constat omne corpus, longitudine, latitudine, crassitudine. Tres symphonias cōrinet harmonia, diapason, hemiolion, diatessaron. Tria quoque sunt animarum genera, uegetatiua, sensitiua & intellectualis: atq; hanc rationis, iracundiæ cupiditatisq; distribuit tritatio. Iamq; etiam iuxta prophetam tribus à deo disponitur mundus, numero, pondere, & mensura: deputaturq; idealibus formis, sicut binarius materiæ procreanti, & unitas fabricatori deo. Magi quoq; tres mundi principes distribuunt, Oromasim, Mitrim, Araminim, hoc est, deum, mentem & spiritum. Per ternarium cubicum siue solidum, distribuuntur tres rerum productarum enneades, ui-

In rebus
tria q̄ sint.

Ternarius
idealibus
formis de
putatus.

delicet supercœlestiū, in nouē intelligentiarū ordines: cœlestiū, in nouē orbes: inferiorū, in nouē genera generabiliū & corruptibiliū. In hoc deniq; cubo ternario, uidelicet uiginti septē, omnes musicæ proportiōes includunt, ut Plato & Proclus longa serie disserunt. habetq; ternarius in harmonia diapente, gratiam uocis quintæ. Iamq; etiam in intelligentiis tres sunt angelicorum spirituum hierarchiæ. Tres sunt intellectualium creaturarum potētiæ, memoria, mens & uoluntas. Tres sunt ordines beatorum, uidelicet, martyrum, confessorum, innocentum. Tres sunt cœlestium signorum quaterniones, uidelicet fixorum, mobilium, communium: similiter & domorum, uidelicet cardinum, succedentium & cadentium. Tres quoq; sunt in quouis signo facies & decani, tresq; cuiuslibet triplicitatis domini. Tres sunt inter planetas fortunæ: tres inter diuas, gratiæ: tres apud inferos, parçæ: tres iudices, tresq; furia, tricepsq; cerberus. Legimus etiam Tergeminamq; Hecaten, tria uirginis ora Dianæ. Tres personæ in supersubstantiali diuinitate. Tria tēpora, naturę, legis & gratiæ. Tres theologicę uirtutes, spes, fides, charitas. Trib' diebus Ionas fuit in uētre piscis: totidē Christus in sepulchro.

SCALA TERNARII.

In Archetypo	Pater	^{אב} Sadai Filius	Spūs sctūs	Nomē dei trium literarum Tres personæ in diuinis
In mundo intellectuāli.	Suprema Innocentes	Media Martyres	Infima Cōfessores.	Tres hierarchiæ angelorum Tres gradus beatorum
In mundo cœlesti	Mobilia Cardines Diurnus	Fixa Succedentes Nocturnus	Cōmunia Cadentes Parriceps	Tres quaterniones signorū. Tres quaterniones domorū Tres domini triplicitatū.
In mundo elementali	Simplicia	Composita	Decōposita	Tres gradus elementorum.
In minore mundo	Caput ī quo uiget intellectus re spondēs mundo in tellestuali.	Pectus, ubi cor sedes uitæ, re spondēs mūdo cœ lesti.	Vēter, ubi gi gnitiua uirtus mē braq; genitalia, re spondens mūdo ele mentali	Tres partes respondentes triplici mundo
In mundo infernali	Aleto Minos Malefici	Megera Acacus Apostatæ	Ctesiphone Rhadamāt ⁹ Infideles	Tres furie infernales Tres iudices infernales Tres gradus damnatorum.



Fundamen-
ta, omnia
quadrata.

In rebus qua-
tuor, quæ
sint.

Vaternarium numerum Pythagorici Tetractyn appellant, ipsumq; omnibus numerorum uirtutibus præferunt, quia ipse fundamentum & radix omnium aliorum numerorum, unde & omnia fundamēta tam in artificialibus, quàm in naturalibus & diuinis quadrata sunt, ut infra ostendemus: significatq; soliditatem, quæ per figuram quadrariam etiam demonstratur. Est enim quaternarius, quadratus planus primus, qui constat duabus proportionibus, quarū prior est, unius ad duo: posterior, duorum ad quatuor: nasciturq; gemina processione & proportionem, uidelicet unius ad unum, & duorum ad duo, ab unitate incipiens, in quaternitate desinens. Quæ proportionem in eo differunt, quod iuxta arithmeticam, sunt sibi inæquales: iuxta geometricam uero æquales. Itaq; quadratus deo patri adscribitur, quin & totius trinitatis mysterium complectitur: nam ipsius simpla proportionem, prima scilicet unius ad unum, unitas paternæ substantiæ significatur, ex qua unus procedit filius, illi equalis, altera autem processione, etiam simpla, uidelicet duorum ad duo, notatur secunda processione ex utroq; spiritus sanctus, ut sic sit æqualis patri filius, processione prima: æqualis utriq; spiritus sanctus, processione secunda. Hinc superexcelsum deo diuinæq; trinitatis nomen tetragrammaton est, scilicet Iod, He & Vau, He: ubi aspiratio He, spiritus ab utroque processione denotat: ipsa enim He duplicata, utranq; syllabam totumq; nomē terminat, pronuntiatur autē Ioua, ut aliqui uolunt, unde gentiū ille Iouis, quæ & ueteres quatuor auribus pingebāt. Vnde quaternarius est fons & caput totius diuinitatis. Vocātq; Pythagorici ipsum ppetuū naturæ fontē: quatuor enim sunt gradus in scala naturæ, scilicet esse, uiuere, sentire, intelligere. Quatuor sunt in natura motus, scilicet ascendēs, descendēs, progrediens, circularis. Quatuor sunt in cœlo cardines, scilicet ortus, occasus, medium cœli & imum cœli. Quatuor sunt sub cœlo elementa, scilicet ignis, aër, undaq; tellus: secundum hæc, quatuor in cœlo triplicitates: quatuor sub cœlo qualitates primæ, scilicet frigidum, calidum, siccum, humidum: ab his quatuor humores, sanguis phlegma, cholera, melancholia. Item annus diuiditur in quatuor partes, quæ sunt uer, æstas, autumnus & hyems: similiter aër in Eurum, Zephyrum, Austrum & Boreā, diuiditur: quatuor quoq; sunt flumina paradisi, & totidem inferni. Quaternarius præterea omnem implet scientiam: primo omnem numerorum simplicem progressum quatuor implet terminis, uidelicet uno, duobus, tribus & quatuor, constituens denarium. Omnem implet numerorum differentiam, primum parem, & primū imparē in se continēs. Habet in musica diatessaron, gratiam uocis

quarta : item tetrachordum & diagramma Pythagoreum ; quo ille primum musicos concentus inuenit , omnemq; musicæ harmoniam continet : nam dupla , tripla , quadrupla , sesquialtera , sesquitertia , diapason , disdiapason , diapente , diatessaron , omnisq; consonantia inter quaternarii limites arcetur . Totam etiam mathematicam quatuor terminis cōplectitur , scilicet pūcto , linea , planitie & profunditate . Totam naturam quatuor terminis colligit , scilicet substantia , qualitate , quantitate & motu . Omnem etiam physicam implet , in qua sunt naturæ uirtus seminaria , naturalis , pululatio , adolens forma , & compositum . Quatuor etiam terminis metaphysicam complectitur , scilicet esse , essentia , uirtute & actione . Complectitur moralem philosophiam quatuor uirtutibus , scilicet prudentia , iustitia , fortitudine & temperantia . Habet etiam uim iustitiæ : hinc quadruplex lex , scilicet prouidentia , à deo : fatalis , ab anima mundi : natura , à cœlo : prudentia , ab homine . Quatuor insuper iudiciariæ potentiæ in rebus existentibus , scilicet intellectus , disciplina , opinio , sensus . Multam quoq; & maximam in mysteriis uim habet : hinc Pythagorici ipsum quaternarium iure iurando testabantur , tanquam summum quo fides nitatur & credulitas firmari possit : hinc dictum Pythagoricum iusiurandum , quod in his uersibus sic expressit :

Iuro ego per sanctum pura tibi mente quaternum,
Aeternæ fontem naturæ animiq; parentem.

Item quatuor sunt flumina paradisi , quatuor euangelia , à totidem euangelistis per uniuersam ecclesiam recepta . Hebræi præcipuum dei nomē quatuor literis scriptum acceperunt : similiter Aegyptii , Arabes , Persæ , Magi , Mahumetistæ , Græci , Tusci , Latini , tantum quatuor literis nomen dei scribunt : ita , scilicet Theut , alla , fire , orsi , abgdi , ^{deus} , esar , deus . Hinc Lacedæmonii summum Iouem quatuor auribus depingere solebant . Hinc apud Orphicam theologiam , fertur Neptunus quadriiuges currus impellere . Quatuor quoque sunt diuini furoris species , à singulis numinibus procedentes , scilicet à musis , Dionysio , Apolline & Venere . Item Ezechiel propheta Vidit quatuor animalia iuxta fluuiū Chobar , & quatuor Cherubim in quatuor rotis . Item apud Danielem , quatuor animalia magna ascendebant de mari , & pugnabant quatuor uenti . Item Apocalypsi , quatuor animalia plena oculis ante & retro , stabant in circuitu sedis dei , & quatuor angeli , quibus datum est nocere terræ & mari , stabant super quatuor angulos terræ , tenētes quatuor uentos ne flarent super terram , neq; super mare , neq; in ullam arborem .

Nomē dei,
ubiq; ferè
tetragramaton

Scala Quaternarii ad quatuor elementorum correspondentiam.

k

Nomē dei quadri- literum.	י ה ו ה				In mūdo archetypou de lex prouidentie
Quatuor tripli- citates siue hierar- chie intelligibiles	Scrappim Cherubim Throni	Dominationes Potestates Virtutes	Principatus Archangeli Angeli	Innocentes Martyres Confessores	In mūdo intellectuali, unde lex fatalis
Quatuor angeli, presidentes car- dinibus celi	מִכָּאֵל Michaël.	רפָּאֵל Raphaël	גַּבְרִיאֵל Gabriel	אֲרִיאֵל Vriel	
Quatuor preste- ri elementorū.	שֶׁרָף Seraph	כְּרוּב Cherub	תְּרַשִּׁישׁ Tharsis	אֲרִיאֵל Ariel	
Quatuor anima- lia sanctitatis.	Leo.	Aquila	Homo	Vitulus	
Quatuor triplici- tates tribuum Is- raēl.	Dan Aser Nephtalim	Ichuda Isachar Zabulon	Manasse Beniamin Ephraim	Ruben Simehon Gad	
Quatuor triplici- tates apostolica.	Mathias Petrus Iacobus maior	Symon Barptolomeus Mattheus	Ioannes Philippus Iacobus minor	Thadeus Andreas Thomas	
Quatuor euange- listae.	Marcus	Idhannes	Mattheus	Lucas	In mūdo coelesti a quo lex naturae
Quatuor triplici- tates signorum.	Aries Leo Sagittarius	Gemini Libra Aquarius	Cancer Scorpius Pisces	Taurus Virgo Capricornus	
Stellae et planetae ad elementa relati	Mars ☿ Sol	Iupiter ♃ Venus	Saturnus ♄ Mercurius	Stellae fixae ☿ Luna	
Quatuor qualita- tes coelestium ele- mentorū.	Lumen	Diaphanum	Agilitas	Soliditas	
Quatuor elemē- ta.	אֵשׁ Ignis	רוּחַ Aër	מַיִם Aqua	עֶפְרָא Terra	In mūdo elementalī ubi lex generationis & cor- ruptionis.
Quatuor quali- tates.	Calidum	Humidū	Frigidū	Siccum	
Quatuor tēpora	Aestas	Ver	Hyems	Autūnus	
Quatuor cardi- nes orbis.	Oriens	Occidēs	Septentrio	Meridies	
Quatuor mixto- rū genera pfecta	Animalia	Plantae	Metalla	Lapides	
Quadruplicia animalia.	Progressina	Volatilia	Natantia	Reptilia	

Quæ respondēt elemētis in plātis	Semina	Flores	Folia	Radices
Quæ in metallis	Aurū & fer- rum	Cuprū & stannum	Argentū uiuum	Plumbū & argētū
Quæ in lapidibus	Lucētes & ardētes	Leues & trāspētes	Clari & cōgelati	Graues & opaci
Quatuor hominis elementa	Mens	Spiritus	Anima	Corpus
Quatuor potentiæ animæ	Intellect⁹	Ratio	Phātafia	Sensus
Quatuor iudiciariæ potestates	Fides	Sciētia	Opinio	Expimentū
Quatuor uirtutes morales	Iustitia	Tēperātia	Prudētia	Fortitudo
Sensus respondentes elementis	Visus	Auditus	Gust⁹ & olfactus	Tactus
Quatuor hūani corporis elemēta	Spiritus	Caro	Hūores	Ossa
Quadruplex spiritus	Animalis	Vitalis	gignitiu⁹	Naturalis
Quatuor humores	Cholera	Sanguis	Pituita	melācholia
Quatuor complexionum mores	Impetus	Alacritas	Inertia	Tarditas
Quatuor principes demoniorū nocētes in elementis	𐤒𐤍𐤔𐤕 Samael	𐤒𐤍𐤕𐤕 Azazel	𐤒𐤍𐤕𐤕 Azael	𐤒𐤍𐤕𐤕 Mahazael
Quatuor flumina inferna	Phlegethō	Cocytus	Styx	Acheron
Quatuor principes demoniorū super quatuor angelos orbis	Oriens	Paymon	Egyn	Amaymon

In minore
mundo sci
licet homi
mine à quo
lex prudē
tie,

In mūdo ī
fernali ubi
lex iræ &
punitioms.

De Quinario & eius Scala.

Cap. VIII.



Vinariū numerus haud parū est potētiae, cōstat enim ex pri-
mo pari & primo impari, tanquā ex fœmina, & masculo: impar
enim numerus mas est, par uero fœmina. Vnde Arithmetici il-
lū quidē patrē, hūc uero matrē uocāt. Igit̃ haud parū pfectio-
nis atq; uirtutis est quinariū, q̃ ex horū numerorū pmixtione generat̃: estq;
præterea uniuersi numeri, uidelicet denarii, iustissima medietas. Nā si al-
trinsecus circa quinariū, denariū diuidēdo adsumas, hinc nouē, inde uero
unū: uel, hinc octo, inde uero duo: siue septē & tria, seu sex & quatuor, una-
quæq; collectio denariū constituit, & semper eius perfectū mediū est quina-
riū, & eius æquedistans: & iccirco numerus connubii appellatur à Pytha-
goricis. dicitur & iustitiæ, quia denarium ex æquilibrio secat. Sensus in ho-
mine quinque sunt, uisus, auditus, olfactus, gustus, tactus: quinque in anima
potestates, uegetatiua, sensitiua, cōcupiscibilis, irascibilis, rationalis: quinque

Quinarij
nomenclat̃
tur.

sunt in manibus digiti, qnq; sunt in cœlestib⁹ errâtes planetę, secundū quos qntuplices in quouis signo termini. In elemētis quoq; quinq; genera mixto rū, uidelicet lapides, metalla, plātę, zoophyta, animalia totidemq; anima- liū genera, puta hoīes, quadrupedia, reptātia, natātia, uolātia. Sunt & quinq; genera quibus à deo cōponunt omnia, scilicet essentia, idē, alterę, sensus, mo- tus. Hirūdo nō nisi quinq; pullos parit, quos magna pascit ægrate, incipiē- ab eo qui maxim⁹ est natu, & ita in ceteris ortus rationē habēs. Habet quoq; hic numer⁹ uim magnā in expiationib⁹: nā in sacris, pellit malos demones: in naturalib⁹, pellit uenena. Dicit⁹ quoq; numerus felicitatis & gratię, & est si- gillū spūs sancti, & nexus oīa ligās, atq; numerus crucis, etiā Christi uulne- ribus principalibus, quor⁹ cicatrices etiā in glorificato corpore suo seruare dignatus est, insignis. Gentiū philosophi illū Mercurio sacrū dedicarūt, tā- toq; uim eius quaternario excellentiorē, quantū animatū inanimato pcel- lentius. In hoc enim numero Noah pater inuenit gratiā corā domino & p- seruatus fuit in diluuiio aquar⁹. In huius numeri uirtute Abrahā cētenarius ex Sara nonagenaria steriliq; fœmina, supraquā à natura concessum est, ge- nuit filiū, creuitq; in populū magnū. Hinc in tēpore gratię, qnq; literis in- uocat nomē diuinę oīpotētię. Nā in tēpore naturę, inuocabat nomē dei tri- grāmātō, יהוה sadai: in tēpore legis, nomē dei tetragrāmāton יהוה ineffabile, cuius loco Hebręi exprimūt אדוני adonai. In tpe gratię, nomē dei pētagram- matō effabile יהושע Ihesu, qđ nō minore mysterio etiā trilaterę inuocat ישׁ.

SCALA QVINARII

Nomina dei pen- tagrammata, Nomen Christi pentagrāmāton,			עליון אלהים יהוה	Elion Elohim Ihesuh		In archetypo.
Quinq; substātię intelligibiles,	Spiritu ⁹ primę hi- erarchię, uocati dij, siue filij dei.	Spiritus secūda hierarchię, di- ci intelligētię	Spiritus ter- tię hierarchi- ę, uocati ange- li, q mittūtur	Anime cor- porum cœ- lestium.	Heroēs siue ani- me beatę.	In mundo intel- lectuali.
Quinque stellas erraticę, domini terminorum,	Saturnus,	Iupiter	Mars	Venus	Mercurius	In mundo cœle- sti.
Quinque genera corruptibilium.	Aqua,	Aēr	Ignis	Terra	Mixtum	In mundo ele- mentali.
Quinque species mixtorum,	Animal,	Planta	Metallū	Lapis,	Zoophytū	
Quinque sensus,	Gustus,	Auditus	Visus	Tactus	Olfactus	In miore mūdo.
Quinque tormē- ta corporalia,	Amaritudo mor- tificans,	Vlulatus horri- soni.	Tenebra ter- ribiles	Ardor inex- tinguibilis.	Fœtor penetrās.	In mundo infer- nali.

De senario & eius scala.

Cap. IX.



Senarius numerus est perfectionis, quia perfectissimus natura, in toto numerorum contextu, ab unitate usque ad denarium, solus ipse adeo est perfectus, ut collectione suarum partium idem resultet, nulla inopia deficiens, nec ulla abundantia superflua. Nam si partes eius, mediam scilicet, tertiam & sextam, quæ sunt tria, duo, unum, congregantur, totum senarii corpus perfecte implent: quæ quidem perfectione cæteri numeri carent: hinc à Pythagoricis genitrici, nutritisq; prorsus accommodatus asseritur, mundiq; signaculum appellatur: senario enim numero constitutus mundus, neq; immoderata abundantia superflua, neq; frustratus egensq; necessariis. Hinc est, quoniam die sexto perfectus est & consummatus à deo mundus: sexto enim die uidit Deus cuncta quæ fecerat, & erant ualde bona. Igitur perfecti sunt cæli & terra, & omnis ornatus eorum. Dicitur etiam numerus hominis, quia sexto die homo creatus est: & dicitur etiam numerus redemptionis, nam sexta die Christus pro redemptione nostra passus est: unde illi etiam cum cruce magna cognatio. Dicitur etiam numerus laboris & seruitutis: hinc in lege præceptum erat, sex diebus faciendum opus, sex diebus colligendum manna, sex annis seminanda terra, & quod seruus Hebræus sex annis seruiat domino suo. Sex diebus gloria domini inclinauit super monte Sina, cooperiens eum nube: sex alæ sunt cherubinis, sex circuli in firmamento, arcticus, antarcticus, duo tropici, æquinoctialis & ecliptica. Sex sunt erronei planetae, Saturnus, Iupiter, Mars, Venus, Mercurius, Luna, per signiferi latitudinem ultra citraq; eclipticam discurrentes. Sex sunt in elementis substantificæ qualitates, uidelicet acuitas, raritas, motus, & horum opposita, obtusitas, densitas, quies. Sex sunt differentiæ positionis, sursum, deorsum, ante, retro, dextrorsum, & sinistrorsum. Sex sunt naturalia officia, sine quibus esse nihil potest, uidelicet magnitudo, color, figura, interuallum, status, motus, solida etiam figura quadrati sex superficies habet. Totius harmoniæ toni sunt sex, uidelicet quinque toni, & duo hemitonii, quæ faciunt tonum unum, qui est sextus.

SCALA SENARII

In Archetypo	אל בור אלהים						Nomina dei sex literarum.
In mundo intelligibili	Seraphin	Cherubin	Throni	Dominationes	Potestates	Virtutes	Sex ordines angelorum qui ad inferiora non mittuntur.
In mundo cœlesti	Saturnus	Iupiter	Mars	Venus	Mercurius	Luna	Sex planetae prædici latitudine ab ecliptica aberrantes
In mundo elementalī	Quies	Raritas	Acuitas	Obtusitas	Densitas	Motus	Sex substantificæ qualitates elementorum.
In minore mundo	Intellectus	Memoria	Sensus	Motus	Vita	Essentia	Sex gradus hominis.
In mundo infernali	Aëteus	Megalesius	Ormenus	Lycus	Nicon	Mimon	Sex demones calamitatum omnium autores.

De septenario & eius scala.

Cap. X.



Septenarij
nomenclaturæ.

Septenarij
in humanis
corporibus
uires.

Septenarius numerus uariæ & multiplicis potentia est, constat enim ex uno & sex, uel ex duobus & quinque, uel ex tribus & quatuor, habetque unitatem tanquam copulam gemine trinitatis: unde si singula eius membra eorumque compagines consideremus, proculdubio fatebimur eum tam ex suarum partium colligantia, quam seorsum sua plenitudine, omni maiestate esse plenissimum. Vocantque ipsum Pythagorici humanæ uitæ uehiculum, quod non tam ex partibus suis mutuatur, quam totalitatis suæ proprio iure perficit, completitur enim corpus & animam: nam corpus constat ex quatuor elementis, & quatuor qualitatibus afficitur: ternarius quoque ad animam spectat propter triplicem uim eius, scilicet rationalem, irascibilem & concupiscibilem. Septenarius itaque, quia ex tribus constat & quatuor, animam corpori coniungit, ad genituram quoque hominum uis huius numeri pertinet, hominemque concipi, formari, edi, nutriri, uiuere, omninoque constare facit. Nam cum in aluo mulieris genitale semen receptum est, si per horas septem absque effusione permanserit, hæsisse in uitam certum est: tum primis septem diebus coagulatur, fitque ad recipiendum figuram humanam idoneum: deinde maturus ros infantes producit, qui septimestres uocantur, hoc est, qui septimo mense nati. Post partum deinde an uicturus sit infans, septima hora discernit: ultra hunc enim numerum, qui aëris halitum sustinuerit, intelligitur natus ad uitam: Post dies septem, iactat reliquias umbilici: post bis septem, incipit ad lumen uisus eius moueri: in tertio septenario, iam libere oculos totamque faciem uertit: post septem menses, fiunt dentationes: post secundum mensium septenarium, sedet sine casus timore: post tertium septenarium, sonus eius in uerba prorumpit: post quartum septenarium, stat firmiter & ambulat: post quintum septenarium mensium, incipit lac nutricis horrescere: post annos septem, cadunt primi dentes, & nascuntur alii ad cibum solidum aptiores, absoluiturque integritas loquendi: post secundum annorum septenarium, pueri pubescunt, fitque generationis initium: ad tertium annorum septenarium, crescit homo in longum, ostenditque flores & lanugines, fitque genitura pollens atque robusta. Usque ad quartum septenarium, crescit homo in latum, & consummantur incrementa staturæ. In quinto, omne uirium & roboris completur augmentum: Sextus uero annorum septenarius, uires seruat collectionis: septimo septenario consummatur prudentia, perfectamque reddit hominum ætatem. Cum uero ad decades septenas peruenitur, ubi septenarius per numerum completum conducitur, tunc metam communem uiuendi habet, dicente Propheta: Dies annorum nostrorum in ipsis septuaginta annis. Summus etiam humani corporis crescendi modus, est se-

prem pedum. Septem quoque sunt gradus in corpore, qui dimensionem altitudinis ab imo complent in superficiem, scilicet medulla, os, nervus, uena, arteria, caro, cutis. Septem sunt quæ à Græcis nigra membra uocantur, lingua, cor, pulmo, iecur, lien & duo renes. Septem sunt corporis principales partes, caput, pectus, manus pedesque & pudendum. De spiritu quoque & cibo constat, quod sine haustu spiritus ultra horas septem uita non durat: tum quibus inedia mori constitutum est, post septimum diem non uiuunt. Venæ quoque & arteriæ (ut tradunt medici) numero mouetur septenario. Iudicia quoque in morbis maiori apparentia fiunt diebus septimis, quos medici creticos, hoc est iudiciarios uocant. Ex septenis quoque portionibus creat deus animam, ut testis est diuus Plato in Timæo. Anima quoque septenario recipit corpus. Ad septimū usque gradū omnis uocum progreditur discrepantia, post quem fit eadem reuolutio. Rursus septem sunt ipsarum uocum modulamina, ditonus, semiditonus, diatessaron, diapente cum tono, diapente cum semitonio, & diapason. Estque in cœlestibus potentia septenarii potentissima: nam cum sint quatuor cœli cardines diametraliter sese contuentes, qui quidem aspectus plenissimus & potentissimus habetur, septenario numero constat: fit siquidem à septimo signo, crucemque constituit, figuram omnium potentissimam, de qua suo loco dicemus. Sed illud non ignoretur, septenarium magnam habere in cruce cōmunionem. Simili radiatione & numero distāt solstitiū à bruma, & æquinoctiū hyemale ab æstiuale, quæ omnia septenis signis fiunt. Septē præterea in cœlo sunt circuli, iuxta axis longitudinem: septem circa polum arcticum triones, maiores minoresque. Item septem Vergiliæ quas Pleiades uocant: septem quoque planetæ: secundum illos quoque septem dies constituentes hebdomadam. Luna quoque planetarum septima, & nobis proxima, hunc numerum præ cæteris obseruat, motumque eius ac lumen hic numerus dispensat: nam in uiginti diebus & octo, totius zodiaci ambitum circuit, quem quidem dierum numerum, septenarius septem suis terminis, ab uno uidelicet usque ad septem, quantum singuli numeri exprimunt, antecedentibus addendo conficit & implet, efficitque quatuor septenarios dierum, quibus Luna omnem zodiaci longitudinem & latitudinem emetiendo remetiendoque circum perque discurret: similibusque dierum septenariis lumen suum sempiterna lege uariando dispensat: Primo enim septenario usque ad medietatem tanquam diuisi orbis, crescit: secundo septenario orbem totum lumine complet: tertio decrescendo, rursus in orbē cōtrahitur diuisum: post quartum uero septenarium, ultima luminis sui diminutiōe renouatur, eisdemque septenariis maris incrementa decrementaque disponit: nam primo ab initio crescentis lunæ septenario, minuitur paulisper: secundo, gradatim augetur: tertius quoque septenarius fit similis primo,

*Septenarij
in cœlesti-
bus potētia*

*Crucis fi-
gura omni-
um potē-
tissima*

Septenarij
nomina.

& quartus eadem facit quæ secundus. Accommodatur etiam Saturno, qui ab inferioribus ascendendo septimus est planetarum, qui requiem innuit, cui septimus dies adscribitur, qui millenarium septimū indicat, quo (teste Ioanne) captiuato dracone, malorum suggestore diabolo, quiescent mortales, tranquillam uitam degentes. Septenarium præterea Pythagorici numerum uirginitatis appellant: quia primus est, qui neque generatur neque generat, neque enim potest in duas partes diuidi æquales: itaque ut gignatur ex aliquo numero repetito, nec ullum ex se etiā numerum parit duplicatus, qui intra denarii limites coartetur, quem primum limitem constat esse numerorum: & ideo septenarium Palladi sacrum fecere. Habet & in religione potentissima suæ uenerationis indicia, & uocatur numerus iuramenti. Hinc apud Hebræos iurare dicitur septenare, quasi per septem obtestari. Sic Abraham quando pepigit fœdus cum Abimelech, statuit septem agnas in testimonium. Dicitur quoque numerus beatitudinis & requiei, unde illud:

O terque quaterque beati,

Scilicet in anima & in corpore. Septimo quoque die creator ab opificio quieuit, quamobrem hæc dies apud Mosē sabbathum appellatur, hoc est, dies quietis. hinc septimo die Christus in sepulchro quieuit. Habet quoque hic numerus cum cruce, ut superius demonstratum est, & cum Christo magnam communionem. In Christo enim omnis nostra beatitudo, quies & felicitas: estque præterea purificationibus aptissimus. Vnde Apuleius: Meque, ait, protinus purificandi studio marino lauacro trado, septies submergo fluctibus capite. Et leprosus quoque mundandus in lege, septies aspergebatur passeris sanguine, & Helizæus propheta, ut scriptum habetur Regum libro quarto, ait leproso: Vade & lauare septies in Iordane, & recipiet sanitatem caro tua, & mundaberis. & sequitur paulo post: Et lauit se septies in Iordane, iuxta sermonem prophetae, & mundatus est. Estque numerus penitentiae & remissionis. Hinc statuta septennis penitentia pro quolibet peccato, iuxta Sapientis sententiam dicentis: & super peccatorem septuplum: septimo quoque anno fiebant remissiones, & post quadratum septenarium dabatur plena remissio, ut in Leuitico legitur. Septem petitionibus consummauit Christus orationem expiationis nostrae: hinc & libertatis numerus nuncupatus, quia septimo anno seruus Hebræus libertatem sibi uendicabat. Estque diuinis laudibus accommodatissimus. Vnde ait Propheta: Septies in die laudem dixi tibi, super iudicia iustitię tuę. Dicitur etiam numerus ultionis, sicut dicit scriptura: Septuplum ultio dabitur de Cain. & Psalmista ait: Redde uicinis nostris septuplum in sinu eorum. Hinc septem nequitiae apud Salomonem, & septem spiritus nequiores assumpti leguntur in euangelio. Significat etiam præsentis circuli tempus, quod septem dierum circulo peragitur: estque spiritui sancto sacer, quem septuplum iuxta eius dona propheta Esaias describit, uidelicet spiritum sapientiæ & intellectus, spiritum consilii & fortitudi-

nis, spiritum scientiæ & pietatis, & spiritum timoris domini, quos apud Zachariam legimus septem oculos dei. Septem quoque sunt angeli spiritus adstantes ante faciem dei, ut legitur apud Tobiam. & in Apocalypsi, septem lampades ardebant ante thronum dei, & septem candelabra aurea, & in medio eorum similis filio hominis, & habebat in dextra sua stellas septem. Itē spiritus septem erant in conspectu throni dei, & septem angeli adstabant in conspectu dei, & datae sunt illis septem tubæ. Vidit quoque agnum habentem septem cornua, & septem oculos, & uidit librum obsignatum septē sigillis, & cum apertum fuisset septimum sigillum, factum est silentiū in cœlo. Ex supradictis omnibus apparet, septenarium inter ceteros numeros merito dici omnis efficaciae plenissimum. Haber præterea septenarius magnā cum duodenario conformitatem: nam sicut tria & quatuor septem constituunt: sic ter quatuor duodecim reddunt, qui sunt numeri cœlestium planetarum & signorum, ex eadem radice resultantes, & per ternarium de diuinitate, per quaternarium de inferiorum natura participantes. Magna admodum est in sacris literis huius numeri præ cæteris omnibus obseruātia, magnāque & multiplicia eius mysteria, quorum multa è sacris eloquiis repentes hic adnumerare decreuimus: quibus facile constabit, septenarium plenitudinem quādam sacrorum mysteriorum significare. Legimus enim in Genesi, septimum diem quietis domini, septimum ab Adam Enoch, uirum sanctum & pium, & alium etiam ab Adam septimum uirum nequam & digamum nomine Lamech, item septima generatione abolitum peccatum Cain: sicut scriptum est: Septuplum punietur Cain: & septem uindictas exoluet, qui occiderit Cain. Ad quā ibidem magister historiæ septem colligit fuisse peccata Cain. Item septena & septena ex omnibus animalibus mundis introducta in arcam Noë, similiter & de uolatilibus: deinde post septem dies pluuisse dominum super terram, septimoque die ruptos omnes fontes abyssi, & inundasse aquas super terrā. Item septē agnas Abraham dedit Abimelech: & septem annis seruiuit Iacob pro Lia, & aliis septem pro Rachel: & septem diebus populus Israël luxit mortem Iacob. Præterea septem boues, & septem spicas, septem annos fertilitatis & septem sterilitatis legimus ibidem. In Exodo uero, septimo die præcipitur sabbathum sabbathorum, requies sancta domino: quia septimo die ab opere quieuit dominus. Item septimo die cessauit orare Moses. Septimo die erit solennitas domini, septimo anno liber egredietur seruus, septem diebus bos & ouis sit cum matre sua, septimo anno dimitteretur quiescere terra seminata sex annis, septimus dies erit sanctum sabbathum & requies: septimus dies quia sabbathi est, uocabitur sanctus. In Leuitico etiam septimus dies erit celebrior & sanctior, & septimi mensis primus dies erit sabbathum memoriale. Septem diebus offerentur holocausta domino, septem diebus celebrabantur feriæ domini, septem diebus per

*Septenarius
us omnis ef-
ficacie ple-
nissimus.*

annum legitimū sempiternum erit in generationibus uestris. Septimo mēse festa celebrabitis, & habitabitis in tabernaculis septem diebus: septies asperget coram domino qui tinxerit digitū in sanguine: septies tingeret in sanguine passeris mundatus à lepra: septem diebus lauabitur aquis uiuentibus qui patitur fluxum sanguinis: septies asperget digito in sanguine uituli: septies percutiam uos propter peccatum. In Deuteronomio septem populi terrā promissionis habebant. Legitur & septimus annus remissionis, & septem lucernæ cādelariorum in australi parte erectæ. Et in Numeris leguntur septē agnas immaculatas obtulisse filii Israel, & quod septem diebus uescebantur azymis, & quod septem agnis & hirco expiatur peccatum, & septimus dies erat celeberrimus & sanctus, & septimi mensis dies uenerabilis & sanctus, & septimus mensis scenopegiæ, & septem uitulos offerebat die septimo, & septem aras erexit Balaam, septem diebus Maria soror Aaron leprosa egreditur extra castra, septē diebus immundus erit qui tetigerit cadauer. Et in Iosue, septem sacerdotes portabant arcam fœderis ante Hiericho, & septem diebus circuibant ciuitates, & septem buccinæ portabantur per septem sacerdotes, & die septimo buccinabant septem sacerdotes. Item in libro Iudicum septem annis Abessa regnauit in Israël, septem diebus fecit nuptias Sāson, & septimo die exposuit uxori problema, septem funibus neruiceis ligatus est & septem crinibus capitis sui, septem annis oppressi sunt filii Israël p regem Madian. Et in libris Regum septem uicibus & septima uice ecce dicit Helias nubecula parua, septem diebus filii Israël dirigebant acies, & septimo die commissum est bellum: septem annorum cōminata est fames Dauid propter peccatum murmurationis populi, & septies oscitauit puer resuscitatus per Helisæum, & septem uiri crucifixi sunt simul in diebus messis primæ: septem lotionibus mūdatur Naaman per Helisæum, septimo mēse occisus est Goliath. Et in Paralipomenis legitur, quod septimo mense cōpletus est acruus fundamentorum: & in Hester legimus septem eunuchos regis Persarum: & in Tobia, septem uiri copulati cum Sara filia Raguelis: & apud Daniele septem uicibus incenditur fornax Nabuchodonosor, & septem leones erant in lacu, & septima die uenit Nabuchodonosor. In libro Iob exprimuntur septem filii Iob, & septem diebus & noctibus sedisse amicos Iob cum eo in terra: & ibidem legitur, septimo non tanget te malum. In Esdra legimus septem hebdomadas annorum, septem cōsiliarios Axtaxerxis: & ibidem septimo mense clanges buccina: septimus mensis scenopegiæ sub Esdra erat, dum filii Israël erant in ciuitatibus: & septimi mensis primo die Esdras legit legem populo. Et in Psalmis septies in die laudem dicit Dauid: septuplum probatur argentum, septuplum reddit uicinis nostris in sinu eorum. Et Salomon ait septem columnas excidisse sibi sapientiam, & septē uiros loquentes sententias, septem quæ odit & detestatur dominus: septem nequitia in corde inimici, septem circumspectores, septem oculi in-

insipientes. Numerat Isaias septem dona spiritus sancti, & septem mulieres uirum unum apprehendentes. Et apud Ieremiam septem mentis mulierum concupiscentiæ, & septem filios peperit mater quæ infirmata est & defecit anima eius. In Ezechiele, septem diebus propheta mœrens permansit. In Zacharia septem lucernæ, & septem infusoria super caput candelabri, & septem oculi discurrentes in uniuersam terram, & septem oculi super unum lapidem, & septimi diei ieiunium uertitur in gaudium. Et in Michæa septem pastores suscitati sunt super Assyrios. Iam uero & in euangelis leguntur septem beatitudines, septem uirtutes quibus septem uitia opponuntur, septem petitiones orationis dominicæ, septem uerba Christi in cruce, septem uerba beatæ Mariæ uirginis, septem panes per dominum distributi, septem sportæ fragmentorum, septem fratres uxorem unam habentes, septem discipuli domini piscantes, septem hydriæ, in Cana Galilææ, septem iræ quæ dominus hypocritis comminatur, septem dæmonia eiecta de muliere peccatrice, & septem dæmones nequiores assumpti ab expulso. Itē septem annis fuit Christus profugus in Aegypto, & septima hora reliquit febris filium reguli. In epistolis etiam canonicis describit Iacobus septem gradus sapientiæ, & Petrus septem gradus uirtutum. Et in Actibus numerantur septem diaconi, & septem discipuli electi per apostolos. In Apocalypsi quoque multa sunt huius numeri mysteria: ibi enim leguntur septem candelabra, septem stellæ, septem coronæ, septem ecclesiæ, septem spiritus in conspectu throni, septem flumina Aegypti, septem sigilla, septem signacula, septem cornua, septem oculi, septem spiritus dei, septem angeli cum septem tubis, septem cornua draconis, septem capita draconis quæ septem habebant diademata: item septem plagæ, & septem phyalas quas habet unus de septem angelis, septem capita bestię coccineæ, septem montes, & septem reges sedentes super eos, & septem tonitrua locuta sunt uoces suas. Multas præterea uires habet hic numerus, cum in naturalibus tum in sacris & cæremoniis, tum etiam in aliis: itaque huc referuntur septem dies, septem planetæ, septem Pleiades, septem arætes mundi, septem mutationes hominis, septem artes liberales totidemque mechanicæ, & totidem prohibitæ, septem colores, septem metalla, septem foramina in capite hominis, septem paria neruorum, septem montes in urbe Roma, septem reges Romani, septem bella ciuilia, septem sapientes tempore Ieremiæ prophetæ, & septem sapientes Græciæ. Item septem diebus ardebat Roma sub Nerone. Per septem reges occisa sunt decem milia martyrum. Septem fuere dormientes, septem sunt Romæ ecclesiæ principales, totidem Gregorius construxit monasteria, tot sancta Felicitas peperit filios. Septem constituti sunt electores im-

perii, & septem sunt actus solennes in Imperatore coronando, septem testes requirunt leges in testamento, septem sunt pœnæ ciuiles, & septem canonicæ, & septem horæ canonicæ, septies salutat sacerdos in missa, septem sacramenta & septem ordines clericorum, & septem annorum puer potest ordinari ordine minori, & potest obtinere beneficiū sine cura. Septem sunt psalmi pœnitētiales, & septem mandata secundæ tabulæ, & septem horis Adam & Eua fuerunt in paradiso, & septem sunt uiri per angelum prænuntiati antequā nascerent, uidelicet Ismaël, Isaac, Samson, Hieremias, Ioānes Baptista, Iacob frater domini, & Christus Iesus. Deniq; hic numerus & in bono & in malo

S C A L A.

In Archetypo	Ararita	אראריתא		
In mundo intelligibili	צפקיאל Zaphkiel	צדקיאל Zadkiel	כמאל Camael	רפאל Raphael
In mundo coelesti	שבטאי Saturnus	צדק Iupiter	מאדים Mars	שמש Sol
In mundo elementalī	Vppupa Sepia Talpa Plumbum Onychinus	Aquila Delphinus Ceruus Stannum Sapphirus	Vultur Lucius Lupus Ferrū Adamas	Olor Vitul ^o marin ^o Leo Aurum Carbūculus
In minore mundo	Pes dexter Auris dextra	Caput Auris sinistra	Manus dextera Naris dextra	Cor Oculus dexter
In mundo infernali	Gehēna גיהנם	Portę mortis צל מות	Vmbra mortis שערי מות	Puteus interitus באר שחת

malo omniū est potentissim⁹: de hoc Linus uetustissimus Poëta cecinit:

Septima cum uenit lux, cuncta absoluere cœpit

Omnipotēs pater, atq; bonis est septima & ipsa.

Est etiam rerum cunctarum septima origo,

Septima prima eadem, perfecta & septima septem:

Vnde etiam cœlum stellis errantibus altum

Voluitur, & circlis totidem circum undiq; fertur.

SEPTENARI II

Affer Eheie אשר אהיה		Nomina dei septem literarum	
האניאל Haniel	מיכאל Michaël	גבריאל Gabriel	Septem angeli qui adstāt ante faciē dei.
ונוה Venus	כוכב Mercurius	לבנה Luna	Septem Planetæ.
Columba Thimallus Hircus Cuprum Smaragdus	Ciconia Mugil Simia Argētū uiuū Achates	Noctua Aelurus Feles Argentum CrySTALLUS	Septem aues planetarum Septem pisces planetarum Septem animalia planetarum Septem metalla planetarum Septem lapides planetarum
Pudendum Naris sinistra	Manus sinistra Os	Pes sinister (ster Oculus sinistra	Septem membra integralia planetis distributa. Septē foramina capitis planetis distributa.
Lutum fecis טיט היין	Perditio אברון	Fouca שאר	Septē habitacula inferorum, quæ describit Rabi Ioseph Castiliensis cabalista in Hortonucis.

Octonarij
nomenclaturæ.



Octo numi
na, p̄ que
solitus iu-
rare Or-
pheus.

Octonarium uero uocant Pythagorici numerum iustitię & plenitudinis: primum, quia primus omnium diuiditur in numeros pariter pares, uidelicet in quatuor: diuisio quoq; ipsa in bis bina eadem ratiōe contextitur, uidelicet per bis bina bis: & propter hanc diuisionis æqualitatem, iustitię sibi nomen inoleuit: alterum uero, uidelicet plenitudinis nomen accepit, propter corporeę soliditatis contextum: primus siquidem solidum corpus efficit. Hinc Orphei institutum per octo numina iurantis, sicubi diuinā iustitiam obtestari uellet, quorū nomina hæc, Ignis, Aqua, Terra, Cælū, Luna, Sol, Phanes & Nox. Octo quoq; sunt duntaxat cælorum uisibiles sphæræ: corporalisq; naturę proprietates per illum nobis significatur, quam Orpheus in octonario hymnorum maritimorum complexus est. Estq; hic numerus dictus etiam numerus fœderis & circuncisionis, quæ Iudæis octauo die fieri præcepta est. Octo etiā erāt in uetere lege ornamenta sacerdotis, uidelicet fœminalia, tunica, cingulus, tyara, stola talaris, superhumeralis, rationale, lamina aurea. Pertinet etiam hic numerus ad æternitatē & mundi cōsummationem, quia subsequitur septenarium, qui temporis symbolum est: hinc etiam hic numerus beatitudinis est, tot enim beatitudinis gradus docet Christus apud Matthæū.

Dicitur etiam numerus salutis & conseruationis, tot nanque animæ in arca Noë saluę factę sunt à diluuiō aquarum. Iam quoque & octo fuerunt filii Iesse, à quibus Dauid fuit octauus. Item Zacharias Iohannis pater octauo die recepit loquelam. Hūc numerum Dionysio sacrum perhibent, qui octauo mense in lucem editus est, in cuius sempiternum testimonium Naxos insula illi dicata, hanc prærogatiuam obtinuit, ut solę Naxię mulieres octauo mense salubriter pariant, fœtus que uitales edant, cū ubiq; ferē gentiū omnes sic geniti intendant, & etiam matres manifesto uersent in periculo.

Nomina dei octo litterarum.	Eloha Vedaath אלה ודעת Tetragrammaton Vedaath יהוה ודעת								In Archetypo
Octo beatorum prae- mia.	Hereditas	Incorruptio	Potestas	Victoria	Visio dei	Gratia	Regnum	Gaudium	In mundo intelli- bili
Octo coeli visibiles	Coelum stellarum	Coelum Saturni	Coelum Iovis	Coelum Martis	Coelum Solis	Coelum Veneris	Coelum Mercurij	Coelum lunae	In mundo caelesti
Octo qualitates particulares	Siccitas terrae	Frigiditas aquae	Humiditas aeris	Caliditas ignis	Caliditas aeris	Humiditas aquae	Siccitas ignis	Frigiditas ter- rae	In mundo elemen- tali.
Octo beatorum ge- nera.	Pacifici	Esurientes & siti- entes	Mites	Persecuti pro pter iustitiam	Mundi corde	Misericordes	Pauperes spiritu	Lugentes	In minore mundo.
II: Octo damnatorum praemia	Carcer	Mors	Iudicium	Ira dei	Tenebrae	Indignatio	Tribulatio	Angustia	In mundo infer- nali.

De Nouenario & eius Scala. Cap. XII.



Ouenarius numerus musis sacer, cœlestium sphærarum diuinorum que spirituum ordini adiumento: hinc nouem sunt sphærae mobiles, & secundum illas nouem sunt musæ, scilicet, Calliope, Vrania, Polymnia, Terpsichore, Clio, Melpomene, Erato, Euterpe, Thalia: quæ quidem musæ nouæ sphæris nouæ sunt adcommodatæ, ita ut prima referat supremam sphæram, quam uocant primum mobile, & sic gradatim descendendo secundum scriptum ordinem, usque ad ultimam que referat sphæram lunæ, ita scilicet, Calliope adcomodatur primo mobili: Vrania, stellato cœlo: Polymnia, Saturno: Terpsichore, Ioui: Clio, Marti: Melpomene, Soli: Erato, Veneri: Euterpe, Mercurio: Thalia, lunæ. Nouæ quoque sunt angelorum beatorum ordines, scilicet, Seraphim, Cherubim, Throni, Dominationes, Virtutes, Potestates, Principatus, Archangeli, Angeli, quos per nouæ lapides figurat Ezechiel, qui sunt sapphirus, smaragdus, carbunculus, berillus, onyx, chrysolithus, iaspis, topazius, sardius. Habet etiam hic numerus magnum & occultum crucis sacramentum: nam hora nona Dominus noster Iesus Christus emisit spiritum: nouemque diebus antiqui mortuos funerabant, totidemque annis dicunt Minoæ in spelunca à Ioue leges accepisse. Vnde hic numerus ab Homero præcipue obseruatus est, ut quando leges condendæ, aut responsa danda, aut scuitura clades,

Astrologi etiã annos enneaticos, hoc est nouenarios, in hominum ætatibus non secus atque septenarios, quos climactericos uocant, obseruāt, notabili mutatione insignes. Aliquando tamen notam imperfectionis & incompletionis habet, quod ad denarii non pertingat perfectionem, sed unitate minor, citra illud

deficiat, sicut super euangelio de decē leprosis interpretatur Augustinus: nec uacat mysterio longitudo nouem cubitorum

Og regis

Basan, qui typus est diaboli.

SCALA NOVENARII.

Nomina dei nouē literarum.	Tetragrammaton Sabaoth. יהוה צאאון			Tetragrammaton Zidkenu. יהוה צדקנו			Elohim Gibor. אלהים גיבר			In Archetyp po.
Nouē chori ange lorum. Nouē angeli præ sidentes cœlis.	Seraphim Metatron	Cherubim Ophaniel	Throni Zaphkiel	Dominaciones Zadkiel	Potestates Camaël	Virtutes Raphaël	Principatus Haniel	Archangeli Michael	Angeli Gabriel	In mundo in telligibili.
Nouē spheræ mo biles.	Primū mobile	Cœlū stellarū	Sphæra Saturni	Sphæra Iouis	Sphæra Martis	Sphæra Solis	Sphæra Veneris	Sphæra Mercurij	Sphæra lunæ	In mundo coelesti.
Nouē lapides re presentates nouē choros angelicos	Sapphirus	Smaragdus	Carbunculus	Berillus	Onyx	Chrysolithus	Iaspis	Topazius	Sardius	In mundo e lementali.
Nouē sensus cū ex timum intimi.	Memoria	Cogitativa	Imaginativa	Sensus cōmunis	Auditus	Visus	Odoratus	Gustus	Tactus	In minore mundo.
Nouem ordines cacodæmonum.	Pseudothei	Spiritus men daci.	Vasa iniquitatis.	Vitiores scelerū	Præstigiatōres	Aëræ po testates.	Furiæ semina trices malorū.	Criminatores si ue exploratores	Tētatores siue insi diatores	In mundo in fernali.



Ceremonie, denarias olim dictæ.

Enarius. Hic dicitur omnis numerus siue uniuersus, atq; numerus completus, denotans plenum curriculum uitæ: ab eo enim ultra non numeratur, nisi per replicationem: uniuersosq; numeros uel intra se implicat, uel per se suosq; explicat multiplicando: quapropter multiplicis religionis habetur & potentia animisq; purgandis accommodatur. Hinc ueteres, ceremonias denarias appellauere, quibus illos, qui expiandi aut sacra adituri essent, per decem continuos dies à certis quibusdam rebus abstinendum erat. Vnde apud Aegyptios mos erat illi qui sacris Isidis initiari uellet, decem dierum ieiunium indici solitum, quod testatur Apuleius de seipso inquit: Illud plane cunctis arbitris præcepit, decem illis continuis diebus cibariam uoluptatem coercerem, & neq; ullum animal essem, & inuinius essem. Decem sunt sanguinei hominis partes, menstruum, sperma, plasmaticus spiritus, massa, humores, organicum corpus, uegetatiua, sensitiua, ratio & mens. Decem quoq; simplicia integralia hominem constituentia, os, cartilago, neruus, chorda, ligamentum, arteria, uena, panniculus, caro, cutis. Decem quoq; artus, quibus constat intrinsecus homo: spiritus, cerebrum, pulmo, cor, epar, fel, splen, renes, genitalia, matrix. Præterea decem cortinae erant in templo, decem chordæ erant in psalterio, decem instrumenta musica quibus canebant psalmi, quoq; nomina sunt, Neza, in quo canebantur odæ: Nablum, idem quod organum: Mizmor, in quo psalmi: Sir, in quo cantica: Tephila, in quo orationes: Beracha, in quo benedictiones: Halel, in quo laudationes: Hodaia, in quo gratiarum actiones: Afre, in quo alicuius felicitas: Halleluia, in quo laudes dei tantum atq; contemplationes. Decem quoque sunt cantores psalmorum, uidelicet, Adam, Abraham, Melchizedec, Moses, Asaph, Dauid, Salomon, & tres filii Choræ, Decem quoque præcepta legis. Et decimo die post ascensionem Christi, descendit spiritus sanctus. Hic denique est numerus, in quo Iacob tota nocte luctatus cum angelo, uicit in certamine: & oriente lucifero benedictus est, & uocatum est nomen eius Israël. In hoc numero Iosue uicit trigintaunum reges: & Dauid uicit Goliath & Philistæos: & Daniel pericula euasit leonum. Hic numerus sicut unitas etiā circularis est, quia coaceruatus in unitatem redit, à qua exordium habuit: & ipse numerorum omnium finis est & complementum, & principium decadum. Sicut denarius refluit in unitatem ex qua processit, sic omne fluens reuertitur ad id à quo habet principium sui fluxus. Sic aqua ad mare currit, à quo traxit originem: corpus in terram, à qua sumptum est reuertitur: tempus redit in eternitatem à qua fluxit: mens à deo facta, ad eundem reuertitur: fluit denique omnis creatura in nihilum ex quo creata est, nec nisi diuino uerbo sustentatur, in quo condita sunt omnia, omnia que cum denario & per denarium gyrum efficiunt, ut inquit Proclus, à deo incipientia, & in ipsum desinentia. Deus quoq; ipse prima Mo-

nas priusquam sese inferioribus communicet, primo se in primum numerorum, ternarium uidelicet, diffundit: dehinc in denarium, tanquam in decem ideas & mensuras omnium numerorum & rerum omnium faciendarum, quas Hebræi decem attributa uocant, & decem diuina nomina numerant: qua de causa ulterior numerus dari nequit. Hinc omnia dena, diuinum quoddam in se habēt, & in lege tanquam à deo propria exiguntur, simul cum primitiis, ut rerum primordia, uelut principium numerorum, & decima quæque tanquam finis illi reddantur, qui principium & finis est omnium.

SCALA DENARII.



I iii

In archetypo	י ה ו ה י ה ו ה י Nomen quadrilaterum collectum decem literarum.			והוה Nomen quadrilaterum ex-	
	אהיה Eheie כתר Kether	יהוה Iod tetra gram maton חכמה Hochmah	יהוה אלהים Tetragramaton elohim בינה Binah	אל El חסד Hæfed	אלהים גיבור Elohim gbor גבורה Geburah
In mundo intelligibili	Seraphim Hailoth hakados Metatron	Cherubim Ophanim Iophie	Throni Aralim Zaphkiel	Dominationes Hasmallim Zadkiel	Potestates Seraphim Camael
In mundo cœlesti	Reschith bagal galim Primiū mobile	Masloth Sphæra zodiaci	Sabbathai Sphæra Satur- ni	Zedek Sphæra Iouis	Madim Sphæra Martis
In mundo elementalī	Columba	Pardus	Draco	Aquila	Equus
In minore mundo	Spiritus	Cerebrum	Splen	Epar	Fel
In mundo infernali.	Pseudothei	Spiritus menda- cij	Vasa iniquita- tis.	Vltiores cele- rum.	Prestigatores.

יור דא <i>tensum decem literarum.</i>		אלהים צבאות <i>Nomen Elohim Sabaoth.</i>			Nomina dei decem literarum.
אלה <i>Eloha</i>	יהוה צבאות <i>Tetragramaton Sabaoth</i>	אלהים צבאות <i>Elohim Sabaoth</i>	שרי <i>Sadai</i>	אדני <i>Adonai melech</i>	Decem nomina dei
תפארת <i>Tiphereth</i>	נצח <i>Nezah</i>	הוד <i>Hod</i>	יסוד <i>Iesod</i>	מלכות <i>Malchuth</i>	Decem Sephiroth
Virtutes	Principatus	Archangeli	Angeli	Anima beata	Decē ordines beatorū secundū Dionysium.
Malachim	Elohim	Bne Elohim	Cherubim	Iſim	Decē beatorū ordines iuxta tradiōes Heb.
Raphaël	Haniel	Michaël	Gabriel	Anima Meſſiha	Decem angeli præſi- dentes.
Schemes	Noga	Cochab	Leuanah	Holomiesodoth	Decē ſphæræ mūdi.
Sphæra Solis	Sphæra Veneris	Sphæra Mercu- rij	Sphæra Lune	Sphæra elemē- torum.	
Leo	Homo	Serpens	Bos	Agnus	Decem animalia ſan- ctitatis ad ſuperos re- lata.
Cor	Renes	Pulmo	Genitalia	Matrix	Decem artus intrinſe- ci hominis.
Æreæ poteſta- tes.	Furie femina- trices malorū.	Criminatores ſi- ue exploratores	Tētatores, ſiue inſidiatores.	Animæ prave & damnatæ.	Decem damnatorum ordines.

De undenario & duodenario cum duplici duodenarii Scala, Cabalistica & Orphica. Cap. XIII.



Undenarius
us nullā ha-
bet cū diui-
nis cōmuni-
onem.

Duodena-
rius, nume-
rus diui-
nus.

Ndenarius numerus sicut transgreditur denarium, qui legis & praeceptorum est, ita defecit à duodenario, qui gratiae & perfectionis est: ideo numerus peccatorum & poenitentium dicitur. Hinc in tabernaculo iussa sunt fieri undecim saga cilicina, qui est habitus poenitentium & lugētium pro peccatis. Vnde hic numerus nullam habet cum diuinis, neq; cum cœlestibus communionem, nec attractum, nec scalam ad supera tendentem: nec ullum meritum habet, sed tamen aliquādo gratuitam gratiam percipit à deo, sicut ille qui ad undecimā horam uocatus fuit in uineam domini, accepitq; mercedem illorum, q̄ portauerunt onus diei & æstus. Duodenarius autē numerus est diuinus, & quo cœlestia metiūtur: est enim signorum cœlestium spirituumq; principatui adiumento. Duodecim enim sunt in zodiaco signa, quibus præsunt duodecim angeli præcipui, subfulti irrigationibus magni nominis dei. Duodecim annis Iupiter cursum suum perficit, & luna quotidie duodecim gradus percurrit. Duodecim in humano corpore præcipuæ sunt iuncturæ, scilicet in manibus, cubitis, spatulis, femore, genibus & uertebis pedum. Magna
insu-

insuper in diuinis mysteriis duodenarii uis est. Elegit deus duodenam familiam Israël, illisq; præfecit duodecim principes: totidē lapides locati in profundo Iordanis, & in pectore sacerdotis eodem numero figi præcepit. Duodecim etiam panes facierum propositionis, & totidem lapidibus altare constructum, & mare æneum à Solomone fabricatum, eodem numero leones sustinebant: totidem fontes in Helim, totidem exploratores missi ad terrā promissionis, totidem Christi apostoli duodecim tribubus præfecti, duodecim milia numerantur populi signati & electi, duodecim stellis cœli regina coronata: & in euangelio, ex crescentibus panibus cophini duodecim fragmentorum colliguntur: & duodecim angeli præfident duodecim portis ciuitatis, & duodecim lapides cœlestis Ierusalem. In inferioribus etiam crescentia multa hoc numero progrediuntur: sic lepus & cuniculus fecundissimi, duodecies in anno generant, pariuntque: & camela totidem mensibus fœtum gerit, & pauo duodecim oua ponit.

Nomina dei duodecim literarum			הוה Sanctus	ברוך Benedictus	קדוש ipse	
Nomē magnum in duodecim uexilla reuolutum	יהוה	יהוה	יהוה	יהוה	יהוה	יהוה
Duodecim ordines beatorum spirituum.	Seraphim	Cherubim	Throni	Dominationes	Potestates	Virtutes
Duodecim angeli praesidentes signis.	Malchidiel	Asmodel	Ambriel	Muriel	Verchiel	Hamaliel
Duodecim tribus	Dan	Ruben	Ichuda	Manasse	Aser	Symeon
Duodecim prophetae	Malachias	Aggeus	Zacharias	Amos	Oseas	Micheas
Duodecim Apostoli.	Mathias	Thadæus	Symon	Iohannes	Petrus	Andreas
Duodecim signa zodiaci	Aries	Taurus	Gemini	Cancer	Leo	Virgo
Duodecim menses	Martius	Aprilis	Maius	Iunius	Iulius	Augustus
Duodecim plantae	Eleliphacos	Peristereon orthios	Peristereon hyptios	Symphytus	Cyclaminus	Calaminthus
Duodecim lapides	Sardonius	Sardius	Topazius	Chalcedonius	Iaspis	Smaragdus
Duodecim membra principalia	Caput	Collum	Brachia	Pectus	Cor	Venter
Duodecim gradus damnatorum & demoniorum	Pseudothei	Spiritus mendacij	Vasa iniquitatis	Vitiores scolorum	Præstigiatores	Aëreae potestates

אב בן ורוח הקודש Pater, filius & spiritus sanctus.						In Archetypo.
והיה	יורה	והרי	היהו	היה	הרי	
Principatus	Archangeli	Angeli	Innocentes	Martyres	Confessores	In mundo intelli- gibili.
Zuriel	Barbiel	Adnachiel	Hanaël	Gabiel	Barchiel	
Isachar.	Beniamin	Nephtalim	Gad	Zabulon	Ephraim	
Jonas	Abdias	Sephonias	Naum	Abacuk	Iohel	
Barptolomæus	Philippus	Iacobus maior	Thomas	Mattheus	Iacobus minor	
Libra	Scorpius	Sagittarius	Capricornus	Aquarius	Pisces	In mundo cœlesti
September	October	November	December	Ianuarius	Februarius	In mundo elēmē- tali.
Scorpiuros	Artemisia	Anagallis	Lapathus	Dracontea	Aristolochia	
Berillus	Anethystus	Hyacinthus	Chrysopsisus	CrySTALLUS	Sapphirus	
Renes	Genitalia	Anche	Genua	Crura	Pedes	In minore mūdo.
Furia, semina- trices malorū.	Criminatores si ue explorato- res.	Tētatores, siue insidiatores.	Malefici	Apostatæ	Infideles	In mundo infer- nali.

SCALA DVODE-

Duodecim numi- na.	Pallas	Venus	Phœbus	Mercurius	Iupiter	Ceres
Duodecim si- gna zodiaci	Aries	Taurus	Gemini	Cancer	Leo	Virgo
Duodecim mēses	Martius	Aprilis	Maius	Iunius	Iulius	Augustus
Duodecim sacræ aues	Noctua	Columba	Gallus	Ibis	Aquila	Passer
Duodecim sacræ animalia	Capra	Hircus	Taurus	Canis	Cervus	Porca
Duodecim sacræ arbores.	Olea	Myrtus	Laurus	Corylus	Aesculus	Pomus
Duodecim homi- nis mēbra signis distributa	Caput	Collum	Brachia	Pectus	Cor	Venter

NARII ORPHICA.

Vulcanus	Mars	Diana.	Vesta.	Iuno	Neptunus	In mundo intelli- gibili.
Libra	Scorpius	Sagittarius	Capricornus	Aquarius	Pisces	In mundo cœlesti
September	October	November	December	Ianuarius	Februarius	In mundo elēmē- tali.
Anser	Picus	Cornix	Ardea.	Pavo.	Cygnus	
Asinus	Lupus	Cervus.	Leo.	Ovis	Equus	
Buxus	Cornus	Palma	Pinus	Rhamnus	Vlinus	
Renes	Genitalia	Anche	Genua	Crura	Pedes	In minore mūdo.

De nūeris q̄ supra duodenariū sunt, corūq̄; potentia & uirtutibus. XV.



XIII.

XIII.

XV.

XVI.

XVIII. XX.

XXII.

XXVIII.

XXX.

XXXII.

XL.

Eliquis etiā ultra duodenariū numeri multis & uariis effectibus decorati sunt, quorū uirtutes ex origine partibusq̄; corū deprehēdere oportet, quatenus ex simpliciuū aggregatiōe uaria, aut multiplicationis ductu constituunt: nōnunquā etiā ex diminutiōe aut supergressiōe alterius præcedētis, præcipue p̄fectioris, significata eorū resultāt, tū etiā ex seipsis mysterioꝝ quorundā sacramēta cōtinēt: sic tertius supra decimū nūer⁹ apparitiōis Christi ad gētes mysteriū indicat: decimo tertio nāq̄; post eius natalē diē, stella duce magis facta est. Decimusquartus & ipse Christi typū gerit, qui decimaquarta luna primi mēsis pro nobis immolatus, quo die & filii Israel Phase domino, hoc est transitū celebrare iussi sunt. Hūc numerū tā solícite obseruat Matthæus, ut quo posset illū in generatiōibus Christi ubiq̄; retinere, nōnullas generationes prætermiserit. XV. nūerus spiritaliū ascensionū symbolū est, ideoq̄; canticū graduū in quindecim psalmis illi adaptatū est, cui etiā XV. anni additi regi Ezechie deputant: & decimusquintus dies septimi mēsis erat uenerabilis & sanctus. XVI. numerū ex quadrato æquilatero & parēte denarii cōpositū, iccirco Pythagorici numerū felicitatis appellāt: ipse etiā ueteris testamēti prophetas oēs, tū noui testamēti apostolos & euāgelistas cōplectit. Numerū XVIII. & uicesimū, utrūq̄; infaustū interpretant theologī: nā in priore seruiuit Israël Eglon regi Moab: in altero seruiuit Iacob, & uēditus est Ioseph. Deniq̄; inter poly-poda nullū est quod uiceniū pedū numerū excedat. Nūerus autē XXII. plenitudinem sapientiē significat, totidē siquidē sunt Hebraicarū literarū characteres, totidēq̄; libris totū uetus testamētū continet. Numero autē uicesimo octauo lunæ fauor designatur, eius enim motus distans à cursu aliorū syderū, quasi solitarius uicesimo octauo die completur, quo redit ad idē punctū zodiaci unde processit. Hinc & uiginti octo mansiones lunæ, singulārī uirtute & influētia pollētes, in celestibus numerātur. Tricesimus numerus multis mysteriis memorabilis est, quo dominus noster Iesus Christus appetiatus, qui ipse quoq̄; tricesimo suæ ætatis anno baptizatus est, ccepitq̄; facere miracula, & docere regnū dei. Ipse etiā Ioannes Baptista tricesimū annū agebat, cū incēpisset prædicare in deserto, & præparare uias domini. Ipse q̄; Ezechiel eadē annorū ætate incēpit prophetare: & Ioseph tricesimo suæ ætatis anno eductus de carcere, à Pharaone accepit Aegypti principatū. Tricesimū secundum numerum Hebræorum doctores sapientiæ adscribunt, totidem enim sunt ab Abrahamo descriptæ semitæ sapientiæ: Pythagorici uero hunc numerum iustitię appellant, quia semper diuisibilis in partes æquales usq̄; ad unitatem. Quadragenarium numerum ueteres magna obseruatione colebant, de quo & festum celebrabant tessera coston. Fertur ad parturitionem efficere, totidem diebus semen aptari & transformari in utero, quousq̄; in corpus organicū perfectū, suis debitis & harmonicis mēsu-

ris conducatur dispositum, ad suscipiendum animam rationalem. Totidem diebus mulieres post partū grauiori morbo conflictari, quousq; adaptetur muliebria in partu commota, antequam purificentur: totidem etiā diebus infantes risum continere, morbosos esse, magnoq; discrimine uiuere: estq; hic numerus in religione expiationis & pœnitentiæ, magnorumq; mysteriorum significatiuus: siquidem quadraginta dies & noctes diluuii tempore pluit dominus super terram: quadraginta annis filii Israël habitauerunt in deserto: quadraginta dies dilata est subuersio Niniuæ. Idem que numerus sanctorum ieiuniis sacer habitus est: siquidem per quadraginta dies Moses, Elias & Christus ieiunauerunt. Quadraginta septimanis Christus in utero uirginis portatus est: quadraginta diebus à natiuitate mansit Christus in Bethlehem antequam offerretur in templo: quadraginta mensibus publice prædicauit: quadraginta horis mortuus delituit in sepulchro: quadagesimo die post resurrectionem in cœlos ascendit, quæ omnia non sine huius numeri occulta proprietate & mysterio facta fuisse nostri tradunt theologi. Quinquagenarius numerus est remissionis peccatorum & seruitutis liberatisq; significatiuus: secundum legem enim quinquagesimo anno remittantur debita, & reuertebatur unusquisq; in possessionē suā. Hinc per Iubilæi annum atq; per pœnitentiæ psalmum, indulgentiæ atque pœnitentiæ sacramentū ostendit. Lex quoq; & spiritus sanctus in eodē declarant: nā quinquagesimo die post exitū Israël de Aegypto, lex data est Moysi in monte Sina. Quinquagesimo die post resurrectionē descendit spiritus sanctus super apostolos in monte Sion: unde dicitur & numerus gratiæ, & attribuitur spiritui sancto. Erat & sexagenarius numerus Aegyptiis sacer: nam crocodilo proprius, ut qui sexagenis diebus oua sexaginta pariat, totidemq; diebus foueat: tot annos præterea dicatur uiuere, & dentes eodem numero habere: deniq; totidem diebus in secessu quiescere quotannis sine cibo. Habet & septuagenarius numerus sua mysteria, nam totidem annis ignis sacrificii in Babylonica captiuitate sub aqua latens uixerat: totidem annos prædixerat Ieremias templi destructionem: totidem annos durauit captiuitas Babylonica, totidem annis cōplebatur desolatio Ierusalem. Item septuaginta palmæ erant in loco ubi castrametati sunt filii Israël: septuaginta animabus descenderunt patres in Aegyptum: septuaginta reges amputatis manuū & pedū summmitatibus, colligebant cibū sub mensa Adonibesech: septuaginta filii egressi sunt de fœmore Ioas, septuaginta uiri omnes filii Ieroboam: septuaginta pondera argenti dabantur Abimelech: totidem uiros occidit Abimelech super uno lapide. Septuaginta filios & nepotes habuit Abdon, qui ascendeabant super septuaginta pullos asinarum. Septuaginta milia uirorum erant Salomoni, qui onera portabant. Septuaginta filii Achab regis in Samaria decapitati sunt. Septuaginta iuxta psalmistam sunt anni annorum ætatis nostræ. Septuagesies septies iudicatum est de Lamech: septuagesies septies peccata domini

Quinquagenarius.

LX.

LXX.

LXXXVIII

Centena-
rius.Millena-
rius.Numeri
duo præter
ceteros in
signis.

nantur delinquenti. Est & numerus secundus supra septuagesimum totidem linguarum sermonibus, totidem Synagogæ senioribus, totidem ueteris testamenti interpretibus, totidemq; Christi discipulis insignis: habetq; cum duodenario magnam communionē: hinc in cælestibus quouis signo in sex partes diuiso, resultant septuaginta duo quinarium, quibus præsent totidem angeli, & totidem influunt nomina dei, & quilibet quinarium uni præest idiomati, tāta efficacia, ut inde Astrologi & Physiognomi cognoscere queant cuius idiomatis quisque fuerit oriundus: respondent istis etiam totidem patentes in humano corpore articuli, quorum in quouis digito manuum & pedum habentur tres: qui cum principalibus duodecim superius in duodenario numeratis, constituunt septuaginta duos. Centenarius in quo ouis collocatur inuenta, qui etiam de sinistra transit ad dexteram, sacratus inuenitur: tum quia ex denario in seipsum ductu gignitur, completam designat perfectionem. Complementum uero omnium numerorum millenarius est, qui est cubus denarii, significans consummatam & absolutam perfectionem. Sunt autem duo numeri à Platone in Republica maxime celebrati, & ab Aristotele in suis Politicis non improbat, quibus ciuitatibus magnæ mutationes portenduntur: hi sunt duodenarii quadratus, & eiusdem cubus uidelicet quadragessimus quartus supra centenarium, & septingentesimus uicesimus octauus supra millenarium, qui numerus fatalis est: ad quem cū ciuitas quæuis siue respublica peruenerit, cōpleto cubo postea declinabit: in quadratis tamen mutationem subit, sed in melius, si prudenti disciplina regatur: nec fato tunc, sed imprudentia collabi poterit: atq; hæc de numeris particulatim dicta sufficiant.

De Numerorum notis in certis gesticulationibus constitutis. Ca. XVI.



Egi sæpiissime in magicis libris eorundemq; operibus & experimentis mirabiles quosdā, & quales mihi uidebantur ridiculas gesticulationes, & putabā illa esse occulta quædā demonum pacta, propter quod respuebā & proieci ea: sed postquā rē profundius examinaui, tunc primū intellexi in illis magicis gesticulationibus, non demonum fœdera, sed numerorum delitescere rationē, qua ueteres per manuum & digitorum uarios inflexus & reflexus numeros representabāt: quorum gesticulatione magi, ineffabiliū uirtutū uocabula, sono ignota, numeris uaria, iugatis alternatisq; digitis tacitus in clamant, ueneranturq; sacro silentio mundi præsules deos. Eius ritus meminit etiā Martianus de Arithmetica, inquiens: Digi uero uirginis recursantes, & quadā incōprehensæ mobilitatis scaturigine uermiculati, quæ mox ingressa, septingētos decem & septē numeros cōplicitis digitis, Iouē salutabunda surrexit. Tum Philosophia, ut Tritonidē propter adstabat, quid numero tali Arithmetica intulisset, exquirat. Cui Pallas: Proprio, inquit, Iouē noīe salutauit. Vt ergo hæc melius intelligant, placuit illa ex traditione Bedæ hic subiungere, inquit itaq; Cū dicis unū, minimū in leua digi

tum inflectens, in mediū palmæ locum figes: cū dicis duo, secundū à minimo inflexū ibidem impones: cū dicis tria, tertium similiter inflectes: cū dicis quatuor, itidē minimū leuabis: cum dicis quinque, secundū à minimo similiter eriges: cū dicis sex, tertiū nihilominus leuabis, eo solo qui medicus appellatur, in mediū palmę fixo: cū dicis septem, minimū solū supra palmę radicē, cæteris interim leuatis, impones, iuxta quē cū dicis octo, medicū: cū dicis nouē, mediū è regione cōpones: cū dicis decē, unguē indicis in medio figes articulo pollicis: cū dicis uiginti, summitatē medii digiti inter nodos pollicis & indicis arctē figes: cū dicis triginta, unguēs indicis & pollicis blādo cōiunges amplexu: cū dicis qudraginta, interiora pollicis lateri uel dorso indicis superduces, ambobus dūtaxat erectis: cū dicis quinquaginta, pollicē exteriore articulo instar Gręcę literę gāma, curuatim ad palmā inclinabis: cū dicis sexaginta, pollicē ut supra curuatim indice circūflexo diligenter à frōte præcinges: cū dicis septuaginta, indicē ut supra circūflexū, pollice in longū tenso implebis, ungue illius dūtaxat erecto trans mediū indicis articulū: cū dicis octoginta, indicē ut supra circūflexū pollice in longū extēso implebis, unguē uidelicet illius in medium indicis articulū fixo: cū dicis nonaginta, indicis inflexi unguē radici pollicis erecti configes. Haftenus in leua. Ceterum uero in dextra, quomodo in leua decē facies, ducenta in dextra, quomodo uiginti in leua sinistraq; manu. Duo milia in dextra, quomodo duo in leua, &c. usq; ad nouē milia. Porro decē milia cū dicis, leuā in medio pectoris supinā appones, digitis tantū in cœlū erectis: uiginti milia cum dicis, eandē pectori expansam late superpones: triginta milia cū dicis, eadem prona sed erecta, pollicem cartilagini medii pectoris immittes: quadraginta milia cū dicis, eandē in umbilico erectam supinabis: quinquaginta milia cum dicis, eiusdem pronæ, sed erecto pollicē umbilico impones: sexaginta milia, eandē prona femur leuū desuper comprehendes: septuaginta milia cum dicis, eandē supinā femori superimpones: octoginta milia cum dicis, eandē pronom femori superpones: nonaginta milia cum dicis, eadem lumbos cōprehendes, pollice ad ima uerso. At uero centū milia, ducenta milia, & cætera usq; ad nongenta milia, eodem modo quo diximus ordine in dextra corporis parte cōplebis. Decies autem centena milia cum dicis, ambabus sibi manibus confertis, inuicē digitos implicabis. Hæc ex Beda adnotata haftenus sufficiant. Plura de istis apud fratrem Lucam de S. Sepulchro in sua magna Arithmetica comperies.

Lucas de
S. Sepulchro.

De uariis numerorum notis apud Romanos obseruatis.



Caput

XVII.



umerorum notæ apud uarias gentes diuersimode pinguntur: Romani illos sequentibus notis figurabant, quos de literis antiquis describit Valerius Probus, & hodie adhuc in usu sunt, sic uidelicet:

DE OCCVLTÀ PHILOSOPHIA,

CXL. Vnum. I.	Quinq. V.	Decem. X.	Quinquaginta. L.	Cētum. C.	Ducēta. s. CC.	Quingēta. D.
Mille. M. S. I. CXD.			Quinque milia. IDD. ICC. V.			
Decem milia. CCIDD. CMD. DMC. IMI. X.				Quinquaginta milia. IDDD. DDD. L.		
Centum milia. CCCIDDD.			 .  .	CM. C.	Ducenta milia. s. CC.	
Quingenta milia. DM. qd. D.		Mille milia. CMD. CqD. M. S.				

Sunt alia numerorum notæ, hodie apud Arithmeticos & calculatores usitata, quæ iuxta numerorum ordinem his figuris pinguntur: 1. 2. 3. 4. 5. 6. 7. 8. 9. quibus additur nota priuationis, orbiculo signata, hac scilicet figura, o: quæ licet numerum nullum significet, alios tamen aut denarios, aut centenarios, aut millenarios significare facit, quemadmodum hæc in Arithmeticis manifesta sunt. Sunt etiam qui denarium per uirgulam quæ lineam transuersim agat, notant: quinarium autem per eam, quæ lineam contingat, non autem secet: unitatem uero per eam, quæ seorsum ponitur, sicut in hoc exemplo uidere licet: \dagger significat decem: \ddagger significat decē & quinq: H significat sexdecim: $\text{H} \mid$ decem & septem: orbiculus uero denotat centum, sic scilicet o, seorsum positus: coniunctus uero, totidem quot numeris apponitur centenarios indicat, ut sic, oo, uel sic II^o, ducenta, sic ooo, uel sic III^o, trecenta: I° quingenta: I° decies centena, siue mille. Atq; hæ notæ frequenter in magicis characteribus adiectæ conspiciuntur.

De notis Græcorum.

Cap. XVIII



Notis numerorum utuntur Græci literis alphabeticis, idq; tribus modis, primo singulis elemētis secundum alphabeti seriē loci sui numerum significantibus. Nam quotum in ordine alphabeti locum quæq; litera sortita est, eiusdem numerum representat, ut hic uidere licet:

1.	2.	3.	4.	5.	6.	7.	8.	9.	10.	11.	12.
A.	B.	Γ.	Δ.	E.	Z.	H.	Θ.	I.	K.	Λ.	M.
13.	14.	15.	16.	17.	18.	19.	20.	21.	22.	23.	24.
N.	Ξ.	O.	Π.	P.	Σ.	T.	Υ.	Φ.	X.	Ψ.	Ω.

Et hic est primus ordo numerorū apud Græcos. Secundario diuidunt Græci totum alphabetum in tres classes, quarum prima incipiens ab Alpha unitatum est: Secunda incipiens à Iota, denariorum est: Tertia incipiens à

Rho, est centenariorum: & hic ordo à posterioribus Græcorum ita ad Hebræorū imitationē institutus est. Quia uero Alphabetum eorum ab ea regula tribus literis mancum est, necesse fuit illis tres figuras adfingere, & literis intercalare, quibus uidelicet sextum, nonagesimum & noningentesimū numeros explicarent, ut in sequentibus liquet:

1 Α.	2 Β.	3 Γ.	4 Δ.	5 Ε.	6 Ζ.	7 Ζ.	8 Η.	9 Θ.
10 Ι.	20 Κ.	30 Λ.	40 Μ.	50 Ν.	60 Ξ.	70 Ο.	80 Π.	90 Ϛ.
100 Ρ.	200 Σ.	300 Τ.	400 Υ.	500 Φ.	600 Χ.	700 Ψ.	800 Ω.	900 ϛ.

Quod si alicui harum literarum subfignetur uirgula toni acuti, tunc totidē millenarios significat, ut in his exemplis:

1000. Α	10000. Ι	100000. Ρ
------------	-------------	--------------

Tertio modo sex duntaxat literis designandis numeris Græci utūtur, uidelicet: π, pro unitate: η, pro quinario, quia caput est dictionis πεντε, hoc est quin- q; Δ, pro denario, à δέκα; Η, pro centenario, ab εκατόν; Χ, pro millenario, à uoce χίλια; Μ, pro decē milibus, à μυρία. Ex quibus sex literis suo modo usq; ad quatuor numero iunctis, uel aliis adiunctis, ceteros numeros formant, præter π, quæ non multiplicatur, nec sibi iūgitur, sed semper aliorum quinariorum significatur, in sequentibus exemplis patet:

1 ι.	2 ιι.	3 ιιι.	4 ιιιι.	5 π.	6 πι.	7 πιι.	8 πιιι.	9 πιιιι.
10 Δ.	11 Δι.	12 Διι.	13 Διιι.	14 Διιιι.	15 Διπ.	16 Δπι.	20 ΔΔ.	21 ΔΔι.
50. Δ	60. ΔΑ.	100. Η.	200. ΗΗ.	5000. Η	1000. Χ.	5000. ΧΙ.	10000. Μ.	50000. ΜΜ.

De notis Hebræorum & Chaldæorum, & quibusdam aliis Magorum notis.

Caput XIX.



Hebræorum etiam literæ numerorum notas habent, sed longè excellentius quàm ulla aliarum linguarum, cum maxima lateāt in Hebraicis numeris mysteria, sicuti de his tractatur in ea parte Cabalæ, quā Notariacon uocāt. Sunt aut Hebræorū literæ numero uiginti duæ principales, quarū quinque alias quasdam diuersas figuras in fine dictionis sortiuntur, quas iccirco quinque finales uocant: quæ superioribus additæ, uiginti septem constituunt: quæ deinde in tres gradus partite, quæ in primo gradu sunt, unitates referunt: quæ in secundo, denarios: quæ uero in tertio gradu sunt, cētenarios significant: quælibet autē illarū, si grandi depingatur charactere, totidem significat millenarios, ut hic:

3000. ל	2000. כ	1000. ק
------------	------------	------------

Classes autem numerorum Hebraicorum sunt istæ:

9.	8.	7.	6.	5.	4.	3.	2.	1.
ט	ח	ז	ו	ה	ד	ג	ב	א
90.	80.	70.	60.	50.	40.	30.	20.	10.
צ	פ	ע	ם	נ	מ	ל	כ	י
900.	800.	700.	600.	500.	400.	300.	200.	100.
ף	ך	ץ	ם	ן	ת	ש	ר	ק

Sunt tamen qui finalibus literis non utuntur, sed pro illis sic scribunt:

1000.	900.	800.	700.	600.	500.
ת	קת	ת	שת	ר	ק

Et ex istis simplicibus figuris earum combinatione & cōpositione reliquos omnes compositos numeros describūt, ut undecim, duodecim, centum & decem, centum & undecim, addendo denario quæ unitatum sunt: similiter & reliquis suo modo. Tamen decimum quintum numerum, nō per decem & quinq; sed per nouem & sex scribunt, sic scilicet ¹⁰, idq; ob reuerentiam diuini nominis ⁷, quod quindecim importat, ne sacro nomine ad prophana aliquando abuti contingat. Habentq; & Aegyptii & Aethiopes, & Chaldæi & Arabes suas numerorum notas, quæ & ipse sapissime inter magicos characteres occurrunt: has igitur qui nosse uelit, apud harum literarum peritos requirat. Chaldæi nanq; alphabeti sui literis numeros, Hebræorum more, signant: eorum alphabetum in fine primi libri adnotauimus. Inueni præterea in duobus antiquissimis libris astrologicis & magicis, quasdam elegantissimas numerorum notas, quas huc etiam subiungere decreui: erant autē in utroq; uolumine tales:

1.	2.	3.	4.	5.	6.	7.	8.	9.
Г	Т	І	У	Ѳ	Р	Г	У	Р


Istis aut̃ notis in sinistris latus conuersis, cōstituuntur denarij, hoc modo:

10.	20.	30.	40.	50.	60.	70.	80.	90.
7	1	1	4	1	1	7	4	9

Rurfusq; notis illis deorsum conuerfis, in dextro latere, centenarios: in sinistro, millenarios dabunt, ita uidelicet:

100. 200. 300. 400. 500. 600. 700. 800. 900.

1000. 2000. 3000. 4000. 5000. 6000. 7000. 8000. 9000.



Atq; ex harum notarum compositione & mixtione, ceteri quoq; mixti & compositi numeri elegantissime exeunt, sicut hoc in his paucis facile deprehendi potest.


1510.

1511.

1471.

1486.

3421.



Ad quorum exemplum & in reliquis compositis procedendum est: arque hæc de notis numerorum hæcenus satis sint.

Qui numeri literis attribuantur, atq; de diuinatione per eosdem. Caput XX.



Radunt Pythagorici, adfentiunt Aristoteles & Ptolemæus, ipsa literarum elementa certos quosdam diuinosq; possidere numeros, per quos ex propriis rerum nominibus in summā collectos, de rebus occultis futurisq; eliciamus sententiam.

Vnde hanc diuinationis speciem Arithmātiā uocant, quia uidelicet per numeros fit, sicut de illa meminit Terentianus in his uersibus:

Et nomina tradunt ita literis peracta,
Hæc ut numeris pluribus, illa sint minutis,
Quandoq; subibunt dubiæ pericla pugna:
Maior numerus qua steterit, fauere palmam:
Præfagia læti minima patere summa.
Sic & Patroclum Hæctorea manu perisse,
Sic Hæctora tradunt cecidisse mox Achilli.

Ait etiam Plinius, Pythagorę inuentis datum, impositiuorum nominum imparem uocalium numerum, clauditates oculorum uel orbitatem, ac similes casus, si sint dextris adsignare partibus: parem uero numerum leuissimum docuitq; Alchandrinus philosophus, quomodo ex literarum numeris etiam natorum horoscopia dominatricesq; stellas inuenire poterimus, quisq; inter uirum & uxorem prior moriturus sit aut superuiuenturus, ceterorumq; operum nostrorum prosperos infelices uel euentus, eiusque traditiones hic subiungere libuit etiam à Ptolemæo astrologo non improbatas. Sed qui numeri singulis literis deputentur, superius in Græcis & Hebraicis ostendimus, diuiso Alphabeto in tres classes, quarum prima est unitatum, secunda denariorum, tertia centenariorum. Cumque in Romano alphabeto ad complementum uigintiseptem characterum desint quatuor, illorum locum suppleant i & u consonantes simplices, ut in Iohannes &

Arithman
tia, diuina
tionis spec
ies.

Valentinianus nominibus: deinde hi & hu consonantes aspirata, ut in Hieronymus & Huilhelmus, licet Germani pro hu aspirato, duplici w utantur, Itali uero & Galli in suo uulgari g cum u coniunctum loco eius ponunt, sic scribentes, Vuilhelmus & Guilhelmus.

1. 2. 3. 4. 5. 6. 7. 8. 9. 10. 20. 30. 40. 50. 60. 70. 80. 90.
A. B. C. D. E. F. G. H. I. K. L. M. N. O. P. Q. R. S.

100. 200. 300. 400. 500. 600. 700. 800. 900.

T. V. X. Y. Z. I. V. HI. HV.

Planetarum
numeri.

Signorum
zodiaci
numeri.

Quod si nunc scire desideras nati alicuius dominatricem stellam, computa nomen suum & utriusque parentis sui per singulas literas secundum numerum superscriptum, collectamque totius summam diuide per nouenarium, subtrahendo illum quoties potueris: & si remanserit unitas, aut quaternarius, uterque solē indicat: si uero binarius aut septenarius, uterque signat lunam. Ceterum ternarius, Iouem: quaternarius, Mercurium: senarius, Venerem: octonarius, Saturnum: nouenarius, Martem notant, & eius rationes ostenduntur alibi. Simili ratione si nati alicuius horoscopo scire desideras, computa nomen illius, & nomen matris suæ & patris sui, & summam totam collectam diuide per duodenarium: si restabit unitas, Leonem notat: si lunonia dias, aquarium: si ternarius Vestalis, capricornum: si quaternarius, sagittarium: si quaternarius, cancrum: si Venerius senarius, taurum: si Palladius septenarius, arietem: si Vulcanius octonarius, libram: si Martius nouenarius, scorpium: si denarius, uirginē: si undenarius pisces: si Phœbeus duodenarius, geminos repræsentabunt: & horum rationes etiam alibi redditæ sunt. Nemo autem miretur, per numeros nominū multa prognosticari posse, cum testibus Pythagoricis philosophis & Hebræorum cabalistis, in illis numeris lateant occulta aliqua mysteria à paucis intellecta: omnia enim numero, mensura, pondere creauit altissimus, à quibus & literarum & nominum ueritas originem ducit, quæ non casu sed certa (licet nobis ignota) ratione instituta sunt. Hinc Ioannes in Apocalypsi ait: Qui habet intellectum, computet numerum nominis bestię, qui est numerus hominis. Hæc tamen non de illis nominibus, quæ dissonans discrepantia nationum ac diuersi gentium ritus, pro locorum causis cultibusque hominibus imposuerunt, sed quæ nascēti cuilibet ab ipso cœlo sydereā cōpaginatione inspirata sunt, quæque ex cuiusque genesi elicere Hebræorū Mæcubales atque Aegyptiorum sapientes olim docuerunt.

Qui numeri quibus diis sacri sunt, & qui quibus elementis adscripti. Caput XXI.



Unitas.

Am uero etiam & elementis & cœlestium numinibus sacros numeros Pythagorici dedicauerunt: nam æri octonarium: igni, tetractyn: terræ, senarium: aquæ duodenarium assignauerunt. Præterea competit unitas Soli, qui unicus stellarum rex

est, in quo posuit deus tabernaculum suum: hanc etiam Iouis esse, idealis illius intellectualisq; speciei uis causatiua testatur, qui idem caput & pater est deorum, sicut monas principium & parens numerorum. Dualitas uero datur lunæ, quæ secundum luminare est, & animam mundi figurat, uocaturq; Iuno, quod inter eam & monadem prima coniunctio est, consortiumq; cōsimile. Datur & Saturno & Marti, duabus apud astrologos infortunis. Sic ternarius cōpetit Ioui, Soli & Veneri, tribus uidelicet fortunis: & deputatur Vestæ & Hecatæ & Dianæ: hinc dicunt,

Tergeminam Hecaten, tria uirginis ora Dianæ.

Trias ergo dedicata est huic uirgini, quam dicunt cælo Ereboq; potentem. Quaternarius ipse Solis est, qui eo numero cæli cardines constituit, temporaq; discernit: deputatur etiam Cyllenio, quod quadratus deus solus habetur. Quinarius ex primo pari & primo impari, uelut ex fœmineo & masculino utroq; sexu constans, adsignatur Mercurio: etiam mundo cœlesti attribuitur, qui super quatuor elementa ipse sub alia forma est quintus. Senarius qui ex triade per diadem ducta confertur, uelut ex utriusq; sexus commixtiōe, à Pythagoricis genesi nuptiisq; accommodatus, pertinet ad Venerem & Iunonem. Septenarius quietis numerus, Saturni est: idem etiam lunæ motum lumenq; dispensat, ideoq; Tritoniæ uirginis uocabulum possidet, quia nihil gignit: Mineruæ adsignat, quod à nullo nascit: Palladi quoq; uiragini, quia ex numeris tam masculis q̃ fœmineis cōstat. Hūc Plutarchus etiā dat Apollini. Octonarius ob iustitiæ sacramentū Iouis est: dicatur etiā Vulcano, nā ex primo motu & diade quæ Iuno est, in se bis ducta, constat: etiam matri deum Cybelæ attribuitur, cui omnis cubus tribuitur. Plutarchus illū Baccho seu Dionysio adsignat, qui ipse octauo mēse natus dicitur: alii, quoniā octimestres partus uitales non sunt, Saturno atq; Parcis illum constituerunt. Nouenarius ad lunam omnium cœlestium influxuū uirtutumq; ultimum receptaculū pertinet, non minus & nouē Musis dicatus, tum etiā Marti, à quo finis omnium rerum. Denarius numerus circularis, ea ratione quæ monas ad Solem spectat, datur etiam Iano, quia primi uersus finis, secundæ monadis implet auxilium: insuper etiam mundo adsignatur: similiter & duodenarius, quia sol duodecim signa permeās annū duodecim mēfibus distribuit, mūdo & cælo & soli attribuitur. Vndenarius uero, quia semicircularis est, attribuitur lunæ, & deputatur etiam Neptuno.

De Planetarum mēsulis, earumq; uirtutibus & formulis, & quæ illis præficiantur, diuina nomina, intelligētiæ & dēmonia. Cap. XXII.



Raduntur insuper à magis quædam numerorū mensulæ, planetis septem distributæ, quas planetarum sacras tabulas uocāt multis admodum magnisq; cœlestium uirtutibus insignitas, quatenus repræsentāt diuinā illam cœlestiū numerorum rati-

Dualitas.

Ternarius

Quaternarius.

Quinarius.

Senarius.

Septenarius.

Octonarius.

Nouenarius.

Denarius.

Duodenarius.

Vndenarius.

onē à diuinę mētis ideis per rationē animę mundi cœlestibus impressam, il-
lorumq; suauissimā cœlestiū radorū harmoniā, secundū effigierū propor-
tionē, intelligentias supra mundanas consignificantīū, quę aliter exprimi
nō possunt, quām per notas numerorū & characterum: nihil enim materia-
les numeri & figurę possunt in mysteriis rerū abditarū, nisi representatiue p
numeros & figuras formales, quatenus reguntur & informantur ab intelli-
gētiis & numerationibus diuinis, quę nectunt extrema materię atq; spiritus
ad uoluntatē animę eleuatę, per magnū affectum operātis cœlesti uirtute,
potestatē accipiēs à deo, per animam uniuersi & cœlestiū cōstellationū ob-
seruationes in materiam applicatā ad formā cōuenientem, dispositis mediis
solertia & sciētia magicali: sed nunc ad tabulas singulatim explicandas pro-
peremus. Harum prima Saturno adsignata, ex quadrato ternario cōstat, cō-
tinēs numeros particulares nouem, & in qualibet linea tres quaq; uersum, &
per utrūq; diametrum constituētes quindecim: tota autem numerorū sum-
ma, quadraginta quinq;. Huic ex diuinis nominibus præficiūtur, prædictos
numeros implentia nomina, cum intelligētia ad bonū & dæmonio ad ma-
lū: eliciturq; ex eisdem numeris signaculū siue character Saturni & spiritū
eius, quales inferius suę tabulę adscribemus. Dicūt hanc tabulā fortunato
Saturno in lamina plumbea sculptā, adiuuare partum, reddere hominē tu-
tū & potentē, atq; p̄stare successus petitionū apud principes & potestates: si
uero infortunato Saturno fiat, impedire ædificia & plātationes & cōsimilia
hominū, deiicere ab honoribus & dignitatibus, gignere rixas & discordias, &
dispergere exercitus. Secūda dicitur tabula Iouis, quę cōstat quaternario in
se ducto, continēs numeros, particulas sexdecim, & in quauis linea atq; dia-
metro quatuor, cōstituētes triginta quatuor: omniū autē summa centūtri-
ginta sex. Et præ sunt illi nomina diuina cum intelligētia ad bonū, cū dæmo-
nium ad malū, & elicitur ex ea character Iouis & spiritū eius. Ferūt illam si
Ioue potente dominatēq; argēteę laminę fuerit impressa, conferre lucrum
& diuitias, gratiā & amorē, pacem & cōcordiā hominū, & placare inimicos,
confirmare honores & dignitates & consilia: & dissoluere maleficia, si in co-
rallio insculpta fuerit. Tertia tabula ad Martē spectat, quę quinario quadra-
to cōstituit, cōplectens nūeros XXV. & ex his in quouis latere & diametro
quinq;, qui faciūt sexaginta quinq;: & oīm sūma est CCCXXV. Et præ sunt il-
li nōia diuina cū intelligētia ad bonū, & dæmonio ad malū, & elicit ex ea cha-
racter Martis & spiritū ei. Hęc fortunato Marte in lamina ferrea aut ense
sculpta, potentē facit in bello, & iudiciis, & petitionibus, & terribilem aduer-
sariis suis, & uictoriā præstat aduersus hostes: & si in lapide corneola sculpta
sit, stringit sanguinē & mēstrua: si uero infortunato Marte sculpatur in la-
mina æris rubri, impedit ædificia, deiicit potētes à dignitatibus & honoribus
& diuitiis, generat discordiā & lites & odia hominum & bestiarū, fugat apes
& columbas & pisces, & impedit molendina, & infortunat euntes ad uenati-

Saturni ta-
bula.Iouis tabu-
la.Martis ta-
bula.

ones & prælia, & generat sterilitatem in uiris & mulieribus & ceteris animantibus, aduersariisq; omnibus timorem incutit, & ad reuerentiam exhibendā compellit. Quarta tabula solis, ex quadrato senario constituta est, & continet numeros triginta sex, quorum sex in quolibet latere & diametro, produ-
cunt centum & undecim, & summa omnium sexcentum sexaginta sex. Præ-
sunt illi nomina diuina cum intelligentia ad bonum, & dæmonio ad malū,
& eliciuntur ex ea characteres solis & spirituum eius. Hæc fortunato sole in
lamina aurea sculpta, reddit gestantē gloriosum, amabilem, gratū, potentē
in oībus operibus, & cōparat hominē regibus & principibus, eleuās eum ad
sublimia fortune fastigia, impetrare faciēs quicquid uoluerit: sole autē infor-
tunato, facit tyrannū, superbū, ambitiosum, inexplēbilē, & malo fine termi-
nantē. Quinta tabula Veneris est, constans septenario in se ducto, numeris
uidelicet quadragintanouē, quorū septē in omni latere & diametro constitu-
unt centū & septuagintaquinq; & summa omniū mille ducēta uiginti q;.
Et præsent illi nomina diuina cū intelligentia ad bonū, & dæmonio ad ma-
lū, & elicit ex ea character Veneris & spiritū eius. Hæc fortunata Venere in
lamina argenti sculpta, conciliat concordia, dirimit lites, largit amores mu-
lierū, confert ad conceptū, pellit sterilitatē, reddit potētes in coitu, & dissol-
uit maleficia, & pacem generat inter uirū & mulierē, & quorūcunq; anima-
liū & pecorū greges copioso partu fœcundat: & posita in columbari, multi-
plicat columbas. Confert aduersus omnes ægritudines melancholicas, & ge-
nerat lætitiā, & gestata fortunat itinerantes: quod si infortunata Venere in
ære formetur, omnibus prædictis cōtraria facit. Sexta tabula Mercurii est,
ex octonario in se ducto resultās, numeros cōtinēs sexagintaquatuor, quorū
octo in quouis latere & per utrūq; diametrū faciūt ducēta & sexaginta: & sū-
ma oīm duo milia octoginta. Et p̄sunt illi nōia diuina cū intelligētia ad bo-
nū, & dæmonio ad malū, & elicit ex ea character Mercurii & spiritū eius: &
si fuerit Mercurio fortunato sculpta in argēto uel stāno, uel ære citrino, uel
inscripta in p̄gameno uirgineo, reddit gestantē gratū, fortunatū ad impetrā-
dū quicqd uoluerit: cōfert lucrū & pellit inopiā, cōfert memoriā & intellectū,
& diuinationē, & notitiā occultorū per somnia: & si fuerit Mercurius infor-
tunatus, facit his omnibus contraria. Septima tabula Lunæ est, constans ex
nouenario in se multiplicato, habēs numeros octoginta & unū, in quolibet
latere & diametro nouē, producentes tercetum sexaginta nouem: & omniū
summa est, tria milia trecenta & uiginti unū. Et præsent illi nomina diuina
cum intelligentia ad bonum, & dæmonio ad malum: & eliciuntur ex ea cha-
racteres Lunæ & spiritū eius. Hæc fortunata Luna in argento sculpta, facit
gestantem gratum, amabilem, iucundum, alacrem, honoratum, auferens
omnem malitiam & malam uoluntatem: præstat securitatem in itinere, &
profectum diuitiarum, & corporis sanitatem, & pellit inimicos & alias res
nociuas de quocunq; loco uolueris: & si Luna infortunata fiat in lami-

Solis tabu-
la.Veneris ta-
bula.Mercurij
tabula.Lunæ tabu-
la.

na plumbea, ubicunq; fuerit subhumata, infortunat locum illum, & habitātes & conuersantes in eo: similiter naues, fontes, flumina, molēdina: & infortunat omnem hominem, aduersus quem rite facta fuerit, faciens illum profugum de terra & patria sua, & è loco mansionis suæ ubi subhumata fuerit: & impedit medicos & oratores, & quoscunque homines in officio suo cōtra quos fuerit fabricata. Qualiter autem eliciantur signacula & characteres cū stellarum tum spirituum ex istis mensulis, sagax scrutator, & qui harum mensularum uerificationem intellexerit, facile inuenire poterit.

Nomina diuina respondentia numeris Saturni.

| | | | |
|-----|--------------------------|------------------------|------------|
| 3. | Ab. | | אב |
| 9. | Hod. | | הוה |
| 15. | Iah. | | יה |
| 15. | Hod. | | הוה |
| 45. | Tetragrammaton extensum. | | יהוה ואוהא |
| 45. | Agel. | Intelligentia Saturni. | אגיל |
| 45. | Zazel. | Demonium Saturni. | זזל |

Nomina diuina respondentia numeris Iouis.

| | | | |
|------|-----------|----------------------|--------|
| 4. | Abba. | | אבא |
| 16. | | | הוה |
| 16. | | | אחי |
| 34. | El Ab. | | אל אב |
| 136. | Iohphiel. | Intelligentia Iouis. | יהפיאל |
| 136. | Hishmael. | Demonium Iouis. | הסמאל |

Nomina respondentia numeris Martis.

| | | | |
|------|---------------------------|-----------------------|---------|
| 5. | He litera nominis sancti. | | ה |
| 25. | | | יהי |
| 65. | Adonai. | | אדני |
| 325. | Graphiel. | Intelligentia Martis. | גראפיאל |
| 325. | Barzabel. | Demonium Martis. | ברצאבאל |

Nomina respondentia numeris Solis.

| | | | |
|------|-------------------------------------|----------------------|-------|
| 6. | Vau, litera nominis sancti. | | ו |
| 6. | He extensum, litera nominis sancti. | | הא |
| 36. | Eloh. | | אלה |
| 111. | Nachiel. | Intelligentia Solis. | נכיאל |
| 666. | Sorath. | Demonium Solis. | סורת |

Nomina respondentia numeris Veneris.

| | | | |
|-------|---------------|------------------------|-----------|
| 7 | | | אהא |
| 49. | Hagel. | Intelligentia Veneris. | הגיל |
| 157. | Kedemel. | Demonium Veneris. | קדמאל |
| 1252. | Bne Seraphim. | Intelligentia Veneris. | בני שרפים |

Nomina respondentia numeris Mercurii.

| | | | |
|-------|------------------------------|-------------------------|---------|
| 8. | Asboga. Ostonarius extensus. | | אזכונה |
| 64. | Din. | | דין |
| 64. | Doni. | | דני |
| 260. | Turiel. | Intelligentia Mercurij. | טיריאל |
| 2080. | Taphthartharath. | Demonium Mercurij. | תפתרתרת |

LIBER SECVNDVS,
Nomina respondentia numeris Lunæ.

CXLIX.



| | | |
|------|---|-----------------------------|
| 9 | Hod | הר |
| 81 | Elim | אלים |
| 369 | Hafmodai, Dæmonium Lunæ. | חשמודאי |
| 3321 | Schedbarschemoth Schartathan, Dæmonium dæmoniorum Lunæ.
Intelligentia intelligentiarum Lunæ. | שדברשהמעשתתן |
| 3321 | Malcha betharsifim hed beruah schehakim, | מלכא בתרשיתים עד ברוח שתקים |

Tabula Saturni in abaco.

| | | |
|---|---|---|
| 4 | 9 | 2 |
| 3 | 5 | 7 |
| 8 | 1 | 6 |

Saturni.

Signacula siue characteres,
Intelligentiæ Saturni.



In notis Hebraicis.

| | | |
|---|---|---|
| ר | ט | ב |
| ג | ה | ז |
| ח | א | ו |

Demonij Saturni.





Tabula Iouis in abaco.

| | | | |
|----|----|----|----|
| 4 | 14 | 15 | 1 |
| 9 | 7 | 6 | 12 |
| 5 | 11 | 10 | 8 |
| 16 | 2 | 3 | 13 |

Iouis.


Signacula siue characteres
Intelligentiæ Iouis.



In notis Hebraicis.

| | | | |
|----|----|----|----|
| ר | י | טו | א |
| ט | ז | ו | יב |
| ה | יא | י | ח |
| יז | ב | ג | יג |

Demonij Iouis.





n iii

Tabula Martis in abaco.

| | | | | |
|----|----|----|----|----|
| 11 | 24 | 7 | 20 | 3 |
| 4 | 12 | 25 | 8 | 16 |
| 17 | 5 | 15 | 21 | 9 |
| 10 | 18 | 1 | 14 | 22 |
| 23 | 6 | 19 | 2 | 15 |

In notis Hebraicis.

| | | | | |
|----|----|----|----|----|
| יא | כר | ז | כ | ג |
| ד | יב | כה | ח | יו |
| יז | ה | יג | כא | ט |
| י | יה | א | יד | כב |
| כג | ו | יט | ב | יה |

Signacula siue characteres,
Intelligentie Martis.

Dæmonij Martis.





Tabula Solis in abaco.


| | | | | | |
|----|----|----|----|----|----|
| 6 | 32 | 3 | 34 | 35 | 1 |
| 7 | 11 | 27 | 28 | 8 | 30 |
| 19 | 14 | 16 | 15 | 25 | 24 |
| 18 | 20 | 22 | 21 | 17 | 13 |
| 25 | 29 | 10 | 9 | 26 | 12 |
| 36 | 5 | 33 | 4 | 2 | 31 |

In notis Hebraicis.

| | | | | | |
|----|----|----|----|----|----|
| ו | לב | ג | לד | לה | א |
| ז | יא | כו | כה | ח | ל |
| יט | יד | יו | יה | כג | כר |
| יח | כ | כב | כא | יז | יג |
| כה | כט | י | ט | כו | יב |
| לו | ה | גל | ד | ב | לא |

Signacula siue characteres
Intelligentie Solis.

Dæmonij Solis.



LIBER SECVNDV S.





Tabula Veneris in abaco.

| | | | | | | |
|----|----|----|----|----|----|----|
| 22 | 47 | 16 | 41 | 10 | 35 | 4 |
| 5 | 23 | 48 | 17 | 42 | 11 | 29 |
| 30 | 6 | 24 | 49 | 18 | 36 | 12 |
| 15 | 31 | 7 | 25 | 43 | 19 | 37 |
| 38 | 14 | 32 | 1 | 26 | 44 | 20 |
| 21 | 39 | 8 | 33 | 2 | 27 | 45 |
| 46 | 15 | 40 | 9 | 34 | 3 | 28 |

Tabula Veneris in notis Hebraicis.

| | | | | | | |
|----|----|----|----|----|----|----|
| כב | מו | יו | מא | ז | לה | ד |
| ה | כג | מה | יז | מב | יא | כט |
| ל | ו | כד | מט | יה | לו | יב |
| יג | לא | ז | כה | מג | יט | לז |
| לה | יד | לב | א | כו | מר | כ |
| כא | לט | ח | לג | ב | כז | מה |
| מו | יה | ט | ש | לד | ג | כה |

CLL.
Signacula siue characteres



ת וו

Tabula Mercurij in abaco.


| | | | | | | | |
|----|----|----|----|----|----|----|----|
| 8 | 58 | 59 | 5 | 4 | 62 | 63 | 1 |
| 49 | 15 | 14 | 52 | 53 | 11 | 10 | 56 |
| 41 | 23 | 22 | 44 | 45 | 19 | 18 | 48 |
| 32 | 34 | 35 | 29 | 28 | 38 | 39 | 25 |
| 40 | 26 | 27 | 37 | 36 | 30 | 31 | 33 |
| 17 | 47 | 46 | 20 | 21 | 43 | 42 | 24 |
| 9 | 55 | 54 | 12 | 13 | 51 | 50 | 16 |
| 64 | 2 | 3 | 61 | 60 | 6 | 7 | 57 |

Tabula Mercurij in notis Hebraicis.


| | | | | | | | |
|----|----|----|----|----|----|----|----|
| ח | נה | נט | ה | ר | סב | סג | א |
| מט | יה | יר | גב | גג | יא | י | נו |
| מא | כג | כב | מר | מה | יש | יח | מח |
| לב | לר | לה | כט | כח | לח | לט | כה |
| מ | כו | כז | לז | לח | ל | לא | לג |
| יז | מז | מו | כ | כא | מג | מב | כר |
| ט | נה | נר | יב | יג | נא | נ | יו |
| סר | ב | ג | סא | ס | ו | ז | נו |

Signacula siue characteres

Mercurij.



Intelligentie Mercurij.



Demoniū Mercurij.



LIBER SECVNDVS.

Tabula Lune in abaco.


| | | | | | | | | |
|----|----|----|----|----|----|----|----|----|
| 37 | 78 | 29 | 70 | 21 | 62 | 13 | 45 | 5 |
| 6 | 38 | 79 | 30 | 71 | 22 | 63 | 14 | 46 |
| 47 | 7 | 39 | 80 | 31 | 72 | 23 | 55 | 15 |
| 16 | 48 | 8 | 40 | 81 | 32 | 64 | 24 | 56 |
| 57 | 17 | 49 | 9 | 41 | 73 | 33 | 65 | 25 |
| 26 | 58 | 18 | 50 | 1 | 42 | 74 | 34 | 66 |
| 67 | 27 | 59 | 10 | 51 | 2 | 43 | 75 | 35 |
| 36 | 68 | 19 | 60 | 11 | 52 | 3 | 44 | 76 |
| 77 | 28 | 69 | 20 | 61 | 12 | 53 | 4 | 45 |

Tabula Lune in notis Hebraicis.


| | | | | | | | | |
|----|----|----|----|----|----|----|----|----|
| ה | מ | ה | יג | כב | כא | ע | כט | ע |
| מו | יד | סג | כב | עא | ל | עט | לח | ו |
| יה | גה | כג | עב | לא | פ | לט | ז | מז |
| נו | כד | סד | לב | פא | מ | ח | כח | יו |
| כה | סה | לג | עג | מא | ט | כט | יו | גז |
| סו | לד | עד | מב | א | ג | יה | גח | כו |
| לה | עה | מג | ב | נא | י | גט | כו | סז |
| עו | מד | ג | גב | יא | ס | יט | סח | לו |
| מה | ד | נג | יב | סא | כ | סט | כח | עז |

CLIII.


Signacula siue characteres,
Lune.




Demonij Lune.



Demonij demoniorum Lune.



Intelligentie Intelligentiarum
Lune.



De Geometricis figuris atq; corporibus qua uirtute in magia pol-
leant, & quæ quibus elemētis conueniāt atq; cælo. Caput XXIII.



Figuræ etiam Geometricæ ex numeris ortæ, non minoris potē-
tiæ putantur. Ex his imprimis circulus respondet unitati atq;
denario, nam unitas omnium rerum centrum atq; circumferē-
tia est: ipseq; denarius coaceruatus in unitatem redit, à qua ex-
ordium habuit, numerorum omnium finis & complementum: diciturque
circulus linea infinita, in qua nō est terminus à quo, nec terminus ad quem,
cuius principium & finis est in quolibet pūcto: unde & motus circularis dici-
tur infinitus, non quidem quo ad tempus, sed quo ad ubi. Hinc circularis fi-
gura omnium amplissima & perfectissima, ligationibus & exorcismis aptis-
sima censetur. Vnde qui malos dēmones adiurant, circulo sese communire
solent. Ipse, etiam pentagonus cum uirtute quinarīi numeri mirandum in
malos dēmones habet imperiū, tum ex lineatura sua qua habet intus quin-
que angulos obtusos, & extra quinque acutos, quinque triāgulorum hexagono-
rum, quibus circundatur. Interior pentagonus magna in se continet myste-
ria, quod ita etiam de cæteris figuris, triangulo, quadrangulo, hexagono, he-
ptagono, octogono & reliquis inquirendum & intelligendum est, quarum
plures quatenus multiplicibus diuersisq; intersectionibus constituuntur, di-
uersas etiam nanciscuntur significationes atq; uirtutes, iuxta diuersimodum
linearum numerorumq; ductum & proportionem. Figuram autem crucis
Aegyptii atq; Arabes summam potentiam habere confirmabant, quodque
sit omnium cœlestium uirium atq; intelligentiarum firmissimum recepta-
culum, quia ipsa sit figura omniū rectissima, continens quatuor angulos re-
ctos, sitq; prima superficiei descriptio, habens lōgitudinem & latitudinem:
dicebantq; eam cœlestium fortitudine conspiratam, quia eorum fortitudo
per rectitudinem angulorum atq; radiorum resultat: suntq; stellæ tunc ma-
xime potentes, quando in figura cœli quatuor obtinent cardines, atq; radio-
rum suorum in seinuicem proiectione crucem constituunt. Habetq; præ-
terea (quod supra ostendimus) cum quinario, septenario, nouenario poten-
tissimis numeris maximam conuenientiam. Ab Aegyptiis etiam sacerdo-
tibus ab initio religionis inter sacras literas relata fuit, uitam futuræ salutis
apud eos allegoricè significans. Fuit etiā Serapidis pectori impressa, & apud
Græcos magna ueneratione habita. Verū quod hic ad religionem attinet,
discutiemus alibi. Illud aduertendum est, quicquid mirificum operantur fi-
guræ, quando à nobis in chartis, uel laminis uel imaginibus inscribuntur, id
non agūt nisi per uirtutem ipsis acquisitam à figuris sublimioribus, ex amo-
re quodam quem naturalis aptitudo aut similitudo cōparat, quatenus ada-
mum ad illas configurantur, quemadmodum ex opposita pariete causa-
tur echo, atq; in speculo concauo collectio radiorum solarium, quos postea
repercutiens in oppositum corpus uel lignum uel aliud combustibile, pro-

Crucis fi-
gura per-
fectissima.

Crucis fi-
gura po-
tentia.

rinus comburat: siue quemadmodum cithara causat reboatum in alia cithara, non nisi quia figura conformis & consimilis è cōspectu sit posita, siue ut duæ in lyra fides æquo interstitio tractæ, & ad eandem intentionem temperatæ, quando pulsatur una, subito tremit & altera. Similiter & figuræ de quibus diximus, atq; characteres quicunq; concipiunt uirtutes figurarum cœlestium, quatenus dominatibus illis opportune fuerint rebus impressæ aut rite fabricatæ, tanquam conspiret figura ad consimilē figurā atq; exigat. Et sicut hæc de figuris dicta sunt, ita pariter etiā de Geometricis corporibus intelligenda sunt, quæ sunt sphæra, tetracedron, hexacedron, octocedron, icocedron, dodecacedron & consimiles. Neq; uero prætereundum est, quas figuras Pythagoras & illum secuti Timæus Locrus atq; Plato, elemētis & cœlis adsignarunt: nam terræ primū cubum, octo angulorum solidorum & uigintiquatuor planorum & sex basium, quadratum in forma tessere dederūt. Igni autem pyramidem quatuor basium triangulorum, & totidem angulorum solidorum & duodecim planorum tribuerūt. Aëri autem cōstituerūt octocedrontē, ex octo basibus triangulis & sex angulis solidis & uigintiquatuor planis, Aquæ deniq; adsignarunt icocedrontem, basium uiginti, angulorum solidorum duodecim. Cœlo autem dederunt dodecacedrontem, ex duodecim basibus pentagonis & uiginti angulis solidis, planis autem sexaginta. Harum autem figurarum & corporum uires, & eorum adinuicem respectus & proprietates qui nouerit, mirabilia multa operari poterit in magia naturali & perspectiua, maxime quidē in speculis: & ego noui ex illis miranda conficere, & specula in quibus quis uidere poterit quæcunq; uoluerit à longissima distantia.

Elementorum & cœli figura.
Terra.
Ignis.
Aëris.

Aquæ.
Cœli.

De Musicali harmonia eiusq; uiribus ac potentia. Caput XXIII.



Musicalis etiam harmonia non est syderum muneribus uiduata: est enim imitatrix omnium potētissima: quæ cum corpora cœlestia opportune insequitur, cœlestem influxum mirificè prouocat, omniumq; audientium affectus, intentiones, gestus, motus, actus atq; mores immutat, & ad suas proprietates subito prouocat, ut ad lætitiā uel lamentationem, ad audaciam uel tranquillitatem & ad similia, ipsas quoq; bestias, serpentes, uolucres, delphines ad auditum suæ modulationis prouocat. Sic aues fistulis alliciuntur, eisdem capiuntur cerui. Pisces in stagno Alexandria crepitu detinētur. Fides delphinis hominum amicitias persuasere. Cygnos Hyperboreos citharæ cantus adducit. Elephantēs Indicos organicæ uoces permulcent. Ipsa etiam elementa modulis gaudēt. Halesius fons, aliàs tranquillus & quietus, si insonent tibiæ, exultabūdus eleuatur, & ultra margines intumescit. Sunt in Lydia quæ Nymphæ insulæ nuncupant, quæ ad cantum tiliarum in medium stagnum à continenti procedentes, in circulum motæ choream ducunt, dehinc ad litora reuertunt. Eas

Laus can-
tus.

M. Varro se uidisse testatur. Et sunt istis mirabilia: nam in Attico litore mare citharam sonat. Megaris saxum quoddam ad singulos ictus fidicinat, adeò magna uis est Musica. Ipsa quidem animū mulcet, mentē erigit, præliatores ad bella incitat, & singulorum operum labores fatigationemq; solat. Lapsos & desperatos reuocat, uiatores confortat. Et dicūt Arabes, quòd cameli onera portantes confortantur canentibus ductoribus. Simili modo ferentes onera grauiā cantant, & abilitantur atque alleuiantur ex eo: cantus enim delectationem operatur & abilitationem, iracundos mitigat, tristes & anxios lætificat, discordes pacificat, phreneticorū rabiē temperat, uanas cogitationes dissipat: hinc est quòd morbos aliquos corporis & animi sic uel curari uel inferri posse, Democritus & Theophrastus affirmant. Sic legimus Terpandrum & Arionem Methymnæum, Lesbios & Iones ægrotantes sanasse: & Ismeniam Thebanum quamplurimos grauiſſimis morbis uexatos, concentibus curasse. Præterea Orpheum, Amphionem, Dauidem, Pythagoram, Empedoclem, Asclepiadem, Timotheum, concentibus atq; sonis mira quædā facere consueuisse: nunc enim assuetis modulis torpentes animos excitabant, nunc grauioribus tonis lasciuios, furentes, iratos cohibebant. Sic Dauid furentem Saulem cithara repressit. Sic Pythagoras luxuriosum adolescentem ab immoderata libidine reuocauit. Sic Timotheus Alexandrum regem excitauit in furorem, rursusq; repressit. Narrat Saxo Grammaticus in historia Danica de quodam musico, qui sonorum modulis tāta ui homines in amentia furorem se posse pertrahere iactabat, ut audientium nemo mente constare posset: cumq; regis iussu præstare effectum compelleretur, animorum habitus sonorum uarietate inflectere aggressus, inusitata seueritatis concentu edito, prima specie audientes ueluti mœstitia & stupore cōpleuit, deinde uegetioribus sonis seueritate in plausum permutata, ad iucundiores mentis statum petulantioresq; corporis motus gesticulationesq; inflectebat: postremo acrioribus modis ad tantum amentie spiritum concitauit, ut furor ad rabiem usq; & temeritatē processerit. Legimus etiam eos qui in Apulia à phalāgio tacti sunt, stupeſcere, exanimēsq; iacere, donec certum sonum audierint, quo quisq; suo auditu saltat aptè ad numerum ac cōualeſcit, atq; postea si post longum tempus consimilem sonum audierit, subito concitatur ad saltum. Et creditū est (Gellio teste) ischiacos cū maxime dolēt, tibiae modulis minui dolorē. Narrat idem ex Theophrasto, uiperarū morsibus adhibitū tibiae modulamen mederi: & Democritus ipse fatetur tibiā concentum plurimis hominum morbis fuisse medicinam.

De sono atque concentu, & unde illis mirabilitas in
operando. Caput XXV.



Sic præterea in sono uirtutem ad cœlestia dona capienda non negabimus, si cum Pythagora & Platone senserimus cœlū harmonica compositione constare, harmonicisq; tonis atq; motibus cuncta gubernare ac efficere: cantus quàm instrumentalis sonus plus potest, quatenus præter harmonicum concentum, ex mentis cōceptu ac imperioso phantasiae cordisq; affectu proficiscēs, simulq; cū aëre fracto ac temperato aëreum audiētis spiritum, qui animę atq; corporis uinculū est, motu facile penetrans, affectum animūq; canentis secū trāsferens, audientis affectū mouet affectu, phantasiā afficit phantasia, animū animo, pulsātq; cor, & usq; ad penetralia mentis ingreditur, sensim quoq; mores infundit: mouet præterea membra atq; sistit, corporisq; humores. Hic in mouendis affectibus tantum confert harmonia, ut non modo naturalis, sed etiam artificialis & uocalis uim animis atq; corporibus inferāt. Necesse est autem omnes concentus ex conuenientibus fundamentis procedere, siue in fistulis, siue in uocibus sint, si in unum debeant conuenire. Neque enim rugitum leonum, mugitum bouum, hinnitum equorum, ruditum asini, grunnitum porci quis conuenire faciet: nec ex lupi & agni neruis factę fides in consonātiā aliquam deduci possunt, quia eorum dissona sunt fundamenta. Conueniunt tamen multorum hominū uoces uarięq; quia unicum secundum speciem est ipsis fundamentū. Conueniunt & multę aues, quia unicum illis propinquum genus & à superis symbolum. Conueniunt & artificialia instrumenta & cum uocibus naturalibus, quia utrobique similitudo, aut uera & expressa, aut per analogiam quandam. Omnis autem concentus, sonorum aut uocum est: sonus spiritus est, uox est sonus & spiritus animatus, sermo est spiritus cum sono & uoce aliquid significāte prolatus, cuius spiritus cum sono & uoce ex ore procedit. Chalcidius ait uocem ex penetrali pectoris & cordis gremio mitti, nitente spiritu, quā neruis oblitus limines interiectus cor à pulmone secernitur, utroque & uitalibus cæteris, quod faucium angustias pulsante formantēq; lingua, & cæteris uocalibus organis, articulatos edi sonos, sermonis elementa, quo quidem interprete mentis arcani motus aperiantur. Verum Lactantius ait, uocis rationem admodum obscuram esse, ut non sit comprehensum quomodo fiat, aut quid sit omnino. Tota deniq; musica in uoce & sono & auditu posita est. Sonus sine aëre audibilis fieri non potest: qui quum adeò necessarius sit auditui aër, tamen ut aër per se non est audibilis, nec ullo sensu attingi potest, nisi per accidens: neq; enim uisus uidet illum nisi coloratum, nec auditus nisi sonantem, nec odoratus nisi olētem, nec gustus nisi sapidum, nec tactus nisi calidum aut frigidum aut eiusmodi: itaq; licet sonus sine aëre non fiat, non tamen est sonus de natura aëris, nec aër de natura soni, sed corpus uitę spiritus nostri sensitiui existit aër, & nō est naturę alicuius obiecti sensibilis, sed simplicioris & altioris uirtutis. Oportet autem animam sensitiuam aërem

*Musica in
quibus posi-
ta.*

uiuificare sibi cōiunctū, & in uiuificato & cōiuncto spiritui aëre sentire species obiectorū in actu positos, idq; in aëre uiuo: sed in diaphano & subtili species uisibiles, in communi audibiles, in grossiori species aliorū sensuū.

De conuenientia eorum cum cœlestibus: & qui concentus quiq;

soni singulis stellis respondent. Caput XXVI.



Aeterum nunc scias, quod ex planetis septem Saturnus, Mars atq; Luna plus uocis habent quàm cōcentus. Habet autem Saturnus uoces tristes, raucas, graues, tardas, & ueluti ad cētrum coartatos sonos: Mars uero asperas, acutas, minaces, ueloces, iracundas: inter has Luna obseruat medias. Iupiter uero, Sol, Venus atque Mercurius possident concentus: habet tamen Iupiter concentus graues, cōstantes, intentos, suaues, hilares & iucundos: Sol uenerabiles, intētos, puros, & cum gratia dulces: Venus aut lasciuos, luxuriosos, molles & uoluptuosos, & in circumferentia dissolutos dilatatosq;: Mercurius uero habet cōcentus remissiores, multiplices, & cum quadā strenuitate lētos & iocundos. Ex particularibus uero concentibus & proportionatis, tonus musis nouem obteperat. Iupiter habet gratiam uocis octauæ simul & quintæ, scilicet diapason cum diapente: Sol obtinet octauæ uocis melodiam, scilicet diapason, similiter per tonos quindecim disdiapason: Venus tenet gratiam uocis quintæ, scilicet diapente: Mercurius habet diatessaron, scilicet gratiam quartæ. Veteres præterea tetrachordi ueluti quatuor elementorum numero contenti, Mercurio inuentore quatuor neruos habuere, ut Nicomachus autor est, quorum hypate terrā, parhypate uel mese aquam, nete uel diezeugmenon aut hypboleos ignem: paranete uel synemmenon aërē resignare uoluerūt. Deinde uero Terpāder Lesbios septimā chordā inueniēs, illas planetarū numero æquauit. Præterea qui elementorū numerū secuti sunt, quatuor musicę genera illis simul atq; quatuor humoribus cōuenire dicebant, & Dorium aquæ & phlegmati, Phrygiū cholere & igni, Lydiū sanguini & aëri, mixolydium atræ bili & terræ cōsonare putabant. Alii ad cœlorū numerum uirtutemq; respicientes, Doriū Soli, Phrygiū Marti, Lydiū Ioui, mixolydium Saturno, hypophrygiū Mercurio, hypolydiū Veneri, hypodoriū Lunæ, hypomixolydiū cœlo stellato cōtribuerūt. Præterea cū his cōcentuū modis etiā musas & chordas ad cœlos referebār, sed nō eo ordine quo inter numeros & cœlorū aīas de nouē musis narrauimus: nā Thaliā musam dicunt concentū nō habere, silētio & terrę eā adscribētes: Clio aut cū Luna hypodoriū modū & chordā proslābanomenos mouēt: Calliope & Mercuriū hypophrygiū modū & chordā hypatehypaton possidēt. Terpsichore cū Venere hypolydiū & parhypatehypaton: Melpomene & Soli Dorium & lichanoshypaton coaptatur. Erato cū Marte Phrygiū & hypatemesen custodiūt. Euterpe & Ioui Lydius & parhypate meson cōueniūt. Polymnia & Saturnū mixolydiū & lichanos meson seruāt: Vranix ac cœlo stellato hypmixolydius modus atq; me-

ses chorda adscribunt, quæ ita in sequentibus uersibus expressa legimus:

Germinat in primo nocturna silentia cantu,
 Quæ terræ in gremio surda Thalia iacet.
 Persephone & Clio spirant, hypodorius ergo
 Nascitur, hinc ortum prosmeledes generat.
 Dat hypochorda sequens Phrygium, quem parturit ipsa
 Calliope, interpres parturit ipse deum.
 Tertius ostendit hypolydæ exordia neruus,
 Terpsichore occurrit, ordinat alma Paphis.
 Melpomene & Titan statuunt mihi crede modum, qui
 Dicitur in quarto Dorius esse loco.
 Vult Erato quintum Phrygio perscribere neruum,
 Mars quoque non pacem, prælia semper amans.
 Lydius Euterpes Iouis & modulamen habebit,
 Dulce tenens iussit sexta quod esse fides.
 Septeno Saturnus agit Polymnia neruum,
 Principium mixolydius unde capit.
 Vranix octauam dum perscrutatur amicam,
 Versat hypermixolydius arte polum.

Nonnulli etiam cælorum concentus ex eorundem adinuicem distantia rimantur: nam id spatium quod à terra ad lunam interiacet, uidelicet ceterum & uigintisex milia stadiorum Italicorum, toni interuallum facit: à luna autem ad Mercurium dimidium illius spatii facit semitoniū: tantundem ab illo ad Venerem facit aliud semitoniū: inde uero ad solem triplum quasi tonū & dimidium statuit diapente: à luna autem ad solem duplum cum dimidio faciens diatessaron: à sole uero ad Martem rursus tantū est interualli, quantum à terra ad lunam, faciens tonum: inde ad Iouem dimidiū illius aliud faciens semitonium: tantundem ab illo ad Saturnū etiam constituens semitoniū: à quo ad stellatum orbem iterum semitoniū spatium interiacet. Est itaque à sole ad cælum stellatum diastema diatessaron duorum tonorum cum dimidio: à terra autem perfectum diapason sex tonorum integrorum. Iam uero etiam ex proportione motuum planetarum adinuicem, & cum octauo cælo resultat harmonia omnium suauissima. Est autem proportio motuum Saturni ad Iouem dupla sesqui altera: Iouis ad Martem sescupla: illius ad solem, Venerem & Mercurium, qui pariter iter perficiunt, proportio dupla: illorum ad lunam, duodecupla: Saturni uero ad stelliferum orbem millecupla & ducetupla, si uerum sit quod ait Ptolemæus, cælum illud moueri contra primum mobile in ceterum annis gradu uno. Motu itaque proprio lunæ motus uelocior est, & acutiorem sonum facit stellato orbi, qui omnibus tardior, sonum grauissimum facit: sed motu uiolento qui est primi mobilis, omnium uelocissimus est & acutissimus: lunaris uero tardissimus & grauissimus, quæ motuum proportio & reciprocatio

suauissimum concentum edit. Hinc nulli cātus, nulli soni, nulla musica instrumenta mouēdis affectibus hominū & inducendis magicis impressionibus potentiores sunt, quā qui ex numeris & mensuris & proportionibus ad instar cœlestiū componuntur. Elementorū etiam concentus ex eorū basibus & angulis, de quibus in anterioribus diximus, eliciuntur: nam cum inter ignē & aërem sit proportio dupla in basibus, & sesquialtera in angulis solidis, rursūq; in planis dupla, harmonia nascitur duplicis diapason & diapente. Inter aërē & aquam proportio est in basibus dupla sesquialtera, unde diapason, diapente: in angulis uero dupla, unde iterum diapason: inter aquā autem & terram est in basibus proportio tripla sesquitercia, unde confurgit diapason, diapente, diatessaron: in angulis uero sesquialtera iterum constituens diapente. Porro inter terram & ignem proportio est in basibus sesquialtera, faciēs diapēte: in angulis uero dupla, constituēs diapason. Verū inter ignē & aquā, atq; inter aërē & terrā deficit quodāmodo cōsonantia: siquidē inter hęc est plena qualitātū cōtrarietas: cōuenit autē p̄ intermediū elementū.

De humani corporis proportionē & mēsurā

harmoniaq;.


Caput XXVII.




Omo quoniā pulcherrimū absolutissimūq; dei opus & imago, & minor mundus, ideoq; etiā perfectiore cōpositione ac suauiori harmonia, sublimiori q; dignitate oēs numeros, mēsuras, pōdera, motus & elemēta, cētera q; omnia illū cōponentia, in se continet ac sustinet, omnia q; in eo uelut in supremo artificio, supremā quandam fortē ultra communē consonantiā quam habēt in aliis cōpositis, consequuntur. hinc antiqui oēs, digitis olim numerabant, & digitis numeros indicabāt, ex ipsis q; humani corporis articulis, oēs numeros, mēsuras, proportiōes ac harmonias inuētas fuisse, probare uisi sunt. Vnde ad hāc corporis cōmensurationē, tēpla, ædes, domos, theatra, insuper & nauigia, & machinas, & quodcūq; artificii genus, & artificiorū ædificiorū q; quēcūq; sunt partes & mēbra, puta colūnas, epistylia, bases, antes, stilobates & huiusmodi cētera omnia partuntur, atq; ex hūano corpore deducūt. Quin & ipse deus docuit Noē fabricare arcā ad humani corporis mēsurā, ut qui ipse totā mundi machinā humano corpori symmetrā fabricauit: unde ille magnus, hic uero minor mūdus nūcupatur. Hinc microcosmologi nōnulli, humanū corpus per sex pedes, pedē uero per X. gradus, & gradū quēq; per minutias V. metiūtur: unde numerātur LX. gradus, qui faciūt minutias CCC. quibus æquiparantur totidē cubiti geometrici, qbus descripta est arca à Mose: sicut enim corpus humanum est in longitudine trecetorum minorum, in latitudine quinquaginta, in altitudine triginta: sic & longitudo arcæ fuit cubitorum trecentorū, latitudo quinquaginta, altitudo triginta, ut sit utrobiq; longitudinis ad latitudinē fescupla proportio, ad altitudinē decupla, latitudinis ad altitudinē supparties duas tertias: pari q; modo oīm mēbrorum cōmensurationē sunt pro-

Ex humanis
articulis nu-
meri & mē-
suræ repta.


portionatæ & consonantes, & cum mundi membris atque archetypi mensuris sic conuenientes, ut nullum sit in homine membrū, quod non respondeat alicui signo, alicui stellæ, alicui intelligentiæ, alicui diuino nomini in ipso archetypo deo. Tota autem corporis mensura tornatilis est, & à rotunditate proueniens, ad ipsam tendere dignoscitur.




Est etiam quadrata mensura corpus proportionatissimum: quippe statuatur expansis brachiis in conuinctos pedes erectus homo, quadratum constitueret æquilaterum, cuius centrum est in imo pectinis.




Quod si super eodem cētro circulus fabricetur per summum caput, demis-
 si brachii quousque extremi digiti circuli illius circumferentiam contingāt,
 passiq; pedes in eadem circumferentia, quantum extrema manuum à sum-
 mo uertice distant, tunc circulum illum super imi pectinis centro ductum,
 in quinque æquas partes diuidunt, perfectumq; pentagonum constituunt,
 ipsiq; pedum extrem tali ad umbilicum relati, triangulum faciunt æquila-
 terum.



Quod si immotis talis pedes dextrorsum sinistrorsum que in utrunq; latus protendantur, & manus ad capitis lineam eleuentur, ipsi tunc extremi pedum manuum que digiti æquilaterum quadratum dabunt, cuius centrum supra umbilicum est in cinctura corporis.




Quod si manus supra caput quàm altissime extendantur, cubitus æquabūt uerticem: & si tunc iunctis pedibus ita stans homo in quadratum equilaterū locetur, per extrema manuum & pedum conductum, cētrum illius quadrati in umbilico erit, qui idem medium est inter summum uerticem & genua.



Sed iā ad particulares mēsuras pueniamus. Circuitus hoīs sub alis, medietatē suā cōtinet lōgitudinis, cuius mediū est in imo pectine: abinde uero sursum ad mediū pectus inter utraq; mamillas & à medio pectore in summū uerticē, utrobq; pars quarta: similiter ab imo pectine usq; sub genua, & inde ad extremos talos, pars hoīs quarta. Eadē est latitudo spatularū ab uno extremo in alterū: eadē est longitudo à cubito in extremū longioris digiti, ideoq; hic cubitus dicitur: hinc quatuor cubiti constituunt longitudinē hominis: latitudinem uero quæ in spatulis est, cubitus unus: quæ uero in cinctura est, pes unus, cubitum autem constituunt palmi sex: pedem uero quatuor, & quatuor digiti palmum, totaq; hominis lōgitudo palmarum uiginti quatuor, pedum sex, digitorum sex & nonaginta. Ab imo pectinis ad summum pectoris, pars longitudinis sexta: à summo pectore ad supremum frontem & radices imas capillorum, pars longitudinis septima: corporis robusti & bene quadrati pes, est pars longitudinis sexta: procerioris autem septima: nec potest Varrone & Gellio testibus, humanum corpus proceritatem septem pedum excedere. Deniq; cincturæ diameter, & quod à restricta manus usq; in

interiorem plicaturam cubiti spatium est: & quod à pectore usq; ad utraq; mamillas sursum ad suprema labra, siue deorsum usque ad umbilicum est, quodq; est inter extrema ossium supremi pectoris gulā cingentiam, & quod à planta pedis ad finē lacerti, & exinde in mediam genu rotulam, omnes hæ mēsuræ sibi coæquales sunt, & septimā totius altitudinis constituūt. Caput hominis ab imo mento in summū uerticē, pars longitudinis octaua: totidē à cubito in finem spatularum: tantus etiam reperitur procerioris hominis cincturæ diameter. Circulus capitis per supremū frontem & imas radices occipitis ductus, facit totius longitudinis partem quintam: tantundem etiam præstat latitudo pectoris. Hominem quadratum & compactum constituunt facies nouem, procerum uero decem. In nouem itaq; portiones hominis longitudine partita, facies à supremo fronte usq; in extremum mentum, una est: deinde ab imo gutturis siue supremo pectoris ad summū stomachum, altera: abinde ad umbilicum, tertia: ab hoc ad imū femur, quarta: ab illo coxendices ad poplitē, constituūt duas: abinde usq; ad nodum pedis crura continēt duas alias, quæ omnes partes sunt octo. Porro arcus à summo fronte ad summū uerticem, & quod est à mento ad summū pectoris guttur, atq; quod à nodo pedis ad imam plantam, hæc tria spatia coniuncta constituunt nonam. In latum quoq; pectus habet partes duas, & utraq; brachia septem. Quod uero corpus decem facies constituunt, ipsum est proportionatissimum. Huius itaq; prima portio est à summo uertice ad imas nares: abinde ad supremum pectus, secunda: & consequenter ad supremum stomachum, tertia: ab eo ad umbilicum, quarta: & inde ad imū pecten quinta, ubi est medium humanæ longitudinis: à quo usque in extremas plantas, sunt quinque aliæ partes, quæ prioribus iunctæ, faciunt decem integras, quibus proinde corpus omne mensura proportionatissima commensuratur: nam facies hominis ab imo mento ad summum frontem & radices imas capilli est, quanta pars una decima. Manus hominis à restricta usque ad extremū longioris digiti, etiam pars una: similiter inter utraq; mamillarum puncta, pars una: & ab utrisq; ad imam gulam, triangulus æquilaterus. Frontis inferioris ab una aure ad alteram, latitudo est partis unius: totius autem pectoris latitudo, uidelicet à supremo pectore ad iuncturas spatularum, utrobique partis unius, quæ faciunt duas. Circulus capitis trāsuersus ab interstitio superciliorum per supremum frontem usque in finem occipitis ubi terminatur capillitium, etiam partium duarum: ab humeris extrinsecus ad iuncturas articulorum manus, & intrinsecus ab ascellis ad confinia palmæ & digitorum, partes tres: circulus capitis per medium frontem, partium trium. Circulus cincturæ tenet partes quatuor, in robusto homine: in delicatiori corpore, partes tres cum dimidia, seu, quātum est à summo pectore in imū pecten. Circulus pectoris per alas ad tergum, partes quinque, uidelicet quātum longitudinis totius mediū. A summo uertice ad nodum gulæ, sunt to

tius altitudinis duæ decimæ tertie: eleuatis in altū brachiis, cubitus accedit summo uertici. Cæterū nunc quæ adhuc reliquæ commensurationes sibi æquales sunt, spectemus. Quantum est à mento ad summū pectus, tanta est latitudo colli: quantum à summo pectore ad umbilicū, tanta est colli circūlatio: quantū à mento in supremū uerticē, tanta est latitudo cincturæ: quantū est ab interciliis ad summas nares, tantū à iugulo distat productio menti: quantūq; à summis naribus ad mentū, tantū à iugulo ad imā gulā. Item oculoꝝ ab interciliis ad interiores angulos cōcauatos, ac summaꝝ narium prominentia, & quod ab imis naribus ad extremū supremi labri interstitiū est, hæc tria sunt inter se æqualia. A summo ungue indicis ad imā eius iun-



cturam, atq; abinde ubi manus brachio colligatur in parte syluestri, in domestica quoq; à summo ungue medii usq; in imā iuncturā, & abinde ad restrictā manus, omnes hæc portiones inter se æquales. Maior indicis articulus altitudinē frontis æquat: residui duo, ad extremū unguē æquant nasum ab interciliis uidelicet in summas nares primus & maior articulus medii æquat illi spatio quod est ab imis naribus in extremū mentū: & secundus medii tantus est, quantū ab imo mento ad supremū inferioris labri: tertius uero, quantū ab ore ad inferiora nariū: tota autē manus, quantus totus uultus.

Maiores pollicis articulus dat oris operturam: & quod est ab imo mēto ad supremum inferioris labri: minor uero quantum à supremo imi labri ad imas nares, omnium extremorum articulorum quos onychios uocant, ungues obtinent iustam medietatem. Ab interciliis ad extremos oculorum angulos tantum est, quantum ab angulis illis ad primas aures. Altitudo frontis, longitudo nasi, latitudo oris, per supremum labrum, inter se sunt æqualia. Similiter palmaris latitudo & plantaris eadem. Altitudo quæ est ab imo talo ad summum pedis, æqualis est longitudini: quæ est à summo pedis ad extremum unguem. A summo frontis ad interstitium oculorum, & ab illo ad imas nares, & proinde ad extremum mentum, partes sunt æquales. Iuncta supercilia oculorum, circulos æquant: & semicirculi auricularum æquant os opertum. Vnde circuli oculorum, aurium & aperti oris, sunt æquales. Latitudo nasi est quanta longitudo oculi: hinc spatii illius quod est inter utranque extremitatem oculorum, duas partes oculi tenent: tertiam nasus intermedius excipit. A summo uertice in genua, medium facit umbilicus: à supremo pectore ad imam narem, medium designat nodum gulæ: à summo uertice in imum mentum, medium locat oculos: ab oculorum interstitio in extremum mentum, medium dat imas nares: ab imis naribus in imum mentum, medium dat extremum inferioris labri, eiusdem autem distantie pars tertia, dat ab imis naribus labrum superius. Sunt præterea omnes istę mensuræ per proportionem multiplices & harmonicos concentus sibi inuicem consonantes: nam digitus grossior qui pollex dicitur, ad brachium in extremo lacerti apud pulsum & iuncturam manus, in circulari mensura, est in proportionem subdupla sesquialtera: continet enim illam bis & mediam, sicut quinque ad duo. Eiusdem uero ad armum brachii in lacerto propinquo spatulis, subtripla: cruris autem siue tibiæ magnitudo ad eam quæ brachii, est proportio sexquialtera, sicut trium ad duo: similisq; proportio colli ad tibiæ est, quæ illius ad brachium. Coxæ autem proportio ad brachium tripla est. Totius corporis ad truncum est proportio sesquioctaua: à trunco siue thorace ad crura usque ad plantas, sesquitertia: pectoris à collo usque ad umbilicum ad lumbos uel aluum usque ad finem trunci, dupla: latitudo iliorum ad coxæ latitudinem sesquialtera: capitis ad collum, tripla: capitis item ad genu, tripla: eademq; ad pernam & petasonem. Longitudo frontis inter prima tempora ad eius altitudinem quadrupla. Hæ sunt quæ passim reperiuntur mensuræ, quibus corporis humani membra secundum eorum longitudinem, latitudinem, altitudinem & circumferentiam inter se, & cum cælestibus ipsis conueniunt: quæ mensuræ omnes partitæ sunt per multiplices proportionem, aut superpartientes, aut mixtas, ex quibus & multiplex resultat harmonia: dupla enim proportio facit tres diapason: quadrupla, bis diapason & diapente: pariq; modo elementa, qualitates & complexionem & humores sunt proportionata: nam homini sa-

no & bene cōposito hęc humores & complexionū pondera adsignātur: uide-
licet, sanguinis octo: phlegmatis, quatuor: cholere, duo: melācholie, unū: ut
utrobique per ordinē sit proportio dupla: sed primi ad tertiū, & secūdi ad quar-
tum, quadrupla: primi autē ad ultimū, octupla. Dioscorides tradidit cor ho-
minis in primo anno pōd' habere drachmarū duarū: in secūdo, quatuor: &
inde pro cursu pari in annū quinquagesimū habere centū drachmarū pon-
dus, à quo decremēta rursus ad equilibriū supputētur, quæ ambitu peractō
ad metā redeant eandē, nec superesse spatia uitæ eius uisceris dilapsu: ex qua
ratiōe centū annorū hoīm uitā circumscripsit. & hanc etiā Aegyptiorū hēre-
sim fuisse testatur Plinius. Ipsi etiā humanorū membris motus, cœlestibus
motibus correspōdēt, & habet quisque homo in se motū cordis sui, q̄ solis mo-
tui respondens, per arterias in totū corpus diffusus, & annos, & mēses, & dies,
& horas, & momēta nobis certissima regula indicat. Compertus p̄terea est
per anatomistas neruus quidā circa michā, qui tractus sic cūcta hoīs mēbra
mouet, ut singula propriis motibus moueātur: cuiusmodi tractu putat Ari-
stoteles à deo etiā mundi mēbra moueri. Et sunt in collo duæ uenæ, quæ in
iugulo ubi scindūtur, caput subeunt: quibus foris ualide apprehēsis, mox col-
labūtur hoīes sensibus ereptis, quousque reuertātur. Ipse itaq; mūdi æternus
opifex, missurus animū in corpus uelut domiciliū, prius id atq; eo dignū me-
ritur hospitium, nobilissimūq; animū etiā specioso corpore condonat: quod
tūc etiā animus ipse diuinitatis suæ cōsciū, pro habitu suo sibi adfingit atq;
adornat. Hinc Aethiopū populi, qui Gymnosophistarū sapiētia regebantur,
quod testat Aristoteles, reges sibi non ex his qui fortissimi & opulentis-
simi essent, creabāt, sed eos tantū, qui forma essent pulcherrimi atq; prætā-
tissimi: quippe quoniā animos magnidecētiam ex corporis effigie sese uicis-
sim intueri posse arbitrabant. Quod cōsiderantes multi admodū tū ueteres
tū recentiores philosophi, qui abditarū in ipsa naturæ maiestate causarū se-
creta rimati sunt, ausi sunt asserere, nullū corporis uitiū euenire, nullāq; dis-
proportionē corpori inesse, quæ nō etiā animi uitiū intēperantiaq; sequat:
quæ certū sit, alterū alterius officio uicissim crescere & coalescere atq; operari.

De animæ humanæ compositione &
harmonia. Cap. XXVIII.



Icut consonantia corporis constat debita membrorum men-
sura ac proportione, sic animi consonantia cōstat debito tem-
peramento proportioneq; suarum uirtutum & operationum,
quæ sunt concupiscibilis, irascibilis & ratio, quæ sic compropor-
tionantur: nam ratio ad concupiscentiam habet proportionē diapason, ad
irā uero diatessaron: irascibilis autē ad cōcupiscibilem habet proportionē dia-
pēte. Quando itaq; cū proportionatissimo corpore etiam proportiōatissi-
ma coniūgitur anima, cōstat talē hominem etiā in donorū distributione se-
licissimā sortiri sortē, prout anima cū corpore in naturaliū dispositiōe cōue-

niunt, quæ quidem conuenientia reconditissima est, tamen à sapiētibus alia qualiter adumbrata. Sed ad animæ harmoniam properātes, oportet illā nos à mediis illis per quæ ad nos transitū habent, inquirere, hoc est, à corporibus sphaerisq; cœlestibus. Scientes igitur quæ animæ uires cui planetarū responderēt, ex his quæ superius dicta sunt, earundē inter se cōcentus facile cognosce mus. Luna enim crescēdi & decrescēdi uires regit: phāstica uis atq; ingenium à Mercurio pender: concupiscibilis uirtus à Venere, uitalis à Sole, impulsua quæ & irascibilis dicit, à Marte: naturalis à Ioue, receptiua omnis à Saturno: ipsa autem uoluntas tanquam primum mobile & omnium illarum uiri um ductrix ad libitum, ipsa q; cum intellectu superiori iuncta, semper est in bonum tendens: qui quidem intellectus uoluntati semitas monstrat, sicut lumen oculo: non tamen ipsam mouet, sed manet suæ operationis domina, unde liberum arbitrium dicitur: & licet semper ad bonum tanquam ad obiectum sibi adæquatum tendat, aliquando tamen excæcata errore, & ui animæ impellente, malum eligit, credēs illud esse bonum: ideo q; definitur liberū arbitrium esse facultas intellectus & uoluntatis, qua bonū eligitur gratia adfistente, & malum, ea deferente. Ipsa itaq; gratia, quam etiam charitatem siue amorem infusum uocant Theologi, est in uoluntate sicut primū mouens, qua absente uniuersus cōcentus labitur in dissonantiā. Præterea anima correspondet terræ, per sensum: aquæ, per imaginationem: aëri, per rationem: cœlo, per intellectum. exitq; anima in illorum harmoniam secū dum quod tēperantur hæc in hoc mortali corpore. Sapientes igitur antiqui cognoscentes corporum & animarum harmonicas dispositiones diuersas, iuxta diuersitatē complexionum hominū, nō frustra usi sunt musicis & cantibus, cū ad conseruandā corporis sanitatē & amissam restituendā, tum etiā ad conducē dum animos ad salutiferos mores, quousq; hominē cœlesti harmoniæ contēperent, reddantq; totū cœlestem. Nihil præterea pulsandis malis demonibus musicali harmonia efficacius, ut q ab harmonia illa cœlesti collapsi, cōcentum aliquē uerū tanquam sibi inimicū nequeūt sustinere, proculq; fugiunt: sicut Saulū spiritu nequam furentē, Dauid cithara repressit. Hinc ab antiquis prophetis atq; patribus, qui hæc harmonica sacramenta cognouerūt, cantus & musici soni sacris officiis illati sunt.

De obseruatione cœlestiū, in omni opere magico necessaria. Cap. XXIX.



Q Mnis uirtus naturalis multo quidē agit mirabilia, quādo nō solū proportiōe physica cōponitur, sed etiā opportuna ad hoc cœlestiū obseruariōe electa (uidelicet quādo uis cœlestis fortissima ad talē effectū quē desideramus, esse probatur, tū etiā cœlestibus multis adiuta) informatur, inferiora cœlestibus tanq; proprias fœminas suis maribus fœcūdandas passim subiiciēdo. Sunt itaq; obseruāda in quo uis ope situs & motus, & aspectus stellarū & planetarū in signis & gradibus, & qualiter hæc omnia se habeant ad longitudinē & latitudinē climatis: ex hoc

Liberum ar
bitrium.

Quæ in quo
uis opere ob
seruanda.

Planeta quo
modo obser-
uandi.

Luna quomo-
do obseruan-
da.

Mercurius
diligenter ob-
seruandus.

enim uariatur qualitates angulorū, quos describūt radii corporum cœlestiū super figurā rei, secundū quos infundūtur uirtutes cœlestes. Sic quoties operaturus fueris quæ ad planetam aliquem pertinent, oportebit te eum in suis dignitatibus collocare fortunatum & potentem, & in die, & hora, & in figura cœli dominantem: nec solum significatorē operis expectabis potentē, quin etiam lunam ad hunc obserues opportune directā: nihil enim sine lunæ beneficio perfeceris. Quod si plures habueris operis patronos, oēs obserua potētes, & amicabili aspectu se inuicem contuentes: quod si nequeas eiusmodi aspectū habere, cōuenit tibi saltē angulares accipere. Lunā uero obseruabis, quādo uel ambos intuet, uel iūgitur uni & aspicit alterū: uel quādo à coniunctione siue aspectu unius transit ad coitum uel ad aspectū alterius. Illud etiam neutiq̃ credo omittendū, quin Mercuriū in omni opere diligēter obserues: hic enim utrorumq; inferū & superū deorum cōmeator, quando cōgreditur bonis, eorum auget bonitatem: quando malis, eorū malitiam influit. Infortunatū autē dicimus signū uel planetā, p Saturni uel Martis aspectū, maxime oppositū uel quadratū: hi enim aspectus sunt inimicitie: coitus uero & trinus atq; sextilis aspectus, sunt amicitie: inter hos fortior est cōiunctio: ueruntā si per trinū iam aspiciēs, planeta etiā suscipiatur, æstimat quasi iā coniūctus. Solis uero coniunctionē oēs planetę timēt, aspectu gaudēt, trino & se

Quando planeta sunt potentioris influentia. Cap. XXX. (xtili.



Luna quan-
do potens.

Otētes uero habebimus planetas, qñ sunt in domicilio, uel exultatione, uel triplicitate, uel termino, uel facie, extra cōbustionē directi, in auge & in figura cœli dñantes, scilicet qñ sunt in angulis, maxime oriētis, uel decimę, uel in plagis mox succedētibz, uel ī suis gaudiis. Cauēdū autē, ne sint in finibus uel sub dñio Saturni uel Martis, nec sint in gradibus tenebrosis, puteis, uel uacuis. Obseruabis ut anguli ascendētis & decimę & septimę sint fortunati, & ascendētis dñs, & locus solis, & locus lunę, & locus partis fortunę, & eius dñs, dñs cōiunctionis uel pręuentionis pręcedētis: planeta uero maleuoli cadant infortunati, nisi forte operis tui significatores extiterint, uel quouis pacto utilē tibi esse possint: uel si in reuolutione seu genesi tua principatum obtinuerint, tūc enim minime sunt deprimendi. Lunam uero habebimus potentem, si sit in domicilio suo, uel exultatione, uel triplicitate, uel facie, & in gradu sibi ad opus optatum conuenienti, atq; si māfionem ex uiginti illis & octo sibi & operi competentē obtineat: nō sit in uia combusta, nec tarda cursu: nō sit in ecliptica, nec cōbusta à sole, nisi forte sit in unitate cū sole, non descendat in latitudine meridionali, quando combustionem egreditur, nec sit opposita soli, nec lumine minuatur, non sit impedita à Marte uel Saturno. De his nolo hic longius sermonem prorogare, cum hæc & plura alia necessaria in Astrologorum uoluminibus sufficienter tradita sint.

De obseruatione stellarum fixarum, earumq; naturis. Cap. XXXI.



Imilis per omnia ratio est tibi de stellis fixis habenda. Illud scias, omnes stellas fixas esse ex significatione & natura septem planetarum: sed quædam sunt de natura unius planetæ, quædam uero duorum: hinc quotiescunq; iungitur aliquis planeta cum aliqua stellarum fixarum suæ naturæ, efficitur significatio illius stellæ potentior, & natura planetæ augmētatur: quod si sit stella duarū naturarum, qui fuerit cum ea fortior, illius natura uincet in significatione, ut puta si sit de natura Martis & Veneris, si fuerit Mars cum ea, uincet natura Martis: si uero Venus cū ea fuerit, natura Veneris superabit. Dignoscuntur autē naturæ stellarum fixarū ex coloribus earum, quemadmodū illi certis planetis congruunt, eisq; adscribuntur. Colores uero planetarū sunt: Saturni liuidus siue plumbeus, atq; cum hoc candens: Iouis citrinus iuxta pallorem, & cum hoc clarus: Martis rubeus & igneus: Solis croceus, & cum oriatur ardens, postea radians: Veneris albus, sed lucifero candēs, uespere refulgens: Mercurii radians, Lunæ blondus. Scias quoq; stellas fixas quantō maiores & lucidiores sunt & apparent, tantō maior & fortior est eorum significatio, sicut sunt stellæ quæ dicuntur apud Astrologos primæ & secundæ magnitudinis. Ex his narrabo tibi aliquas potiores ad hanc facultatē, quæ sunt Umbilicus Andromedæ, in uigesimosecundo gradu Arietis, de natura Veneris & Mercurii: alii Iouiam atq; Saturniam dicūt. Caput Algol, in decimo octauo gradu Tauri, de natura Saturni & Iouis. Pleiades in eiusdē gradu uigesimosecundo, sydus natura Lunare, & complexione Martiū. Item in Geminorum gradu tertio Aldeboram, de natura Marti & complexione Veneris: sed Hermes hanc locat in uigesimoquinto Arieti. In eorundem Geminorum gradu decimotertio Hircus, de natura Ioui & Saturni. In Cancri gradu septimo, Canis maior, Veneris: in eiusdem decimoseptimo Canis minor, Mercurialis natura, & complexione Martius: in uigesimoprimo gradu Leonis est stella regia quæ dicitur Cor leonis, de natura Iouis & Martis. In Virginis gradu decimonono, Cauda ursæ maioris, Venerea & Lunaris: in septimo gradu Libræ, Ala corui dextra, & in eiusdem decimotertio, Ala sinistra, utraq; de natura Saturni & Martis: in eiusdē gradu decimosexto Spica, Venerea & Mercurialis: in eiusdem gradu decimoseptimo, Alcameth, de natura Martis & Iouis: sed huius cum lumine bene aspexerit, illi cum ex cōtrario. In Scorpionis gradu quarto, Elepheia, de natura Veneris & Martis: in Sagittarii gradu tertio, Cor scorpionis, de natura Martis & Iouis: in Capricorni gradu VII. Vultur cadens, temperatus Mercurialis & Veneris: in XVI. gradu Aquarii, Cauda capricorni, de natura Saturni & Mercurii: in Piscium tertio, Humerus equi, de natura Ioui & Martis. Et erit tibi generalis regula, ab unaquaq; stellarū propria dona sperare ipsa domināte: impediri uero, ipsa infortunata & opposito modo se habēre, quod superius ostensum est. Corpora enim cælestia quatenus ipsa feliciter uel infor-

*Stellæ fixæ,
planetarum
naturas sorti
untur.*

*Stellarum fixarum naturæ unde designantur.
Planetarum colores.*

Stellæ fixæ lucidiores.

tunate sunt affecta, eatenus & nos & nostra opa, atq; ea quibus nos utimur, feliciter uel calamitose afficiunt. Et licet à stellis fixis plurimi procedant effectus, attribuuntur tamen planetis, cum quia nobis uicinioribus magisq; distinctis & cognitis, tum quia ipsi exequuntur quæcunque superiores stellæ influunt.

De Sole & Luna, eorūq; magicis rationibus. Caput XXXII.

Solis præstā-
tia.



Oelorum, & omniū quæ sub cælo sunt corporum administrationem Sol & Luna fortiti sunt: Sol elementalium omniū uirtutum dominus, & Luna uirtute Solis domina generationis augmenti & decrementi. Hinc ait Albumasar, per Solem & Lunā uitam cūctis infundi, quos iccirco Orpheus uiuificos cæli oculos appellat. Sol omnibus lumen à seipso dat, & omnibus copiose largitur, non solum in cælo & aëre, sed etiā in terra & intimis profundis abyssi, quicquid habemus boni, ut ait Iamblichus, habemus à Sole, uel ab ipso solo, uel ab ipso per alia. Heraclitus Solem cælestis luminis fontē appellat: & multi Platonicoꝝ mūdi animā in Sole principaliter collocarunt, ut quæ globū Solis totū implēs, radios suos undiq; quasi spiritū effūdit per omnia, uitā, sensum & motū ipsi uniuerso distribuēs. Hinc ueteres physici Solē ipsum cor cæli appellauerūt: & Chaldæi illū mediū planetarū posuerunt. Aegyptii etiā illū in medio mūdi collocarūt, putā inter duos mundi quinarior, nempe supra Solē planetas quinque collocant, sub Sole autē Lunam & quatuor elemēta. Ipse inter reliqua sydera est imago & statua summi principis, utriusq; mundi, terrestris & cælestis, uera lux, atq; ipsius dei exactissimū simulachrū, cuius essentia, patrem: splendor, filiū: calor, spiritum sanctū resignant, adeo, ut non habeant Academicici aliquid per quod diuinā essentiā expressius monstrare possint. Tanta consonantia deo responder, ut Plato eū uocet conspicuū dei filiū: & Iamblichus illū imaginē diuinæ intelligentiæ appellat: & noster Dionysius illū perspicuā dei statuā uocat. Ipse tanq; rex sedet in meditullio alioꝝ planetarū, luce, magnitudine, pulchritudine oēs excellens, oēs illuminans, uirtutēq; illis ad inferiora quæq; disponēda distribuēs, gressusq; eorū regulans & disponēs, adeo, ut inde motus eorū dicant diurni uel nocturni, meridionales uel æquilonares, orientales aut occidentales, directi uel retrogradi: & sicut ipse suo lumine fugat tenebras noctis, ita etiā quascunq; tenebrarū potestates, de quibus legitur in Iob: Cum primū apparuerit aurora, arbitrant umbram mortis: & Psalmista loquens de catulis leonis querētibus à deo deuorandi licentiā, infert: Ortus est Sol, & congregati sunt, & in cubilibus suis collocabuntur: quibus fugatis, sequitur: Exhibet homo ad opus suū. Sol itaq; cum mediam mūdi regionem teneat, atq; ut in animātibus uniuerso corpori ipsum cor, sic cælo & mūdo præest Sol, in ipsum uniuersum mundū, & quæ in eo sunt, imperium habēs, ipse temporū autor, à quo dies & annus, frigus & calor, cæteraq; temporū qualitates: & ut ait Ptolemæus, cum in alicuius stellæ locū deueni-

rit, illius uim excitat quā in aëre habet: ut, cum Marte calorē, cum Saturno frigus, ipsumq; hominis spiritum animūq; disponit: unde ab Homero dicitur, & ab Aristotele comprobatur, tales motus inesse menti, quales singulis diebus Sol planearū princeps ac moderator adferat. Luna autē terris finitima, receptaculū omniū cœlestiū influxuū, cursus sui pernitate singulismē sibus Soli cæterisq; planetis & stellis coniungitur, & uelut stellarū omnium uxor facta, stellarū fecundissima, Solis cæterorūq; planetarū atq; stellarū radios & influxus quasi fœtū suscipiens, inferiori mundo sibi uicino uelut paruriens edit: omnes enim stellæ in ipsam influunt ultimā suscipientem, quæ deinceps omniū superiorū influxus inferioribus cōmunicat, terrisq; refundit: manifestiusq; ipsa præ cæteris hæc inferiora disponit, motusq; eius magis sensibilis est, ex familiaritate & propinquitate quam habet nobiscum, & tanq̃ medium inter utraq; superiora & inferiora, istis omnibus cōmunicat: ideoq; motus eius præ cæteris obseruandus est, quasi omnium cōceptuum parentis, quos ipsa his inferioribus uarie explicat, pro uaria sua complexione, motu, situ & aspectibus ad planetas cæteraq; sydera diuersis: & licet ab omnibus stellis uires suscipiat, potissime tamen à Sole, quoties illi coniungitur, uiuifica uirtute repletur, ac pro illius intuitu cōplexionem mutuatur: nam in prima quarta, ut tradūt Peripateti, calida est & humida: in secūda, calida & sicca: in tertia, frigida & sicca: in quarta, frigida & humida. Et licet ipsa sit syderum infima, superiorum tamen cōceptus omnes explicat: ab ea enim in cœlestibus incipit rerum series, quam Plato uocat catenam aureā, qua unaquēq; res aut causa alteri connexa, à superiori dependet, quousq; deueniatur ad supremam omnium causam, à qua pendent omnia. Hinc est, quod absq; ipsa Luna intermedia, uim superiorū attrahere omnino nequeamus. Vnde iubet Thebit, ad captandam alicuius stellæ uirtutem, accipiendum esse lapidem & herbam illius stellæ, quando Luna eandem stellam aut feliciter subit, aut feliciter aspicit.

Luna in inferiora uires

Luna motus diligēter obseruandus.

Aurea Platonis catena.

De XXVIII. mansionibus Lunæ, earundēq; uiribus. Cap. XXXIII.



¶ Quoniam Luna uigintiocto dierum spatio totum zodiacū metitur. Hinc est quod Indorū sapientes & uetustissimi Astrologi octo & uiginti mansiones Lunæ concesserunt, quæ in octaua sphaera fixæ, à diuersis earundem syderibus & stellis quæ in eis continentur, ut inquit Alpharus, diuersas proprietates & nomina fortuntur, quas dum Luna peragrat, alias & alias sortitur potestates atque uirtutes. Mansionum autem illarum iuxta sententiam Abrahami, unaquæq; duodecim gradus, unum & quinquaginta minuta, & uigintifex ferè secundas complectitur, quarum nomina simul atq; earūdem initia in zodiaco octauæ sphaeræ sunt hæc: Prima uocatur Alnath, hoc est cornua Arietis. Initium eius est à capite Arietis octauæ sphaeræ. Facit ad itinera & discordiā. Secunda dicta est Allothaim siue Albochan, hoc est, uēter Arietis: & initium eius

ab eiusdem signi gradu duodecimo, minuto quinquagesimo primo, secunda uigesima secunda cōpletis. Cōfert ad inueniendos thesauros, ad retentionē captiuorū. Tertia uocat Achoamazone siue A thoraye, id est pluuiiales siue Pleiades: initium eius ab Arietis gradibus completis uiginti quinque, minutis quadraginta duobus, & quinquaginta unum secundis. Prodest nauigantibus, uenatoribus, & operibus alchymia. Quarta mansio dicta est Aldebaram aut Aldelamen, hoc est oculus tauri, uel caput tauri. Initium eius à gradu octauo, minuto XX XIII. secunda decima septima eiusdem Tauri exclusis. Facit ad destructionem & impedimenta ædificiorū, fontium, puteorum, aurifodinarum, fugam reptilium, & ad generandum discordiam. Quinta est uocata Alchataya siue Albachaya. Initiū eius est post Tauri gradū uicesimū primum, minutum uicesimum quintū, secunda quadraginta tria. Confert ad reditum ex itinere, ad instructionem discipulorū: confirmat ædificia, largitur sanitatem & beneuolentiā. Sexta appellatur Alhanna siue Alchaya, hoc est, sydus paruū lucis magnæ. Initium eius post quartum gradum, decimum septimum minutum, & nouem secundas Geminorum. Facit ad uentionem, & obsidionē urbium, & uindictam principum: destruit messes & fruges, & impedit operā medentis. Septima dicitur Aldimiach uel Alarzach, id est brachium Gemini, & incipit à gradu Geminorum decimo septimo, minuto octauo, secunda XX XIII. & durat usque in finem signi. Confert lucrū & amicitia: prodest amantibus, fugat muscas, destruit magisteria. Et ita cōpleta est in istis septem mansionibus una cœli quarta: similiq; ordine & graduum & minutorum & secundarū numero residuæ mansiones in singulis quartis, septem sua initia habent, ita uidelicet, quod in primo illius quartæ signo tres mansiones initia sumant: in reliquis duobus signis duæ mansiones in quolibet. Incipiunt itaq; à capite Cancris septē mansiones sequentes, quorum nomina sunt Alnaza uel Anatrachya, hoc est nebulosa aut nubilosa, mansio uidelicet octaua. Facit ad amorem & amicitiam, & societate itinerantium, pellit mures, & affligit captiuos, confirmans carcerem. Post hanc nona uocatur Archaam uel Alcharph, id est oculus Leonis: obest messibus & itinerantibus, & ponit discordiam inter homines. Decima dicitur Algelioche uel Algebh, id est ceruix uel frons Leonis. Confirmat ædificia, largitur amorem, beneuolentiā & auxilium contra hostes. Undecima uocatur Azobra uel Ardaf, hoc est capillus Leonis. Facit pro itineribus & lucro ex mercimoniis, & pro redemptiōe captiuorū. Duodecima dicitur Alzarpha uel Azarpha, hoc est cauda Leonis. Prosperitatem dat messibus & plantationibus, sed obest nauigantibus: bona autē pro seruis & captiuis & sociis meliorandis. Decimatertia dicitur Alhayre, hoc est canes aut alares uirginis. Valet ad beneuolentiā, lucrum, itinera, messes & liberationē captiuorum. Decima quarta dicitur Achureth uel Arimer, ab aliis Azimeth uel Alhumech siue Alcheymech, hoc est spica uirginis, uel spica uolās. Valet ad amorē con

inagatorum, ad sanandum infirmos, prodest nauigantibus, sed obest itineribus per terram: & in istis cōpleta est secunda quarta cœli. Sequuntur aliæ septem, quarum prior incipit in capite librę, māsis uidelicet decima quinta, & nomen eius Agrapha uel Algarpha, hoc est, cooperta uel coopertū uolās. confert pro extrahendis thesauris, pro fodiēdis puteis. facit ad diuortiū, discordiam, & ad destructionē domorū & inimicorum, & impedit itinerantes. Decima sexta dicitur Azubene uel Ahubene, hoc est, cornua Scorpii, impedit itinera & coniugia, messes & mercimonia, ualet ad liberationē captiuorum. Decima septima dicitur Alchil, id est, corona scorpii. facit ad melioratiōem iniquioris fortunæ, ad amorem durabilem ad firmanda ædificia, & cōfert nauigantibus. Decima octaua dicitur Alchas uel Altob, id est, cor scorpii. facit ad discordiā, seditionem & coniurationē cōtra principes & potētes, & ad uindictā de inimicis: sed liberat captiuos, & cōfert ad ædificia. Decima nona dicitur Allatha uel Achala, ab aliis Hycula uel Axala, id est, cauda scorpii. Valet ad obsidendū ciuitates & ad capiendū urbes & ad expellendū homines de locis suis & ad destructionem nauigantium & perditionem captiuorū. Vicesima uocatur Abnahaya, hoc est, trabs: facit ad cicurationē ferarum, ad cōfirmationem carcerū, destruit diuitias sociorum, cōpellit hominem uenire ad locum aliquē. Vigesima prima uocatur Abeda siue Albeldach, quod est desertum. facit pro messibus, lucro, ædificiis & uiatoribus & pro faciēdo diuortio: & in hac completa est tertia cœli quarta, restant ultimæ septem mansiones ultimam cœli quartam complentes, quarum prior quæ est in ordine uicesima secunda, incipiens à capite Capricorni, uocatur Sadahacha uel Zodeboluch uel Zandeldena, hoc est, pastor: promouet fugam seruorum & captiuorum ut euadant, & ualet sanandis morbis. Vigesima tertia uocatur Sabadola uel Zobrach hoc est glutiens: facit pro diuortio, pro liberatione captiuorum & sanatione ægrotorum. Vicesima quarta dicitur Sada-bath uel Chadezoad, quod est sydus fortunæ: ualet pro beneuolentia coniugatorum, pro uictoria militum. nocet obeundis magisteriis, & impedit ut non compleantur. Vicesima quinta dicitur Sadalabra uel Sadalachia, hoc est, papilio sine expansorium: facit ad obsidionem & uindictā. destruit inimicos, facit diuortium, confirmat carceres & ædificia, accelerat nuncios: facit ad maleficia contra coitum, & ad ligandum quodcunque membrum hominis, quod non possit facere officium suum. Vicesima sexta dicitur Alpharg uel Phtagal Mocaden, id est, hauriens primus: facit pro unione & dilectione hominum, pro salute captiuorum, destruit carceres & ædificia. Vicesima septima dicitur Alcharya uel Alhalgalmoad, id est, hauriēs secundus: auget messes, merces, lucrum, sanat infirmitates, sed impedit ædificia, prolongat carceres, facit periclitari nauigantes, & adiuuat ad inferendum mala cui uolueris. Vicesima octaua & ultima uocatur Albotham siue Alchalh, id est, pisces: auget messes & mercimonia. securat iti-

nerantes per loca periculosa, facit ad gaudium cōiugatorum: sed confirmat carceres, & facit perdere thesauros. Et in istis uiginti octo mansionibus latēt multa secreta sapientiæ antiquorum, per quæ operabantur miranda in omnia quæ sunt sub circulo lunæ: & attribuerunt singulis mansionibus sua simulacra, & imagines & signacula, & præsidentes intelligentias, & operabatur in uirtutibus illorum uariis modis.

De uero cœlestium motu in octaua sphaera obseruādo, ac de ratione horarum planetariorum. Cap. XXXIII.



Vicūq; ad cœlestē opportunitatē opaturi sunt, utrūq; aut duorū alterū obseruare oportet, stellarū uidelicet motus, aut tēpora, motus inquā, quādo sunt in suis dignitatibus, aut deiectionibus, siue essentialibus siue accidentalibus. Tēpora autē dico, dies & horas illarū dominiis distributas: de omnib⁹ his abūde satis in astrologorū libris docetur. Sed duo nobis hoc loci præcipue p̄sītanda sunt & obseruāda: unū ut obseruemus motū stellarū ascensionesq; & cardines, quemadmodum in ueritate se habent in octaua sphaera, ob quorum negligentiam in fabricandis cœlestium imaginibus multos contingit errare, ac effectū desiderato defraudari: alterum obseruare oportet circa tempora in eliciendis planetarum horis. nam astrologi fere omnes omnē ab ortu solis in occasum temporis intercapedinem in duodecim æquales partes diuidunt, uocantq; illas duodecim horas diei. Deinde quod sequitur tempus ab occasu in ortum, simili ratione in duodecim æquas portiones partitum, uocant duodecim horas noctis, distribuuntq; deinde horas illas singulas singulis planetis secundū ordinem successionis eorum, dādo primam semper horam diei, ipsius diei domino, deinde singulis per ordinem usque in finem uiginti quatuor horarū. Et in hac distributione adsentiunt illis Magi, sed in horarū partitione dissentiunt aliqui, dicentes quod ortus occasusq; intercapedo in æquales partes diuidenda non est, quodq; horæ illæ ideo inæquales dictæ non sunt, quia diurnæ ad nocturnas inæquales sunt, sed quia diurnæ & nocturnæ singulæ etiam inter se inæquales sunt. Habet ergo inæqualium siue planetariorum horarum partitio aliam à Magis obseruatam mensuræ suæ rationem, quæ talis est. Quippe sicut in horis artificialibus quæ semper sibi coequales sunt, ascensiones quindecim graduum in æquinoctiali unā constituunt horam artificialem, ita etiam in horis planetariis ascensiones quindecim graduū in ecliptica constituunt unam horam planetariam siue inæqualem, quarum mensuram inquirere & inuenire oportet ex tabulis ascensionum obliquarum uerniuscuiusque regionis.

Quomodo res quæq; artificiales ut imagines & sigilla similiaq; uirtutē aliquā fortiātur à corporibus cœlestibus.

Cap. XXXV.



Antea est cœlestiū magnitudo, uirtus & potestas, quòd non solū res naturales, uerum etiā artificiales, quādo superis ritē sunt expositæ, subito patiuntur ab agente potētissimo uitaq; mirabili, quæ ipsis uirtutē cœlestem sæpe mirificā largitur, quod Diuus Thomas Aquinatus doctor sanctus, ita confirmat in libro de fato: ubi dicit etiā uestes & ædificia & quæcūq; artis opera, certā à syderibus suscipere qualitatē. Sic magi nō modo mixtione & applicatione rerum naturalium, sed etiam imaginibus, sigillis, annulis, speculis & quibusq; aliis instrumētis, opportunē scilicet sub certa constellatiōe fabricatis, cœlestē quandam illustrationem capi, & mirādum aliquod suscipi posse confirmant. Cœlestiū enim corporum radii animati, uiui, sensuales, dotes mirificas, potentiāq; uehementissimā secum ferentes, etiā repentino momēto ac subito tactu mirabiles in imaginibus imprimunt uires, etiam in materia minus apta. Efficaciores tamen largiuntur imaginibus uirtutes, si non ex qualibet, sed certa materia fabricetur, cuius uidelicet uirtus naturalis cum specifica simul operi cōueniat, figurāq; imaginis similis sit figurę cœlesti: talis nanq; imago, cū propter materiā naturaliter operi ac cœlesti influxui congruā, tum propter figurā cœlesti figurę similē, paratissima est ad actiōes & uires cœlestiū corporum & figurarū capiendas: & cœleste munus subito in se cōcipit, tum agit assidue in alterū, & res alię per obedientiā sese inclinant ad illā. Vnde inquit Ptolemæus in Cēti loquio, quòd res inferiores obediūt cœlestibus, nō solū illis, sed etiā earū imaginibus: sicut non solū scorpiones terreni obediūt scorpionī cœlesti, sed etiā imagini scorpīōis illius, q̄ fuerit opportunē sub eius ascēsu ac dñio figurata. De imaginibꝫ Zodiaci, q̄s isculptę à suis stellis cōcipiāt uirtutes C. XXXVI.



Magines aut cœlestes, ad quas similitudinem huiusmodi imagines cōfigurant, in cœlis sunt q̄ plurimę: quędā uisibiles & conspicuę, quędā saltē imaginabiles, ab Aegyptiis, Indis, Chaldeisq; perspectę & designatę. partesq; earū sic se habēt, ut ipse etiā figurę quędā sint ab aliis distinctę. Hac ratiōe ponūt in zodiaco circulo imagines duodecim uniuersales, ad numerū signorū: harum itaq; arietē, leonē, sagittariū, triplicitatē constituentes igneā & orientālē, ferūt prodesse cōtra febres, paralytim, hydropisim, podagram, & cōtra oēs infirmitates frigidas ac phlegmaticas, & reddere gestantē, gratum, facundū, ingeniosum, & honoratū: quia domicilia sunt Martis, Solis & Iouis. Faciebant quoq; leonis imaginē contra phātasmatā melācholica, hydropisim, pestē, febres, & ad expellendū morbos, hora solis primo gradu faciei leonis ascēdente, quæ quidē facies ac decanatus Iouis est, sed cōtra calculū & cōtra renū morbos, ac contra nocumenta bestiarum: faciebant eandem quando sol in corde leonis medium cœli obtinebat. Rursus nunc Gemini, libra & aquarius, quia triplicitatem constituunt aëream & occidentalem, atq; domicilia sunt Mercurii, Veneris, & Saturni, dicuntur morbos effugare, & conducere ad amicitiam & con-

cordiam, ualere contra melancholiam, & conferre sanitatē: & præcipue aquarium ferunt liberare à febre quartana. Item cancer, scorpius atq; pisces, quia triplicitatem constituunt aqueam & septentrionalem, ualent contra febres calidas & siccas, item cōtra ethicam & omnes passiones cholicas. Scorpius uero, quia inter membra obseruat genitalia, prouocat ad luxuriam. Cōfigurabāt aut̄ ad hoc ascendente eius facie tertia, quæ est Veneris: & faciebāt eandem contra serpentes & scorpiones, uenena & dæmonia, ascendente facie eius secunda, quæ est facies solis & decanatus Iouis. ferturq; gestantem etiam reddere sapientem, & colorem, efficere bonum. ferturq; imago cancri efficacissima cōtra serpentes & uenena, quādo sol & luna in eo coniuncti, ascēdunt in facie prima uel tertia. hæc enim est facies Veneris, decanatus lunæ, decanatus Iouis. Dicūtur etiam torqueri serpentes, cum sol sit in cancro. Itē taurus, uirgo & capricornus, quia triplicitatem constituunt terream & meridionalem, curant infirmitates calidas, ualent contra synocham: reddunt gestantes, gratos, acceptos, faciēdos, deuotos ac religiosos: quia domicilia sunt Veneris, Mercurii & Saturni. Fertur etiam capricornus reddere homines in columas, & loca tuta efficere, quia exaltatio est Martis.

De imaginibus facierū earumq; uirtutibus, atq; de his quæ extra Zodiacum sunt imaginibus. Cap. XXXVII.



Vnt præterea in zodiaco imagines sex atq; triginta, iuxta numerum facierū, de quibus (quod ait Porphyrius) scripsit olim Teucer Babylonicus, uetustissimus mathematicus, post quē scripserunt de illis etiam Arabes. Dicitur itaq; in prima facie arietis ascēdere nigri hominis simulachrum, stantis quidē, & alba ueste induti præcinctiq; magni corporis, ruffis oculis, ualidis uiribus, atq; irato similis: & est imago significans & faciens audaciam, fortitudinem, altitudinem & inuercundiam. In secunda facie ascendit forma mulieris, indutæ exterius quidem ueste rubra, & subtus alba, alterum protendens pedem: & facit hæc imago ad nobilitatem, altitudinem regni & magnitudinem domini. In tertia facie oritur figura hominis albi, pallidi, ruffo capillo, & rubra ueste induti: qui altera manu auream armillam gestans, & ligneum baculum proferēs, inquietus & irato similis est, quia præstare nequeat bona quæ uelit. Confert hæc imago ingenium, mansuetudinem, gaudia & pulchritudinē. In prima facie tauri ascēdit uir nudus & spiculator siue arator, & proficit ad seminandum, arandum, ædificandum, populandum, diuidendum terras, & ad artes geometriæ. In secunda facie ascendit uir nudus, tenens in manu clauem. confert potentiam, nobilitatem, dignitatem super populos. In tertia facie ascendit uir, in cuius manu serpens & sagitta. & est imago necessitatis & utilitatis, atq; etiam miseræ & seruitutis. In prima facie geminorum ascendit uir, in cuius manu uirga, & ipse tanquam alteri seruiens, & confert sapientiam & scientiam numerorum & artium, in quibus non est utilitas. In secunda facie ascendit uir, in

cuius manu est fistula, & alter incuruatus fodiens terram, & significant agilitatem, infamem & inhonestam, qualis est ioculatorum & præstigiatorum, & significat labores & inquisitiones cum labore. In tertia facie ascendit uir querens arma, atq; uir stultus, in dextra auem tenens, & in sinistra tibiam. & significationes eorum sunt, obliuionis, indignationis, audaciæ, iocorum, trufarū, & uerborum inutilium. In prima facie cancri ascendit forma puellæ uirginis, pulchris ornata uestibus, coronam gerentis in capite. præstat acuitatem sensuum, subtilitatem ingenii & amorem hominum. In secunda facie ascendit uir decoris indutus uestibus, siue uir & mulier ad mensam sedentes & ludentes. confert diuitias, hilaritatem, lætitiā & amores mulierum. In tertia facie ascendit uir uenator cum lancea & cornu, educens canes ad uenādum. significatio eius est contrariandi hominibus, insequendi fugientes, uenādi, & occupandi res per arma & rixas. In prima facie leonis ascendit uir super leonem equitans. & significatio eius est audaciæ, uiolentiæ, crudelitatis, maleficiorum, libidinis & sustinendi laboris. In secunda facie ascendit imago manibus eleuatis, & uir super cuius caput corona, & forma uiri irati & minabundi, in dextra habens gladium euacuatū, & in sinistra clypeum. & sunt significationes eorū super rixas occultas, & uictorias ignotas, & per uiles homines, & super occasiones litium & præliorum. In tertia facie ascendit uir iuuenis in cuius manu scutica, & uir uehemētis tristitiæ, & turpis faciei: & significatio eorum est amoris & societatis, & demittendi de suo pro uitādis rixis. In prima facie uirginis ascendit figura puellæ bonæ, & uir iaciēs semina, & significatio eius est congregandi diuitias, dirigendi uictum, arandi, seminādi & populandi. In secunda facie ascendit uir niger, indutus ex corio, & uir habens comam, & tenens oculos: & significatio eorū est ad lucrum & congregationem substantiæ, & ad auaritiā. In tertia facie ascendit mulier alba & surda, siue homo senex innixus baculo. & significatio eius est ad debilitatē & infirmitatem, & damnamentum membrorum, & ad destructionem arborum, & depopulationem terrarum. In prima facie libræ ascendit forma irati uiri, in cuius manu fistula, & forma uiri in libro legentis. & operatio eius in iustitia & auxilio miserorum & debiliū contra malos & potentes. In secunda facie ascendunt duo uiri sæuientes & irati, & uir ornato uestitu in cathedra sedens. & significatio eorum est ad indignationem contra malos, & ad quietē & securitatem uitæ cum bonorum ubertate. In tertia facie ascendit uir uehemens, arcum tenens: & ante illum uir nudus, atque alius uir una manu panem tenens, altera uini cyathum. significatio istorum est ad libidinem nefandam, cantus & iocos & gulam. In prima facie scorpii ascendit mulier bonæ faciei & habitudinis, ac duo uiri se percutientes. & operatio eorum est ad decorem, & pulchritudinem, & ad rixam, infidias, deceptiones, detractiones & perditiones. In secunda facie ascendunt uir nudus & mulier nuda, & uir in terra sedens, & ante illū duo canes se mordētes. & operatio eorum est ad im-

pudentiam, deceptionem & fycophantiam, & admittendum malum & rixas inter homines. In tertia facie ascendit uir curuatus super genua sua, & mulier percutiens illum baculo. & significatio eius est ebrietatis, fornicationum, iracundiæ, uiolentiæ & litis. In prima facie sagittarii ascendit forma uiri armati lorica, gladium nudum in manu tenentis. & operatio eius ad audaciam, militiam & libertatem. In secunda facie ascendit mulier plorans & pannis cooperta. & operatio eius est ad tristitiam, & timorē de corpore suo. In tertia facie ascendit uir similis in colore auri, siue uir ociosus, ludens cum baculo. & significatio eius est in sequendo uoluntates proprias, & pertinacia in illis, & in agilitate ad res malas, & rixas, & res horribiles. In prima facie capricorni ascendit forma mulieris, & uir niger gerens plenos loculos. & significatio eorum est ad spatiandum & gaudendum, ad lucrandum, & perdendum cum debilitate & uilitate. In secunda facie ascendunt duæ mulieres, & uir respiciens auem in aëre uolantem. & significatio eorum est in postulando quæ fieri nequeunt, in inquirendo quæ sciri nō possunt. In tertia facie ascendit mulier pudica in corpore & sapiens in opere, & nummularius pecunias in mensa colligens. & significatio eius est in prudentia gubernandi, & in cupiditate substantiæ, & in auaritia. In prima facie Aquarii ascendit forma uiri prudentis, & forma mulieris nentis. & significatio eorum est in cogitatione & labore pro lucro, in paupertate & uilitate. In secunda facie ascendit forma uiri cum proluxa barba. & significatio eius est intellectus mansuetudinis, modestiæ, libertatis, & bonorum morum. In tertia facie ascendit uir niger & iratus, & significatio eius est in detectione, insolentia & impudentia. In prima facie piscium ascendit uir onera portans super dorso suo, bene indutus. & significatio eius est in itineribus, & mutatione loci, & solitudine inquirendi substantiam & uictum. In secunda facie ascendit mulier boni uultus, & ornata. & significatio eius est petendi, & intromittendi se de rebus magnis & altis. In tertia facie ascendit uir nudus uel uir adolescens, & iuxta illum puella pulchra, cuius caput floribus ornatū. & significatio eius est ad quietē, & ociū & delectationem, et ad fornicationem et amplexus mulierum. Et hæc de facierum imaginibus hætenus, ultra quas sunt adhuc in zodiaco trecentæ et sexaginta imagines, ad numerum graduum: quarum formas descripsit Petrus de Ebano. Extra zodiacum sunt etiam figuræ generales, quas descripsit nobis Hyginus et Aratus: et plurimæ particulares, pro facierum et graduum numero ibidem existentium, de quibus omnibus dicere nimis longum esset. ex his tamē magis principales habentur, Pegasus qui ualet contra morbos equorum, et cōseruat eqtes in bello: deinde est Andromacha, quæ cōciliat amorē inter uirū et uxorē, ita quod dicitur etiam reconciliare adulteros. Cassiopeia debilia corpora restituit, et mēbra roborat. Serpentarius fugat uenena, et curat morsus uenenatorum. Hercules uictoriam largitur in bello. Draco cum utraq; uirsa reddūt hominem astutum, ingeniosum, fortem, diis et hominibus pla-

centem: Hydra confert sapientiam, & diuitias, & resistit uenenis. Centaurus confert sanitatem & longauam senectutem. Ara conseruat castitatē, redditq; gratum diis. Cetus reddit amabilem, prudentem, terra mariq; felicem, facitq; recuperare ablata. Nauis præstat securitatem in aquis. Lepus ualet cōtra deceptiones & insaniam. Canis curat hydropisim, resistit pestilentia, & tutum reddit à bestiis & feris. Orion cōfert uictoriam. Aquila largitur nouos honores, ueteresq; conseruat. Cygnus liberat à paralyfi, & febre quartana. Perseus liberat ab inuidia & maleficiis, & præseruat à fulgure & tempestate. Ceruus sanat phreneticos & maniacos. Hæc hætenus dicta sufficiant.

DE imaginibus Saturni.

Caput XXXVIII.



AEterum nunc quas imagines planetis attribuebāt, quæ de his amplissima uolumina apud antiquos sapiētes habeant conscripta, ut nō sit opus illas hic narrare, tñ pauculas earū recitabo. Faciebāt enim ex operibus Saturni, ipso ascēdente, in lapide, qui magis dicit imaginē hominis, ceruinū uultū & cameli pedes habētis, super cathedrā uel draconem sedētis: in dextra falcē, in sinistra sagittā tenētis: quam quidē imaginem sperabant sibi ad uitæ longitudinē profuturam. Saturnum enim ad uitæ longitudinē conferre probat Albumasar in libro Sadar, ubi etiā narrat quasdā Indiæ regiōes Saturno subiectas, hominesq; ibi longauos ualde fore, nec nisi extremo senio decedere. Item faciebant & aliā ad uitæ longitudinem Saturni imaginē, in sapphiro, hora Saturni, ipso ascendente uel feliciter constituto, cuius figura erat homo senex supra altam cathedrā sedens, habens manus supra caput erectas, & in eis piscem tenens uel falcem, & infra pedes eius racemum, caput tectum habens panno nigro uel fusco, & omnes uestes eius nigrae sint uel fusca. Faciebant etiam eandem imaginem contra calculum, & renum morbos, hora scilicet Saturni, ipso ascendente cum tertia facie Aquarii. Faciebāt quoq; ex operibus Saturni imaginem ad potestatem crescendi, ascendente Saturno in Capricorno, cuius forma erat uir senex baculo innixus, habens in manu falcem decurua, nigris indutus uestibus: faciebant quoque imaginem ex ære fusam, Saturno ascendente in ortu suo, scilicet primo gradu arietis: uel, quod uerius est, in primo gradu capricorni: quā quidē imaginem humana uoce loqui confirmant. Faciebant etiam ex operibus Saturni simul atq; Mercurii imaginem ex metallo fusam, ad pulchri hominis formam, quam futura prædicere pollicebantur, faciebant quæ eam die Mercurii hora tertia scilicet Saturni, ascendente Geminorum sydere Mercurii domicilio prophetas designante, Saturno & Mercurio coniunctis in Aquario nona cœli plaga, quæ & Deus appellatur. Præterea Saturnus extrino aspiciat ascendentem, ac luna similiter, & Sol cōiunctionis locum aspiciet. Venus angulum aliquem obtinens sit potens & occidētalis: Mars à sō

le comburatur, sed nō aspiciat Saturnum neq; Mercurium: Dicebant enim, quòd splendor potentiarum stellarum illarū diffundebatur super hanc imaginem, & loquebatur cum hominibus, & annunciabit eis utilia.

De imaginibus Iouis. Caput XXXIX.



X operibus Iouis faciebant ad uitæ longitudinem imaginem hora Iouis, ipso in exaltatione sua feliciter ascendente, in lapide claro & albo, cuius figura erat homo coronatus croceis indutus uestibus, equitans super aquilam uel draconem, in dextra sagittam habens tanquā missurus eam in caput aquilæ uel draconis eiusdem: faciebant & aliam Iouis imaginem eadem opportunitate in lapide albo & claro, præcipue in crystallo: & erat homo nudus coronatus, eleuatis & coniunctis manibus, tanquā deprecans, sedens in cathedra quadrupedali, quæ feratur à quatuor pueris alatis, quam quidem imaginem augere felicitatem, diuitias, honorem, & conferre beneuolentiam & prosperitatem, & ab inimicis liberare confirmant. Faciebant & aliam Iouis imaginem ad religiosam & gloriosam uitam, atq; ad fortunæ dexteritatem: cuius figura erat homo habens caput leonis uel arietis, & pedes aquilinos, croceis indutus uestibus, dicebaturq; Iouis filius.

De imaginibus Martis. Caput XL.

EX operibus Martis faciebant imaginem hora Martis, ipso ascendente in secunda facie arietis, in lapide Martiali, præcipue in adamante: cuius forma erat homo armatus supra leonem equitans, in dextra habens ensē nudum erectum, in sinistra caput hominis gestans. Ferunt huiusmodi imaginem reddere hominem potentē in bono & in malo, ita quòd timebitur ab omnibus: & qui gestauerit eam, tribuūt ei uim fascinandī, ita quòd terrebit homines aspectu suo quando irascitur, & liget in stuporem. Faciebant aliā Martis imaginem ad conferendum audaciam, animositatem & fortunam in bellis & rixis: cuius forma erat miles armatus & coronatus, cinctus gladio, in dextra longam gerens lanceam: faciebantq; eam hora Martis, prima Scorpionis facie cum ipso ascendente.

De imaginibus Solis. Caput XLI.

EX operibus Solis faciebant imaginē hora solis, prima facie Leonis cū sole ascēdēte: cuius forma erat rex coronatus in cathedra sedēs, coruū habēs in sinu, & sub pedibus globū crocea ueste indutus. Ferunt hanc imaginem reddere hominē inuictum & honoratū, & incepta deducere ad finem, ac somnia uana pellere, ualere etiam contra febres & pestem: faciebantq; eandem in lapide balayo uel rubino, hora Solis, quando ipse in sua exaltatione feliciter ascendit. Faciebant aliam solis imaginem in lapide adamante, hora solis, ipso in sua exaltatione ascēdēte: cuius figura erat mulier coronata cum gestu saltantis & ridentis, stans in curru quatuor equis tracto, habens in dextra speculū uel clypeū, in sinistra baculū super pectus innixū,

flammam ignis gestans in capite. Ferunt imaginem hanc reddere hominē fortunatum & diuitem, & ab omnibus dilectum: faciebantq; eandem imaginem in lapide Sordio hora solis ipso ascendente in prima facie leonis, contra passiones lunaticas quæ proueniunt in combustionē lunæ.

De imaginibus Veneris. Cap. XLII.



EX operibus Veneris faciebant imaginem, quæ cōueniebat ad gratiam & beniuolentiam, hora Veneris: ipsa ascendente in piscibus: cuius forma erat imago mulieris habens caput auis, & pedes aquilæ, in manu sagittam tenens. Faciebant aliam Veneris imaginem ad amorem mulierum in lapide lazuli hora Veneris ipsa ascēdēte in tauro: cuius figura erat puella nuda diffusis capillis speculum habēs in manu, & collo cathenam alligatam, & iuxta eam adolescens pulcher sinistra manu tenēs eam per cathenam: dextra uero eius aptans capillos: sintq; ambo amicabiliter se intuentes, & circa eas sit puer paruus alatus, ensē uel sagittam tenens. Faciebant aliam Veneris imaginem prima facie tauri uel libræ uel piscium cum Venere ascendente, cuius figura erat puella diffusis capillis, lōgis & albis induta uestib⁹ laurū, uel pomū, uel flores in dextra tenēs: in sinistra pectinē. Fertur efficere hominem placidum, iucundum, robustū, alacrem & conferre pulchritudinem.

De imaginibus Mercurii. Cap. XLIII.

EX operibus Mercurii faciebant imaginem hora Mercurii, ipso ascendente in Geminis, cuius forma erat adolescēs pulcher, barbatus, habens in sinistra caduceum, uidelicet, uirgam, in qua inuolutus sit serpens: in dextra gerens sagittam, pedes habens alatos. Ferunt imaginē hāc conferre scientiam, & facundiam, & solertiam, in mercibus atq; lucrum: præterea conciliare pacem & concordiam, & febres curare. Faciebant aliā Mercurii imaginem, ipso ascendente in uirgine, ad beneuolentiam, ingenium & memoriam, cuius forma erat homo sedens supra cathedram, uel pauonem equitans, pedes habens aquilinos, & in capite cristam, & in sinistra gallum tenens uel ignem.

De imaginibus Lunæ.

Cap. XLIIII.

EX operibus Lunæ faciebant imaginem pro itinerantibus contra lassitudinem, hora Lunæ, ipsa in exaltatione sua ascendente, cuius figura erat homo super baculū incumbens, habens in capite auē, & ante se arborē floridā. Aliā faciebant Lunæ imaginē pro augmēto terræ nascentiū, & cōtra uenenā, atq; infirmitates puerorū, hora Lunæ, ipsa ascendente in prima facie cancri: cuius figura erat mulier cornuta, equitās supra taurū, uel draconem septicipitē, uel cancrū, habeatq; in dextra sagittā, in sinistra speculū, uestibus induta albis, uel uiridibus: habensq; in capite duos serpentes cornibus circūuolutos: & cuilibet brachio unum habēs serpētem circumuolutū: & cuilibet pedi unū similiter. Et hæc de figuris planetarū dicta sufficiant.

De imaginibus capitis & caudæ draconis Lunæ. Cap. XLV.



Aciebant etiam imaginem capitis & caudæ draconis Lunæ, scilicet inter circulum aëreum & igneum serpentis effigiem, cum capite accipi ad istar Græ quando Iupiter eum capiebat, quam quidē imaginem multum conferre ad eam imaginē bonum ac



re: uolebātq; cum per serpentis imaginem figurare: hūc enim Aegyptii atq; Phœnices super omnia animalia esse diuinum animal, atq; eius diuinam naturam celebrāt: quia in eo super cetera animalia spiritus acrior atq; amplior ignis existat: quæ res cū ex illo celeri gressu ostenditur, sine ullis pedibus manibusq; uel aliis instrumentis, tum quod ætatem subinde cum eximiis renouat ac iuuenescit. Caudæ uero imaginem faciebant consimilem, quando luna in cauda erat eclipsata, aut à Saturno uel Marte male affecta: faciebantq; illam ad anxietatē & infirmitatem & infortuniū inducenda: & uocabant illā malum genium. Talem imaginē Hebræus quidā incluserat aureo geminatoq; balthæo quem Blancha ducis Borbonii filia marito suo Petro Hispaniarum regi eius nominis primo (siue conscia siue ignorās) dono dedit: quo cū ille cingeretur, serpente succinctus sibi uidebatur: cōpertoq; deinde uim magicam cingulo insertam, eam ob causam uxorem repudiavit.

De imaginibus Mansionum lunæ. Cap. XLVI.

FAciebant etiam imagines in singulis mansionibus Lunæ. In prima ad destructionem alicuius faciebant in annulo ferreo imaginem hominis nigri induti cilicio & præcincti, dextra lanceolam iaciētis: sigillabantq; in cera nigra & fumigabant storace liquida & imprecabant. In secunda cōtra iram principis & pro recōciliatione illius sigillabant in cera alba & mastiche, imaginem regis coronati, & fumigabāt cum ligno aloës. In tertia faciebāt imaginem in annulo argenteo, cuius mēsurā erat quadrata, & cuius figura erat mulier bene induta sedens in cathedra, dextra manu super caput suum eleuata, & sigillabant & fumigabāt cum moscho, camphora & ungula aromatica. hanc prosperitatem fortunæ & omne bonum elargiri asseriebant. In quarta ad uindictam & separationem, inimicitiam & maleuolentiam, sigillabant in cera rubea, imaginem militis equo insidentis, in dextra serpentem tenentis, & fumigabant cum myrrha rubea & storace. In quinta pro gratia regum & officialium & bona receptione, sigillabāt ex argēto, caput hominis, & fumigabant cum sandalo. In sexta ad amorem inter duos ponendum, sigillabant in cera alba, duas imagines sese amplexantes, & fumigabant cum ligno aloës & ambra. In septima ad acquirendum omne bonū, sigillabant ex argento, imaginē hominis bene uestiti, manus ad cælum pro

tendentis, tanquam orantis, & supplicantis, & fumigabant bonis odoribus. In octauo ad uictoriam in bello, figillabant ex stanno, imaginem aquilæ faciem hominis habentis, & fumigabant cum sulphure. In nona ad inferendam infirmitatem, figillabant ex plumbo, imaginem uiri carentis uirga & testibus, manibus oculos suos obturantis, & fumigabant cum resina pini. In decima ad adiuuandum partum, & ad sanandum infirmos, figillabant ex auro, caput leonis, & fumigabant cum ambra. In undecima, ad timorem, reuerentiam & uenerationem, figillabant ex lamina aurea, imaginem hominis super leonem equitantis, sinistra manu illius aurem apprehendentis, dextra dardum proferentis, & fumigabant bonis odoribus, & croco. In duodecima ad separationem amantium, figillabant ex plumbo nigro, imaginem draconis pugnantis cum homine, & fumigabant cum pilis leonis, & assa fœtida. In decima tertia pro concordia coniugatorum & dissoluendo maleficio coitus, figillabant utriusque imagines, uiri in cera rubea, mulieris in alba, & coniungebant in amplexum, fumigantes cum ligno aloës & ambra. In decima quarta pro diuortio & separatione uiri à muliere, ex ære rubeo figillabant imaginem canis suam caudam mordentis, & fumigabant cum pilis canis nigri, & cati nigri. In decima quinta pro acquirenda amicitia & beneuolentia, figillabant imaginem hominis sedentis & literas legentis, & fumigabant cum thure & nuce muscata. In decima sexta ad lucrandum in mercibus, ex argento figillabant imaginem hominis super cathedra sedentis, bilancem in manu tenentis, & fumigabant cum speciebus bene redolentibus. In decima septima contra fures & latrones, cum sigillo ferreo figillabant imaginem simiæ, & fumigabant cum pilis simiæ. In decima octaua contra febres & dolores uentris, ex ære figillabant imaginem colubri caudam supra caput tenentis, & fumigabant cum cornu cerui, idemque sigillum ferebant fugare serpentes & uenenata quæque à loco ubi subhumatum fuerit. In decima nona ad facilem partum & pro uocationem menstruorum, figillabant ex ære imaginem mulieris manus suas supra faciem tenentis, & fumigabant cum storace liquida. In uicesima pro uenatione, figillabant ex stanno imaginem sagittarii semihominis & semiequi, & fumigabant cum capite uulpis. In uicesima prima pro destructione alicuius, faciebant imaginem hominis cum duplici uultu ante & retro, & fumigabant cum sulphure & carabe, & reponebant in pyxide æris, & cum ea sulphur & carabe, & capillos illius cui nocere uoluerant. In uicesima secunda pro securitate fugientium, figillabant ex ferro imaginem hominis alatis pedibus in capite galeam ferentis, & fumigabant cum argento uiuo. In uicesima tertia ad destructionem & deuastationem, figillabant ex ferro imaginem cati caput caninum habentis, & fumigabant cum capillis canis, & subhumabant in loco ubi nocere prætendebant. In uicesima quarta ad multiplicandum greges armentorum accipiebant cornu arietis, uel tauri, uel

hirci, siue illius armenti, quod multiplicare uoluerunt, & sigillabant in eo cum sigillo ferreo inurentes, imaginem mulieris lactantis filium: & suspendebant ad collum illius armenti, quod erat dux gregis: uel sigillabant in cornu illius. In uicesima quinta pro salute arborum & messium, sigillabant in ligno fici, imaginem hominis plantantis: & fumigabant cum floribus fici, & suspendebant ad arborem. In uicesima sexta ad amorem & gratiam, sigillabant in cera alba & mastiche, imaginem mulieris abluentis & pectētis capillos suos: & fumigabant cum rebus bene redolētibus. In uicesima septima ad destruendum fontes, puteos, thermas, & balnea, faciebāt ex terra rubea imaginem hominis alati, uas uacuum & perforatum in manibus tenentis: & cocta imagine, ponebant in uase assam fœtidam, & stercem liquidam: & demergebant aut sepeliebant in puteo, aut fonte, quem destruere uolebant. In uicesima octaua ad congregandum pisces, sigillabant ex ere imaginē piscis, & fumigabant cum corio piscis marini, & proiciebant in aquam, ubicunq; pisces congregare uoluerāt. Præterea unā cum imaginibus prædictis, simul inscribebant nomina spirituum, & characteres eorum: & inuocabant, & imprecabantur ad id quod obtinere prætendebant.

De imaginibus stellarum fixarum beheniarum. Cap. XLVII.



Aeterum nunc ex operibus stellarum fixarum, ex Hermetis sententia, sub capite Algol faciebant imaginē, cuius figura erat caput hominis cum longa barba: habens collum sanguinolentum. Ferunt conferre euentus petitionum, reddere gestantem, audacē, & magnanimum: conseruare membra corporis illæsa, conferre contra maleficia, & reflectere conatus malos & incantationes malas in aduersarium. Sub sydere pleiadum faciebāt imaginem puellæ uirginis, uel figuram lampadis. Fertur augere lumen oculorum, aggregare demones, citare uentos, reuelare secreta & abscondita. Sub Aldeboram faciebant imaginem ad similitudinem Dei, uel hominis uolātis: confert diuitias & honorem. Sub hirco faciebant imaginē, cuius figura erat tanquam homo uolens letari in instrumentis musicis. efficit gestantem, gratiosum & honoratum & exaltatum coram regibus & principibus, & confert contra dolorem dentium. Sub cane maiore faciebant imaginem canis leporarii, uel puellæ uirginis. Confert honorem & beneuolentiā & gratiam hominum, & spirituum aereorum: & dat potestatem pacificandi & concordandi reges & principes & alios homines. Sub cane minori, faciebāt imaginem galli, uel trium puellarum. Cōfert gratiam deorum, spirituum & hominū: dat posse contra maleficia, & conseruat sanitatem. Sub corde leonis, faciebant imaginem leonis, uel cati, uel figuram hominis honorati, sedētis in cathedra. Reddit hominem temperatum, aufert iram, & dat gratiam. Sub cauda Vrsæ maioris, faciebant imaginem hominis cogitabundi, uel tauri, uel figuram uituli. Valet contra incantationes, & reddit gestantem securum in itineribus. Sub ala corui faciebant imaginem corui, uel colubri, uel

hominis nigri induti nigra ueste. Efficit hominem iracundū, audacem, animosum, cogitabundum, maledicum: & efficit mala somnia, dat posse fugandi dæmones & congregandi. Proficit contra malitiam hominum, & dæmonum, & uentorum. Sub spica faciebant imaginem auis uel hominis, onusti mercibus. Confert diuitias: facit uincere lites: aufert angustiam & malum. Sub Alchameth faciebant imaginem equi uel lupi, uel figuram hominis saluantis. Valet contra febres, & stringit ac retinet sanguinem. Sub Elpheya faciebant imaginem gallinæ, uel hominis coronati & sublimati. Confert bene uolentiā & amorem hoīm, & dat castitatē. Sub corde Scorpiōis faciebāt imaginem hominis armati & loricati, uel figuram Scorpionis. Dat intellectū & memoriam: efficit colorem bonum, & auxiliatur contra malos dæmones, & fugat atq; constringit eos. Sub Vulture faciebant imaginē uulturis uel gallinæ, uel hominis itinerantis. Efficit hominem magnanimum & superbum: dat posse super dæmones & bestias. Sub cauda capricorni faciebant imaginē cerui, uel hirci, uel hominis irati. Dat prosperitatē, & auget diuitias. Hæ sunt imagines quarundam stellarum fixarum, quas iubent insculpi in lapidibus suis sub eis.

De figuris geomanticis, quæ inter imagines & characteres mediæ sunt, & earundem tabula. Caput XLVIII.



Vnt adhuc aliæ quædam figuræ, per numeros stellarumq; situs fabricatæ, atq; cum elemētis, tum planetis atq; signis adscriptæ, quas geomanticas uocant, eo quod geomantici diuinatores proiecta sortis suæ puncta, per paritatis & imparitatis excessum, in istas figuras reducunt: & ipse etiam sub suorum planetarum & signorum dominio insculptæ siue impressæ, imaginum uirtutem potestatemque concipiunt: & sunt istæ figuræ uelut medium inter imagines & characteres. Harum autem figurarum naturas, qualitates, proprietates, conditiones, significationes & apotelesmata, qui examussim scire desiderat, apud geomanticorum uolumina requirat. Sunt autem numero non plures quàm sexdecim, quorū nomina & themata sunt hæc:

| FIGVRA. | NOMEN. | ELEMENTVM. | PLANETA. | SIGNVM. |
|-------------------|--|------------|----------|---------|
| *
*
*
* | Via
Iter | Aqua | ♄ | ♌ |
| * *
* *
* * | Populus
Congregatio | Aqua | ♄ | ♍ |
| * *
* *
* * | Coniunctio
Coadunatio | Aër | ♂ | ♎ |
| * *
* *
* * | Carcer
Constrictus | Terra | ♁ | ♏ |
| * *
* *
* * | Fortuna maior
Auxilium maius.
Tutela intrans | Terra | ♁ | ♐ |
| * *
* *
* * | Fortuna minor
Auxilium minus
Tutela exiens | Ignis | ♁ | ♑ |
| * *
* *
* * | Acquisitio
Comprehensum intus. | Aër | ♂ | ♒ |
| * *
* *
* * | Amisio
Comprehensum extra. | Ignis | ♂ | ♓ |
| * *
* *
* * | Læticia
Ridens
Sanus
Barbatus. | Aër | ♂ | ♑ |
| * *
* *
* * | Tristitia
Damnatus
Transuersus | Terra | ♁ | ♐ |
| * *
* *
* * | Puella
Mundus facie | Aqua | ♀ | ♓ |
| * *
* *
* * | Puer
Flauus
Imberbis | Ignis. | ♂ | ♒ |
| * *
* *
* * | Albus
Candidus | Aqua | ♀ | ♓ |
| * *
* *
* * | Rubeus
Rufus | Ignis | ♂ | ♒ |
| * *
* *
* * | Caput
Limen intrans
Limen superius | Terra | ♁ | ♎ |
| * *
* *
* * | Cauda
Limen exiens
Limen inferius | Ignis | ♁ | ♏ |

De imaginibus, quarū figura est non ad similitudinem alicuius figure cœlestis, sed ad similitudinem illius quod desiderat animus operantis.

Cap. XLIX.



ST & adhuc alius imaginum modus, non secundum similitudinem figurarum cœlestium, sed secundum similitudinē illius quod desiderat animus operantis, cuius sunt effigies & uestigia: sic ad amorē fabricamus imagines se inuicem amplectētes, ad discordiam se percutiētes, ad inferendam uero calamitatē uel destructionem, uel impedimentum, uel homini, uel domui, uel urbi, uel alteri rei, conficimus imagines distortas, contractas in membris & partibus, ad similitudinē & figuram eius rei, quam destruere uoluerimus uel impedire: & iubent Magi in fundendis uel sculpendis imaginibus, inscribere sibi nomen sui effectus: & hoc in dorso quando malus, ut destructio, in uentre: quando bonus, ut amor. præterea in fronte imaginis nomen speciei uel indiuidui quam designat imago, uel propter quem, siue contra quem fabricata est. Rursusq; in pectore nomen signi uel faciei ascendentis, & eius domini: etiā characteres, atq; suorum angelorum nomina. Iubent præterea in fabricanda imagine imprecationem illius effectus ad quē conficitur, debere nō taceri: quæ quidem omnia etiā Magnus Albertus in Speculo suo affirmat. Confectis uero imaginibus secundū diuersas eius uirtutes, ipsis diuersimode utuntur: aliquādo enim suspendunt uel alligantur corpori: aliquādo sepeliuntur sub terra uel sub flumine: aliquādo suspenduntur in camino super fumū, uel ad arborē ut moueātur à uento: aliquādo capite sursum: aliquādo deorsum: aliquando in aquā feruentem mittūtur, uel in ignē. Dicūt enim quod quatenus imaginū operarii ipsam imaginem afficiunt, eatenus illā similes passiōes inferre his, quibus adscriptæ sunt, prout illud animus operantis dictauerit: quēadmodum legimus Nestanabū Magum nauīū imagines cereas eo modo & artificio confecisse, ut cum ipse imagines mergebat in aquā, hostium suarū naues in mari simili modo mergebantur, atq; periclitabantur. Constellationes uero ad huiusmodi imagines & cōsimiles obseruādas, docet nos ea pars astrologiæ, quæ de electionibus inscripta est.

De obseruationibus quibusdam cœlestibus, & practica quarundam eiusdem imaginum.

Cap. L.



Modo narrabo tibi obseruationes corporum cœlestium, quæ requiruntur ad practicam aliquarum eiusmodi imaginum. Sic ad fortunandum aliquē, conficimus imaginē in qua hæc fortunata sunt, scilicet illius significator uitæ, uitæq; dadores, & signa, & plāta. fortunemus præterea ascendens, & medium cœli, & eorum dominos. Itē locum Solis, & locū Lunę: partē fortune, atq; dominū coniunctionis uel preuentionis ante suā natiuitatem factę, planetas maleuolos deprimēdo. Si uero ad calamitatē imaginē fabricare uoluerimus, ecōuerso agemus: atq; quæ

hic fortunata, ibidem infortunata locemus, stellas maleuolas erigendo. Simili modo fac pro fortunando loco aliquo, uel regione, uel ciuitate, uel domo. Similiter pro destruendo, uel impediendo aliquo supradictorū, fiat imago sub ascensione illius rei, quam destruere, uel impedire uolueris, & infortunabis dominum domus uitæ illius, dominum ascendentis, & lunam, dominum domus lunæ, & dominum domus domini ascendentis, & domum decimam, & dominum eius. Pro adaptatione autem loci alicuius, pone fortunas in ascēdente eius: & in domo prima, & decima, & secūda & octaua, fortunabis dominum ascendentis, & dominum domus lunæ. Ad fugandum uero animalia certa à certis locis, ut in eis generari, uel habitare, uel persistere non possint, fiat imago sub ascensione illius animalis, quod fugare uoluerimus, & ad similitudinem illius: ut si fugare uelimus scorpiones ab aliquo loco, fiat imago scorpionis, ascendente signo Scorpionis, cum luna, & infortunabis ascendens, & dominum eius, & dominum domus Martis: & infortunabis dominum ascendentis in octaua: & iungantur aspectu maleuolo, opposito, uel quadrato: & inscribatur in imaginem nomen ascendentis, & domini eius, & lunæ nomen, & nomen domini diei, & nomen domini horæ: & fiat fouea in medio loci, à quo eos pellere uolueris: & afferatur in illa de terra accepta ex quatuor angulis loci eiusdem, & sepeliatur ibidem imago, capite deorsum, imprecando siue proferendo, hæc est sepultura scorpionū, ut non ingrediatur istum locum: & sic de similibus. Item pro lucro fiat imago sub ascēdente natiuitatis hominis, uel sub ascensione illius loci, cui lucrum addicare uolueris, fortuna ascendens, & dominum eius: & facias dominū domus secundæ, quæ est domus substantiæ, iunctum cum domino ascendentis in trino, uel sextili: sitq; inter eos receptio, fortunabis undecimam, & dominum eius, & octauam: et si poteris, pone partem fortunæ in ascendēte, uel secunda: et sepeliatur imago in loco illo, uel deferatur ab illo, cui lucrū addicare uoluerimus. Item pro concordia et amore fiat imago in die Iouis, sub ascendente natiuitatis illius, quem uis amari, fortuna ascendens, et decimā: et absconde malos ab ascendente: et habeas dominum decimæ et undecimæ planetas fortunæ, iunctos domino ascendētis, ex trino uel sextili cū receptione: deinde fac aliam imaginem, uidelicet pro illo quem uis incitare ad amandum: cōsidera si sit amicus, uel sodalis illius, quem uis amari: & si sic, fiat imago sub ascensione domus undecimæ ab ascendente primæ imaginis. Si uero fuerit uxor uel maritus, fiat sub ascensione septimæ. Si frater uel soror uel consanguineus, fiat sub ascensione terciæ: & sic de similibus: & pone significatorem ascendentis secundæ imaginis, iunctum significatori ascendentis primæ imaginis: sitq; inter eos receptio: sintq; cetera fortunata, ut in prima imagine, post iunge simul ambas imagines in amplexum, uel pone faciem imaginis secundæ, ad dorsum imaginis primæ: et inuoluantur in sindone & deferantur, uel spoliētur. Item ad successus petitionum, & pro adipiscēda re dene

gata, siue ab alio accepta uel possessa fiat imago sub ascendente illius qui petit rem: & fac dominum secundæ iunctum cum domino ascendente, à trino uel sextili: sitq; inter eos receptio: & si fieri potest, sit dominus secundæ in signis obediētibus, & dñs ascendētis in imperantibus, fortuna ascēdens, & dñm eius: & caue ne sit dñs ascendētis retro gradus, uel combustus, uel cadēs, uel in domo oppositionis, hoc est, in septima à domicilio suo: non sit impeditus à malis, sit fortis, & in angulo: fortunabis ascendens & dominū secūde, & lunam: & fac aliam imaginē pro eo apud quē est quod petitur: & incipe eā sub ascendente pertinenti ad eum: ut si sit rex uel princeps, incipe sub ascendente decimæ domus, ab ascendente primæ imaginis: si pater, sub quarta: si filius, sub quinta, & sic de similibus: & pone significatorem secundæ imaginis iunctū cum dño ascendente primæ imaginis, à trino uel sextili: & ipse recipiat eū, & pone utrosq; fortes & fortunatos absq; impedimento: fac omnes malos ab eis cadentes: fortunabis decimā & quartā, si poteris, uel aliquid eorū: & cum fuerit perfecta secunda imago, iunge eam cum prima, facie uersus faciē, et inuolue in linteo mūdo, et sepeli in medio domus illius qui petit rem, sub significatore fortunato fortuna forti: sitq; facies imaginis primæ uersus septentrionē, uel potius uersus locum ubi moratur ille apud quē est quod petitur: uel si contingat petentē pergere ad eum, apud quem est res petita, deferūt imagines secū, quousq; pergit. Et fit etiā imago somniorū, quę posita sub capite dormientis, uera somnia efficaciter præstat, de quacūq; re animus iā antea deliberauerit, figura illius, est figura hominis dormiētis in sinu, quam facies ascendente leone, sole in ariete nonam domum tenente, tum in pectore hominis inscribes nomē desiderati effectus, in capite autem angeli, nomen intelligētię solis. Fit eadē imago ascendēte uirgine, Mercurio in ariete in nona domo fortunato, aut ascēdētibus geminis Mercurio fortunato, & in aquario nonā tenēte: sitq; à Saturno felici aspectu receptus: inscribiturq; nomē spiritus Mercurii. Fit eadē etiā ascēdēte libra Venere in geminis, in nona domo à Mercurio recepta, inscribendo angelū Veneris: & fit adhuc eadem imago ascendente aquario, Saturno in exaltatione sua, quę est in libra, nonā feliciter possidente: & inscribitur angelus Saturni. Fit adhuc etiam ascendēte cācro, luna in piscibus à Ioue & Venere recepta, & in nona domo feliciter constituta, & inscribitur spūs lunę: & fiunt etiam annuli somniorū mirabilis efficacię: & sunt annuli solis & Saturni & constellatio eorū est, quādo Sol aut Saturnus in exaltationibus suis in nona domo ascendunt: & quando luna Saturno iungitur in nona domo: & in eo signo quod fuit nona domus natiuitatis: & inscribitur annulis nomen spiritus solis uel Saturni: & infigitur lapis sua imagine insculptus, radice aut planta subiecta, secundum regulam quam alibi tradidimus. & hęc de imaginibus dicta sufficiant, nam plura eiusmodi nunc per te ipsum inuestigare poteris. Illud autem scias, nihil operari imagines eiusmodi, nisi uiuificetur ita quod ipsis aut naturalis aut cœlestis

Somniorum
imago.

Annuli so-
mniorum.

aut heroica, aut animastica, aut demoniaca uel angelica uirtus inest, aut adfi-
stat. At quis modo animā dabit imagini, & uiuificabit lapidē, aut metallum,
aut lignū, aut cerā? atq; ex lapidibus suscitabit filios Abrahæ: Certè nō pene-
trat hoc arcanū ad artificē duræ ceruicis: nec dare poterit illa, qui non habet.
Habet aut nemo, nisi qui iā cohibitis elementis, uicta natura, superatis cœlis,
progressus angelos, ad ipsum archetypū usq; transcendit, cuius tūc coopera-
tor effectus, potest omnia, sicut de hoc dicemus in sequentibus.

De characteribus qui ad cœlestium normam imitatio-
nemq; fabricati sunt, & quomodo ex Geomanticis figu-
ris deducuntur cum eorundem tabula.

Caput LI.



Characteres etiā habent communitatem suā ex radiis cœlestium, se-
cundum certum numerum in seinuicem peculiari quadam propri-
etate coniectis, quę quidem cœlestia, sicut in diuersis radiorum suo-
rum ictibus inter se aliter atq; aliter incidentibus, diuersas conspirant uirtu-
tes: sic etiā characteres, iuxta diuersas eiusmodi radiorū concursus aliter atq;
aliter protracti, diuersas subito nanciscuntur operationes: sepe etiā multo ef-
ficaciores, q̃ physicalium commixtionum proprietates. Veri autem caracte-
res cœlorum, ipsa est scriptura angelorum, quę apud Hebræos uocatur scri-
ptura Malachim, per quam in cœlo sunt descripta & significata omnia, cui-
libet scienti legere. Sed de his in posterioribus. Iam uero etiam characteres
ex Geomanticis figuris fabricant, uario modo singularū puncta inter se col-
ligantes, & iuxta earundem figurationum rationem ex quibus formati fue-
rint, planetis atq; signis illis attribuentes, horumq; fabricam sequens tabu-
la exponet.

CHARACTERES LVNAE

Ab uia.



A populo.



CHARACTERES MERCVRII

A cōiūctiōe




Ab albo



Ab amiſſiōe



A puella



CHARACTERES SOLIS.

A fortuna
maiore.



A fortuna
minore.




CHARACTERES MARTIS.

A rubeo



A puero



CHARACTERES IOVIS.

Ab acqui-
ſitione.




A letitia.



CHARACTERES SATVRNI.


A carcere.



A triſtitia



Characteres capitis Draconis.



Characteres caudæ Draconis.



De characteribus qui à rebus ipsis similitudine quadam
abstrahuntur. Caput LII.

Characteres
quid.




Ixiimus superius esse quendam imaginum modum, non ad si-
militudinem imaginum cœlestium, sed secundum emulationē
eius quod desiderat animus operantis: id pari ratione etiam de
characteribus quibusdam intelligendum est. Sunt siquidem ni-
hil aliud characteres huiusmodi, quàm imagines malæ dearticulatæ, habē-
tes tamen quandam probabilem similitudinem cum imagine cœlesti, aut
cum eo quod cupit animus operantis, siue id sit à tota imagine, aut à certa
aliqua illius nota totā imaginem exprimente. Quemadmodum caracte-
res Arietis & Tauri, à cornibus formamus tales. ♈. ♉. Geminorum ab am-
plexu. ♊. Cancrī à progressu & regressu. ♋. Leonis, Scorpionis & Ca-
pricorni, à cauda. ♌. ♏. ♐. Virginis à spica. ♍. ♎. Libræ, à bilance,
♏. Sagittarii à sagitta. ♐. ♑. Aquarii, ab undis. ♒. Et Piscium à piscibus. ♓.
Simili ratiōe character Saturni tractus est à falce. ♄. Iouis à scepro. ♃.

♂. Martis à dardo. ♂. Solis à rotunditate & aureo fulgore ☉. ♀. Veneris,
à speculo. ♀. Mercurii à caduceo. ☿. ♀. Lunæ à crescentis & decrescentisq;

cornibus. ♄. Ex istis deinceps iuxta mixtiōes signorū & stellarū naturarūq;
constituuntur etiam characteres mixti, ut triplicitatis igneæ, ♁. ter-
reæ, ♁. aëreæ, ♁. aqueæ, ♁. Similiter iuxta centum & ui-
ginti planetarum coniunctiones totidem complexi siue compositi chara-
cteres multiplicibus figuris resultant: ut Saturni & Iouis, sic scilicet. ♄♃

♄♃ uel sic: ♄♃ uel sic: Saturni & Martis. ♄♂ uel sic: ♄♂
Iouis & Martis, ♄♂ uel sic: ♄♂ Saturni Iouis & Martis, ♄♂


uel sic: ♄♂ Et sicut hæc de duobus & tribus exemplificata sunt, ita etiam de
reliquis & pluribus formari debent: eademq; ratione cæterarum imaginum
cœlestium, in aliqua facie uel gradu signorum ascendentium characteres
ad similitudinem imaginis quàm cōpendiose protrahendi sunt, sicuti in his
quæ secundum uiam imitationis fiunt ad id quod desiderat animus operan-
tis: ut ad amorem, figuræ sibi permixtæ, seinuicem complectentes, sibiinuicē
obedientes: ad odiū uero contrariō, seinuicem auertentes, impugnantes, di-
spares & dissolutæ. Cæterum nunc quos characteres Hermes adsignauerit
stellis fixis & beheniis, non pigebit huc adpingere, sunt autem tales:



Caput Algol,




Pleiades,




Aldebaram,




Hircus,



Canis maior,



Canis minor,



Cor leonis,




Cauda ursæ,




Ala corui,



Spica,



Alchameth,



Elpheia,



Cor Scorpil,



Vultur cadens,



Cauda capricorni,

Quòd nulla diuinationo sine astrologia sit perfecta.

Caput LIII.



Loquuti sumus in præcedentibus, de uariis diuinationum generibus: sed illud animaduertendum est, omnia hæc astrologiæ usum canonesq; sibi deponere, ueluti clauem ad omnium arcanorum notitiâ pernecessariam: omniaq; diuinationū quarumcunq; genera: sic in ipsa astrologia suas radices & fundamēta habent, ut absq; hac parum aut nihil uideantur adferre: ipsa tamen astrologica dominatio, quatenus cœlestia sunt causæ & signa, omnium eorum quæ sunt & fiunt in istis inferioribus, ex solo situ & motu corporum cœlestium, quęcunq; occulta aut futura sunt, illorum certissimas largitur demonstrationes: de quibus plura dicere hic locus non exigit: cū de hac scientia, ab antiquis, ingētia uolumina scripta sunt: & palā omnibus extant. Itaq; siue corpus, siue uultū, siue frontem, siue manū, inspiciat physionomus, siue somniū, siue auspiciū, cōiectator scrutatus fuerit, si rectū futurum sit iudiciū, cœli figura pariter scrutanda erit: ex cuius indiciis, unā cū similitudinum signorūq; coniecturis, ueridice significatorū nascantur opiniōes. Quòd si etiā prodigium aliquod apparuerit, cœli figura erigenda erit: scrutanda etiā quæ præcesserūt in reuolutionibus annorū, ex magnis cōiunctionibus & eclipsibus: deinde etiā considerandæ principū, gentium, regnorū, urbiū, ubi hæc apparuerint natiuitates, origines, intronizatiōes, foundationes, reuolutiones, profectiones, directiōes, & quæ ex eis sunt: atq; in quē cuiusq; locū cœlestis figuræ, hæc ceciderint: ut ex his omnibus tandem rationabilem & uerisimilimam harū rerum uenemur significationem: eadē serie, minori tamen labore etiā in somniorum expositionibus, incedendum esse perhibēt. Quinetiam qui furore alienati futura prædicunt, non nisi per astra horum uel inferiora instrumenta agitari, id faciunt: unde & illorum uaticinia tandem etiam ad cœlestia adaptanda sunt: quemadmodum apud Lucanum legimus Tuscum Vatem:

Fulminis edoctum motus, uenasq; calentes

Fibrarum, & motus errantis in aere pennæ.

Post lustratam urbem, post mactatam uictimam, post inspecta extra, tandē ex cœlestium syderū dispositionibus, prolata fuisse sententiā. Iam uero etiā ipsa geomātia sortilegiorum accuratissima, quæ per puncta terræ, aut alterius superficiei, uel casu, uel ui quadam inscripta diuinatur, illa primum ad figuras reducit cœlestes: uidelicet ad eas sesdecim quas superius nominauimus: ex eorum proprietatibus & rationibus, astrologico more iudicium forma. Atq; huc spectant, quęcunque naturalium sortilegiorum diuinacula: quorum uis aliunde esse non potest, q̃ à cœlo, atq; ab animo illa operātis. Siquidem quicquid in his inferioribus aliquo motu mouetur, agitur & producitur, necesse est superiorum motus influxus que imitari, ad quos

uelut ad radices, & causas, atq; signa, cum reductum fuerit, eorundem nobis tunc ex astrologicis regulis indicat sententiam. Hinc tessera, tetracedron, hexacedron, octocedron, dodecacedron, icocedron, certis numeris, signis, atq; stellis, oportunis temporibus sub cœlestium influxibus fabricate, & inscriptæ mirandam diuinandi prædicendiq; suis iactibus obtinent uirtutem, ceu qualem Prænestinæ illæ tessera, in quibus Romanorum fata contenta fuisse leguntur.

De sorte, & quando, ac unde illi diuinationis uirtus contingat. Cap. LIII.



Uecunq; per sortem diuinationes, ac euentuum humanorum fiunt prædictiones, præter sortē, causam certē aliquam sublimē & latentem & occultam habere necesse est: quæ quidē non erit causa per accidens, qualē Aristoteles fortunam descripsit. Siquidē in serie causarum, cum secundum Platonicos causa per accidēs nunq̃ possit esse prima & sufficiens causa, oportet nos altius speculari, & inuenire causam, quæ effectum ipsum cognoscat, atq; intendat. Hanc autē nō in corporea natura, sed in substantiis immaterialibus & incorporeis, quæ re uera sortem administrant, & ad ueritatis indicium dispensant, collocare necesse est: ut in humanis animis, aut separatis spiritibus & dæmonibus, aut in cœlestibus intelligentiis, uel in ipso deo. Quod autē in humana anima esse possit sufficiens potestas & uirtus, ad sortes eiusmodi dirigendas, ex eo patet, quia inest animæ nostræ diuina uirtus ac similitudo, omniumq; rerum apprehensio & potestas. Et sicut in libro primo diximus, omnes res habent naturalem obedientiam ad ipsam: & de necessitate habent motum & efficaciam ad id quod desiderat anima forti desiderio: & omnes uirtutes & operationes rerum naturalium & artificialium obediunt illi, quando fertur in imaginum excessum sui desiderii: & omnes sortes cuiuscunq; generis, tunc adiuuant talis animæ appetitum: & acquirunt sibi mirabiles præfagiorum uirtutes: cum ab illa, tū ab oportunitate cœlesti in illa hora, qua ipsam huiusmodi appetitus excessus maxime inuadit. Et hæc eadem ratio, est etiam radix omnium astrologicarum quæstionum: quoniā anima eleuata in alicuius desiderii excessum, arripit ex se horam & oportunitatem magis conuenientem, & efficacem: super qua fabricata cœli figura, potest tunc astrologus in ea iudicare & planē cognoscere de eo quod querens, ipse scire cupit, atq; desiderat. Quia uero nō semper humano animo, sed etiā quod diximus aliorum spirituum ministerio sortes nonnunq̃ diriguntur, nec semper dispositus est uatis animus ad eū quem diximus passionis excessum, hinc apud ueteres mos erat ante sortis proiectionem sacra quædam præmittere, quibus diuinas intelligentias & spiritus ad sortem recte dirigendam aduocabant. Quantulumcunq; ergo præfagii sortes huiusmodi portendunt, non ex casu & fortuna sit oportet, sed ex causa spiritali, cuius ui mouetur phantasia, aut manus sortem mittentis tra-

hentis'ue, siue illa uis prodeat ab anima operantis per imaginū affectus sui excessum, siue ab influxu & oportunitate cœlesti : siue à numine quodā aut spiritu altrinsecus adistente atq; mouente : siue hæ sortes sitæ sunt in talorum iactu : siue in tesserarum impulsu : siue in occurſu uersiculorum, quales erant olim sortes Homericæ & Vergilianæ, quibus legimus apud Aelium Spartianum, olim Hadrianum quæsisse, quo animo in se esset Traianus Imperator, & obueniſſe illi hos Vergilianos uersus :

MAYO.

Quis procul ille autem ramis insignis oliuæ
sacra ferens, nosco crines lucanāq; menta :
Regis Romani primam qui legibus urbem
Fundauit curibus paruis & paupere terra,
Missus in imperium magnum.

Quibus uersiculis in spem potiundi imperii, non frustra euasit. Similiter & apud Hebræos, & penes nos Christianos, non improbantibus quibusdam theologis, sortes ex Psalmorum uersiculis capiuntur. Sunt & alia plura sortium genera, & sunt sortes humanæ, quæ nihil habent diuinationis apud ueteres & apud nos obseruatæ, etiam legibus commendatæ in deligendis magistratibus, inuidiæ uitandæ causa : de quibus etiam Cicero in Verrem mentionem fecit : sed illæ nostri propositi non existunt. Quæ uero diuinæ ac sacræ sortes sunt ad oracula & religionem spectantia, de his in sequenti libro differemus : modo illud uos admoneam, quantumcunque præſagii, diuinationis, aut uiaticum, sortes habere comperiantur, non propter hoc quod sortes sunt illud habent, sed per uirtutem alicuius sublimioris operationis ipsis adiunctam.

De anima mundi & cœlestium, iuxta traditiones poëtarum & philosophorum. Cap. LV.



O Elum corporaq; cœlestia cum ipsa uim habeant & influxum ac manifestam operationem in ista inferiora, necesse est ea esse animata : siquidem operatio à puro corpore prouenire minime potest. Habere igitur mundum ipsum animam, corporaq; cœlestia similiter, & illam quidem intelligētem, omnes nobilissimi tum poëtæ, tum philosophi affirmant. Hinc Marcus Manilius in Astronomicis ad Augustum canit :

Manilius.

Hoc opus immensi constructum corpore mundi,
Membraq; naturæ diuersa condita forma,
Aëris atq; ignis, terræ pelagiq; iacentis,
Vis animæ diuina regit : sacroq; meatu
Conspirat deus, & tacita ratione gubernat.

LUCANUS.

Item Lucanus:

Aëre libratum uacuo, qui sustinet orbem,
Totius pars magna iouis.

Et Boethius:

Tu triplicis mediam naturæ cuncta mouentem
 Connectis animam, per consona membra resoluis.
 Quæ cum secta duos motus glomeratur in orbes,
 In semet reditura meat, mentemq; profundam
 Circuit, & simili conuertit imagine cælum.

Boethius.

Et Vergilius omnis philosophiæ plenissimus, sexto Aeneidos canit:

Principio cælum & terras, camposq; liquentes,
 Lucentemq; globum Lunæ, Titaniaq; astra,
 Spiritus intus alit: totamq; infusa per artus
 Mens agitat molem, & magno se corpore miscet.
 Inde hominum pecudumq; genus, uitæq; uolantum:
 Et quæ marmoreo fert monstra sub æquore pontus.
 Igneus est ollis uigor, & cælestis origo:

Mare.

Seminibus quantum non noxia corpora tardant.

Quid enim hi uersus aliud uelle uidentur, quàm mundum non modo habere spiritum & animam, sed etiã mentis diuinę esse participem, atq; omnium inferiorum originem, uirtutem, uigoremq; ab ipsa mundi anima dependere: Hoc Platonici omnes, hoc Pythagorici, hoc Orpheus, hoc Trismegistus, hoc Aristoteles, Theophrastus, Auicenna, Algazeles, omnesq; peripatetici fatentur atq; confirmant.

Idem confirmatur ratione.

Caput LVI.



Abet mūdus, habent cœli, habent stellæ, habent elementa animam, cū qua causant animā, in istis inferioribus atq; mixtis. Habent etiam spiritū ut in priori libro diximus: qui mediante anima sua adest corpori: nam cum mundi corpus totum, quoddā est corpus, cuius particulæ sunt omniū animantium corpora, atq; quanto totū partibus ē pfectius & nobilius, tātō mūdi corpus pfectius nobiliusq; ē singulorum animantium corpore, absurdum foret, quod imperfecta quæq; corpuscula, & mundi particulæ, & uilissima quæque animalcula, muscæ & uermiculi uita digna sint, uitā possideant, animam habeant, mūdū ipsum integrū, perfectissimū, totale ac nobilissimū corpus, neq; uiuere, neq; animā habere. Non minus absurdū est, cœlos, stellæ, elemēta, quę singulis uitā animāq; largissime prębēt, ipsos uita animāq; carere: sitq; plāta, uel arbor quęuis, nobilioris conditionis, q̄ cœlū, q̄ stellæ, q̄ elementa: quæ naturaliter sunt sua causa. Quis enim nisi uitæ infors, terrā & aquā neget uiuere, quæ ex se innumerabiles arbores, plantas, animantesq; generant, uiuificant, nutriunt, augent? quod uel manifestissime apparet in sponte nascentibus, & in his quibus semina corporalia desunt. Neq; enim possent elementa eiusmodi uiuentia generare & nutrire, si ipsa uita animāq; carerent. Dicent forte ali-

qui, uiuentia eiusmodi non ab anima terræ uel aquæ, sed ex cœlestiū animarum influxibus progigni. His respondent Platonici, non posse accidens generare substantiam, nisi forte ut instrumentum proximæ substantiæ subiiciatur. Dicunt aut̃ proximæ substantiæ, quia instrumentum ab artifice remotum, non mouetur ad artis effectum: Sic etiam cœlestes illi influxus, cū sint accidentia quædam à suis uitalibus substantiis siue ab ipsa uita longe remota, uitalem substantiam in istis inferioribus non generabunt. Et Mercurius in Tractatu quem de communi inscripsit, inquit: Totum est in mundo, aut crescendo aut decreſcēdo mouetur. Quod autem mouetur, id propterea uiuit: & cum omnia moueantur, etiam terra, maxime motu generatiuo & alteratiuo ipsa quoq; uiuit. Si quis autē cœlos dubitet uiuere inquit Theophrastus, is non censetur philosophus: & qui negat cœlum animatum esse, ita ut motor eius non sit forma eius, totius philosophiæ fundamēta destruit. Viuit itaq; mundus, habetq; animam, & sensum: siquidem uitā dat plantis, quæ ex semine non gignuntur: & sensum præbet animalibus, quæ non gignuntur per coitum.

Quòd anima mundi ac cœlestes animæ sint rationales,
ac mentem participantes diuinam.

Caput LVII.

QUOD etiam animæ quas diximus rationem habeant, ex eo patet, Nam cum uniuerſa dictarum animarum opera perpetuo quodam ordine inter se conspirant, necessarium est, non casu sed ratione regantur: quibus rationibus cunctas suas operationes ad certa dirigāt & perducant. Neceſſe est enim terram rationes habere terrenorum, & aquā aqueorum: similiter in ceteris quibus singula suo tempore, loco, & ordine procreantur: & sæpe læsa recreantur. Non ergo terræ animam, ueluti abiecti cuiuspiam corporis animam censent philosophi, sed rationalem, insuper intelligere, & esse deam. Absurdum præterea foret, cum nos nostrorum operum possidemus rationes, animas cœlestes, ipsamq; animam uniuerſi, suorum rationes non habere. Quod si (ut inquit Plato) mundus ab ipso bono quàm optimus effici poterat, est effectus, erit certe non solum uitæ, sensus, & rationis, sed etiam intelligentiæ mētisq; particeps. Siquidem perfectio corporis, anima est: & illud corpus perfectius est, quod perfectiorē habet animā. Neceſſe ergo est, cum cœlestia corpora perfectissima sint, perfectissimas etiam habeant animas. Sunt igitur intellectus mentisq; participes: quod Platonici etiam ex ordinis tenorisq; eorundē perseuerantia comprobāt: quia motus cum sit natura sua liber, præuariçari facile potest, ac uicissim peruagari, nisi intellectu mēteq; regatur: & ea quidem perfecta, electissimā uiam, atq; optimum finem ab initio præuidente: quæ quidem mens perfecta, quia potentissime adest animæ, qualis est anima mundi, & quales sunt animæ corporū cœlestium & elementorum, procul dubio ordinatissime & perfectissime ad

scriptum sibi opus gubernat. Siquidem potentissimę animę corpora non resistunt, & mens perfecta non uariat consilium. Est itaq; anima mundi, uita quędam unica omnia replens, omnia perfundens, omnia colligans & cōnectens, ut unam reddat totius mūdi machinam: sitq; uelut unum monochordum, ex tribus generibus creaturarum, intellectuāli, cōlesti & incorruptibili reboans, unico flatu tantummodo & unica uita.

De nominibus animarum cōlestium, eorundemq; do-

minio in hunc inferiorem mundum, uideli-

cet hominem.

Cap. LVIII.



Nimarum autem cōlestium nomina, multa admodū sunt atq; diuersa, pro multiuga earum in ista inferiora potētia atq; uirtute: à quibus diuersa nomina sortita sunt, quibus ueteres in eorū hymnis & inuocatiōibus usi sunt. Circa quod aduertendū, quod unaquęq; eiusmodi animarū, iuxta Orphicam theologiam, duplicem dicitur habere uirtutem: unam in cognoscēdo positam, alteram in uiuificando & regendo corpus suum esse sitam. Hoc modo in sphæris cōlestibus, priorem illam uirtutē, uocat Orpheus Bacchum: alterā appellat Musam. Hinc non inebriatur per aliquem Bacchum, qui suę Musę prius copulatus nō fuerit. Itaq; nouem Bacchi, circa nouem Musas designātur: unde in nona sphæra ponit Orpheus Bacchum Cribroniū, & Musam Calliopē: in cōelo stellato Picionium & Vraniam. In cōelo Saturni Amphictū & Polyhymniam. In cōelo Iouis, Sabasium & Terpsicorem. In cōelo Martis, Bassarium atq; Clio. In cōelo Solis Trietericum & Melpomenen. In cōelo Veneris Lysium & Erato. In cōelo Mercurii, Silenum & Euterpen. In cōelo Lunę, Bacchum Lyęū, & Thaliā Musam. Similiter & in sphæris elementorum, animas nominat hoc modo. In igne ponit phanetā & aurorā. In aere fulminatorē Iouē & Iunonem. In aqua oceanum, & Thetym. In terra Plutonē, & Proserpinam. Animam uero mundi siue totius uniuersi, uocant magi Iouem mundanū: mentem uero mundi Apollinem nuncupant: naturā mūdi Mineruam. Pręterea in igne Vulcanum: in aqua Neptunum: & nominabant ipsos diuersis nominibus. In syderibus quoq; zodiaci, duodecim ponebant Pythagorici particulares deos, siue animas in cordibus eiusmodi syderum fitas: atq; exinde totū sydus regentes: scilicet in corde arietis, Pallas particularis: in corde tauri, Venus particularis: Geminorum, Phœbus particularis: cancri, Mercurius: leonis, Iupiter: Virginis, Ceres: librę, Vulcanus: Scorpionis, Mars: sagittarii, Diana: capricorni, Vesta: Aquarii Iuno particularis: in corde pisciū Neptunus particularis. Hoc Manilius decantat his uersibus:

Manilius.

Lanigerum Pallas, taurum Cytherea tuetur,

Formosus Phœbus geminos, Cyllenius cancrum,

Iupiter & cum matre deum regit ipse leonem.

Spiciferę est uirgo Cereris, fabricatāq; libra

Vulcano, pugnans Mauorti scorpius hæret.
 Venantemq; Diana uirum: sed partis equinæ
 Atq; angusta fouet capricorni sydera Vesta.
 Et Iouis aduersum Iunonis Aquarius astrum est.
 Agnoscitq; suos Neptunus in æquore pisces.

Ipsēq; antiquissimus Orpheus ad Musæum scribens ampliora istis enumerat cælorum numina, eorundemq; uaria nomina, respectusq; & officia assignans: singulaq; propriis hymnis compellans. Nemo ergo putet hæc malorum & decipientium dæmonum nomina esse: sed naturalium diuinarumq; uirtutum, à uero deo in ministerium & utilitatem hominis qui eis uti sciuerit, mundo distributarum: ipsaq; antiquitas singulis his numinibus singula hominis membra adscripsit: ut puta aurem memoriæ: quam & Vergilius Phœbo dedicat inquiens: Cynthius aurem Vellit & admonuit. Sic dextram fortitudinis signaculum, & per quam iuramentum fit, Numa Pompilius narrante Liuiο fidei consecrauit: digitī sub Mineræ tutela sunt, & genua misericordiæ data. Hinc ea flectunt ueniam precantes, Umbilicum aliqui Veneri uelut luxuriæ sedem dedicant. Alii qui omnia membra ad ipsum ueluti cætrum referunt, Ioui illum consecratum perhibent. Hinc in Iouis Hammonis templo, umbilici effigies celebrabatur. Multa alia prosequuntur ueteres, etiam minima quæq; membra, & articulos, suis numinibus adscribentes, quæ si recte intelligantur, & uera his præsentia cognoscantur numina, nihil eorum est à debita pietate alienum, cum & sacra eloquia testentur membra omnia nostra à supernis uirtutibus regi, de quibus ampliora in sequenti libro dicemus, nec membra solummodo, sed & quæcunq; hominum exercitia, suis numinibus distributa sunt, ut uenationes Dianæ, bella Palladi, agricultura Cereri, de quibus ita in oraculis ait Apollo apud Porphyrium:

Sunt calami matri diuum, sunt tympana curæ,
 Fœmineiq; chori, dura atq; horrentia bella
 Pallas amat, nemora & saltus uenatibus apti
 Dianam capiunt, Iunoniq; humidus ær
 Debetur, Cereriq; seges, perquirat Osyrim
 In latis Nili ripis fidissima coniunx.

De septem mundi gubernatoribus planetis, eorundemq; uariis nominibus, magicis sermonibus deseruientibus. Cap. LIX.



Ræterea septem illos mūdi gubernatores (ut uocat Hermes) Saturnum, Iouem, Martem, Solem, Venerem, Mercurium, & Lunam, uariis nominibus & epithetis nuncupabant inuocabantq; Saturnū uidelicet uocātes Cælium, falcigerum, patrem deorū, dominum temporis, dominum altum, magnum, sapientem, intelligētem, ingeniosum, reuolutorem longi spaciū, senem magnę profunditatis, arcane contēplationis autorem, in cordibus hominū cogitationes magnas impri-

nec ociosum, omnia uirtute sua deuinciens, faciens humiliari altum depresso, forte debili, nobile uili, omnia reificans & coequans: uocaturq; Aphrodita, quia in omni sexu, in omni animo reperitur: & dicitur Lucifera, quasi lucem ferens. Solis annos, ducens ad lucem, & uocatur Hesperus: quando solem subsequitur, & uocatur Phosphorus quasi per omnia conducens quantumcunq; ardua. *Mercurius.* Mercurius dicitur filius Iouis, præco deorum, interpretes superum, Stilbon, serpentiger, caducifer, alipes, facundus, lucrificus, sapiens, rationabilis, robustus, strenuus, potens in bono & malo, notarius solis, nuncius Iouis, utrorumque deorum superum & inferum comiteator, masculus cum masculis, foemina cum foeminis, utroq; sexu foecundissimus: & Lucanus uocat illum arbitrum deorum. Dicitur etiam Hermes, hoc est interpretes, omnem obscuritatem elucidans, & aperiens quæ in penetralibus recondita sunt. *Luna.* Luna uocatur Phoebe, Diana, Lucina, Proserpina, Hecate, menstrua, semiformis, Noctiluca, errans, silens, bicornis, sospitatrix, noctiuaga, cornigera, regina cæli, summa numinum, prima cælitum deorum dearumq; regina manuum, elementorum omnium domina, cui respondent sydera, redeunt tempora, seruiunt elementa: cuius nutu spirant fulmina, germinant semina, crescunt germina, frugum parens initialis, Phœbi soror, lucens & fulgens, deferens lucem de uno planetarum ad alium, cuncta numina sua luce collustrans, stellarum uarios meatus cohibens, solis ambagibus incerta lumina dispensans, domina magnæ pulchritudinis, domina pluuiorum & aquarum, datrix diuitiarum, nutrix hominum, gubernatrix omnium statuum, pia & misericors, terra mariq; homines protegens, fortunæ tempestates mitigans, cum fato dispensans, omnia terræ nascentia enutrens, lucos diuersos inerrans, laruales impetus comprimens, terræ claustra cohibens, cæli luminosa culmina, maris salubria flumina, inferum deplorata silentia nutibus suis dispensans: regens mundum, calcans tartarum, cuius maiestatem perhorrescunt aues cælo meantes, fera montibus errantes, serpentes solo latentes, beluæ ponto nantes. Ceterum de his & similibus stellarum planetarumq; nominibus, epithetis, cognomentis & inuocamentis, qui plura scire uelit & curiosius illa scrutari, is ad Orphicos hymnos se conferat, quos reuera qui intellexerit, magnam naturalis magiæ intelligentiam consecutus erit.

Quod humanæ imprecationes naturaliter imprimunt suas uires in res exteriores. Et quomodo animus humanus per singulos dependentiarum gradus ascendit in mundum intelligibilem, fitq; similis spiritibus & intelligentiis sublimioribus.

Caput LX.



O Elestes aīe uirtutes suas corpibus cœlestibus influūt, q̄ deinde illas huic sensibili mūdo trāsmittūt: Non enim ab alia causa q̄ à cœlesti, terreni orbis uirtutes proueniūt. Hinc Magus p̄ illas opaturus, utitur inuocatiōe astuta superiorū, uerbis mystēriosis & locutiōe quadā ingeniosa, trahēs unū ad aliud, ui tamē naturali per quandā cōuenientiā inter illas mutuā, qua res spōte sequūtur, siue quādoq; trahūtur in uitē. Hinc dicit Aristotel. li. vi. Mysticē philosophiē. Quòd ubi aliq̄s ligādo aut fascinādo inuocet solem alias ue stellas, orās ut cooperentur operi desiderato, nō sol aut aliq̄ stelle sermonem illū audiūt, sed mouentur aliquo modo ex colligātia quadā naturali & mutua serie, qua partes mūdi sunt sibi mutuo subordinatę, habētq; cōsensum mutuū, propter magnā unionē earūdc. Sicuti in corpore hūano, membrū unū mouetur percipiendo motū alterius: atq; in cithara, mota una chorda, mouetur & altera. Sic quādo aliq̄s mouet aliquā partē mūdi, mouētur & alię percipiendo motū illatū. Cognitio itaq; dependētē rerū sese subsequentiū, est fundamētū omnis mirabilis operatiōis, q̄ necessario requiritur ad uim attractiōis superiorū uirtutū exercendā. Verba aut̄ hoīm res quēdā sunt naturales: & q̄a partes mūdi naturaliter seinuicē trahūt & in se muto agūt, idcirco Magus inuocās per uerba, operatur per uires naturę aptas, quēdā amore unius ad aliā ducēdo aut trahēdo propter sequelā unius rei ad alterā: aut repellēdo, propter odiū unius ad aliā, ex rerū contrarietate & differētia, uirtutūq; multitudine: quę licet sint cōtrarię aut differētes, perficiūt tamē partē unā: quādoq; etiā dñio quodā cogit res uirtute cœlesti, quoniā nō est alienus à cœlo. Hō ergo, si q̄s recipit imp̄ssiōnē alic⁹ ligatiōis aut fascinatiōis nō recipit secūdū animā rōnalē, sed sensuale: & si q̄ parte sui patit̄, secūdū aīalē submūdanāq; patit̄. Nō. n. ratiōe cognoscētē & intelligētē trahere possunt, sed tantū sensu illā imp̄ssiōnē & impetū cōcipientē, q̄tenus cœlestiū influxu, & rerū mūdanarū cooperatiōe, spirit⁹ aīalis hōis afficitur ultra dispositionē suā pristinā aut cōnaturalē: quēadmodū fili⁹ mouet patrē ad labores etiā uel inuitū seruādi alēdiq; illius gratia, q̄uis fatigetur: & appetit⁹ dominādi mouet ad iracūdiā aliosq; labores adipiscēdi dominii causa. Et indigētia nature, & timor paupertatis, mouēt ad optādū diuitias. Et ornatus mulieris pulchritudoq; incitāmētū est ad illius concupiscētiā. Et harmonia prudētis musici uariis passiōibus mouet audiētes: quorū alii spōte sequūt cōsonātiā artis, alii etiā gestu sese cōformāt, etiā inuitē, q̄a sensus illorū captiuatus est, rōe se se ad hęc nō intēdente. Sed has species fascinationū & ligationū nō admirat̄ uulgus nec detestatur, ob cōsuetudinē: admiratur aut̄ alias phisicas, quoniā ignorat, & nō cōsueuit illis. Hinc incidunt in errores, putantes supra naturā aut cōtra illā esse, qđ ē à natura & secūdū illā. Sciēdū igit, quòd unūqđq; superius mouet suū proximū inferius, in suo gradu & ordine, nō solū in corporibus, sed etiam in spiritibus. Sic anima uniuersalis mouet animas particulares: & anima rationalis agit in sensualem, & illa in uegetabilē: & quēlibet pars mundi agit in aliā, & unaquęq; est apta moueri ab alia: & quēlibet pars mundi

di huius inferioris patit à cœlis secundū naturā aptitudinēq; suā, uelut pars una corporis animalis patitur ab alia. Et mūdus superior intellectuālis, mouet omnia infra se, quandoquidē continet omnia eadē entia à primo ad postremū quæ mundi inferiores. Corpora itaq; cœlestia mouent corpora elementaris mundi, cōposita, generabilia & sensibilia à concauo ad centrū, per essentias superiores perpetuasq; & spiritales pendentes ab intellectu primario, qui est intellectus agens: sed & uirtute à deo per uerbum eius insita, quod uerbū Chaldæi Babylonix sapientes, uocāt causam causarum, quoniā ab eo producūtur entia, etiā ipse intellectus agēs ab eo secūdus. Id autē propter unionē uerbi huius cum autore primo, à quo omnia existētia uerē producūtur. Verbū igitur id, est simulacrū dei: intellectus agens, est simulacrū uerbi: anima est simulacrū intellectus: uerbū autē nostrū est simulacrū animæ, per qd agit in res naturales naturaliter, quoniā natura opus illius est. Et unūquodq; istorū pficit suū subsequēs sicut pater filiū: & nullū posterius existit sine priore: sunt enim inter se dependētia, dependētia quadā ordinata, ita quōd quando corrūpitur posterius, reuertitur ad proximū prius, donec pueniat ad cœlos, deinde ad animā uniuersalē, postea ad intellectū agentē, quo oēs alię creature existūt, quiq; existit in autore principe, quod est uerbū creans, ad quod tandē omnia reuertūtur. Oportet igitur animā nostrā uolentē operari aliqd opus mirandū in istis inferioribus, speculari suū principiū, ut ab illo roboretur, illustret, uimq; agēdi recipiat per singulos gradus ab ipso autore primo. Igitur dāda est opera, ut magis contēplemur animas stellarū q̄ corpora: magis mundū supercœlestē intellectuāle, q̄ cœlestē corporeū: quoniā ille est nobilior, q̄uis etiā hic insignis & præliminaris ad illū existat: & sine quo medio, non possit superioris illius influxus cōsequi. Verbi gratia: Sol rex stellarū luce plenissimus, recipit illā à mundo intelligibili super oēs alias stellas, quoniā anima sua illius intelligibilis splendoris capacior existit. Quapropter, qui Solis attrahere cupit influxū, oportet illū cōtemplari Solem, non tantū speculatione exterioris luminis, sed etiā interioris. Atq; hoc nemo potest, nisi redeat ad ipsummet animū Solis, euadatq; illi assimilis, uisūq; intellectuāli cōprehēdat illius intelligibile lumē, sicuti oculo corporeo sensibile lumen: hic nāq; illius splendore implebitur, & lumē eius qd est hypotypus à supno orbe impressus, in se suscipiet: cuius illustratiōe indutus, uerē illi par, & tanq̄ sub leuamēto adiutus, supremā illā claritatē, oēsq; eius participes formas pro uoto intellectus consequetur. Cūq; hauserit lumen gradus supremi, tūc anima illius accedet ad illius perfectionē, assimilabiturq; spiritibus Solis, attingetq; uirtutes & illustrationes uirtutis supernaturalis, illarūq; potestate fruetur, si nacta fuerit fide in autore primo. Imprimis igitur implorare oportet opē & assensum ab ipso autore primo: neq; id ore tantū, sed & cū gestu religioso & supplici animo, etiā abūde, incessanter & integre orātes, ut ille illustret mentē, dimoueatq; tenebras animabus superexcrecentes propter corpus.

AMPLISSIMO DO

MINO, PRINCIPI ILLVSTRISSIMO HERMANNO AB
wyda, Principi electori, westphaliæ & Angariæ Duci, Domi-
no & Archipræsuli Colonienfi & Padebornenfi, Domi-
no suo gratiosissimo Henricus Cornelius
Agrippa ab Netteszheym.



ST VETERVM MAGORVM NOBILIS
admodum sententia (Princeps Illustrissime) nul-
la in re nobis in hac uita magis elaborandum esse,
q̃ ut ab animi nobilitate, quo deo proximè accedi-
mus diuinamq; induimus naturam, minime de-
generemus, nequando inani otio torpescens ani-
mus, ad terreni corporis fragilitatem carnisq; ui-
tia resoluitur, illumq; tãquàm proiectũ per per-
uersarum cupiditatum tenebrosa præcipitia per-

damus. Quare nos ita animum instituerè decet, ut ipse per semet dignitatis
sux nobilitatisq; memor, dignum aliquod seipso & cogitet semper & faciat
& operetur. Hoc autem solum & maxime præstat nobis diuinæ scientiæ no-
tio, quãdo eius maiestatis recordatione diuinis semper studiis occupati, res
diuinas per omnia horarum momenta sagaci ac peruiigili inquisitione con-
templamur, & per singulos creatorũ gradus ad ipsum usq; archetypum ascẽ-
dentes, ab illo rerum omnium inerrabilem haurimus uirtutem: quam qui
negligunt, naturalibus & mundanis tantummodo confidẽtes, hi solent uar-
riis sæpe erroribus ac fallentiis confundi, & à malis dæmonibus sapissime fal-
li. Diuinorum autem intelligentia purgat mentem erroribus, redditq; diui-
nam, uirtutem operibus nostris infallibilem præstat, & malorum omnium
dæmonum fraudes & obstacula longe propellit, illosq; simul imperio no-
stro subiicit, etiam bonos angelos & uniuerfas mundi uirtutes in nostrũ mi-
nisterium cogit, attracta uidelicet ab ipso archetypo operum nostrorũ uir-
tute, ad quem quum ascendimus, necesse est omnem creaturam nobis obe-
dire, totusq; nos sequitur cœlestium chorus. Nam (ut inquit Homerus) Nul-
lus deorum ausit in suis sedibus permanere moto Ioue: Statimq; tunc regit
(ut ait Aristophanes) per aliquem deorum, cui iussa capeßere phas est, qui
tunc ex officio suo petitiones nostras pro uoto nostro exequatur. Cum ita
q; (Princeps Illustrissime) diuinus atq; immortalis tibi datus sit animus, qui
cum diuinæ prouidentia benignitas, procliue fatum, & naturæ liberalitas te
taliter dotarunt, ut mentis acumine, & sensuum incolumitate, rerum natura-
lium amœna spectacula sublimesq; cœlorum ædes difficilimosq; rerum di-
uinarum adytus intueri, scrutari, contemplari, discernere, & diiudicare uale-
as: tantarum uirtutum tuarum necessitudine tibi deuinctus, debitor sum, eti-

am quæ diuinæ ac ceremonialis magiæ mysteria sine fictiōe didici, ueris sententiarum definitionibus sine inuidia communicare, & intelligentiam eorū non abscōdere, quicquid de his Isiaci Aegyptiorum ueteres sacerdotes, ac Chaldaei Babyloniorum prisci uates, atq; Cabalistæ Hebræorum diuini sapientes, tum Orphici, Pythagorici & Platonici, Græcorū profundissimi philosophi, tum Indorum Bragmani, Aethiopum Gymnosophistæ, ac nostræ religionis intemerati theologi tradiderunt, & qua uerborum ui, qua signaculorum potentia, quibus benedictionum & imprecationum carminibus, qua obseruationum uirtute tam stupenda & admiranda prodigia olim operati fuerint, in hoc tertio Occultioris philosophiæ libro tibi intimantes, & quæ uetustatis squalore obsita, & obliuiois caligie uelut Cimmeriis tenebris huc usq; inuoluta iacuerunt, ad lucem exponentes. Plenum igitur nunc & integrum his tribus libris Occultioris Philosophiæ siue Magiæ tibi reddimus opus, quod nos peruigili cura atq; animi pariter & corporis labore, cum maximo etiam conatu perfecimus, sermone licet incultum, re tamen plane arduissimum. Quare hanc unam ueniam me præfatum uolo, ne orationis gratiam sermonisq; elegantiam in his libris requiras, quos olim iuuenili ætate, cum esset adhuc sermo rudis informisq; oratio, scripsimus: atq; nunc nō orationis contextum sed sententiarum seriem duntaxat recognouimus: minus enim elegantiæ sermonis studuimus, succedente in eius locum uberrate materiæ. Satisq; nos officio nostro perfunctos esse arbitror, si quæ de Magiæ arcanis referre polliciti sumus, pro uirili nostra præstiterimus, & à munere tibi debito conscientiam nostram liberauerimus. Sed cum nullum mihi dubium sit, conspiraturos contra me multos nasutulos sophistas, ex his qui se dei nepotes diuinitate plenissimos iactant, & de Sybillæ foliis sibi iudicium arrogant, qui hæc nostra (cum ob dissimiles suis labris lactucas, insuetumq; suis naribus amaracinum, tum etiam ex olim cōcepti aduersum me odii scintillis ægre sub cinere latentibus) nouo incendio iudicare & damnare aggressuri sint, etiam priusquàm quicquàm eorum legerint aut omnino recte perceperint. Idcirco (Princeps Illustrissime sapientissimeq; antistes) hoc opus à me tuarum uirtutum meritis adscriptum, & iam tuum effectum, insuper tuę censuræ subiicimus, & protectioni tuæ commendamus, ut si improbi & perfidi sophistæ, crassa liuoris & calūniandi insania illud arrodere uelint, ipsum tuæ discretionis perspicacia, ac iudicii candore, feliciter protegas atq; defendas. Vale felicissime.

HENRICI CORNE-

CCIX.

LII AGRIPPÆ DE OCCULTIORE PHILO-

sophia, siue de Magia, Liber tertius, & ultimus.

De necessitate, uirtute & utilitate Religionis.

Caput primum.



EMPVS EST NVNC AD ALTIO-
ra nos conuertere, & ad eā Magiæ portionē, quę
nos docet callere & scire leges religionū: & quo-
modo ueritatem religione diuina debeamus adi-
pisci: & quomodo animum et mentem qua sola
possumus ueritatē cōprehendere, rite debeamus
excolere. Est enim Magorum uulgaris sentētia,
quod nisi mens atq; animus bene ualuerint, cor-
pus bene ualere non posse. Tunc autem esse ho-

minē uere sanū, quando anima et corpus ita copulantur et inter se conueni-
unt, ut firmitas mentis et animi, corporis uiribus non sit inferior. Firmam
autem et robustam mentem (ut inquit Hermes) consequi non aliunde pos-
sumus, quā a uitæ integritate, a pietate, a diuina denique religione. Reli-
gio enim sacra mentem purgat, redditq; diuinam: iuuat etiam naturam, na-
turalesq; roborat uirtutes, quemadmodum medicus corporis iuuat sanitatē,
et Agricola terræ uirtutem adiuuat. Quicunque uero religione relicta natu-
ralibus tantum confidunt, solent a malis dæmonibus sæpissime falli. Ex in-
tellectu autem religionis, contemptus medelaq; nascitur uitiorum, & con-
tra malos dæmones tutamentū. Denique nil deo gratius & acceptius, quā
homo perfecte pius ac uere religiosus: qui tam homines cæteros præcellit, q̃
ipse a diis immortalibus distat. Debemus nos igitur prius quidem purgatos
offerre & commendare diuinæ pietati & religioni, & tūc diuinum illud am-
brofianum nect̃ar (nect̃ar inquam, quod Zacharias propheta appellat uinū
germinans uirgines) sopitis sensibus, tranquilla mente expectare, laudantes
& adorantes, supercœlestem illum Bacchum, summum deorum & sacerdo-
tū antistitē, regnationis autorem, quem bis natum ueteres cecinere poëtæ,
a quo tam diuinissimi riui in corda nostra emanant.

De silentio & occultatione eorum, quę secreta in reli-
gione sunt.

Caput II.



Vicunq; igitur nunc in hac sciētia studere affectas, tam sacrum
dogma intra secreta religiosi pectoris tui penetralia silētio regi-
to, & cōstanti taciturnitate celato. Sermonem enim tanta numi-
nis maiestate plenissimum (ut inquit Mercurius) irreligiōsæ

s ii

mentis est multorum conscientię publicare: & diuinus Plato præcepit, non esse populo inuulgāda, quę sacra & arcana in mysteriis sunt. Pithagoras quoq; & Porphyrius sectatores suos silentio religioso consecrabant. Orpheus etiam ab his quos sacrorum ceremoniis initiabat, silentii iusiurandum cū terribili quadam religionis autoritate exegit, ne religionis secreta prophanis auribus proderentur: unde in carmine de uerbo sacro canit:

Orpheus.

Vos qui uirtutem colitis, uos ad mea tantum
Dicta aures adhibete, animosq; intendite uestros.
Contrā qui sacras leges contemnitis, hinc uos
Effugite, procul hinc miseri, procul ite prophani.
Tu uero qui diuina specularis, & alta
Mente capis Musæ, uoces complectere, & illas
Aspiciens sacris oculis sub pectore serua.
Hocq; iter ingressus, solum illum suspice mundi
Ingentem autorem, solum interituq; carentem:
Quem nos præsentī quis sit, sermone docemus.

Macro.

Apud Vergilium etiam de Sibylla legimus:
Aduentante dea, procul o, procul este prophani:
Conclamat uates: totoq; absistite luco.

Hinc & in sacris Eleusine Cereris celebrandis, initiati solum admittebantur, agēte hoc præcone, qui procul esse prophanum uulgus acclamabat, & apud Esdram legimus idem præceptum, de Hebræorū Cabalistis arcanis, his uerbis explicatum. Tradas eos libros sapientibus de populo, quorū corda scis capere posse, & seruare secreta hæc. Iccirco religiosa Aegyptiorū uolumina & ad ceremoniarum arcana pertinentia, ex charta hieratica, hoc est sacrata cōficiēbantur: in his literas ignorabiles perscribebant, quas sacras uocant. Macrobius, Marcellinus & cæteri, hieroglyphicas appellari tradunt: ne scilicet à prophanis, eiusmodi scripta nosci possent, quod etiā Apuleius testatur his uerbis: Peraçto inquiring sacrificio, de opertis adyti, profert quosdam libros, literis ignorabilibus prænotatos, partim figuris huiusmodi animalium, concepti sermonis, compendiosa uerba suggerētes: partim nodosis, & in modū rotæ tortuosis, capreolatimq; condensis apicibus, à curiositate prophanorū, lectione munita. Silentes igitur & occultantes quæ secreta in religiōe sunt, erimus eius sciētiæ digni discipuli. Silētiū enim fides (ut inquit Tertullianus) religionibus debet: qui uero secus agūt, periculo sunt proximi. Vnde Apuleius, de arcanis sacrorū: Dicerem si dicere liceret, cognosceres si liceret audire, sed parem noxam contraherent aures & linguæ temerariæ curiositatis. Sic legimus Theodotum tragediarum poetam, cum nonnulla ex Iudaicæ scripturæ mysteriis, ad fabulam quandam referre uellet, luminibus priuatum, Theopompus quoq; qui cœperat nonnulla ex lege diuina transferre in Græcam linguam, turbatione mētis quadam & animi ilico perculsus est: unde postea

Tertullianus.

mus.

Apuleius.

magnopere deū orans, quare id sibi contigisset, responsum accepit per somniū, quia res diuinas lenocinio inquinaret, in publicū promulgaret. Numenius etiā quidam occultorū curiosior, offensam numinū contraxit, quod Eleusina deā sacra interpretando euulgauisset. Somniauit enim Eleusinas deas habitu meretricio ante apertū lupanar prostantes, quod cū admiraret, irate responderūt, ab ipso se aditu pudicitie suae ui abstractas, & passim adeū tibus prostitutas: per quod admonitus est, ceremonias deorū numine inuulgandas esse. Ideo antiquorū studiū semper fuit, dei & naturae sacramenta inuoluere, & uariis enigmatibus obtegere: quā legem sic obseruarūt Indi, Brachmanes, Aethiopes, Persae, Aegyptii. Hinc Mercurius, Orpheus, oēsque antiquates, & philosophi, Pythagoras, Socrates, Plato, Aristoxenus, Ammonius, inuiolabili fide feruarūt. Hinc Plotinus, & Origenes, ceterique Ammonii discipuli, ut narrat Porphyrius in libro de educatione & disciplina Plotini, iurarūt ne Magistri dogmata ederēt: & quia Plotinus, uiolato iureiurando Ammonio praestito, sacramenta publicauit, in transgressionis poenā, ut nonnulli adserūt, horrendo pediculus edulio consumptus est. Ipse etiā Christus dū adhuc in terris ageret, ea lege & ratione loquitur est, ut tantūmodo secretiores discipuli intelligerēt mysteriū uerbi dei, ceteri autē solas parabolas sentirēt: praecipiens insuper non dandum sanctum canibus, nec margaritas exponendas porcis. Ideo inquit propheta: Abscondi in corde meo eloquia tua, ut non peccet tibi. Non decet itaque arcana quae inter paucos sapientes solo ore communicanda sunt, publicis committere literis. Quare ueniam mihi dabit, si multa ea quae potiora, ceremonialis magiae arcana sacramenta, silentio fuerim praetergressus. Satis autem me facturum arbitror, si ea quae scitu necessaria sunt referemus, atque uos ab huius libri lectione non abeat, mysteriorum illorum omnino inanes: sed ea lege haec uobis communicata sunt, qua Dionysius adstringit Timotheum, uidelicet ut ab his qui percipiunt, indignorum non exponantur arcana, sed inter sapientes collecta, ea qua decet reuerentia custodiantur. Illud praeterea uos in hoc initio admonitos esse uolo, quod quae admodum ipsa numina detestantur publica, atque prophana, amantque secreta, sic experimentum omne magicum, fugit publicum, quaerit occultari, silentio roboratur, propalatione autem destruitur, nec completus inde sequitur effectus. Patiuntur enim haec omnia iacturam, cum loquacibus & incredulis animis ingeruntur. Oportet igitur magicum operatorem, si fructum inde consequi uelit, secretum esse, ac nullis neque opus suum, neque locum, neque tempus, neque desiderium, neque uoluntatem suam propalare, nisi aut praepatori, aut coadiutori, siue socio qualē etiā oportebit esse fidelē, credentē, & taciturnū, & a natura, aut institutione dignificatū. Siquidē ipsa etiā socii loquacitas, incredulitasque, atque indignitas, in omni operatione effectū impedit atque disturbat.

Quae dignificatio requiratur, ut quis euadat in uerum Magum, & mirandorum operatorem.

Cap. III.

s iii



Circa principium primi libri huius operis, loquuti sumus qualē oporteat esse magum: nunc uero narrabimus rem arcanam, necessariā, & secretam, unicuique qui in hac arte operari affectat, quæ est principium & complementum & clavis omnium magicarum operationum: & ipsa est dignificatio hominis ad hanc tam sublimem uirtutem ac potestatem. Requirit enim hæc facultas in homine mirandam dignificationem: ipse enim qui in nobis est intellectus, summa mens animæ, solus est mirandorum operator: qui cum fuerit nimio carnis demersus commercio, & circa sensibile corporis animam occupatus, nullum meretur diuinarum substantiarum imperium: ideoque multi frustra hanc artem prosequuntur. Oportet nos itaque qui ad tantam celsitudinem nitimur, duo potissimum meditari: unum uidelicet qua ratione affectus carnales, caducumque sensum, materialesque passionem deseramus. Alterum qua uia, & quo modo, ad purum ipsum intellectum, deorumque uirtutibus coniunctum ascendamus, sine quibus haud feliciter inquam ad rerum secretarum scrutinia, atque ad mirabilium operationum uirtutem scandere possumus. In his enim tota consistit dignificatio, quam præstant natura, meritum, & ars quedam religiosa, naturalis dignitas: ipsa est corporis organorumque optima dispositio, animam ipsam nulla crassitudine obscuras: nec ullo tumultu, aut humore preueniens: & hæc prouenit à situ, motu, lumine, & influentia corporum, animarumque celestium, quæ in genesi cuiusque uersantur: ut sunt quorum nomina domus per Saturnum, Solem, Mercuriumque fortunata est. Mars etiam in nona domo, spiritibus imperat. Sed de his copiose tractatur in libris astrorum. Qui uero talis non fuerit, necesse est ut naturæ defectum, educatione, optimoque regimine, & rerum naturalium prospero usu, reconpenset, quousque omni perfectione intrinseca & extrinseca completus euadat. Hinc tanta diligentia cauetur in lege Mosaica de sacerdote, ut sit impollutus à mortuo, à muliere uirgine, à menstruata: quod sit liber à lepra, à fluxu sanguinis, à hernia: sitque integer in omnibus membris: non cæcus, non claudus, non gibbus, non naso deformi. Et Apuleius in Apologia sua dicit puerum magico carmine diuinationi initiandum, oportere eligere sanum, incolumem, ingeniosum, decorum, integrum, animo solertem, & ore facundum, ut in eo diuina potestas quasi bonis ædibus uersetur: atque ipse pueri animus cito expertus, ad diuinitatem suam redigatur. Meritoria autem dignitas duobus perficitur, doctrina uidelicet & opere. Doctrinæ finis est, uerum cognoscere. Oportet ergo sicut circa principium primi libri dictum est, in tribus illis facultatibus eruditum & expertum esse: deinde sublati impedimentis, animam ipsam contemplationi penitus admouere: & in seipsam conuertere. Inest enim nobis ipsis rerum omnium apprehensio & potestas. Prohibetur autem quo minus his fruamur, per passionem ex generatione nobis obstantes, per imaginationes falsas, & appetitus immoderatos: quibus expulsis, subito adest diuina cognitio atque potestas. Operatio autem religiosa, non minorem efficaciam sortitur, quæ

sæpe etiam se sola efficax est ad acquirendam nobis deificam uirtutem. Tanta enim est uirtus sacrorum operum rite factorum exhibitorumq; ut etiam licet non intellecta, pie tamen & integre obseruata, stabiliq; fide credita, non minorē habeant efficaciam, nos diuina potestate decorare. Quæ uero arte religionis acquirat dignitas, ipsa religio fide quibusdā ceremoniis, & expiationibus, consecrationibus, sacrisque ritibus perficitur ab eo, cuius spiritum publica religio consecrauit: qui potestatem habet impositionis manuū, & initiandi uirtute sacramentali, ex qua imprimitur character diuinæ uirtutis atque potestatis. quem uocant diuinum consensum, quo homo diuina natura subnixus, & quasi cœlitum confors effectus, insitam numinis gerit potentiam: & hic ritus inter ecclesiastica sacramenta relatus est. Si igitur nunc fueris homo sacra religionis mente perfectus, qui pie constantissimeq; de religione sentias, & sine hæsitacione credas, fuerisq; talis cui autoritas sacrorum, naturaq; præ cæteris contulerint dignitatem, quæ numina minime contemnant, poteris orando, consecrando, sacrificando, inuocando, uirtutes spirituales atq; cœlestes attrahere, & rebus tuis quibus uelis imprimere, omneq; scientiæ magicalis opus ea ipsa uiuificare. Quisquis autem præter autoritatem officii, absq; sanctitatis & doctrinæ merito, præter naturæ educationisq; dignitatē aliquid in magicis operari præsumperit, sine fructu laborabit, ac se simul & credentes sibi, decipiet: ac numinum indignationē cum periculo incurret.

De duabus ceremonialis Magiæ adminiculis,
religione & superstitione.

Cap. IIII.

DVO sunt quæ regunt omnem ceremonialis Magiæ operationē, religio uidelicet & superstitio. Religio ipsa, est diuinorum assidua contemplatio, piisq; operibus cum deo diuinisq; numinibus religatio, per quam reuerēti famulatu, digna illis ueneratio, & cultus sanctificatio impenditur, ceremoniarq; diuini cultus rite exercentur. Est itaq; religio, disciplina quædam externorum sacrorum ac ceremoniarū, per quam rerum internarum & spiritualium, tanquā per signa quædam admonemur: quæ ita nobis à natura insita est, ut plus illa, quā rationabilitate, à cæteris animantibus discernamur. Quicūq; igitur ea neglecta, naturalium uiribus (ut supradiximus) tantūmodo confidunt, solēt à malis dæmonibus sæpissime falli. Iccirco qui religiosius sanctiusq; eruditi sunt, nec arborē plantant, nec uineā inferunt, nec modicū quoduis opus absq; diuina inuocatione adgrediūtur, sicut ad Colossenses præcipit doctor gentiū, inquiēs: Quæcunq; feceritis, in uerbo aut opere, omnia in nomine domini Iesu Christi facite, gratias illi agētes & deo patri per ipsum. Religionis igit uires, physicis ac mathematicis uirtutibus superaddere, tantū abest à culpa, ut non adiungere, sit impiū scelus. Hinc in libro senatorū ait Rabi Henitia: Quicūq; omitta bñdictione, aliqua creaturarum fungit, hāc ueluti furto & rapina, à deo & ecclesia

usurpasse creditur: de quo scriptum est per Solomonem: Qui rapit aliquid à patre aut matre, particeps est uiri subuerforis. Pater autem deus est, mater uero ecclesia, sicut scriptum est: Nunquid non ipse est pater tuus, qui possedit te? Et alibi: Audi fili disciplinā patris tui, & ne dimittas legem matris tue. Nihil deo magis displicet, quàm negligi, quàm contemni: nihil placet magis, quàm uenerari, quàm adorari. Hinc nullam mundi creaturam religionis permisit expertem, cuncta deum uenerantur, cuncta precantur (ut inquit Proculus) hymnisq; concinnant ad ordinis sui duces. Sed alia quidem naturali modo, alia sensibili, alia rationali, alia quidē intellectuāli: & omnia suo modo, iuxta Canticum trium puerorum, benedicunt dño. Religionis autē ritus, ceremoniæq; pro temporū regionumq; uarietate, diuersi sunt: & unaquæq; religio boni aliquid habet, quod ad deum ipsum creatorē dirigitur: & licet unam solam Christianā religionem deus approbet, ceteros tamē eius gratia susceptos cultus, non penitus reprobat: & si non aeterno, temporaneo tamen prēmio irremuneratos non relinquit: uel saltē minus punit: impios uero & penitus irreligiosos, tanq̃ hostes odit, fulminat, & exterminat: maior enim est illoꝝ impietas, q̃ eorum qui falsam & erroneam religionem secuti sunt. Nulla enim religio (teste Lactantio) tam erronea, quæ non aliquid sapientiæ contineat: qua ueniam illi habere possunt, qui summū hominis officium, si non re ipsa, tamen proposito tenuerunt. Ad ueram autē religionem homo per seipsum peruenire non potest, nec nisi doceatur à deo. Omnis itaque cultus qui à uera religione alien⁹ est, superstitio est: & omnis ueneratio, quæ plus exhibet in cultum diuinum q̃ uera religio, etiam superstitio est. Si militer & illa, quæ exhibet cultum diuinum, uel cui non debet, uel eo modo quo nō debet. Cauendū est igitur summopere, ne quādo peruerso aliquo superstitiōis cultu, summo ac omnipotēti deo, sacrisq; sub illo numinibus fiat iniuria: hoc enim & nefariū esset, & philosophis indignissimum. Superstitio itaq; licet à uera religione aliena sit, nō tamē tota, aut oīs reprobata est, quoniam in multis etiā toleratur, & à religiōis antistitibus obseruatur. Dico autem superstitionem eam maxime, quæ est similitudo quædā religionis, quæ quatenus imitatur, quicquid in religione est, ex miraculis, ex sacramentis, ex ritibus, ex obseruationibus, & eiusmodi cæteris, haud paruum inde nanciscitur potentiam: non minorem etiam uim sortitur ex credulitate operantis. Quantum enim possit constans credulitas, in primo libro dictū est, & apud uulgus palām notum est. Credulitatem igitur requirit superstitio, quemadmodum religio fidem. Tanta siquidem potest cōstans credulitas, ut etiam miracula operetur in opinionibus & operationibus falsis. Quilibet enim in sua religione, etiam falsa, modo firmissime credat ueram, spiritum suum ea ipsa credulitatis ratione eleuat, donec adsimiletur spiritibus illis, qui sunt duces & principes eiusdem religionis: eaq; operetur, quæ ratio & natura non discernunt. Hæsitatio autē credulitatis, & diffidentia, omne opus, non mo-

do in superstitione, sed etiam in uera religione infirmant, & effectum quæsitum, licet fortissimorum experimentorum eneruant. Quomodo autem superstitio imitetur religionem, ista tibi exempla ostēdunt: uidelicet, quādo excommunicantur uermes & locustę, ne noceant frugibus: quādo baptizantur campanę, & imagines, & eiusmodi plura. Quia uero prisca illi magi, & qui eius artis autores apud ueteres extiterunt, fuerunt Chaldei, Aegyptii, Assyrii, Persę & Arabes, quorum religio omnis peruersa erat, & idololatria inquinata, cauendum nobis summopere est, ne permittamus illorum errores supra nostrę catholicę religionis rationes militare. Hoc enim blasphemū esset, & maledictioni subiectum: & ego etiam blasphemus essem in hac scientia, si uos de illis non admonerem. Vbiunque ergo huiusmodi à nobis scripta reperietis, scitote illa uobis ex alienis autoribus narrata, & me uobis non pro ueritate tradita, sed pro coniectura, quę est affinis ueritati, & imitationis instructio, in his quę uera sunt. Oportet igitur ex illorum erroribus, ueritatem nos colligere: quod quidē non nisi profundę intelligentię, integrę pietatis, difficilis & laboriosę diligentię, existit opus: & sapiētia, quę de omni malo nouit extrahere bonum, & obliqua omnia adaptare in rectum, usum eorū quę gubernat, sicut de hoc exemplum dat Augustinus de carpētario, cui necessaria & opportuna sunt instrumenta obliqua & complicata, non minus quàm recta.

De tribus ducibus religionis, qui nos ad ueritatis semitam perducunt. Cap. V.



RES sunt religionis duces, qui nos ad ueritatis semitam usque perducunt, & qui religionē totam gubernant: in quibus tota cōsistit, scilicet amor, spes, atque fides. Amor enim uehiculum animę, omniū pręstantissimus, supernē ab intelligibilibus usq; ad inferiora descendens, ad diuinam pulchritudinem mentem nostrā congregat atq; conuertit: nos quoq; in omni operatione cōseruat, & effectus ad uota largitur, uirtutē supplicationibus nostris subministrās: sicut apud Homeros Iliados legitur, Chriſen Apollo supplicante exaudiuit, quia multū sibi amicus erat: & de Maria Magdalena legitur in Euangeliiis: Dimittuntur ei peccata multa, quia dilexit multum. Spes uero immobiliter ad ea quę appetit suspenſa, quādo indubia atque imperturbata fuerit, nutrit animum & perficit, in bono singulatim oīa sistens. Fides uero uirtus omniū superior, quatenus non humanis commentationibus, sed diuinę reuelationi tota innititur, per uniuersum omnia lustrat: nam cum ipsa superne à primo lumine descendat, atque illi uicinior existat, longe est nobilior atque excellentior, quàm sciētia, & artes, & credulitates à rebus inferioribus, per reflexionem à primo lumine acceptam, ad intellectum nostrum accedentes. Denique per fidem efficitur homo aliquid idem cum superis: eademq; potestate fruatur. Hinc Proclus ait: Sicut fides quę est credulitas, infra scientiam est, Proclus

fic fides quæ est uera fides, est supersubstantialiter supra omnem scientiam & intellectum, nos deo immediate coniungens. Est enim fides omnium miraculorum radix, qua sola (ut Platonici testantur) ad deum accedimus, diuinamq; adsequimur protectionem uirtutemq;. Sic legimus Daniele leonum pericula euasisse, quia credidit deo suo, & Heremorroisse ait Christus: Fides tua te saluam fecit: & à cæcis petentibus lumē, fidē regnauit dicens: Creditis quod possum uos illuminare? sic Pallas apud Homerū his uerbis consolatur Achillem:

Iliad. Veni ego pacificatura tuam iracundiam si credideris.
Linus. Iccirco Linus poeta canit credenda esse omnia, quia facilia deo omnia sunt: nihil est ei impossibile, ergo nihil incredibile. Credentes igitur quæ ad religionem pertinent, eorum nanciscimur uirtutem. Vbi uero de fide defecerimus, nihil admiratione, sed pœna dignum operabimur: quemadmodum de hoc apud Lucam exemplum legimus, sub his uerbis: Tentauerunt ergo quidam de circumstantibus Iudeis exorcistis, inuocare super eos qui habebant malignos spiritus, nomen IESU dicentes: Adiuro uos per IESUM quem Paulus prædicat. Respondens autem spiritus nequam dixit eis: IESUM noui, & Paulum scio: uos autē qui estis? Et insiliens homo in eos in quo erat demonium pessimum, & dominatus amborum, inualuit contra eos: ita ut nudi & uulnerati effugerent de domo illa.

Quomodo his ducibus anima humana scandit in naturam diuinam, efficiturq; miraculorum effectrix. Cap. VI.



Ens itaq; nostra pura atq; diuina, religioso amore flagrans, spe decorata, fide directa, posita in culmine & fastigio humani animi, ueritatem attrahit, omnesq; rerum tam mortaliū quàm immortalium status, rationes, causas & scientias, in ipsa ueritate diuina, tanquam in quodam æternitatis speculo intuetur, subito comprehendens. Hinc prouenit, quod nos in natura constituti, ea quæ supra naturam sunt cognoscimus, ac inferiora quæque intelligimus, atque non modo ea quæ sunt, & quæ fuerunt, uerumetiam eorum quæ mox fient, & quæ longe post futura sunt, assidue recipimus oracula. Præterea non solum in scientiis, & artibus, & oraculis mens eiusmodi uirtutem sibi diuinam uendicat, uerumetiam in rebus quibusq; per imperium transmutandis, miraculosam suscipit potentiam. Hinc prouenit nos in natura constitutos, aliquando supra naturam dominari: operationesq; tam mirificas, tam subitas, tam arduas efficere, quibus obediunt manes, turbentur sydera, cogantur minima, seruiant elementa: sic homines deo deuoti, ac theologicis istis uirtutibus eleuati, imperant elementis, pellunt nebulas, citant uentos, cogunt nubes in pluias, curant morbos, suscitant mortuos: quæ omnia apud uarias gentes facta fuisse, canunt poëtae, recitant historici: atq; ea ipsa fieri posse, splendidissimi quiq; philosophi unā cū Theologis confirmant: sic prophetae, sic apostoli, sic cæteri uiri maximis claruere potentiis. Sciendum ergo, quod sicut per primi agentis inflexū,

sæpe producitur aliquid sine cooperatione mediarum causarum, sic etiam per solum opus religionis, fit aliquod sine applicatione naturalium cœlestiumq; uirtutum: sed nemo potest operari per puram & solam religionem, nisi qui totus factus est intellectualis. Quicumq; autem sine admixtione aliarum uirtutum, per solam religionem operatur, si diu perseverauerit in opere, absorbetur à numine, nec diu poterit uiuere. Quicumque autem non purificatus accesserit, superinducit sibi iudicium & traditur ad deuorandum spiritui nequam.

Necessariam esse Mago ueridei cognitionem, & quid de Deo ueteres senserunt Magi atq; philosophi.

Caput VII.



Voniam omnium rerum esse atq; operari, à summo deo omniū creatore dependet, deinde etiā à cæteris numinibus, quibus etiā fabricandi creandiq; potestas data est, non quidem principaliter sed ratiōe instrumētali in primi creatoris uirtute (res enim omnium principium, prima causa est: quod aut à secūdis causis producitur, idem magis à prima producitur, quæ & secundarum causarum productrix est: quos iccirco secundarios deos nuncupamus) necesse igitur est magum quenq; ipsum deum omniū productorem & primā causam ceterosq; deos siue numina (quas secūdas causas dicim⁹) cognoscere: & quo cultu, q̄ ueneratione, quibus sacris, uniuscuiusq; conditioni conformibus colendi sunt singuli, nō ignorare. Quicūq; enim inuocatis diis, illos nō proprio honore prosequitur, nec illis quod cuiq; congruit rite distribuit, illorū præsentiam & optatos ab illis effectus nō adsequitur: quemadmodū in harmonia, si una chorda frāgatur, tota subito dissonat: nonnunq̄ etiā periculū cū pœna incurrit, sicut scriptum est de Assyriis, quos transtulit Salmanasar in Samariā, quia ignorabant legitima dei terræ, immisit in eos dñs leones, qui interfecerunt eos, eò quod ignorabant ritum dei terræ. Nunc igitur quid ueteres magi & philosophi de deo consonū senserint uideamus. Legimus enim qđ Nicocreonte tyrāno Cypriorum quondam quis summus deus foret interrogāte, Serapidis illi respondisse oraculū, illū pro maximo deo habendū cuius caput cœlum esset, uenter maria, pedes terra, aures in ipso æthere locarentur, oculi præfulgentis solis lumen: cui haud absimile cecinit Orpheus in his uersibus:

Sydereaq; domus rex est & Iupiter ipse,
Principium atq; ortus: uerum uis una deusq;
Vnus, & omnipotens, regali in corpore cuius
Singula ponuntur, tellus, unda, ignis & ær:
Nox simul atq; dies, sapientia, primaq; origo.
At iucundus amor, magno hoc in corpore regis
Sunt Iouis excelsi: ceruicem nanq; uidebis,
Cœli suspiciens reuerentia magnaq; recta.

Orpheus.

Hoc caput auricomum, flauī de uertice crines
 Stellarum rutilant radii, dehinc aurea pandit
 Cornua bina caput capitisq; similima tauri.
 Vnum est ortus ipse occasus. & aliud:
 A st oculis fulgens ingenti lumine Phœbus,
 Lunaq; purpureo Phœbi redimita colore
 Præscia uenturi mens constat regius æther
 Quam strepitus nullus, nec uis, nec fama latere
 Arcanum ue potest, penetratq; per omnia uictrix,
 Præterea inuictum corpus, sine fine modoq;
 Panditur, a st humeri magni quoq; pectora lata.
 Est ær, alas quoq; uentis possidet ille.
 His ad cuncta uolans, Euro est uelocior ipso.
 Tum sacer antiqua matre ex Tellure tumescit
 Venter, & ex altis confurgit montibus ingens:
 Quem medio pontus subcingit rite sonorus.
 Vltima præterea terrarum limina, & ampli
 Fundamenta globi, furibundaq; tartara, plantas
 Esse pedum, magni constat rectoris Olympi.
 Hic cum sub terris celasset cuncta, deinde
 Ex imis repetens, in lucem protulit almam.

Sophocles. Vniuersum itaq; mundum Iouem arbitrantur: atq; sane ipsius mundi men-
 te quæ in seipsa mundū continens produxit: unde Sophocles, in ueritate in-
Euripides quit: Solus unus est deus, qui cœlū hoc & terrā capacem condidit. Et Euripi-
 des inquit: Vides ne excelsū, qui illū infinitū ætherē, & terram undiquaq;
 cōplectitur ulnis? Hūc crede Iouē, hūc arbitrare deū. Vnde Ennius poëta ca-
Ennius. Aspice hoc sublime candens, quem inuocant omnes (nit:
 Iouem.

Porphyrus Vniuersus igitur mundus Iupiter est (ut inquit Porphyrius) animal ex ani-
 malibus, deus ex diis constitutus. Iupiter autem est in quantum intellectus
 est à quo uniuersa producuntur, cuncta creans intelligendo. Hinc Orpheus
 de uerbo sacro canit.

Orpheus. Vnus perfectus deus est, qui cuncta creauit:
 Cuncta fouens, atq; ipse ferens super omnia sese.
 Qui capitur mente tantum, qui mente uidetur:
 Qui nullumq; malum mortalibus inuehit unquam
 Quem præter non est alius. Et paulo post:
 Ipse est principium, mediumq; & exitus idem.
 Priscorum hæc nos docuerunt omnia uates:
 Quæ binis tabulis deus olim tradidit illis.
 Vocatq; ipsum in eodem carmine,

Mundi

Ingentem autorem solum, interituq; carentem.

Zoroastes quoque in sacra historia de rebus Persicis sic deum definit: *Deus quid,* *Deus quid,* us est inter omnia quæ labem nullam & corruptionem sentiunt, primus: in genitus, nec interiturus unquam, partium expers, sibiq; ipsi similimus, bonorum omnium auriga & autor, rerum pater omnium, optimus ac prudētissimus, sacrum iustitiæ lumen, absolutissima naturæ perfectio, eiusq; inuentor ac sapientia. Apuleius autem describit ipsum basileum, hoc est regem, totius rerum naturæ causam, rationem, & originem initialem, summū animi genitorē, æternum, animantiū sospitatorem, sine propagatiōe genitorē, neq; loco, neq; tēpore, nec ulla uice comprehensum, eoq; paucis cogitabilē, nemini effabilem. Hinc itaq; summū deum Euripides Iouē præcipit nominādum: per cuius caput cecinit Orpheus uniuersa in lucem processisse: cæteras aut potestates, ministras esse cēsendas: quæ uidelicet extra deum sunt, & ab ipso separatæ. Hinc ipsi dei ministri, & intelligentiæ separatæ, à philosophis nuncupantur. Huic itaq; summo Ioui, illiq; soli, cultū religiosum deberi dicunt: cæteris uero numinibus non deberi nisi propter ipsum.

Quid de diuina trinitate ueteres senserint philosophi. Cap. VIII.



Vgustinus atq; Porphyrius testātur, Platonicos, tres in deo personas posuisse, quarum primam uniuersitatis patrem appellāt: secundam, filium atq; primam mentē uocant: etiā à Macrobio sic dictam: tertiam spiritum, siue animam mundi: quam etiam Vergilius ex Platonis opinione spiritum uocat, ubi canit:

Spiritus intus alit, totamq; infusa per artus

Mens agitat molem.

Dei filium, primam mētem, diuinum scilicet intellectum, tradunt Plotinus & Philo, à deo patre manantem, quemadmodum abs loquente uerbum: uel sicut à lumine lumen. Hinc & uerbum, & sermo, & splendor dei patris, nomina accepit: diuina enim mens, cum se unico & nunquam interrupto actū, absq; ulla internotione, aut uicissitudine, intelligit summum bonum: prole & filium in se progenerat, quæ est plena intelligentia, plena sui imago, & plenū mundi exemplar: quod Ioannes noster, & Mercurius uerbū nominant, siue sermonem: Plato dei patris filium: Orpheus uero Palladem ex Iouis capite natam, hoc est sapientiam. Hæc est altissima dei parentis imago, quādā tamē relatione, aut aliquo intrinseco absoluto, tanquā genita distincta à generāte, quæ apud Ecclesiasticum ait: Ego ex ore altissimi prodii, primogenita ante omnem creaturam. Filium autem hunc cum patre unum & eundem in essentia deum esse testatur Iamblichus, deū uidelicet suipsius patrem filiumq; nominās. Mercurius quoq; Trismegistus in Asclepio, dei filium diuersis in locis affirmat. Inquit enim: Deus meus atq; pater, mentem sibi aliam opificem peperit. Et alibi: Monas gignit monadem, & in se suum reflectit ardorem. & in Pimandro (ubi uaticinari uidetur de futura lege gra

tia ac de regeneratiōis mysterio) ait, regeneratiōis autor est filius dei homo, unius uoluntate dei. Vocat etiam deum utriusq; sexus fecunditate plenissimū. Similiter Indorum philosophi adserunt mundum esse animal partim masculum atq; fœminā: & Orpheus naturam mundi Iouemq; mundanum marem simul appellat & fœminam: adseritq; utrūq; diis sexum inesse. Hinc in Hymnis Mineruam sic alloquitur: Vir quidem & fœmina producta es. Et Apuleius in libro quem scripsit de Mundo, ex Orphica theologia hunc uersiculum traduxit de Ioue:

Iupiter & mas est & fœmina, nescia mortis.

Et Vergilius de Venere inquit, canit:

Maro.

Descendo, ac ducente deo.

Et alibi, de Iunone siue Alecto intelligens, inquit:

Nec dextræ oranti deus abfuit.

Et Tibullus canit:

Tibullus.

Qui Veneris magni uiolau numina uerbo.

Et Carenus populus deum Lunam mirifica ueneratione coluisse legitur. Ex hac plena summæ fecunditatis intelligentia, amor producitur, ligans intelligentiam cum mente: & eo amplius, quanto immensa proportione sibi intimior est q̃ aliæ proles cum eorum parentibus, quæ est tertia persona, scilicet spiritus sanctus. Adducit etiam Iamblichus Chaldæorum oracula, ponētia in deo paternam potestatem: Intellectus à patre emanationem amorēq; igneum à patre filioq; procedentē, eundemq; deum. Hinc apud Plutarchū legitur, gentiles deum descripsisse, esse ipsum spiritum intellectuale & igneum, non habentem formam, sed transformātem se in quodcunq; uoluerit, & coæquantem se uniuerfis. Et in Deuteronomio legitur: Deus ignis consumens est. De quo & Zoroastes ait, omnia uno ab igne genita esse. Et Heraclitus Ephesius cuncta ex igne genita esse docuit. Hinc diuinus Plato, deum in ignea essentia habitare posuit, intelligens uidelicet, inenarrabile dei in seipso splendorem, & circa seipsum amorem. Et apud Homerū legimus, æthera esse regnum Iouis, ubi canit:

Homerus.

Iuppiter obscurans nebulas, & in æthere regnans.

Et idem alibi:

Sors Iouis est cœlum, nebulis sedet æthere lato.

αἰθήρ.

Dicitur autem æther iuxta Græcorum grammaticam, ab ætho, quod significat ardeo, & ær spiritus, quasi æthaër, id est, ardēs spiritus. Hinc Orpheus æthera appellauit pyripnon, id est igneum spiraculum. Pater ergo, & filius, & spiritus amatorius, idemq; igneus, uocantur à theologis tres personæ: quas etiam Orpheus in adiurationibus his uerbis inuocat: Cœlum adiuro te, dei magni sapiens opus. Vocem adiuro te patris, quam locutus est primū, quando mundum uniuersum suis firmavit consiliis. Easdem confitetur Hesiodus, sub Iouis, Mineruæ & Bula nominibus, in Theogonia sua, duplicem Io

πυρίπνον.

uis partum his uerbis enuncians: Primam certe filiam cæcis oculis Tritoni-
niam, æqualem habenti patri potentiam, & prudentem Bulen, hoc est
consilium. Quod Orpheus in præfatis uersiculis pluraliter protulit,
propter duplicem eius emanationem: producit enim à Ioue & Miner-
ua pariter. Ipseque Augustinus libro quarto de Ciuitate dei, testatur Por-
phyrium Platonium tres in deo personas posuisse: primam, quam pa-
trem uniuerſitatis appellat: secundam, quam primam mentem, & filium
à Macrobio dictum: tertiam, animam mundi, quam Vergilius ex Plato-
nis opinione spiritum uocat, inquit:

Spiritus intus alit, totamque infusa per artus

Mens agitat molem.

Est igitur deus, ut inquit Paulus, à quo omnia, in quo omnia, & per quæ omnia
A patre enim tanquam à primo fonte emanant omnia: in filio uero tanquam in pisci-
na suis ideis collocantur omnia: per spiritum sanctum uero explicantur omnia,
& propriis gradibus singula distribuuntur.

Quæ sit uera de Deo & sanctissima Trini-
tate orthodoxa fides.

Caput IX.



Ecreuerunt doctores catholici populusque fidelis, ita sentientes
ac profitendum esse, quod unus sit solus uerus deus, increatus,
immensus, omnipotens, æternus, pater, filius, spiritus sanctus,
tres quidem personæ, sibi inuicem coæternæ & coæquales: una ta-
men essentia & substantia, naturaque simplex omnino. Hæc est fides catholi-
ca, hæc est orthodoxa religio, hæc est Christiana ueritas, ut unum deum in
trinitate, & trinitatem in unitate ueneremur: neque confundentes personas,
neque substantiam separantes. Pater ab æterno genuit filium, suamque illi dedit
substantiam: ac nihilominus retinuit. Filius quoque nascendo, patris accepit sub-
stantiam: non tamen personam propriam patris adsumpsit, neque pater illam
in filium transtulit: sunt enim ambo unius & eiusdem substantiæ, sed diuer-
sarum personarum. Filius quoque hic licet patri coæternus sit, ex substantia pa-
tris ante secula genitus, tamen nihilominus ex substantia uirginis in seculo
natus est, & uocatum est nomen eius Iesus: perfectus deus, perfectus homo,
ex anima rationali & humana carne subsistens: cui nihil humanum defuit, præ pec-
catum. Necessarium est igitur credamus, quia dominus noster Iesus Christus dei fi-
lius deus & homo est: una persona, duæ naturæ. Ante secula genitus est deus
sine matre: in seculo natus est homo sine patre, de uirgine, & ante & post par-
tum incorrupta: passus in cruce mortuus est, sed in cruce uitam restaurauit,
& mortem morte resoluit: sepultus est, & descendit ad inferos, sed animas pa-
trum eduxit ex inferis: & resurrexit per uirtutem propriam tertia die, ascen-

dit in cœlos, & misit spiritum suum paracletum, & uenturus est iudicare uiuos & mortuos, ad eius que aduentum omnes homines resurrecturi sunt in carne sua, & reddituri sunt de factis propriis rationem. Hæc est uera fides, quam si quis non crediderit, uel de qua si quis dubitauerit, à spe uite ac salutis æternæ alienus est.

De emanationibus diuinis, quas Hebræi Numerationes, alii attributa, Gentiles, deos & numina nuncupabāt: deq; decem Sephiroth ac decem sacratissimis dei nominibus illis præfidentibus, eorundemq; interpretatione.

Caput X.



Eus ipse, licet in trinitate personarum unitissimæ essentię sit, esse tamen in eo multa quædam numina, ueluti radios ex eo emanantes, non ambigimus, quos gentium philosophi deos, Hebræorum magistri Numerationes, nos attributa uocamus, ut sapientiam, quam Orpheus Palladem: intelligentiam, quam Mercurium: formę fecuram, quam Saturnum: uim productricem, quam Neptunum: naturam rerum secretam, quam Iunonem: amorem, quam Venerem: lucidã uitam, quem Solem siue Apollinem: uniuerſi mundi rationẽ, quem Pana nuncupant: animam uero, ut inferiora generat, superiora contemplatur, in seipsam se retrahit, triplici nomine, Maris, Neptuni & Oceani, decātar: & id genus plura, de quibus canit alibi:

Iuppiter, & Pluto, Phœbus, Dionysius, unus est.

Sed cur bis loquimur, deus adstat in omnibus unus.

Et de eodem Valerius Soranus cecinit:

Iuppiter omnipotens regum rex ipse deusq;

Progenitor genitrixq; deum deus unus & omnis.

*Plinij de deo
sententia.*

Ita prudentissimi illi gentium theologi sub uariis nominibus numinibusq; sub uario etiam sexu unum deum colebant. Quem ut ait Plinius, fragilis & laboriosa mortalitas in plures digessit, fragilitatis suæ memor, ut portionibus quisq; coleret, quo maxime indigeret. Sic quibus fidei opus erat Iouem: quibus prouidentia, Apollinem: quibus sapientia, Mineruam: & quibus aliis rebus opus erat, aliis quoq; nominibus inuocabant. Hinc illa numinum multiplex uarietas, propter multiplicem ac uariam gratiarum distributionem, deus autem unus à quo omnia. Vnde Apuleius in libro de Mundo ad Faustinum: Cum sit unus deus, inquit, idemque numen, pluribus quidem nominibus nuncupatur, propter specierum multitudinem, quarum diuersitate fit multiformis. Et Marcus Varro in libro de Cultu deorum dicit: Sicut omnes animæ reducuntur ad unam animam

mundi siue uniuerſi, ſic deos omnes referri ad unum Iouem, qui idem deus, ſub uariis colitur numinibus. Oportet ergo ſcire ſenſibiles proprietates, per uiam ſecretioris analogiæ, perfecte intellectualizare. Quicūq; hymnos Orphei, & ueterum magorū ſane intelligere debeat: ita nanq; comperiet hæc ab cabaliſticis arcanis, orthodoxisq; traditionibus, minimū differre. Nam quos Curetes, & intemeratos deos uocat Orpheus, Dionyſius poteſtates appellat: cabaliſtæ illos numerationi pahad, hoc eſt timori diuino appropriant: ita quod eſt enſoph in cabala, Orpheus noctē uocat: idem eſt Typhon apud Orpheum, qui Zamaël in cabala. Verum Hebræorum mecubales, rerum diuinarum eruditiffimi, decē principalia nomina diuina, ueluti numina quædam, ceu dei membra acceperunt, quę per decem numerationes, quę Sephiroth uocant, ueluti per uestimenta, ſiue instrumenta, uel exemplaria archetypi, influūt in omnia quę creata ſunt, per ſingula ſuperiora, uſq; in infima ordine tamen quodam. Nā primo & proxime influūt in nouem angelorum ordines, & animarum beatarum chorum: & per illos in cœleſtes ſphæras & planetas, & homines: à quibus deinde res ſingulę accipiunt uim atq; uirtutē. Primum horum eſt nomen Ehie, nomen diuinę eſſentiæ. Numeratio eius uocata eſt cether, quod interpretatſ corona, ſeu diadema: & ſignificat eſſe ſimpliciſſimū diuinitatis: & uocatur, quod oculus nō uidit: & attribuitur deo patri: & influit per ordinē Seraphim, uel ut uocāt Hebræi Haioth Hacadoſch, hoc eſt, animalia ſanctitatis: & exinde per primū mobile, omnibusq; eſſendi munus largitur, ipſum uniuerſum per totam circumferentiam, & centrum replens, cuius intelligentia particularis, nuncupatur metatron, hoc eſt princeps facierum, cuius officium eſt introducere alios ad faciem principis, & per hunc loquutus eſt dominus Moyſi. Secundum nomen eſt Iod, ſiue tetragrammaton cum Iod coniunctum: numeratio eius hochma, hoc eſt ſapientia: & ſignificat diuinitatem plenā idearum, & primogenitum: & attribuitur filio, & influit per ordinem cherubin, ſiue quem uocāt Hebræi Ophā, hoc eſt formæ, uel rotæ: & exinde in cœlum ſtellatum, totidem illic fabricās figuras, quot in ſe continet ideas, ipſum chaos creaturarum diſtinguens, per intelligentiam particularem nomine Razielem, qui fuit præfectus Adam. Tertium nomē uocatum eſt tetragrammaton Elohim, numeratio eius uocatur bina, hoc eſt prouidentia, ſeu intelligētia: & ſignificat remiſſionem, & quietem, iubileum, pœnitentialem conuerſionem, tubam magnam, redemptionem mundi, & uitam uēcturi ſeculi: & adtribuitur ſpiritu ſancto, & influit per ordinem thronorum, ſiue quos Hebræi uocant Aralim, hoc eſt angeli magni, fortes & robuſti: atq; exinde per ſphæram Saturni, formam fluxæ materiæ miniſtrans: cuius intelligentia particularis Zaphchiel, præfectus Nohe: & alia intelligentia Iophiel, præfectus ſeni: & hæ ſunt tres numerationes ſummæ & ſupremæ, ueluti ſedes diuinarum perſonarum, quarum iuſſu

iussu fiunt omnia: sed per reliquas septem exequunt, quæ iccirco dicuntur numerationes fabricæ. Est itaque quartum nomen El, cuius numeratio hæsed, quod est clementia, siue bonitas: & significat gratiam, misericordiam, pietatem, magnificentiam, sceptrum, & dextram manum: & influit per ordinem dominationū, siue quem uocant Hebræi Hasmalim, per spheram Iouis, effingens corporum effigies, clementiam & pacificam iustitiam omnibus donans: & intelligentia eius particularis Zadkiel, præfectus Abrahamæ. Quintum nomen Elohim gibor, hoc est deus robustus, puniens culpas improborum, & numeratio eius uocatur Geburach, quod est potentia, grauitas, fortitudo, securitas, iudicium: puniens per strages & bella: & coaptatur ad tribunal dei, & cingulum dei, & gladium, & brachium sinistrum: & uocatur etiam Pachad, quod est timor: & influit per ordinem potestatum, siue quem dicunt Hebræi Seraphim, & exinde per spheram Martis, cuius est fortitudo, & bellum & afflictio, elementa depromit, & intelligentia eius particularis Camaël, præfectus Samsonis. Sextum nomen Eloha, siue nomen quadrilaterum, coniunctum cum Vaudahat: & numeratio eius tiphereth, hoc est ornatus, pulchritudo, gloria, uoluptas: & significat lignum uitæ: & influit per ordinem uirtutum, siue quem uocant Hebræi Malachim, hoc est angeli, in spheram Solis, claritatem illi & uitam donans: & exinde metalla producens: & intelligentia eius particularis Raphaël, qui fuit præfectus Isahac, & Tobie iunioris, atq; angelus Peliel, præfectus Iacob. Septimum nomen tetragrammaton Sabaoth, siue Adonai Sabaoth, hoc est deus exercituum: & numeratio eius Nezah, hoc est triumphus, & uictoria: & applicatur ei columna dextra: & significat æternitatem, & iustitiam dei ulciscantis: & influit per ordinem principatuum, siue quem uocant Hebræi Elohim, hoc est dei, in spheram Veneris, Zelum & amorem iustitiæ: & producit uegetabilia, & intelligentia eius Haniel, & angelus Ceruiel, præfectus Dauid. Octauum nomen dicitur Elohim Sabaoth, quod etiam interpretatur deus exercituum, non belli & iustitiæ, sed pietatis & consonantiæ. Habet enim utrunq; nomen hoc, & præcedens suum exercitum. Numeratio huius uocatur Hod, quod interpretatur laus, & confessio, & decor, & celebritas: & attribuitur sibi columna sinistra, & influit per ordinem archangelorum, siue quæ Hebræi uocant Bne elohim, id est filios deorum, in spheram Mercurii, ornatus elegantiam & consonantiam, producens animalia: & intelligentia eius Michaël, qui fuit præfectus Salomonis. Nonum nomen dicitur Sadai, hoc est omnipotens & omnibus satisfaciens, & Elhai, quod est deus uiuus: & numeratio eius Iesod, hoc est fundamentum, & significat intellectum bonum, fœdus, redemptionem, & quietem: & influit per ordinem angelorum, siue quem Hebræi uocant Cherubim, in spheram Lunæ, rerum omnium incrementum & decrementum: hominumque genios & custodes

curat atque distribuit: & intelligentia eius Gabriel, qui fuit præfectus Ioseph, & Iosue, & Danielis. Decimum nomen est, Adonai melech, hoc est, dominus & rex: & numeratio eius Malchuth, quod est regnum & imperium: & significat ecclesiam, & templum dei, & ianuam: & influit per ordinem animasticum, animarum uidelicet beatarum, qui ab Hebræis dicitur Issim, hoc est, nobiles, heroës & principes: suntq; Hierarchiis inferiores: & influunt filiis hominum cognitionem, mirificamq; rerum scientiam & industriam, & prophetiam largiuntur: & præsidet illis anima Messihæ, siue (ut alii dicunt, intelligētia Matatron, quæ dicitur prima creatura, siue anima mundi, & præfectus Mosæ.

De Diuinis nominibus, eorumdemq; potentia & uirtute.

Caput XI.

DEus ipse licet sit unitissimus, sortitur tamē diuersa nomina, nō quæ diuersas eius essentias aut deitates exponant, sed quasdam proprietates ab eo emanantes, per quæ nomina, in nos, & ea quæ creata sunt, multa beneficia, & diuersa munera, uelut per canales quasdam distillāt. Horum nominum decem superius descripsimus, quæ etiam Hieronymus ad Marcellā numerat: Dionysius quadragintaquinque, tum dei patris, tum Christi nomina colligit. Hebræorū mecubales ex quodam textu qui est in Exodo, septuagintaduo cum angelorum tum dei nomina deducunt, quod nomen septuagintaduarum literarum, & Schemhamphoras, hoc est expositorium, uocant. Alii ulterius progredientes, ex singulis scripturæ locis, tot innuunt diuina nomina, ut eorum numerus, & quæ significant, sint nobis penitus ignota. Ex his igitur, præter ea quæ supra memorauimus, est nomen diuinæ essentiae Eheie אהיה, quod Plato transtulit ὤμ. Hinc deum uocant ὤμ, alii ὤμ. Est aliud nomen Hu הוה, reuelatum Esaia, diuinitatis abyssum innuens: quod Græci traduxerunt τανθμ, Latini idem ipsum. Est & aliud nomen Esch, שך à Mose receptum, quod ignem sonat: & est nomen dei Na נא, in perturbationibus & molestiis inuocandum. Est etiam nomen Iah יה, & nomen Elion עליון, nomen Macom מקום, nomen Caphu כפוי, nomen Innon, ינון, & nomen Emeth אמת quod interpretatur ueritas: & est sigillum dei. Et alia duo nomina, Zur צור, & Aben אבן, quorum utrumq; solidam petram significat, & alterum illorū patrem cum filio exprimit: & plura alia nomina in scalis numerorum posuimus superius. Et extrahuntur multa nomina dei & angelorum ex sacris scripturis, per artem Cabalisticam, Calculatoriam, & Notariacam, & Gimetriam: ubi unum nomen, aut multæ dictiones per certas earum literas retractæ colligunt: aut unum nomen per singulas suas literas dispersum, plura significat siue restituit. Colliguntur autem quandoque à capitibus dictionum, sicut hoc nomen Agla אגלא ex hoc S. scripturæ uersiculo: אלה גיבר לעולם ארני hoc est,

Tu es fortis in æternū deus. Similiter nomen Iaia יאִיא, ex illo uersiculo יְהוָה יְהוָה אֱלֹהֵינוּ יְהוָה אֶחָד hoc est deus deus noster deus unus. Similiter nomē Iaua, יָאוּא ex illo uersiculo יְהִי אֹרֶךְ יְהִי אֹרֶךְ. hoc est, fiat lux & facta est lux. Similiter nomen Ararita אֶרְאִיתָא ex hoc uersiculo, unum principium unitatis suæ, principium singularitatis suæ, uicissitudo sua unum אֶחָד רִאשׁ אֲחֵרֹתָיו רִאשׁ יְהוָה Est & aliud nomen Hacaba הַקְבֵּה extractum ex hoc uersiculo, תְּמִידֵתוֹ אֶחָד hoc est, sanctus benedictus ipse. Similiter nomē Iesu יֵשׁוּ cōperitur in capitibus istorum duorum uersiculorum uidelicet, יְבִיא שְׁלוֹהוּ וְלִי hoc est, Quousq; ueniat Messiah: Et alius יְנוֹן שְׁמוֹ וְיָת id est, permanet nomen eius. Similiter hoc nomē Amē אֱמֵן ex hoc uersiculo. אֶרְבִּי מֶלֶךְ נָאֵמָן id est, dominus rex fidelis. Quandoq; extrahuntur hæc nomina à finibus dictionum, sicut idem nomen Amen ex hoc uersiculo, לֹא כֵן הָרָשָׁעִים hoc est, non sic impii, sed trāspōsitis literis. Sic in finalibus huius uersiculi מִי מִה שְׁמוֹמָה id est, mihi quid? nomen eius quid? inuenitur nomen tetragrammaton: in his omnibus, litera ponitur pro dictione & litera extrahitur ex dictione, uel à capite, uel à fine, uel ubilibet: & quandoque extrahuntur hæc nomina ex omnibus literis singulatim, quemadmodum extrahuntur illa septuaginta duo dei nomina, ex illis tribus uersiculis qui habentur in Exodo, incipientes ab his tribus dictionibus. וַיֹּסֶעַ וַיְבֹא וַיֵּט, primo & ultimo uersiculis à dextra ad sinistram conscriptis, sed medio cōuersim à sinistra ad dextram, sicut in posterioribus ostendemus: & sic quandoq; extrahitur dictio à dictione, siue nomen à nomine, per transpositionem literarum, sicut Messiah מֹשִׁיָּהּ, ex Iismah. יִשְׁמָהּ, & Michaël מִיכָאֵל, ex מִלְאכֵי, Malachi. Quandoq; autem per alphabetariam cōmutationem, quam Cabalistę Ziruph צִירופֿ uocant, sicut ex nomine tetragrammaton יְהוָה, eliciuntur nomina. מַצְפֵּץ, Mazpaz. כִּזְזוּ, kuzu: nonnunq; etiam per numeri æqualitatem nomina commutantur, ut Matatron, מַטַּטְרוֹן, pro Sadai שַׁדַּי utrunq; enim facit tercentum decem & quatuor. Eadem ratione nomen Iiai יִיאִי, æquipollet nomini El אֵל per numeri æqualitatē, utrunq; enim facit triginta & unum. Atq; hæc sunt arcana abscondita de quibus difficilimum est adferre iudicium, & completam tradere scientiam: nec in ulla alia lingua, quàm in Hebraica intelligi & doceri possunt. Verum cum diuina nomina (ut ait Plato in Cratilo) habita sunt à barbaris, q̄ habuerūt à deo sine quo nullatenus quis capere potest ueros sermones, ueraq; nomina, quibus deus nuncupatur, ideo de ipsis alia dicere non possumus, nisi quæ à deo sunt nobis sua benignitate reuelata. Sunt enim diuinæ omnipotētiæ sacramenta atque uehicularia, non ab hominibus, non etiam ab angelis, sed ab ipso summo deo, certo modo, pro suorum characterum immobili numero & figura sempiterna stabilitate instituta, diuinitatisq; harmoniam spirantia, diuinaq; assistentia consecrata: quare illa timent superi, tremunt inferi, colūt angeli, pauent cacodæmones, & omnis reueretur creatura, omnis ueneratur religio: quorum religiosa obseruatio, deuotaq; cum timore ac tremore inuo-

uocatio, uirtutem nobis magnam præstāt, deificamq; unionem, atq; etiam supra naturam mirabilium operum effectuumq; potentiam. Ideoq; nullis quidē illa ulla unquam ratione fas est permutare. Vnde Origenes præcipit, ea in suis ipsis characteribus incorrupte conseruanda: & Zoroastes etiam uetat barbara & antiqua uerba mutari: nam ut inquit Plato in Cratylo: Omnia diuina uerba siue nomina, uel à diis primum, uel ab antiquitate, cuius initiū haud facile scitur, uel à barbaris prodita sunt. Iāblichus quoq; similiter præcipit, ea non esse ex sua lingua in aliam transferenda, non enim eandem, inquit, mentem seruant nomina in aliam linguam interpretata. Hæc itaq; diuina nomina, sunt aptissimum atq; efficacissimum medium hominis cum diis conciliandi, atq; uniendi, sicut legitur in Exodo: In omni loco in quo memoria fuerit nominis mei, ueniam ad te, & benedicam tibi: in Numerorum uolumine ait dominus: Ponant nomen meum super filios Israël, & ego benedicā eis. Iccirco diuinus Plato in Cratylo & in Philebo, diuina nomina uenerari iubet plusq̃ delubra statuasq; diuinas: quia expressior dei imago atq; uirtus sit in officio mentis, præsertim afflatæ diuinitus, quàm in manuum operibus reseruata. Verba itaq; sacra, nō iam ex seipsis, quatenus uerba sunt, uim habent in magicis, sed ex occulta ui numinum per illa operante in animis eorum, qui illis secundum fidem hærent, in quibus occulta dei uirtus per ea tanquàm per uehicularia in eos transmittitur, qui habent aures audiendi purgatos per fidem, & per purgatissimos mores, & per inuocationes diuinorum facti sunt habitaculum dei, & capaces horum diuinorum influxuum. Quicunq; igitur diuinis his uerbis siue nominibus ea mentis puritate, eo modo, & ea lege qua tradita sunt, rite utitur, mirifica multa & impetrabit & efficiet quemadmodum de Medea legimus:

Verbaq; ter dixit, placidos facientia somnos

Quæ mare turbatum, quæ flumina concita sistunt.

Quod Hebræorum antiqui doctores præ ceteris obseruarunt, qui uerbis mirabilia multa efficere consueuerunt. Pythagorici etiam demonstrarūt, tam animi quàm corporis morbos uerbis quibusdam mirifice curantes. Sic etiam legimus Orpheum cum esset unus ex Argonautis, tempestatem quandam sæuissimam uerbis quibusdam auertisse. Simili modo Apollonium, quibusdam uerbis secreto prolatis, puellam mortuam Romæ resuscitasse, & aliis à quibusdam uerbis manes Achillis euocasse, narrat Philostratus. Sed & Pausanias refert, fuisse Lydis in Hierocæsarea & Hypepis urbibus, duo templa deæ quam Persicam uocabant, sacra, quorum in utroq; cum res diuina peragenda esset, uir magus ligna sicca super aram imponēs, & patria lingua hymnos canens, deinde barbara quædam uerba ex libro quem manu tenebat pronūtiabat: quibus prolatis, mox ligna illa nullo subdito igne, sponte sua ardere, & lucidissimam concipere flammam uidebantur. Tradidit etiam Serenus Samonicus inter præcepta medicinæ, quod si scribatur hoc nomen

Diuina nomina quo præstentur ueneranda.


Orpheus.

Abracadabra, uidelicet diminuēdo literam post literam, iuxta ordinem regressionis, ab ultima usq; ad primam, sicut hic ostenditur, quicumq; æger heremitico laborans, siue alia febris, hanc schedam alligatam & à collo suspensam gestauerit, ualere illi contra aduersam ualerudinem, morbumq; paulatim declinando transire.

| | | | | | | | | | | |
|---|---|---|---|---|---|---|---|---|---|---|
| a | b | r | a | c | a | d | a | b | r | a |
| a | b | r | a | c | a | d | a | b | r | |
| a | b | r | a | c | a | d | a | b | | |
| a | b | r | a | c | a | d | a | | | |
| a | b | r | a | c | a | d | | | | |
| a | b | r | a | c | a | | | | | |
| a | b | r | a | c | | | | | | |
| a | b | r | a | | | | | | | |
| a | b | r | | | | | | | | |
| a | b | | | | | | | | | |
| a | | | | | | | | | | |
| a | | | | | | | | | | |

Sed multo efficacius contra omnes hominum aduersas ualerudines, & quacumq; alias molestias tradidit Rabi Hama in libro Speculationis, sacrum signaculū cuius in anteriore latere sunt quatuor quadrata dei nomina, sibi in quadrato sic subalternata, ut à summo in imum pariter alia quatuor sacratissima nomina siue diuinitatis sigilla emergant, quorum intentio in circumferentiali circulo continet inscripta, à tergo aut inscribit nomen septiliterū Araritha, & circumscribitur illi sua interpretatio, hoc est, uersiculus à quo extractum est, quemadmodum hic depictum uides.

PARS ANTERIOR.





Oportet autem hæc omnia fieri in auro purissimo, aut in uirginea membra-
na, tanquàm syncera, munda & immaculata, etiã incausto ad hoc formato,
ex fumo sacrati cerei uel incensi, & aqua sacrata, atq; hæc ab actore purgato
& expiato, infallibili spe & constanti fide, ad deum altissimum mente eleua-
ta, si diuinam hanc obtinere debeãt ac præstare possint uirtutẽ. Simili ratiõe
contra terriculamenta & nocumẽta malorũ dæmonũ atq; hominũ, & contra
quæcunq; adeunda pericula, siue itinerum, siue aquarum, siue hostium, siue
armorum, modo quo supradictum est, inscribunt hos characteres ab uno la-
tere, בּוּוּוּ : & hos à tergo, צמרבח, qui sunt capita & fines primorũ quin-
que uersuum Geneseos, & totius mundanæ creationis symbolum, eaq; liga-
tura aiunt hominem, modo firmissime speret in deum uniuersitatis condi-
torem, fore omnium malorum emunem,

IN PARTE ANTERIORE.

A' TERGO.



*Verū dei no-
mē soli deo
notū est.*

Neque uero diffidat quispiam, miretur ue uerba sacra, quibus deus omnipotens condidit cælum & terram, alligata plurimum posse, siquidem experimēto compertum est, ut ait Rab Costa Ben Luca, plures alias res nō phycas, posse quamplurimum: sicuti experientia comprobatur, digitum abortiui à mulieris collo suspensum, impedire conceptum, quamdiu collo illius hēserit. Prēterea in uerbis quibusdam sacris & nominibus diuinis, uim esse magnam atq; diuinam, quæ sit uirtus operatiua mirabilis effectus. Zoroastes, Orpheus, Iamblichus, Synesius & Alchindus, & quicq; splendidissimi philosophorum testantur, & Artephius magus atq; philosophus, de uirtutibus uerborum atq; characterum singularem librum conscripsit. Origenes splendidissimis quibusq; philosophis non inferior, adserit contra Celsum, in quibusdam diuinis uerbis mirandam latere uirtutem: & in libro Iudicum ait dominus: Nomen meum quod est Pele פֶּלֶא, quod interpretatur apud nos, miraculorum operator, siue efficiēs mirabilia. Verum autem dei nomen, nec hominibus, nec angelis notum est, sed ipsi soli deo, nec antē publicabitur (ut testatur sacre literę) quā dispositio dei fuerit impleta. Habet tamen prēterea deus inter angelos alia uocabula, & inter homines alia: nullum autem nomen dei est apud nos (ut inquit Moses Aegyptius) quod non sit sumptum ab operibus, & significās cum participatione, prēter ipsum nomen tetragrammaton, quod est sanctum, significans substantiam creatoris significatione pura, in qua nihil aliud participat cum creatore deo: ideo dicitur nomen separatum, quod scribitur & non legitur, neque exprimitur apud nos, sed nominatur: & significat secundum idioma supernum, quod est dei, & fortassis etiā angelorum. Simili modo sunt etiā angelis nomina, alia inter eos, & in idiomate illorum, quam uocat Paulus linguam angelorum, de qua habetur ualde parum apud nos. Cetera autem illorum nomina, omnia ab officiis & operibus illorū sunt decisa, quę non sunt tantę efficacię, ideoq; magi illos ueris suis nominibus cient, illis uidelicet cœlestibus, quę in literis sanctis continentur.

De influxu diuinorū nominū per singula media in hæc inferiora.

Caput XII.



Vmmus creator & prima causa, & si omnia regit & disponit, cūrā tamen exequendi uariis ministris distribuit, beneficis & maleficis, quos in Apocalypsi uocat Ioannes, angelos fauentes, & nocentes: de quibus alibi canit propheta. Moratur angelus domini in circuitu timētium eum, ut eripiat eos, & alibi describit immisiones per angelos malos: Quodcunq; autem per angelos tanquam per ministros exequitur deus, idem etiam facit per cœlos & stellas, sed tanquam per instrumenta, ut hoc modo omnia cooperentur in ministerium: ut sicut quālibet cœli portio, & quodq; astrum, certam terrę plagam locum ue, & tempus, & speciem, & indiuiduum decernit: sic etiam angelicā illius portionis astricq;

uirtutem, eisdem loco, tempori, speciei accommodare fas est. Vnde Augustinus libro Quæstionum: Vnaquæq; (inquit) res uisibilis in hoc mundo, angelicam habet potestatem sibi præpositam. Hinc Origenes in librū Numerorum ait: Opus est ipsi mundo angelis, qui præsent exercitibus terrenis, regnis, prouinciis, hominibus, bestiis, animalium natiuitati & progressui, uirgultis, plantis, cæteris que rebus, eam uirtutem donantes, quam dicunt inesse rebus à proprietate occulta. Multo magis opus est angelis qui præsent operibus sanctis, uirtutibus & hominibus, ut ipsi qui semper uident faciem patris summi, recto ducatu possint conducere homines, & unumquodque etiam minutissimum ad locum suum, tanquam membra huius mudi concinna, in quo deus tanquam præcipuus antistes, omnia suauissime disponens inhabitat, non contentus aut circumscriptus, sed continens omnia, sicut Iohānes in Apocalypsi describit cœlestem illam ciuitatem, cui à duodecim portis præsent duodecim angeli, influentes in eas, quæ à diuino nomine suscipiunt duodecies reuoluto, & in fundamentis illius ciuitatis, nomina duodecim apostolorum, & agni: nam sicut in lege, in lapidibus superhumeralis, & fundamentis ciuitatis sanctæ per Ezechielem descriptæ, inscripta erant nomina tribuum Israël, & dominabatur illis nomen quadrilaterum: sic in Euangelio inscripta sunt in lapidibus fundamenti cœlestis ciuitatis, nomina apostolorum, qui stant pro tribubus Israël in ecclesia, super quos influit nomen agni, hoc est nomen Iesu, in quo est omnis quadrilateri uirtus: siquidem tetragrammus ille pater, dedit illi omnia. Ab angelis itaque suscipiunt cœli, quod influunt: illi autem à magno nomine dei & Iesu, cuius uirtus prima est in deo, post diffusa in duodenos & septenos illos angelos, per quos extenditur in duodecim signa, & septem planetas, & consequenter in omnes cæteros ministros & instrumenta dei, usque in infima penetrans. Hinc ait Christus: Quicquid petieritis patrem in nomine meo, *Iohan. 14.* dabit uobis: & resurgens ait: In nomine meo dæmonia eiicient, & quæ sequuntur: ut ultra necessarium non sit quadrilaterū nomen, cuius tota uirtus translata est in nomen Iesu, in quo solo fiunt mirabilia: nec est aliud nomen (ut *Marc. 16.* inquit Petrus) sub cœlo datum hominibus, in quo oporteat nos saluos fieri, nisi illud. Non autem putemus, quod nominando Iesum polluto ore, tanquam nomen hominis cuiusdam, in uirtute illius facere possumus miracula: sed oportet illud inuocare in spiritu sancto, mēte expurgata, & animo feruenti, ut adsequamur ea quæ nobis in ipso promissa sunt, maxime cognitione præuia, sine qua non fit exauditio, iuxta illud propheticum: Exaudiam *Psal. 90.* eum, quoniā cognouit nomē meū. Hinc hodie nihil fauoris hauriri potest à cœlestibus, nisi interueniat autoritas, fauor, adensus nominis Iesu. Hinc Hebræi & Cabalistæ in diuinis nominibus peritissimi, nihil post Christum in priscis illis nominibus operari possunt, sicut olim eorū patres. Et iā experimēto cōprobatū est, nullū malū dēmonē, nullā inferorū uirtutē ex his quæ

uexant aut obsidēt homines, posse huic nomini resistere, quin uelint nolint genu flectāt, & obediant: quando nomē Iesu debita pronūtiatione illis proponitur uenerādum: nec solū nomen sed etiam illius signaculum crucē, pauent: nec solū terrestrium, cœlestiū, infernorum genua flectūtur, sed etiā insensibilia ipsum reuerentur, & ad nutum eius contremiscunt omnia, qñ ex fidei corde, ore ueridico, nomē Iesu pronūtiatur, & crucis salutiferū signum manus imprimunt innocentes. Neq; uero in uacuū dixit Chrūs discipulis: **Mar. 16.** In nomine meo dēmonia eiiciēt, & quę sequunt: nisi uirtus quādā esset in nomine illo expressa, super dāmones & infirmos, serpētes & uenena, & linguas, & huiusmodi: quā uirtus cū insit nomini illi, tū à uirtute dei instituētis, tū à uirtute illius qui hoc noīe exprimitur, & à ui insita ipsi uerbo. Hinc est, quòd cum omnis creatura timet & reueretur nomen illius qui fecit eam, nonnumquam etiam mali & immundi homines, modo credant huiusmodi diuinorum inuocationi, dāmones astringunt & alia quādam magna operantur.

De membris dei, & de eorum in nostra mem-

bra influxu.

Cap. XIII.

Mebra dei,
quę.



Vestimēta
dei, quę.

Cantic. 7
Chermel qd.
Oculi do-
mini.

Nares do-
mini.

Egimus in uariis sanctę scripturę locis, uaria dei membra & ornamenta: intelliguntur autem per membra dei, uires quādam multiplices & simplicissimē in ipso deo permanentes, per sacra dei nomina inter se distinctę: uestimenta autem dei & ornatus, sunt tanquam uia quādam seu relationes, siue emanationes uel canales, per quas sese diffundit: quarum simbrias quoties mens nostra contigerit, toties egreditur uirtus diuina alicuius membri, quemadmodū de hēmorrhōissa **Luc. 8** clamauit Iesus: Tetigit me aliquis: nam sensi de me exire uirtutem. Sunt itaq; in deo hęc membra similia nostris: sed membrorum nostrorum ideę & exemplaria, quibus si membra nostra rite conformemus, tunc in eandem imaginem translati, ueri efficiamur filii dei, deoq; similes, agentes & operantes opera dei. De membris itaq; dei multa in scripturis deprompta sunt: nā de capite eius legitur in Canticis: Caput tuum sicut Chermel, & comę capitis tui sicut purpura regis: significat autem hic Chermel, non montem illum in maritimis Syrię, sed uermiculum qui purpuram gignit. De oculis etiam & palpebris, & auribus, legitur in Psalmis: Oculi domini super iustos, & aures eius in preces eorum. Oculi eius in pauperem respiciunt, & palpebrę eius interrogant filios hominum. De ore etiam, & gustu, & gutture, & labiis, & dentibus, legitur apud Esaia: Os meum non interrogasti. Et in Canticis: Guttur tuum sicut uinum optimum. Dignum est uinum dilecto meo ad potandum, & cibus labiis & dentibus illius ad ruminandum. Sunt etiam & nares, quibus (ut in lege sępe repetitur) odorat sacrificia in odorem suauitatis. Sunt humeri, brachia, manus & digiti, de quibus legimus apud Esaia: Factus est principatus super humeros eius. **Brachium domini cui reuelatū est: & regius uates canit: Manus tuę domine**

fecerunt me, & plasmaverunt me. Et: Videbo cœlos tuos, opera digitorum tuorum. Habet etiam dextram & sinistram: hinc Psalmista ait: Dixit dominus domino meo, sede à dextris meis. De sinistra legimus in euāgeliis, ad quam collocabunt damnandi in nouissimo die. Iamq; & cor, & pectus, & dorsum, & posteriora, & faciem legimus, ut in libro Regum, quod inuenerit deus Dauid uirum secundum cor suum. Habemus & in euāgelio pectus illud, super quod dormiens discipulus, diuina arcana cōcepit, & Psalmista describit dorsum eius in pallore auri. Et ipse apud Hieremiam ait: Dorsum & nō faciem ostendam eis in die perditionis eorum. Et ad Moysen ait: Videbis posteriora mea. De pedibus quoque ait Psalmista: Caligo sub pedibus eius. Et in Genesi ambulare legitur ad Meridiem: simili ratione & multiplicia dei uestimenta & ornāmēta legimus, ut apud Psalmistam: Dominus regnauit, decore indutus est, amictus lumine sicut uestimento. Et alibi: Confessionem & decorem induisti. Abyssus sicut uestimentum & amictus eius. Et in Ezechiele loquitur Deus dicens: Expandi amictū meum super te, & operui ignominiam tuam. Iam uero etiam & uirgam, & baculum, & gladium, & scutum, ut apud Psalmistam: Virga tua & baculus tuus, ipsa me consolata sunt. Scuto circundabit te ueritas eius. Et in Deuteronomio legit gladius gloriæ eius: & huiusmodi multo plura sacra nobis eloquia declarant, à quibus membris & ornamentis diuinis, non dubium est nostra membra, & quæ circa nos sunt, cunctaq; opera nostra, & regi, & dirigi, & custodiri, & gubernari, & iudicari, sicut ait Propheta: Statuit supra petram pedes meos, & direxit gressus meos. Et alibi ait: Benedictus dominus deus meus, qui docet manus meas ad præliū, & digitos meos ad bellum. Et de ore ait: Immisit in os meum canticum nouum. Et alibi ait Saluator: Ego dabo uobis os & sapientiam. Et de capillis ait: Capillus capitis uestri non peribit. Et alibi: Capilli capitis uestri numerati sunt. Ipse enim omnipotens deus, cum nos suas imagines sibiq; similes esse uoluit, membra, artus, ac figuras, in nobis multis modis refferatas, ad latentium suarum uirtutum similitudinem tanquam signa construxit, eundem sibi ordinem proportionemq; seruantia. Vnde dicunt Hebræorum Mecubales, quod si homo diuini influxus capax, quoduis sui corporis membrum à sordibus mundum expiatumq; constituat, tunc illud latentis dei artus uirtutisq; cui idem nomen adscribitur, habitaculum propria que sedes euadit, ita, ut si circa id membrū de quauis re opus fuerit, inuocato hoc nomine, unde illud pendet, subito exaudiatur ad effectum, iuxta illud: Exaudi amillum, quoniam cognouit nomen meum. Et hæc sunt grandia & arcana mysteria, de quibus plura in publicum profari non licet.

Dextera & sinistra, cor, pectus, dorsum, posteriora, & facies, & cetera domini.

Hebræorum Mecubaliū opinio.

Psalm. 90.

De diis gentium, & animis cœlestium corporum,
& quibus numinibus, quæ loca olim
sacra fuerunt. Cap. XIII.



Osuerunt philosophi, quemadmodum superius ostendimus, cœlos ac stellas esse diuina animalia, & animas eorum intelligētes, mentem participantes diuinam: & posuerunt ipsis alias quidem præesse, alias uero subesse substātijs separatas, quasi regentes & ministrantes, quas uocant intelligentias & dæmones. Sed & Plato ipse adseruit, cœlestes animas haudquaquam corporibus suis cohiberi, quemadmodum animæ nostræ corporibus nostris, sed ubiq; uelint esse, & simul diuisione gaudere, & sine ullo labore & solitudine corpora sua regere & mouere, & una his mouēdis inferiora facile gubernare: iccirco eiusmodi animas deos uocitabant, & statuerunt ipsis diuinos honores, precesq; & sacrificia dedicarunt eisdem, & diuerso cultu uenerabātur. Et hi sunt dii, quibus attributi sunt omnes populi, de quibus præcepit Moses in Deuteronomio inquiēs: Ne fortē eleuatis oculis ad cœlum, uideas solem, & lunam, & omnia astra cœli, & auersus adores ea & colas, quibus attributi sunt oēs populi, qui sub uniuerso cœlo sunt: uos autem tulit dominus tetragrammus, & eduxit de fornace Aegypti, ut haberet sibi populum hæreditarium. Et in eodem uolumine capite decimosextimo, solem & lunam & astra deos uocat. Et Hebræorū doctores, super eo quod legitur in Genesi, Abrahamū filiis concubinarum largitum esse munera, uidelicet Shemoth steltonia, hoc est, nomina aliena: Isaac autem reliquisse hæredem omnium quæ possederat: dicunt, filios concubinarū in benedictione Abrahamæ nō esse attributos deo tetragrammo & summo creatori, sed alienis diis & numinibus: Isaac autē & semen eius adsignatū ipsi omnipotēti deo tetragrammo, & nulla in parte numinibus attributum alienis. Vnde impropertur illis in Deuteronomio, quia seruiuerunt diis alienis, & adorauerūt eos quos nesciebāt, & quibus nō fuerunt attributi. Quin & Iesus Naue post introductū populū in terram promissionis, & superatos hostes, & distributas sortes possessionū Israël, optionē dedit populo, ut eligerēt numen quod colerent, inquiens: Optio uobis datur eligere hodie quod placeat, cui seruire potissimū debeat, utrum diis quibus seruiuerūt patres uestri in Mesopotamia, an diis Amorrhæorū, quorum terrā habitatis: Respondente autē populo, seruiemus dño tetragrammo, & ipse erit deus noster, dixit illis Iesus: non poteritis: quia dñs deus tetragrammus sanctus & fortis & æmulator est. Perseuerāte autē populo ut seruirent tetragrammo, ait illis: Testes uos estis, q̃a ipsi eligeritis uobis dñm ut seruiatis ei: auferte ergo deos alienos de medio uestri, & inclinate corda uestra ad dominū deum Israël. Erexītq; lapidem prægrandē, dicēs: Lapis iste erit uobis in testimoniū, ne fortē postea negare uelit, & mētiri dño deo uestro. Erāt itaq; dii quibus attributæ erāt ceteræ gētes, sol & luna, duodecim signa, ceteraq; corpora cœlestia, diuinaq; opificia: nō tamen secundū quod corpora, sed quatenus eis inheret anima, uniuersaq; militia cœli, & quā uocat Hieremias reginā cœli, hoc est, uirtutē quā cœlū regit, uidelicet animā mūdi, de qua inq̃t Hieremias: Filii colligūt ligna,

& patres succendunt ignem, & mulieres conspergunt adipem, ut faciant placentulas reginæ cœli. Nec huius reginæ, cæterarumq; cœlestium animarum cultus Duliæ, illis prohibitus erat: sed Latriæ tantum, quem qui adhibuerunt, reprobati sunt à domino. Nomina uero istarum animarum, deorumue in præcedentibus narrauimus. Verum quibus regionibus, & populis, & urbibus, tanquam proprii, & tutelares dii adscripti fuerint, partim referunt nobis Origenes, Tertullianus, Apuleius, Diodorus, & pleriq; alii historici: Coluerunt itaque singuli populi propriis ceremoniis, suos deos: Beotii, Amphiarum: Aphri, Mopsum: Aegyptii, Osirim & Isidem: Aethiopes, qui Meroën habitant, Iouem & Bacchum: Arabes, cum Baccho Venerem: Scythæ, Mineruâ: Naucratiæ, Serapim: Syrii Atargatê: Arabes, Diapharen: Aphri, Cœlestû: Norni, Tibelenum. In Italia quoq; municipali cōsecratione Crustumēsiû deus erat, Deluentinus: Narnensiû, Viridianus: Aesculanor, Aucharia: Volfinensium, Nursia: Otricularor, Valentia: Sutrinor, Nortia: Phaliscor, Curis cum primis celebres fuere. Coluerunt summa ueneratione Latii, Martê: Aegyptii, Isidem: Mauri, Iubam: Macedones, Cabirum: Pœni, Vranû: Latini, Faunum: Rhomani, Quirinum: Sabini Sangum: Athenæ, Mineruam: Samos, Iunonem: Paphos, Venerem: Lemnos, Vulcanum: Naxos, Liberû: Delphis, Apollinem, & quos canit Ouidius in Fastis:

*variârũ gē
tiũ uarij tu-
telares dij.*

Pallada, Cecropidē: Minoia Creta, Dianam:

Vulcanum, tellus Hypsipylē colit:

Iunonem, Spartē: Pelopeiadesq; Mycenæ,

Pinnigerum: Fauni Menalis ora caput:

Mars, Latio uenerandus erat: quia præsidet armis.

Colebant Saturnû, Carthaginienſes & Leucades: Iouem, Creta, Pyreus, Homole, Ida, Elis & Libyâ, ubi eius erat oraculum: Epirus, Latium, Gnidus, Lyciæ, Piſa Macedonia: Martê, Thermodonii, Scythæ, & Thracia: Solem, Scythæ unicum deum uenerabatur, equum illi immolantes: eundemq; colebāt Heliopolitæ, Aſſyrii: & sub Apollinis nomine Rhodii, & Hyperborei, & Milesii: Erantq; sibi ſacri Parnasus, Phæelus, Cynthus, Soraetæ montes, atq; Delos, Claros, Tenedos inſulæ & Mallois locus in Lesbo, & Gryneum nemus, ſeu opidum: Præterea Patara, Chryſa, Tarapnas, Cyrrha, Delphi, Arrephnia, Entroſi, Tegyra ciuitates. Erāt etiā illi ſub Bacchi & Dionyſii noīe ſacrata, Thebæ & Naxos inſula, Niſa urbs Arabiæ, Callichoros fluuius Paphlagoniæ: Itē Parnasus & Cytheros mōtes Beotiæ, in quibus alternis annis Bacchanalia fiebāt, etiā Thamaritæ populi, Hircanis uicini, propriis ſacris Bacchum coluerunt. Veneris cultum Aſſyrii primi omnium induxerunt, deinde Paphii in Cipro, & Phœnices, & Cytheræi: quos, Agæo autore, ſecuti ſunt Atheniēſes. Apud Lacedæmonios colebatur Armatha: & Delphis, Venus Epytibia. Colebatur etiā à Cois, & in Amatho Aegei maris inſula, & in Mēphi urbe Aegypti, & in Gnido, & Sicilia, & Idalio nemore, & Hypēpa urbe, &

Eryce Siciliae monte, & Calydonia, & Cyrene, & Samis: nullumq; (Aristoteles teste) ueterum deorum numen propè maioribus ceremoniis frequentioribusq; locis ueneratum legitur. Mercurium Galli maxime colebant, Teutatem illum appellantes: præterea Arcades & Hormopolitæ, Aegyptii & Mēphitæ. Lunā sub Dianæ nomine Taurica Scythiæ regio colebat, & in Epheso illi laudatissimum templum erat, & in Mycena post occisum Thoantem Tauricæ regem, ab Iphigenia & Oreste raptum eius simulacrum, mutato sacrorum ritu, prope Ariciam culta est: colebatur etiam à Magnesiis Thessaliæ populis, & in Pisa Achaia urbe, & in Tybure, & Auertino Romano monte, & in Perga Pamphylia oppido, & in Agras Atticæ regione, & Carenus populus Lunam sub masculino sexu coluisse legitur. Erant & reliquorum numinum sacra, ut Palladi quæ & Minerua sacra erant Athenæ, & Pyreus & Aracynthus mōtes, Tritones fluuius, & Alcomeneum Bœotia oppidū, & Neoua Cycladum insula. Cereris sacra loca sunt Eleusis Attica, Enna & Catana: urbes Siciliae, & Aethna mons. Vulcano præcipuus cultus fuit in Lemno insula, & in Imbros insula Thraciæ, & Therasia insula Vulcano sacra, etiamque Sicilia. Vesta dea erat Troianorum, quam profugus Aeneas in Italiam transtulit, eidemque tribuuntur Phryges, atque Ida & Dindymus Phrygiæ mōtes, & Reatum Umbria oppidum. Item Bercynthus mons, & Pessinuntium Phrygiæ oppidum. Iunonem coluerunt Carthago & Profenna, Argos & Mycenæ ciuitates, & Samos insula, & Phalisci populi. Neptuno sacra erat Orchestus urbs Bœotia, & Tenarus Laconia promontorium, & Træzenii populi, & urbs in Neptuni tutela erant. Huiusmodi ergo erant dii gentium, qui præsidebant & dominabantur illis, quos Moses ipse in Deuteronomio suo nuncupat deos terræ, quibus attributi sunt omnes populi, non alios significans, quàm cœlestia sydera illorumq; animas.

Quid de animabus cœlestibus nostri sentiunt

Theologi. Cap. XV.



Sse igitur cœlos corpora que cœlestia animata, animabus quibusdam diuinis, non modo poëtarum philosophorumque sententia est, sed etiam sacrarum literarum catholicorumq; adfertio: nam & Ecclesiastes animam cœli describit: & Hieronymus super eodem hanc expresse fatetur: similiter Origenes in suo libro de principiis, sentire se scribit cœlestia prorsum corpora esse animata, quoniam à deo mandata dicuntur accipere, quod rationali naturæ tantum consentaneum est, scriptum enim est: Mandatum ego stellis iniunxi omnibus: Quinimò ab peccati labe non seiungi stellas omnino consensisse aduertitur Iob, ita enim legitur: Stellæ quoque in conspectu eius munda non sunt, id quod ad corporis fulgorem utique referri non potest. Proinde corpora cœlestia esse animata, etiam sentit Eusebius Pamphilus in solutionibus theologicis, atque Augustinus in Enchiridio. Ex recentioribus uero Alber-

tus Magnus, in libro de quatuor coæqueis, & Thomas Aquinas in libris de Spiritualibus creaturis, & Ioannes Scotus super secundo Sententiarum, quibus accedit uir doctissimus Nicolaus Cusanus Cardinalis. Sed & ipse Aureolus hæc strenua disputatione conuincit, qui nec insuper alienum fore arbitratur, cœlestia corpora Dulciæ cultu uenerari, earundemque suffragia auxilia que implorare: cui etiam Thomas ipse annuit, nisi impediret hunc ritum idololatriæ occasio. Quin & Plotinus astruit, quod uota cognoscunt nostra, exaudiunt quoque. Quod si quis istis omnino aduersari uelit, & rāquam sacrilega dogmata habere, is audiat Augustinum in Enchiridio, & in libro Retractationum, & Thomam libro secundo contra Gentiles, & in Quodlibetis, & Scotum super Sententias, & Guilielmum Parisiensem, in Summa de uniuerſo, unanimiter respondentem, corpora cœlestia dicere animata uel inanimata, ad fidem catholicam nihil referri. Licet igitur multis ridiculum uideatur, quod ipsæ animæ in sphæris & stellis collocentur, & ueluti dii gentium quisque suis præsideat regionibus, & urbibus, & tribubus, & populis, & nationibus, & linguis, tamen extraneum non uidebitur sanè intelligentibus.

De intelligentiis & dæmonibus, ac triplici illorum genere, eorumque cognomentis uariis, deq; infernis & subterraneis dæmonibus.

Caput XVI.

Nunc consequenter de intelligentiis, spiritibus & dæmonibus nobis est differendum. Est autem intelligentia, substantia intelligibilis, libera ab omni crassi putrescibilisq; corporis mole, immortalis, insensibilis, cunctis adstans, cunctis influens. Atque eadem est omnium intelligentiarum, spirituum, dæmonumque natura. Dico autem dæmones hic non illos quos diabolos uocamus, sed spiritus sic uocatos ex uocabuli proprietate, quasi scientes, intelligentes & sapientes. Horum uero secundum magorum traditionem tria genera sunt, quorum primos supercœlestes uocant, atq; mentes à corpore penitus seiunctas, & quasi intellectuales sphæras, deum unum tanquam ipsorum firmissimam stabilissimamq; unitatem siue centrum colentes: quapropter illos iam etiam deos nuncupant, propter diuinitatis participationem quādam: quia semper sunt deo pleni, diuinoq; nectare ebrii. Hi circa unum deum solum uersantur, nec mundi corporibus præsumt, nec inferiorum ministrationi adaptantur, sed susceptum à deo lumen inferioribus ordinibus influunt, singulisq; singula officia distribuunt. Hos secundo ordine proxime sequuntur cœlestes intelligentiæ, quos uocant dæmones mundanos, scilicet ultra diuinum cultū mundi sphæris accommodatos, unicuiq; cœlorum & stellarum præidentes, unde eos in totidē distribuunt ordines, quot in mūdo sunt cœli, & quot in cœlis sunt stellæ: & uocabant alios Saturnios, q̄ præessent cœlo Saturni & ipsi Saturno: alios Iouios, qui præessent cœlo Iouis & ipsi Ioui: similiter pro aliarum

*Intelligentia
quid.*

*Dæmones
hic, qui sunt
quot illorum
genera*

*Demonū nu-
merus & of-
ficia.*

*Demonū di-
stinctio.*

stellarum tam nomine quàm uirtute uarios dæmones cognomināt: & quia ueteres astrologi quinq; supra quinquaginta adferebant motus, hinc totidē illis adinuenerunt intelligentias, siue dæmones: posuerūt quoq; in cœlo stellato dæmones qui præessent signis, & triplicitatibus, & decanis, & quinariis, & gradibus, & stellis: nam licet unicuiq; orbi stellarū unam solam intelligē- tiam tota schola philosophorum etiam Peripateticorū adsignet, tamen cū unaquēq; stella & cœli particula suam propriam & differentem habeat uim & influxum, necesse est ut & ipsa suam habeant præsentem intelligentiam quæ uim conferat & agat. Posuerunt itaq; duodecim dæmonum principes, qui præessent duodecim signis zodiaci, & triginta sex, qui præessent totidē decuriis, & septuaginta duos, qui præessent totidem cœli quinariis, & homi- num linguis & gentibus, & quatuor qui præessent triplicitatibus & elemen- tis, & septem totius mundi gubernatores, iuxta septem planetas, & posuerūt omnibus nomina, & signacula, quos uocāt characteres, & utebantur illis in inuocationibus & incantationibus & sculpturis suis, describendo ea in suarū operationum instrumentis, imaginibus, laminis, seculis, annulis, chartis, ce- reis, & eiusmodi, ut si quando operabantur ad solem, inuocabant per nomi- na solis, & per nomina dæmonum solarium, & ita de cæteris. Tertio ponunt dæmones quasi ministros, ad ea quæ sunt in inferioribus disponenda, quos Origenes uocat inuisibiles quasdam uirtutes, quibus ea quæ sunt super ter- ram disponēda credita sunt: sæpe enim nemini conspici, itinera & negotia nostra quæcunq; dirigunt, sæpe etiam prēliis intersunt, clandestinisq; subfi- diis opratos amicis præbent successus, quippe conciliare prospera, inflige- re aduersa, pro libito posse dicuntur. Illos simili modo in plures ordines di- stribuūt, ut alii ignei, alii aquei, alii ærei, alii terrei, quæ quidem quatuor dæ- monum species, iuxta quatuor cœlestium animarum uires, mentem, ratio- nem, imaginationem, naturam scilicet uiuificam & motricem, computan- tur: hinc ignei cœlestium animarum mentem sequuntur, unde ad sublimi- ora contemplanda concurrunt. Aërei autem rationem sequuti, rationali fa- uent potentiæ, eamq; à sensuali uegetabiliq; quodammodo segregantes, ser- uiunt igitur uitæ actiue, quemadmodum ignei contemplatiue: Aquei uero imaginationem sensumq; sequuti, uitæ seruiunt uoluptuose: Terrei naturā sequuti, uegetali naturæ fauēt. Præterea distinguunt etiam hoc dæmonū ge- nus, in Saturnios & Iouiales, iuxta stellarum cœlorumq; nomina. Præterea alios esse orientales, alios occidentales, alios meridionales, alios septentrio- nales. Denique nulla mundi pars est propria horum dæmonum adfistētia destituta, non quia ibi solum sunt, sed quia ibi maxime regnant, sunt enim ubique, quamuis alii alibi potissimum operantur atque influunt. Neq; uero ita intelligenda hæc sunt, quasi influxibus syderum subiecti sint, sed ut re- spondeant supramundano cœlo, à quo præcipue omnia diriguntur, & cui omnia conformari oportet, unde sicut uariis stellis, sic etiam uariis locis, &

temporibus hi dæmones adaptantur: non quod tempore aut loco coartentur, quemadmodum nec corporibus quibus præfides statuuntur, sed quia sic sapientiæ ordo decreuit: ideo illis corporibus, locis, temporibus, stellis, plus fauent atque patrocinantur: sic alios dixerunt diurnos, alios nocturnos, alios meridianos: simili modo, alios uocant syluestres, alios montanos, alios campestres, alios domesticos. Hinc Syluani, Fauni, Satyri, Panes, Nymphæ, Naiades, Nereides, Dryades, Pierides, Amadryades, Potamides, Hinnides, Agaptæ, Pales, Pareades, Dodonæ, Feniliæ, Lauernæ, Pareæ, Musæ, Aonides, Castalides, Heliconides, Pegafides, Meonides, Phebiades, Camœnæ, Charites, Genii, Lemures, & eiusmodi: quos appellant plebem superum, alii semideos deas uel. Horum aliqui hominibus ita proximi familiaresque sunt, ut etiam perturbationibus afficiantur humanis, quorum instructione putat Plato homines sæpe miranda efficere præstigia, quemadmodum instructione hominum bestia nonnullæ nobis propinquiores, ut fimiæ, canes, elephantes: mira sæpe supra suam speciem operantur. Et qui res Danorum & Noruegiorum scripserunt, testantur uarii generis dæmones in illis regionibus hominum seruituti subiectos. Præterea ex illis aliquos esse corporeos, mortalesque, quorum corpora gignantur & intereant: uita tamē longæuos. Aegyptiorum opinio est Platonicoque præsertim à Proclo comprobata, Plutarchus quoque & Demetrius philosophus Aemilianusque rhetor, idem affirmant: testantur enim, ex multis sui temporis prodigiis, Pana magnum dæmonem, pluresque alios ciulasse primum, deinde etiam obiisse. Horum itaque dæmonum tertii generis, ut Platonico sententia est, totidem ferunt esse legiones, quot in cælo sunt stellæ: totidem quoque quot stellas cælum ipsum complectitur, in qualibet legione esse dæmones, uerum dæmonum bonorum numerum (ut tradit Athanasius) sunt, qui ad numerum hominum, nonagintanouem partes arbitrentur, iuxta parabolam de centum ouibus: alii duntaxat nouē partes putant, iuxta parabolam de decem drachmis: alii æqualem cum hominibus angelorum numerum censent, quia scriptum sit: constituit terminos populorum iuxta numerum angelorum dei. Et de numero eorum multi multa scripsere: Verum recentiores theologi secuti magistrum sententiarum, Augustinum & Gregorium, facile se absoluunt, dicentes, quod bonorum angelorum numerus omnem humanum captum transcendit, quibus contra respondent innumeri spiritus immundi, tot existentes in mundo inferiori, quot mundi spiritus sunt in mundo superiori, ut adserunt aliqui theologi, se ab oraculis accepisse: sub his ponunt genus dæmonum subterraneum siue tenebrosum, quos uocant Platonici desertores angelos, scelerum & impietatis ultores, iuxta iustitiæ diuinæ sanctionem: uocantque malos dæmones & spiritus nequam: quia etiam ultrò plerumque lædunt atque nocent: horum etiam plures computant legiones, ipsos simili modo iuxta stellarum ac elementorum nomina ac mundi partes distinguentes, ponuntque ipsis reges, & princi

pes, & præsidentes, & eorundem nomina. Ex his præsunt cæteris quatuor reges nocentissimi, iuxta quatuor mundi partes: sub his alii plures dominantur principes legionum, multi quoque priuatorum officiorum. Hinc Gorgones, statenoctæ, furæ. Hinc Ctesiphone, Alecto, Megera, Cerberus: De hoc demonum genere inquit Porphyrius: Locum incolunt terræ uicinum, imò intra ipsam terram. Nullum est malum quod perpetrare non audeant. Habent omnino uiolentum & male sanum morem: ideoque uehementes repentinaeque insidias plurimum machinantur molianturque: ac dum agunt incurfiones, partim latere solent, partim uero inferre uiolentiam, omnibusque rebus inique discorditerque factis, admodum delectantur.

De eisdem iuxta theologorum sententias. Caput XVII.

Angelorum
distinctio
triplex.



Theologi uero nostri cum Dionysio similiter ponunt triplices angelorum distinctiones: harum quamlibet in tres diuidunt ordines, ut uidelicet sint tres distinctiões, nouem ordines: has uocant hierarchias, illos appellant choros: quos & Proclus nouenario numero distinguit. Ponunt itaque in superiori hierarchia Seraphim, Cherubim, Thronos, tanquam supercælestes demones, diuinæ prouidentie ordinem contemplantes: primi, in dei bonitate: secundi, in essentia dei tanquam forma: tertii, in sapientia. In media hierarchia ponunt Dominationes, Virtutes & Potestates, tanquam mundanos demones, ad mundi gubernationem concurrentes: horum primi præcipiunt, quod reliqui exequuntur: secundi administrant cælos, nonnunquam ad miracula facienda conspirant: tertii arcent quæ diuinam legem perturbare posse uidentur. In inferiore autem hierarchia ponunt principatus, archangelos & angelos, quos etiam Iamblichus numerat: hi tanquam demones ministri, ad inferiora curanda descendunt: horum primi curant publica, principes & magistratus, prouincias & regna, singuli singula. Vnde legitur in Daniele: Princeps autem regni Persarum restitit mihi uiginti uno diebus, & Iesus filius Sirach testatur unicuique genti præpositum esse rectorem angelum: quod etiam indicare uidetur Moses Deuteronomii cantico inquit: Cum diuideret excelsus gentes, statuit eorum terminos secundum numerum angelorum dei. Secundi sacris intersunt, diuinum cultum circa singulos homines dirigunt, precesque hominum & sacrificia coram diis offerunt: Tertii minora quæque disponunt, ac singuli singulis custodes adsunt. Suntque ex ipsis etiam qui minutissimis herbis & lapillis, & omnibus inferioribus uirtutem subministrant, quibus multa cum deo, multa cum hominibus sunt communia, suntque mediantes ministri. Verum Athanasius præter Thronos, Cherubinos, Seraphinos deo proximos, illiisque indefinentibus hymnis, & irrequieta laude magnificantes, & pro nostra salute orantes, septem alios nuncupat ordines: quos communi uocabulo uocat militiam cæli. Horum Primus est ordo Doctrinalis, ex quo fuit ille qui locutus est Danieli inquit: Veni ut docerem te quæ uentura sunt populo

Athanasii
de angelis
opinio.

tuo in nouissimis diebus. Deinde est ordo tutelariorum, de quo etiam in Daniele legitur: Ecce Michaël unus de Principibus uenit in adiutoriū meum. & ibidem: In tempore illo consurget Michaël Princeps magnus, qui stat pro filiis populi tui: eius ordinis fuit etiam Raphaël ille qui duxit & reduxit Tobiam Iuniorem. Post hunc est ordo Procuratoriorum, cuius mētio est in libro Iob, ubi legitur: si fuerit pro eo angelus loquēs, deprecabit dominum, & placabilis ei erit: & de eisdem exponitur etiam quod scriptum est Ecclesiastici decimo sexto capite circa finem: In iudicio dei opera ipsius ab initio, & ab institutione hominum ipsarum distinxit partes illorum, & initia eorum in gentibus suis: ornauit in æternum opera illorum, nec esurierunt nec laborauerunt, & non destiterunt ab operibus suis, unusquisque proximum suum non angustiat usque in æternum. Sequitur ordo Ministerialis, de quo Paulus ad Hebræos inquit: Nonne omnes sunt administratorii spiritus, missi propter eos qui hereditatem capiunt salutis? Post hos est ordo Auxiliaris, de quo apud Esaiā legitur: Egressus est angelus domini, & percussit in castris Assyriorum centum octoginta quinque milia. Hunc subsequitur ordo Animarum receptiuus, de quo legitur apud Lucam: Anima Lazari portata per angelos in sinum Abraham. & ibidem docemur, ut faciamus nobis amicos de mammona iniquitatis, qui nos recipiant in æterna tabernacula. Porro est ordo Adfistentium, de quo legitur apud Zachariam: Isti sunt duo filii olei splendoris, qui adfistunt dominatori uniuersæ terræ. Hebræorum autem theologi aliter hos ordines numerant nuncupantque: nam supremo loco sunt quos uocant *הורש* id est, animalia sanctitatis, siue uitas: per quos deus *איה* effendi munus largitur: succedunt secundo loco Ophanim *אופנים* id est formæ, seu rotæ, per quos deus *יהוה* chaos distinguit: Tertio loco sunt Aralim *אראלים* angeli magni fortes & robusti, per quos tetragrammus elohim pronuntiat, siue tetragrammus cum he coniuñcto. *יהוה* formam fluxus materie ministrat: Quarto loco sunt Hasmalim *השמלים*, per quos El *אל* deus, corporum effingit effigies. Quintus est ordo Seraphim *שרפים*, per quos deus Elohim Gibor *גבור* elementa depromit. Sextus Malachim *מלאכים*, id est angelorum, per quos deus Eloha *אלוה* metalla producit: Septimus Elohim *אלהים* id est dii, per quos deus tetragrammus Sabaoth *יהוה צבאות* producit uegetabilia: Octauus Bne elohim *בני אלהים*, id est filii deorum, per quos deus Elohim Sabaoth *אלהים צבאות* procreat animalia: Nonus & infimus Cherubim *כרובים*, per quos deus sadai *שדי* genus hominum curat. Sub istis est ordo anmasticus, dictus Issim *אישים* id est heroës, uiri fortes, & beati, per quos deus Adonai *אדני* prophetiam largitur.

Tutelariorum
ordo.Procuratoriorum
ordo.Ministerialis
ordo.Auxiliariorum
ordo.Animarum
receptiuus
ordo.Adfistentium
ordo.Hebræi angelorum
ordines
quonumerent

De ordinibus malorum demonum, eorundem

que casu, & naturis uariis.

Cap. XVIII.

Primus dæ-
monū ordo.



Secundus.

Tertius.

Psal. 7.

Esa. 15

Ier. 50

2. Cor. 6

Quartus.

Quintus.

Sextus.

Septimus.

Octauus.

Vnt etiam ex theologorū schola qui malos dæmones in nouē gradus distribuunt, ueluti ipsis nouem angelorum ordinibus aduersantes. Horum itaque primi sunt, qui pseudothei, hoc est falsi dii nuncupantur, qui dei nomen usurpantes, pro diis colunt, sacrificia & adorationes expetunt, sicut dæmon ille qui ait ad Christum: Si cadēs in terram adoraueris me, dabo tibi hæc omnia: ostendens illi omnia regna orbis terrarum, atque horum princeps est ille qui dixit: Ascendam super altitudinem nubium, & similis ero altissimo. qui ideo uocatur Beelzebub, hoc est, uetustus deus. Hos secundario sequuntur spiritus mēdaciōrum, cuiusmodi fuit ille, qui egressus est spiritus mendax in ore prophetarum Achab: & horum princeps est serpens ille Python, à quo Apollo Pythius dictus est, & mulier illa Pythonica apud Samuelem, & alia in euangelis, quæ Pythonem habebat in uentre. Hoc ergo dæmonum genus sese oraculis immiscet, & diuinationibus & prædictionibus hominibus illudit, quo usque decipiat. Tertio ordine sunt uasa iniquitatis, quæ & uasa iræ dicuntur: hi sunt inuētores malorum, omniumq; malarum artium, qualis apud Platonem Theutus ille dæmon, qui ludos & aleam docuit: ex ipsis enim omne scelus, malitia & deformitas procedit, de quibus in Genesi in benedictionibus Symeon & Leui ait Iacob: Vasa iniquitatis in habitationibus eorum, in consilium eorum non ueniat anima mea: quos Psalmista uocat, uasa mortis, Esaias uocat uasa furoris, & Ieremias uocat uasa iræ, Ezechiel uasa interfectionis & interitus: & princeps eorum Belial, quod interpretatur sine iugo siue inobediens, præuaricator, & apostata, de quo Paulus ait ad Corinthios: Quæ conuentio Christi ad Belial? Sequuntur quarto ultores scelerum & princeps eorum Asmodeus, uidelicet faciens iudicium. Post hos quinto ordine ueniunt præstigiatores, qui imitantur miracula, & inseruiunt Caco magis & maleficis, & seducunt populum in miraculis suis, sicut serpens Euā seduxit: & princeps eorum Satan, de quo in Apocalypsi scriptum est, quod seducit uniuersum orbem, faciens signa magna, & ignem de cælo descendere in terram in conspectu hominum, seducens habitantes in terra, propter signa quæ data sunt illi facere. Sexto sese offerunt aëreæ potestates: hæc semiscent tonitruis, fulminibus & fulgori, corrumpentes aërem, pestilētias & alia mala inducentes: e quorum numero sunt, quos narrat Apocalypsis quatuor angelos, quibus datum est nocere terræ & mari, tenentes quatuor uentos à quatuor angulis terræ: & princeps eorū dictus Meririm: hic est dæmon meridianus, spiritus æstuans, & dæmon furens in meridie, quē Paulus ad Ephesios uocat principem potestatis aëris huius, & spiritum qui operatur in filios diffidentia. Septimam mansionem tenent furia, seminatrices malorum, & discordiarum, & bellorum, & uastationum: quorum princeps in Apocalypsi uocatus est Græce Apollion, Hebraice Abaddon, hoc est exterminās & uastans. Octauo loco stant criminatores siue exploratores, quorum prin-

ceps Astaroth, hoc est, explorator, Græcè dictus diabolus, hoc est crimina-
 tor uel calumniator, qui in Apocalypsi uocatur accusator fratrum nostro- Apo. 12.
 rum, accusans illos ante cōspectum dei nostri die & nocte. Porro ultimum
 locum habent tentatores siue infidiatores, qui singulis hominibus singuli
 adsunt, quos iccirco malos genios uocamus, & princeps eorum Mammon,
 qui interpretatur cupiditas. Dæmones autem malos omnes unanimiter
 astruunt in hoc infimiori mundo uagantes omnibus infensos, quos iccirco
 diabolos uocant, de quibus ait Augustinus libro primo de Incarnatiōe uer-
 bi ad Ianuarium inquiring: De diabolo quoque & angelis eius contrariis uir-
 tutibus ecclesiastica prædicatio docuit, quoniam sint quidem hæc: quæ autē
 sint, aut quomodo sint, non satis clare disposuit. Apud plurimos tamen ista
 habetur opinio, quod angelus fuerit iste diabolus, & apostata effectus, quā-
 plurimos angelorum secū declinare persuaferit, qui & nūc usq; angeli ipsius
 nuncupantur. Hos tamen Græcia non omnes damnatos putat, nec hos qui
 dem omnes esse ex proposito malos, sed quod ab condito æuo rerum dispē-
 satio ea sit ratione instituta, ut illis animarum peccatricum carnificina dele-
 gata sit. Cæteri theologi dicūt, nullos dæmones creatos malos, sed ex bono-
 rum ordinibus propter præuaricationem cœlis pulsos & deiectos: quorū ca-
 sum non solum nostri & Hebræorū theologi docent, sed etiam Assyrii, Ara-
 bes, Aegyptii & Græci suis dogmatibus cōfirmāt. Pherecydes Syrus casum
 dæmonū describit, & Ophin, hoc est, serpentem dæmoniacū, caput fuisse re-
 bellantis exercitus. Eundem casum Trismegistus in Pimandro, & Homerus
 sub nomine Atarum suis decantat carminibus: & Plutarchus in sermone de
 scenore, Empedoclem eiusmodi dæmonum lapsum nouisse significat. Ipsi
 quoq; dæmones multoties casum suum confessi sunt. Hi itaq; deiecti in hāc Dæmonū uā-
ria studia.
 uallem miserie, partim hoc caliginoso aëre propinqui nobis oberrant: alii la-
 cus, fluuios & æquora habitant: alii terras, terrestria territant, & qui puteos
 & metalla effodiunt, inuadunt: hiatus terræ prouocant, montium fundamē-
 ta concutiunt, nec homines modo, sed & animalia uexant: alii solo risu & illu-
 sione contenti, fatigare eos potius student quàm nocere: alii ultra proceri-
 tatem giganteo corpore sese sustollentes, nūc sese accliuos ad pygmæorum
 paruitatem submittentes, & in uarias figuras sese uertentes, homines inani
 terrore perturbant: alii mendaciis student & blasphemis, qualem unum in
 tertio Regum libro legimus, inquentem: Egrediar & ero spiritus mendax 3. Reg. 22
 in ore omnium prophetarum Achab. Pessimum autem dæmonum genus
 eorum, qui obsident itinera, irruentes transeuntibus, gaudent bellis & effu-
 sione sanguinis, & affligunt homines sæuissimis insultibus: tales legimus
 apud Matthæum, ob quorum metum per uiam illam transire iam nullus
 audebat. Iam uero nocturnos, & diurnos, & meridianos dæmones scriptura
 cōmemorat: & alios nequitię spiritus uariis uocabulis describit, quales apud
 Esaiam legimus, Onocentauros, ericios, pilosos, sirenes, lamias, ululas, stru Esai. 34.

thiones: & in Psalmis, aspides, basiliscos, leones, dracones: & in euāgelio scorpis legitur & mammoma, & princeps huius mūdi, & rectores tenebrarum, quorum omnium princeps Beelzebub, quem scriptura prauitatis principem appellat. Porphyrius illorum principem esse Serapin ait, qui & Plutō à Græcis nominatur: tum & præst illis Cerberus, triceps ille canis, scilicet quia in tribus elementis, aëre, aqua, terra uersatur, perniciosissimus dæmon: unde etiam quæ in illis tribus elementis plurimum potest Proserpina, illorum princeps est, quod & ipsa de se testatur in responsis his uersibus:

Naturæ triplicis ego sum Lucina puella,
Taurea, itemq; triceps, missa è cælo aurea Phœbe,
Quam multæ uariant formæq; trinaq; signa,
Quæ terna & simulacra fero, terræ, aëris, ignis:
Quippe meis atris terrarum est cura molossis.

Origenis placitum de dæmonibus.

Origenis placitum de dæmonibus est: Dæmones qui proprio arbitrio cum principe suo diabolo ab dei ministerio recesserunt, si paululum respiscere cœperint, humana carne circundari, ut hac deinceps pœnitentia, post resurrectionem eodem curriculo quo in carnem uenerunt, ad dei uisionem postliminio redeant, liberati tunc etiamnum æthereis & aëreis corporibus: tunc que genua deo curuanda omnia, cœlestium, terrestrium & inferiorum, ut sit deus omnia in omnibus. Quin & Diuus Ireneus probat Iustini martyris sententiam, qui dixerit: Satanam nusquā ausum dicere blasphemiam aduersus deum, priusquā aduenisset in terras dominus, eo quod nō dum cognosceret damnationem suam. Esse autem plerosq; ex lapsis dæmonibus qui futuram suam salutem sperent, pleriq; opinantur ex Pauli eremitæ historia, ab Hieronymo conscripta, & per ecclesiam canonicis horis uenerata: atq; ex Brandani legenda, ita edocti, illorumq; preces exaudiendas uel hoc argumento adferunt, quod in euangelis legitur, Christum exaudisse preces dæmonum, ac concessisse illis quod ingressi sint gregem porcorum. Adstipulatur istis etiam psalmus septuagesimus primus secundum nostrā supputationem, secundum supputationem autem Hebræorum septuagesimus secundus, ubi nos legimus coram illo procident Aethiopes, & inimici eius terram lingent: ibi iuxta Hebraicam ueritatem legitur: Coram ipso flectent genua inhabitantes solitudinem, hoc est aërei spiritus eum adorabūt, ut Cabalistæ adserūt: & inimici eius puluerem lingent: quod de Zazele atq; eius exercitu exponunt, de quo in Genesi legitur: Terram comedes cunctis diebus uitæ tuæ. & alibi dicit propheta: Quia puluis terræ panis eius. Hinc Cabalistæ etiam dæmones nonnullos saluandos putant, quod etiam sensisse constat Originem.

Dæmones an saluandi.

De corporibus dæmonum.

Caput XIX.



E corporibus dæmonum magna est recentiorum theologorū cum philosophis dissensio: nam Thomas adfirmat angelos omnes esse incorporeos, similiter & malos dæmones: adsumere tamen quādoq; corpora, quibus mox exuātur: & Dionysius in diuinis nominibus angelos esse incorporeos constanter adfirmat. Augustinus tamen super Genesim sic prodit: Dæmones aërea atq; ignea dicuntur animalia: quia corporum aëreorum natura uigent, nec per mortem dissoluntur, quoniam præualet in eis elementum ad agendū aptius quā ad patiendum. Idem astruere uidetur, angelos omnes ab initio creationis suæ corpora habuisse aërea, ex puriore superioreq; aëris parte formata, ad agendum idonea, non ad patiendum: eaq; post confirmationem bonis angelis conseruata, malis autem in lapsu demutata fuisse in aëris crassioris qualitatem, ut etiam igne possint torqueri. Quin & Magnus Basilius, non dæmonibus modo, sed & puris etiam angelis corpora tribuit, ueluti spiritus quosdam tenues & aëreos atque puros. Cōsentit his etiam Gregorius Nazianzenus. Apuleius non omnes dæmones putat habere corpora: siquidē in libro de dæmone Socratis, Genus aliud augustius (ait) dæmonū, qui semper à corporeis cōpedibus & nexibus liberi, procurantur certis precatibus. Verū Psellus Platonius & Christianus, dæmonum naturam non putat esse sine corpore: nō idem tamen angelicum & dæmonicum corpus, nā illud omnis expers materiae: Dæmonicum uero quodammodo materiale sicut umbrarum corpora, & subiectum passioni, ut etiam percussum doleat, & igne exuratur in conspicias cineres, quod in Tuscia aliquando factum memoriæ proditur. Et licet spiritale corpus sit, maxime tamen sensibile est, & tactum patitur: & licet reflectū, coit rursum recreatq; sicut aër & aqua, interim tamen maxime dolet: hinc timēt aciē fieri, & tela, & enses. Hinc apud Vergiliū Sibylla ait Aeneā:

Tuq; inuade uiam, uaginaq; eripere ferrum.

Super quo dicit Seruius, uoluisse Aeneam habere ensē consecratum. Genera dæmoniorum corporum Orpheus quoq; describit. Est quidem corpus unum quod igne tantum constat, sed uisum non patitur, quos igneos & coelestes dæmones Orpheus uocat: alterum ignis aërisq; mixtione temperatum, unde ætherei & aërei nuncupantur: cui si aqueum quiddam accesserit, tertium genus consurgit, unde dicuntur aquei, qui quandoq; uisu percipiuntur: quibus si aliquid terreum addatur, sed non ita crassum, terreni dæmones nūcupantur, eosq; iam magis conspicuos, nostrisq; sensibus occurrentes. Corpora autem sublimiorum dæmonum angelorum, ex purissimo æthereo elemento coalita sunt, nemini hominum temere uisibilia, nisi diuinitus speciem suam offerant: filis adeo texta sunt splēdidis & usq; adeo tenuibus, ut radios omnes nostri uisus raritate transmittant, & splēdore reuerberent, & subtilitate frustrentur, de quibus Chalcidius ait: Aetherei aëreiq; dæmones, quia corpora eorū neq; tantū ignis habent ut sint perspicua, neq; tā

Varia dæmoniorū corporū genera

In demoni-
bus nullus sc
ritus.

rum terræ, ut soliditas eorū tactui renitatur, totaq; eorū compago ex ætheris
ferenitate & æris liquore connexa, indissolubile coagmentauit superficiem
Reliqui dæmones neq; ita probabiles, neque ita incommodi, nec inuisibiles
semper, interdum conspicui, in diuersas conuertuntur figuras, exanguium quo-
que simulachrorū umbraticas formas induūt, obesi corporis illuuiem trahē-
tes: habentq; nimiam cum sylua (quā malignā animā ueteres uocabant) cō-
munionem, atq; ex uicinia terræ & aquæ, etiā terrenis uoluptatibus ac libidi-
ne tanguntur: cuius generis sunt lamia, & incubi, & succubi, è quorū numero
fuisse Melusinam forte non absurda est coniectio: nullus tamē (quod Mar-
cus arbitratur) dæmonū, alius mas censendus, alius fœmina: cū hoc sexuum
discrimen ad cōposita pertineat, dæmonū uero corpora simplicia sint: neq;
tamen unumquodq; dæmonū genus omnes figuras pro libito perficere po-
test, sed igneis & æreis facilis ea suppetit facultas, se in omne id deforma-
re, quod illorū concipit imaginatio: subterranei aut tenebrosi dæmones, quia
eorū phantasticū crassi & inagilis corporis angustis cēcluditur, eā nequit effi-
cere diuersitatē figurarū quam ceteri. Aquei aut & q̄ humidā supficiē terre
habitāt, ex elementi mollitie mulieres plurimū adsimulant, ex quo genere
sunt Naiades, Dryades: q̄ uero in aquosa & arida incolūt, corporibus aridio-
rib⁹ sese mares exhibēt, aut Satyros, aut Onoscelos a sinibus crurib⁹, Faunos,
Syluanos & incubos, de quibus August. multos tradit experiētia magistra didi-
cisse, illos saepe improbos extitisse mulierib⁹, earūq; appetisse & pegisse cōcu-
bitū: & quosdā dæmones, quos Galli Dufios nūcupāt, hāc assidue tētare libi-

De infestatione malorum dæmonum, & custodia nobis (dinem.
adhibita bonorum dæmonum. Caput XX.



ST theologorū cōmunis sententia, dæmones malos omnes
eius esse naturæ, ut deos pariter oderint & homines: iccirco di-
uina prouidentia dæmones nobis puriores præfecit propin-
quos, quibus nos tanquā pastoribus seu rectoribus commēda-
uit, ut nos quotidie adiuuēt, dæmonesq; malos arceant, cōpescant & religēt,
ne noceant nobis quantū uellēt, quemadmodū legitur in Thobia, Quod ap-
prehēdit Raphaël dæmoniū noīe Asmodeus, & relegauit ipsum in deserto su-
perioris Aegypti. De his ait Hesiodus: Ter decē mille sunt super terra uiuen-
tes pascente immortales Iouis custodes mortaliū hoīm, q̄ utiq; obseruēt iu-
stitias & miserāda facta, ærē induti, ubiq; eūtes super terrā: nullus enim prin-
cipū, nullus magnatū incolumis persisteret, non ulla mulier incorrupta re-
maneret, nullus hoīm in hac ignoratiē ualle ad constitutū sibi à deo finē per-
ueniret, si boni dæmones nobis pro custodia non adsisterent: uel si mali dæ-
mones malis hominū uolūtatibus satisfacere permetterētur. Sicut igit ex bo-
nis dæmonibus unicuiq; proprius deputatus est custos, corroborans spiritū
hoīs ad bonū: ita ex malis aliq; demittit hostis, p̄sicens carni & pruritu eius,
pugnatq; pro nobis bonus custos pro spiritu, aduersus hostem atq; carnem:

homo autem inter hos concertantes medius, & relictus in manu cōsiliū sui, cui uult uictoriam præstat: non possumus ergo angelos accusare, si gentes illis creditas ad ueri dei cognitionem, ad ueram pietatem & religionē non deducant, & in errores & peruersum cultum labi sinant: sed illis imputandum est, qui sponte sua à recto calle declinarunt, adhærentes spiritibus erroris, uictoriam dantes diabolo, in manu enim hominis est cui uelit adhærere, & quem uelit uincere, à quo si semel superatus hostis dæmon est, eius seruus effectus est, uictusq; alium ultra impugnare nequit, uelut uespa amisso aculeo: cui sententiæ adstipulatur etiā Origenes in libro Periarchon concludēs, quod sancti repugnantes aduersus malos dæmones & uincentes, eorum minuunt exercitum, ne ultra fas sit illi qui ab aliquo superatus est, alterum deinceps molestare. Sicut igitur unicuique homini datus est spiritus bonus, ita etiam datus est spiritus diabolicus malus, quorum uterq; unionem querit cum spiritu nostro, & illum ad se trahere nititur, & illi commisceri, ceu uinū cum aqua: bonus quidē per bona opera ipsi conformia, nos in angelos uniendo transmutat, sicut de Ioāne Baptista scriptū est in Malachia: Ecce ego mitto angelum meum ante faciem tuam. de qua transmutatione & unione, alibi scriptum est, qui adhæret deo, unus spiritus efficitur cum eo. Malus etiam dæmon per mala opera nos sibi conformes & unitos reddere studet, sicut de Iuda ait Christus: Nonne ego uos elegi duodecim, & unus ex uobis diabolus est: & hoc est quod ait Hermes, quando dæmon in humanā influit animam, semina propriæ notionis inspergit, unde anima talis, seminibus conspersa, furore prægnans, parit inde mirabilia, & qualiacunq; dæmonum sunt officia: bonus enim dæmon quando in sanctam influit animam, extollit eam ad sapientiæ lumen: malus uero dæmon, in prauam transfusus animam, incitat eam in furta, in homicidia, in libidines, & quæcunq; malorum dæmonum sunt officia. Boni dæmones (ut inquit Iamblichus) animas perfectissime purgant, exhibent in super alii nobis alia, ipsi præsentem dant corpori sanitatem, uirtutem animo, menti securitatem, quod in nobis est latifera delent, calorem fouent, efficaciorēq; reddunt ad uitam, & harmonia intelligibili mēti lumen semper infundunt. An autem multi sint hominis custodes, uel unus solus, inter se contendunt theologi, nos plures putamus, dicēte propheta. Angelis suis mandauit de te, ut custodiant te in omnibus uis tuis: quod teste Hieronymo, non solum in Christo, sed in quocunq; homine locum habet. Omnes itaq; homines diuersorū spirituum ministerio reguntur, ducunturq; ad quæcunq; gradum uirtutū, meritorum, & dignitatis, qui se illis dignos præstiterint: qui uero indignos, hi à malis dæmonibus, simulatque à bonis spiritibus, deponuntur & detruduntur usque ad extremum miseriæ gradum, prout eorum exquirunt mala merita: quicunque autem sublimioribus angelis attributi sunt, hi aliis etiam hominibus præferuntur: nam angeli eorum curam habentes illos euehunt, aliosq; illis sub-

Gentium malitia angelis non imputanda.

Malac. 3

Iohan. 6

Psalm. 90

Augusti ge-
nius, M. An-
tonij genio
præstantior

iiciunt ui quadam occulta, quam & si neuter illorum percipit, sentit tamen subditus, iugum quoddam præfidentie, à quo facile se absolvere nequit, imò timet & reueretur uim illam, quam superioribus, superiores angeli influunt, & terrore quodam inferiores in præfidentie timorem inducunt. Hoc sensisse uidetur Homerus ubi ait, Musas Ioue genitas, regibus Ioue genitis indi- uulsas semper comites assistere, perq; illas fieri eos uenerabiles & Augustos. Sic legimus M. Antonium olim cum Octauiano Augusto singulari amici- tia iunctum, sæpe unà ludere solitos: Verum cum semper Augustus uictor abiret, magum quendam M. Antonium in hanc sententiam submonuisse: Quid tibi o Antoni cum adolescente isto. Fuge illum & uita: nam & si tu na- tu grandior, & peritia rerum præstantior es, etiam genere illustrior, & pluri- um imperator bella multa exantlasti, tamen huius adolescentis genium ge- nius reformidat tuus, & tua fortuna illius fortunæ subblāditur: ni procul fu- geris, tota ad illum defectura uidetur. Nonne princeps homo est cæteris hominibus similis: quomodo eū timerent & reuererentur cæteri homines, nisi terror diuinus eum eueheret, & cæteris timorem incutiens eos deprime- ret, ut ipsum tanquam principem reuereantur: quare nitendum nobis est, ut expurgati recte agendo, sublimiaq; sequēdo, etiam tempora & loca opor- tuna eligendo, sublimiorum potentiorumq; angelorū gradu cōmittamur, qui de nobis curam gerentes, aliis merito præferamur.

De obsequendo proprio genio, eius que natura indaganda.

Caput XXI.



Id unaquæque regio in cœlestibus certam stellam cœlestemq; imaginem obtinet, sibi i præ cæteris influentem: ita etiam in su- percœlestibus certam nanciscitur intelligentiam, præfidentē atque tuentem, cum sui ordinis infinitis aliis ministris spiriti- bus siue demonibus, qui omnes communi uocabulo dicti sunt filii Elohim sabaoth בני אלהים צבאות, hoc est, filii dei exercituum. Hinc quoties bellum, aut stragem, aut regni alicuius desolationem populiq; subactionem delibe- rat altissimus in istis inferioribus, tunc non secus atq; hæc in terris uentura sunt, præcedit conflictus spirituum illorum in superis, sicut scriptum est in Esaia: Visitabit dominus exercituū super exercitum excelsi in excelsis, & super reges terræ in terra, de quo spirituum ac præsidum cōflictu, etiā apud Danielem legimus, uidelicet de principe regni Persarum, de principe Græ- corum, de principe populi Israël, eorundemq; adinuicem cōflictu. De quo etiam quondam sensisse uidetur Homerus, ubi cecinit:

Danic. 10.

Tantus cœlesti rumor percrebuit aula,
Cum sæua alterni ruerent in prælia diui:
Neptunum contra bellabat Phœbus Apollo.
Aduersus Martem certabat Pallas Athene,
Iunoni obstiterat bello pharetrata Diana.

Latonam telis uolucer Cyllenius urget.

Veruntamen cum in singulis regionibus sint omnis generis spiritus atque dæmones, illi tamen præ cæteris ibi potentiores sunt, qui eiusdem ordinis sunt cum præside illius regionis. Sic in solari regione præ cæteris uigent spiritus solares: in lunari lunare, & ita de reliquis: atque ex hoc prouenit atque consequimur, ut nobis loca & prouincias mutantibus, uarii sese offerant sequantur que rerum & negotiorum nostrorum euentus, alibi & alibi fortunatiores, ubi uidelicet dæmon genius noster maiorem sortitus fuerit potentiam, aut nos eiusdem ordinis potentiorum ibi adepti fuerimus dæmonem. Sic solares homines, si in solarem commigrarint regionem siue prouinciam, longe ibi fortunatiores reddentur: quia potentiores commodioresque ibi suos habituri sunt duces siue genios, quorum præstanti ibidem præsidio, omnia sua sæpe etiã præter opinionem & suarum uirium mensum ad felices exitus perducuntur. Hinc est, quod loci, & regionis, & temporis electio, ubi quis se ad sui genii naturam & instinctum, exercitet, habitet & frequentet, ad uitæ felicitatem plurimum conducat. Conducit etiam nonnumquam nominis mutatio: nam cum proprietates nominum ipsarum rerum indices sunt, tanquam de speculo declarantes suarum formarum conditiones: inde fit, ut mutatis nominibus, sæpe res mutari contingat. Hinc scriptura sacra non sine causa introducit deum, dum benedicturus esset Abrahamo & Iacob, eorum nomina immutasse, & uocasse hunc Abrahamum, illum Israël. Naturam autem genii uniuscuiusque hominis antiqui sapientes ex syderibus & influxu eorum, eorundemque aspectibus, qui in Genesii cuiusque uersantur, cognoscere docent: sed tam diuersis & dissidentibus inter se institutis, ut difficilimum sit hæc cælorum sacramenta è manibus eorum posse eripere. Nam Porphyrius ex stella genituræ domina, genium quærit: Maternus uero, uel inde, uel ex planetis, qui plures ibi habent dignitates: uel ex eo cuius domicilium ingressura est luna post illud, quod nascente homine detinet. Chaldaei autem non nisi aut à sole, aut à luna genium inquirunt. Alii autem & Hebræorum multi, ex aliquo cælorum cardine, aut omnibus illis, hunc exquirendum censent. Alii bonum genium ab undecima domo, quam iccirco bonum dæmonem uocant: malum autem geniũ à sexta, quam malum dæmonem appellant, requirunt. Horum itaque cum laboriosa & occultissima sit inquisitio, multo facilius ex nobis ipsis genii nostri naturam perquiremus, attendentes ad ea, quæ à primæua ætate nullis contagiis distracta, aut ea quæ expurgata mente ab inanibus curis & sinistris affectibus, amorisque impedimentis suggerit animus, dictat naturæ instinctus, cælumque inclinat. Hæc proculdubio genii suadelæ sunt, quæ unicuique datus est à principio suæ natiuitatis, eò nos ducens & persuadens, quò nos illius sydus inclinat.

Genius ad loci mutationem mutatur.

Nominis mutatione nonnumquam conducit.

Genij natura unde dinosci possit.

Triplicem uniuscuiusque hominis custodē esse, & à quibus singuli procedant.

Caput XXII.

Sacer dæmō



*Geniture
dæmon, ge-
nius.*

*Professionis
dæmon.*

Triplicem unicuique homini dæmon bonus est proprius custos, unus quidem sacer, alter geniture, tertius professionis. Dæmon quidem sacer, hic iuxta Aegyptiorum doctrinam, nō ab astris neq; à planetis, sed à superna causa, ab ipso dæmonum præfide deo, descendenti animæ rationali adsignatur, uniuersalis, supra naturā. Hic uitam animæ dirigit, cogitationesq; bonas menti semper exhibet, assidue agens in nobis illuminando, quāuis non semper animaduertimus, sed quando purgati sumus, atque tranquille uiuimus, tunc à nobis percipitur, tunc quasi nobiscum loquitur, suamq; nobis communicat uocem, antea silentio præfens, studetq; assidue ad sacram nos adducere perfectionē. Huius quoque dæmonis auxilio, possumus malignitatem fati deuitare: qui si religiose colatur à nobis probitate ac sanctitudine, quod socratem fecisse scimus, putant Platonici, mire nos ab eo iuari, tum somniis, tum signis, mala auertēdo, bona anxius sospitando: quare concinentes Pythagorici, Iouem precari consueuerunt, ut uel ipse à malis abduceret, uel à quo dæmonū id possit præstari monstraret. Dæmon autem geniture, qui & genius dicitur, hic à mūdi dispositione syderumq; circuitibus qui in generatione uersantur descēdit, hunc sunt qui opinantur animam iamiam in corpus descensurā, ex dæmonum choro custodem sibi naturaliter secernere, nec tam eligere sibi hūc duce, quā uicissim etiam ab illo optari in tutelā. hic exequutor uitæ, atque custos, eam corpori cōciliat, & communicatam corpori curat, hominemq; ad hoc ipsum officium adiuuat, ad quod nascētem cœlestia deputarūt. Qui cunque igitur genium fortunatum acceperint, redduntur in eorum operibus uirtuosi, efficaces, fortes & prosperantes: quapropter à Philosophis bene fortunati, seu bene nati dicuntur. Dæmon uero professionis, hic datur à syderibus quibus talis professio uel secta, quam homo aliquis professus fuerit subiicitur, quem anima quando iam in hoc corpore electione uti cœperit, atq; sibi mores induerit, latēter optat. Hic dæmon mutatur mutata professione, tum pro dignitate professionis, digniores ac etiam sublimiores adfunt nobis professionis dæmones, qui successiue curant hominem, qui aliū & alium sibi indies comparat professionis custodem, prout conscēdit de uirtute in uirtutem. Quando itaque professio cum natura nostra consentit, similis nobis atque cum genio concors adest professionis dæmon, uitaq; magis efficitur tranquilla, fœlix atq; prospera: quando uero professionē genio subimus dissimilem uel contrariam, uita nobis redditur laboriosa, & discordantibus patronis perturbata. Sic euenit ut proficiat aliquis in aliqua sciētia, aut arte, aut ministerio, exiguo tēpore & labore, qui in aliis multo sudore & studio frustra laborat: & licet nulla scientia, nulla ars, nulla uirtus, sit contemnēda, tamen ut prospere uiuas, fœliciterq; agas, imprimis cognosce geniū

rum bonū, & naturā tuā, & quid tibi boni promittat dispositio cœlestis, atque horum omnium distributor deus, qui distribuit singulis ut uult: horum exordia sequaris, hæc profitearis, in ea uirtute uersare, ad quam te summus distributor eleuat atque conducit, qui Abrahamum iustitia & clementia, Isaac timore, Iacob robore, Moysen mansuetudine & miraculis, Iosue bello, Phineen zelo, Dauidem religione & uictoria, Solomonem sciētia & præconio, Petrum fide, Iohannem charitate, Iacobum deuotione, Thomam prudentia, Magdalenam cōtemplatione, Martham ministerio excellere fecit. Itaque in qua uirtute facilius te proficere senties, ad eius apicem cōscendere cures, ut in uno præstes, qui in omnibus non potes: in cæteris tamen quantū uales proficere ne contemnas: quòd si concordēs habueris naturā & professionis custodes, geminū naturę & professionis senties profectum & augmentū: si uero dispares fuerint, sequere meliorem: nam melius aliquando fomen tū percipies egregiæ professionis quàm natiuitatis.

De lingua angelorum, eorumque cum inter se tum nobiscum collo-
locutionibus.

Caput XXIII.

Dabitare possemus, si angeli siue dæmones cum sint puri spiritus, sermone aliquo uocali aut lingua, cum inter se, tum ad nos utantur, nisi Paulus alicubi diceret: Si linguis hominū loquar & angelorū: sed quis sit iste eorū sermo, quæ lingua, adhuc apud multos in dubio uersatur. Putant enim plerique, si aliquo idiomate utantur, ipsum esse Hebræū, quia hoc omniū fuit primū, emanauitque de cœlo, fuitque ante exortā in Babylone confusionē linguarum, in quo data est à deo pater lex, & à Christo filio prædicatum euangelium, & per spiritum sanctum data in prophetis tot oracula: & cum omnes linguæ passę sint & continuo patiātur uarias immutationes & corruptiones, hæc sola semper perseverat inuiolata. Præterea opinionis huius euidens signum est, quòd cum dæmones & intelligentiæ singulæ, singularum gentium cum quibus habitant sermonem exerceant, scientibus tamen Hebræum sermonem, nunquam in alio idiomate, sed in illo solo loquuntur. Quomodo autē angeli loquuntur, occultū nobis est, sicut & ipsi: nobis autē ut loquamur, lingua necessaria est cū ceteris instrumētis, quæ sunt fauces, palatū, labia, dentes, guttur, pulmo, spiritalis arteria, & pectorales lacerti, qui motionis eius ab anima principiū obtinēt. Verū si quis procul alteri loquatur, uehementiori clamore indiget: sic propinquus in audientis aurē susurrat: & si posset cū audiēte strictiori spiritu copulari, nullo prorsus sono sermo eius indigeret: sed sine strepitu audienti, uelut imago oculo aut speculo, illaberetur. Sic animę à corpore egressę, sic angeli, sic dæmones loquuntur: & quod hō facit sensibili uoce, ipsi faciunt imprimēdo sermonis cōceptū, in his quibus loquuntur, meliori modo, quā si per audibilē uocē exprimeret. Sic dicūt Platonici Socratē suū dēmonē sensu quidē pcepisse, sed nō corporis huius, sed sensu ætherei corporis intra hoc delitescētis: quæ

Angelorum
sermo quis.

Angelorum
sermo nobis
occultus.

Aq. i.

item ratione ab prophetis uideri audiriq; solitos angelos credit Auicenna: illudq; instrumentum, qualiscunq; ea uirtus sit, per quam innotescere facit spiritus alteri spiritum, aut homini, quæ in mente ebulliunt, ab apostolo Paulo angelorum lingua nuncupatur. Sæpiissime tamen etiam sensibilem uocem emittunt, ut in ascensione domini clamantes, uiri Galilæi, quid statis spectantes in cælum? & in uetere lege cum multis patribus sensibili uoce loquuti sunt: sed hoc non nisi in adsumptis corporibus. Verum quibus sensibus ipsi spiritus atq; dæmones nostras inuocationes precesq; audiant, nostrasq; uideant ceremonias penitus ignoramus. Est enim spiritale dæmonum corpus, magna parte ubiq; & undique sensibile natura, ita quod absq; medio tangit, uidet, audit, nihilq; illis impedimento esse potest: nec tamē ea ratione qua nos discretis organis sentiunt, sed forte ueluti spongiæ aquā, sic toto corpore suo sensibilia quæq; hauriunt, aut alio modo nobis ignoto: neq; enim cuncta quæ uidemus animantia sensoriis eisdem sunt communita: nam & multa auribus carere nouimus, tamen sonum ab his concipi scimus, sed qua ratione, ignoramus.

De nominibus spirituum, eorumq; uaria impositione, deq; spiritibus qui præsunt stellis, signis, cardinibus cæli, & elementis.

Caput XXIII.



Homo spiritibus nomina imponere potest.

Vnde spiritibus nomina imponantur.

Spirituum tam bonorum quam malorum multiplicia & diuersa sunt uocabula: eorum autem propria & uera nomina, quemadmodum astrorum, soli deo nota sunt, qui solus numerat multitudinem stellarum, & omnibus illis nomina uocat: quorum nulla à nobis nisi diuina reuelatione cognosci possunt, atq; admodum pauca nobis in sacris literis expressa sunt. Verum Hebræorum magistri putant spiritibus ipsis ab Adamo nomina imposita esse, iuxta illud quod scriptum est: Adduxit deus cuncta quæ fecerat ad Adam ut nominaret illa: & quocunq; uocauit rem, hoc est nomen illius. Hinc putant Hebræorum mecubales unicum Magis, esse in potestate hominis, & spiritibus nomina imponere: sed illius duntaxat, qui iam ad hanc uirtutē diuino quouis munere, aut sacra potestate dignificatus & sublimatus est: quia uero nequit ulla humana uoce componi nomen, quod diuinitatis naturam, omnimodamq; angelicæ essentiae uirtutem exprimere possit, ideo ab operibus nomina spiritibus plurimum imponuntur, significantia certum aliquod officium siue effectum, qualis à spirituum choro desideratur: quæ nomina tunc non secus atq; oblationes & sacrificia diis deuota, efficaciam uirtutemq; sortiuntur, ad spirituales aliquam substantiam desiderati effectus operatricem de superis & inferis educendam. Vidi ego & noui quendam inscribentem in charta uirginea nomē & signaculum spiritus cuiusdam in hora lunæ: quam cum dedisset postea ad deuorandum ranæ fluuiali, & carmen quoddam obmurmurasset, remissa rana in aquā, mox pluuiæ & imbres oborti sunt. Vidi per eundē inscriptū

alius spiritus cum suo signaculo nomen in hora Martis, idque coruo datum, quo post immurmuratum carmen dimisso, protinus ab ea cœli plaga quam ille inuolasset, obortis nubibus fulmina, concussiones, horribilia que tonitrua consecuta sunt: neque tamen erant illa spirituum nomina ignotæ linguæ, nec alia quam officiorum illorum significatiua. Huius generis sunt angelorum istorum nomina, Raziel, Gabriel, Michaël, Raphaël, Haniel: quæ sonant, uisio dei, uirtus dei, fortitudo dei, medicina dei, gloria dei. Simili modo in malorum dæmonum officiis leguntur eorum nomina, lusor, deceptor, somniator, fornicator, & huiusmodi plura. Sic accepimus ab antiquis Hebræorum patribus, nomina angelorum præsentium planetis atque signis, Saturno Zapkiel: Ioui, Zadkiel: Marti, Camaël, Soli, Raphaël: Veneri, Haniel, Mercurio, Michaël, Lunæ, Gabriel. Hi sunt spiritus illi septem, qui semper adstāt ante faciē dei, quibus credita est dispositio totius regni cœlestis & terreni, quod sub orbe lunæ est. Hi enim (ut dicunt secretiores theologi) omnia regunt uicissitudine quadam horarum, dierum & annorum, quemadmodum de planetis, quibus præsunt, tradunt Astrologi: quos Trismegistus Mercurius iccirco uocat septem mundi gubernatores, qui per cœlos tanquam per instrumenta, coaceruatis omnium stellarum & signorum influentiis, eas in hæc inferiora distribuunt. Sunt autem qui illos paulo diuersis nominibus stellis adscribunt, dicentes quod Saturno præsit intelligentia nomine Oraphiel: Ioui, Zachariel: Marti, Zamaël: Soli Michaël: Veneri, Anaël: Mercurio, Raphaël: Lunæ, Gabriel, & horum unusquisque mundum gubernat annis trecentis quinquaginta quatuor & mensibus quaternis: & incipit regimen ab intelligentia Saturni: post quam per ordinem regnant intelligentiæ Veneris, Iouis, Mercurii, Martis, Lunæ, Solis: reuertiturque deinde regimen ad spiritum Saturni. Scripsit de istis spirituales tractatum ad Maximilianum Cæsarem Abbas Tritemius: quem qui medullitus examinauerit, magnam futurorum temporum cognitionē inde elicere potest. Ex signis uero duodecim præsunt Arieti, Malchidaël: Tauro, Asmodel: Geminis, Ambriel: Cancro, Muriel: Leoni, Verchiel: Virgini, Hamaël: Libræ, Zuriel: Scorpioni, Barchiel: Sagittario, Aduachiel: Capricorno, Hanaël: Aquario, Gambiel: Piscibus, Barchiel. De istis spiritibus præsentibus planetis & signis, meminit etiam Iohannes in Apocalypsi, de prioribus in fronte inquires: Et à septem spiritibus, qui in conspectu throni dei sunt, quos reperi præsidere etiam planetis: in calce autem uoluminis, ubi supernæ ciuitatis fabricam describit, testatur quod in duodecim portis eius erant duodecim angeli. Sunt rursus uiginti octo angeli, qui dominantur in uiginti octo mansionibus lunæ, quorum nomina per ordinem sunt, Geniel, Enediel, Amixiel, Azariel, Gabiel, Dirachiel, Scheliel, Aninediel, Barbiel, Ardefiel, Neciel, Abdizuel, Iazeriel, Ergediel, Ataliel, Azeruel, Adriel, Egibiel, Amutiel, Kyriel, Bethnaël, Ge-

Angeli, planetis præsidentes.

Abbas Tritemij Tractatus. Angeli, duodecim signis præsidentes

Apoc. I.

Apo. II.

Angeli mansionibus lunæ.

Ventorum
quatuor, an-
geli totidē.

Elementorū
angeli.

Telchines

liel, Requiel, Abrinaël, Aziel, Tagriel, Alheniel, Amnixiel. Sunt etiā quatuor angelorum principes, qui præfecti sunt super quatuor uētos & super quatuor partes mundi, quorum Michaël præfectus est super uentum orientalem: Raphaël, super occidentalem: Gabriel, super borealem: Noriel, qui ab aliis Vriel dicitur, super australem. Adsignantur etiam elementis, aëri, Cherub: aquæ, Tharsis: terræ, Ariel: igni, Seruph, aut iuxta Philonem, Nathaniel. Quisq; autem horum spirituum grandis princeps est, & habēs potestatem multæ libertatis in dominio suorum planetarum & signorum, & in eorum temporibus, annis, mensibus, diebus & horis, & in suis elementis, & partibus mundi, & uentis: & unusquisq; illorum dominatur pluribus legionibus, eadem ratione, in malis spiritibus præfunt cæteris quatuor reges potētissimi, iuxta quatuor partes mundi, quorum nomina appellantur, Vrieus, rex orientis: Amaymon, rex meridiei: Paymon, rex occidentis: Egyn, rex septentrionis, quos Hebræorum doctores fortē rectius uocant Samaël, Azazel, Azael, Mahazaël: sub quibus plures alii dominantur principes legionum, & præfides: innumeri quoq; priuatorum officiorum dæmones. Quinetiam Græcorum uetusti Theologi sex dæmones numerant, quos Telchines uocant, alii Alastores appellant: qui hominibus malefici, stygis aquam manibus haurientes, in terras spargūt: ex quo calamitates, pestes & fames cōsequuntur: Hiq; fuisse perhibentur Acteus, Megalesius, Ormenus, Lycus, Nicon, Mimon. Cæterum qui angelorum & etiam dæmonum malorum distincta nomina, officia, loca, tempora exacte noscere cupit, illa in rabi Symonis Templorū uolumine requirat, ac in eiusdem libro Luminū, atq; in tractatu de Magnitudine staturæ, & in tractatu Tēplorum rabi Ismaëlis, atq; in omnibus ferē commentariis libri Formationis de istis copiose scriptum inueniet.

Quomodo Hebræorum mecubales sacra angelorum nomina ē sacris scripturis eliciant, atq; de septuaginta duobus angelis qui ferunt nomen dei, cum tabulis Ziruph, & commutationum literarum & numerorum.

Caput XXV.



Regula generalis.

Canō extra

Vnt & alia tam bonorum quàm malorum spirituum ad singula officia deputata sacra nomina, prædictis illis multo ualidiora, quæ ex sacris scripturis secundum artem quam de istis tradunt Hebræorum mecubales extrahuntur, sicut etiam quædā nomina dei ex certis locis eliciuntur. Horum generalis regula est, quod ubi cunq; in sacris literis aliquid de diuina essentia exprimitur, ex eo loco diuinum nomen rite colligi potest: ubicunq; uero in sacris literis diuinum nomen expressum inuenitur, ibi ministerium quod illi nomini subiacet, perpende. Ubicūq; ergo de spiritus alicuius boni uel mali ministerio uel opere scriptura loquitur, ex eo loco eiusdem spiritus nomen siue boni siue mali extrahi potest, hoc obseruato immobili canone, ut ex bonis bonorū, ex malis ma-

lorum spirituū accipiamus nomina: nec albo nigrū, nec diem nocti, nec lucem tenebris cōfundamus: quod ex istis uersiculis ueluti exemplo elucescit. *ationis spiri-
tuum.*
Sint tanquā puluis ante faciem uenti, & angelus domini propellens eos.
Sint uia illorum tenebræ & lubricum, & angelus domini persequens eos:

יהו כמון לפני רוח ומלאך יהוה רהה
יהי דרכם רשך והלק לקות ומלאך יהוה ררפם

Psalmo tricesimoquinto apud Hebræos, apud nos tricesimo quarto, è quibus angelorū illorū nomina extrahuntur: מיראל Midael & מיראל Miraël de ordine Militantium. Sic ex uersiculo, Constitues super eum impium, & Satan stet à dextris eius. Psalmo centesimonono apud Hebræos, apud Latinos autem centesimo octauo: הפקר עליו רשע ושטן יאמר אל ימינו extrahitur nomen cacodæmonis Schihi שיעי, quod dæmonem machinatorē designat. Est certus textus in Exodo, tribus uersiculis contentus, quorū quilibet septuaginta duobus scribitur literis, incipientes: Primus Vaiiſa וייסע: Secundus, Vaiſa וייסע: Tertius, Vaiot ויט: qui unam in lineā extensi, uidelicet primus & tertius à sinistra in dextram, medius uero cōuerso ordine à dextra incipiens terminetur in sinistrā, tunc singulę tres literę sibi subalternatę constituunt unū nomē, quę sunt septuaginta duo nomina, quę Hebræi Schemhamphoras uocant: quibus si in fine addatur nomen diuinū El אלה, uel iah, יה, producunt septuaginta duo angelorum nomina trisyllaba, quorum quilibet fert magnum nomē dei, sicut scriptum est: Angelus meus præcedet te: obserues eum, est enim nomen meum in illo. Et hi sunt qui præſident septuaginta duobus quinariis cœlestibus, totidemq; nationibus & linguis, & humani corporis artubus, cooperanturq; septuaginta duobus synagogę senioribus, totidemq; Christi discipulis: & nomina eorum secundum extractionem quam faciunt Cabaliste, patent in hac sequenti tabella, secundum unum modum quē diximus. Sunt aut & alii plures modi ex eisdem uersiculis fabricandi schemhamaphoras, ut cum omnes tres recto ordine sibi subalternatim à dextra in sinistram scribuntur, præter illos qui per tabulas Ziruph, & tabulas commutationum extrahuntur, de quibus in superioribus mentionem fecimus. Et quoniam hæ tabulę omnibus tum diuinis tum angelicis nominibus inseruiunt, ideo illas etiam huic capiti subiungemus.

Hii sunt septuaginta duo Angeli, deferentes nomen Dei
Schemhamphoras.

| | | | | | | | | | | | | | | | | | | | |
|---|---|---|---|----------|---|---|---|---|-----------|---|---|---|---|----------|---|---|---|---|----------|
| ⲓ | ⲓ | ⲓ | ⲓ | Vehuiab | ⲓ | ⲓ | ⲓ | ⲓ | Leuiab | ⲛ | ⲛ | ⲓ | ⲛ | Aniel | ⲛ | ⲛ | ⲓ | ⲓ | Mebahiah |
| ⲓ | ⲓ | ⲓ | ⲛ | Ieliel | ⲛ | ⲓ | ⲓ | ⲓ | Pahaliah | ⲓ | ⲛ | ⲛ | ⲓ | Haamiah | ⲛ | ⲛ | ⲓ | ⲛ | Poiel |
| ⲛ | ⲓ | ⲛ | ⲛ | Sitaël | ⲓ | ⲓ | ⲓ | ⲛ | Nelchaël | ⲓ | ⲓ | ⲛ | ⲛ | Rehuel | ⲓ | ⲛ | ⲛ | ⲓ | Nemamiah |
| ⲛ | ⲓ | ⲛ | ⲓ | Elemiah | ⲓ | ⲓ | ⲓ | ⲛ | Icuiel | ⲓ | ⲓ | ⲓ | ⲛ | Iciazel | ⲓ | ⲓ | ⲓ | ⲛ | Iciael |
| ⲛ | ⲓ | ⲛ | ⲓ | Mahsiab | ⲛ | ⲓ | ⲓ | ⲛ | Melabel | ⲓ | ⲓ | ⲓ | ⲛ | Hahabel | ⲓ | ⲓ | ⲓ | ⲛ | Harahel |
| ⲓ | ⲓ | ⲓ | ⲛ | Lelabel | ⲓ | ⲓ | ⲓ | ⲓ | Hahuiab | ⲛ | ⲓ | ⲓ | ⲛ | Michaël | ⲛ | ⲛ | ⲓ | ⲛ | Mizrael |
| ⲛ | ⲛ | ⲛ | ⲓ | Achaiab | ⲓ | ⲓ | ⲓ | ⲓ | Nithbaiah | ⲓ | ⲓ | ⲓ | ⲓ | Veuahiah | ⲓ | ⲛ | ⲓ | ⲛ | Vmabel |
| ⲛ | ⲓ | ⲛ | ⲛ | Calathel | ⲓ | ⲛ | ⲛ | ⲓ | Haaiah | ⲓ | ⲓ | ⲓ | ⲓ | Ielabiah | ⲓ | ⲓ | ⲓ | ⲛ | Iabbel |
| ⲓ | ⲓ | ⲓ | ⲛ | Haziel | ⲓ | ⲓ | ⲓ | ⲛ | Icrathel | ⲛ | ⲛ | ⲓ | ⲓ | Scaliah | ⲛ | ⲓ | ⲓ | ⲛ | Anauel |
| ⲛ | ⲓ | ⲓ | ⲓ | Aladiab | ⲛ | ⲛ | ⲓ | ⲓ | Secchiah | ⲛ | ⲓ | ⲓ | ⲛ | Ariel | ⲛ | ⲓ | ⲓ | ⲛ | Mehiel |
| ⲓ | ⲛ | ⲓ | ⲓ | Lauiah | ⲓ | ⲓ | ⲓ | ⲛ | Reiuel | ⲛ | ⲛ | ⲓ | ⲓ | Asaliah | ⲓ | ⲛ | ⲓ | ⲓ | Damabiah |
| ⲓ | ⲓ | ⲛ | ⲓ | Hahaiab | ⲛ | ⲓ | ⲛ | ⲛ | Omaël | ⲛ | ⲓ | ⲓ | ⲛ | Mihaël | ⲛ | ⲓ | ⲓ | ⲛ | Manakel |
| ⲓ | ⲓ | ⲓ | ⲛ | Iezalel | ⲓ | ⲓ | ⲓ | ⲛ | Lecabel | ⲓ | ⲓ | ⲓ | ⲛ | Vehuel | ⲛ | ⲓ | ⲛ | ⲛ | Eiaël |
| ⲛ | ⲓ | ⲓ | ⲛ | Mebabel | ⲓ | ⲛ | ⲓ | ⲓ | Vasariah | ⲓ | ⲓ | ⲓ | ⲛ | Daniel | ⲓ | ⲓ | ⲓ | ⲓ | Habuiab |
| ⲓ | ⲓ | ⲓ | ⲛ | Hariel | ⲓ | ⲓ | ⲓ | ⲓ | Iehuiab | ⲓ | ⲓ | ⲛ | ⲓ | Hahsiab | ⲓ | ⲛ | ⲓ | ⲛ | Roehel |
| ⲓ | ⲛ | ⲛ | ⲓ | Hakamiah | ⲓ | ⲓ | ⲓ | ⲓ | Lehahiah | ⲛ | ⲛ | ⲛ | ⲓ | Imamiah | ⲓ | ⲓ | ⲛ | ⲓ | Iabamiah |
| ⲓ | ⲛ | ⲓ | ⲓ | Leuiab | ⲓ | ⲓ | ⲓ | ⲓ | Chauakiah | ⲓ | ⲓ | ⲛ | ⲛ | Nanaël | ⲓ | ⲓ | ⲓ | ⲛ | Haiaiel |
| ⲛ | ⲓ | ⲓ | ⲛ | Caliel | ⲛ | ⲓ | ⲓ | ⲛ | Manadel | ⲓ | ⲓ | ⲓ | ⲛ | Nithaël | ⲛ | ⲓ | ⲛ | ⲓ | Mumiah |

•III X 700

ALIA TABULA ZIRVPH, QVAE DICITVR RATIONALIS.

!!!! 2

| | | | | |
|----|----|----|----|---|
| | | | | א |
| | | | אא | ב |
| | | | אב | ג |
| | | בב | אג | ד |
| | | בג | אר | ה |
| | גג | בר | אה | ו |
| | גר | בה | אז | ז |
| רר | גה | בו | אז | ח |
| רה | גו | בז | אח | ט |
| הה | רו | גז | אט | י |

| | | | | |
|----|----|----|----|---|
| | | | | י |
| | | | י | כ |
| | | | יכ | ל |
| | | ככ | יל | מ |
| | | כל | ימ | נ |
| | לל | כמ | ינ | ס |
| | למ | כנ | יס | ע |
| ממ | לג | כס | יע | פ |
| מנ | לס | כע | יפ | צ |
| ננ | לע | כפ | יצ | ק |

| | | | | |
|----|----|----|----|---|
| | | | | ק |
| | | | קק | ר |
| | | | קר | ש |
| | | רר | קש | ח |
| | | רש | קת | ץ |
| | שש | רת | קד | ס |
| | שת | רד | קס | ז |
| תת | שך | רס | קז | ף |
| תך | שם | רז | קח | ץ |
| תס | שז | רפ | קצ | ף |

יט

פ

七

ק

De inueniendis nominibus spirituum & geniorum à dispositione
corporum cœlestium. Caput XXVI.



Radiderunt ueteres Magi artem inueniendi nomen spiritus ad quemcunq; desideratum effectum, ex cœli dispositione illud elicientes, puta proposita tibi aliqua cœlesti harmonia, pro fabricanda imagine uel anulo, seu alio quouis opere, sub certa cōstellatione peragendo, spiritū illius operis rectorem inuenire si uelis: Erecta cœli figura proiice literas suo numero & ordine à gradu ascendentis, secundum successionē signorū per singulos gradus cōplendo totū cœli circulū: tūc literis illis quę ceciderint in loca stellarū, quarū p̄sidio uteris, iuxta earū dē stellarum numerū atq; fortitudines, in numerū & ordinē extranotatis, nomē spiritus constituūt, boni scilicet: si uero ab initio gradus occidētis contra signorū progressum sic feceris, spiritus resultās erit de gñe malorū. Eo artificio nōnulli Hebræorū & Chaldeorū magistri, naturā & nomen genii cuiusq; hominis perquirendū docēt, ut uidelicet cognito gradu ascēdētis alicuius natiuitatis, coeq̃tisq; ceteris cœli cardinibus, tūc q̃ planetarū in illis q̃tuor cardinibus plures habuerit dignitates, quę Arabes Almutez uocāt, ipse prior notet inter ceteros: & iuxta eū secūdo loco, q̃ sibi in numero dignitatū fuerit proximus, & ita p̃ ordinē reliquos eorū q̃ aliquā in prædictis cardinibus obrinēt dignitatē: hoc ordine habito scias uerū eorū locū & gradū in cœlo, incipiēs q; à gradu ascēdētis p̃ singulos gradus secundū ordinē signorū proiicere uiginti duas Hebræorū literas: tūc q̃ literę ceciderint in prædictarū stellarū loca, notatę & disposita iuxta ordinē sup̄ius in stellis inuentū, & rite secundū Hebraicę linguę ratiōes cōbinata, genii nomē cōstituūt: cui iuxta morē, aliquod diuinę oīpotentię monosyllabū nomē puta El uel Iah subiūgit. Quod si proiectio literarū fiat ab angulo occidētis, & cōtra successionē signorū & literę quę ceciderint in Nadir (hoc est punctū oppositū) sup̄radictarū stellarū, quo diximus ordine coniūgant nomē cōstituēt genii mali. Verū Chaldei alia uia procedūt, nō enim accipiūt Almutez cardinū, sed Almutez undecimę domus, faciūt q; p̃ oīa ut dictū ē: Malū aut̃ geniiū requirūt ab Almutez anguli duodecimę domus, quā malū dēmonē uocant, proiiciētes à gradu occidētis cōtra signorū progressum. Sūt etiā Arabes pleriq; & nōnulli Hebręi, q̃ ex quinq; hylegiorū locis nomē genii requirūt, & faciētes proiectionē semper ab initio arietis, & literis inuētis iuxta hylegiorū ordinē apud astrologos cognitū in ordinē redactis, cōiūctisq; nomē cōstituunt genii boni: mali aut̃ genii nomē eliciūt ex locis hylegiis oppositis, facta proiectionē ab ultimo gradu pisciū cōtra signorū ordinē. Alii uero nō loca hylegiorū, sed loca Almutez super quinq; hylegiis accipiūt, faciētes proiectionē ab horoscopo, sicut in prioribus dictū est: atq; hæc nomina ita secūdū proportiōatos numeros sydereō calculo dis-

buta, iugatis alternatisq; literis compacta, sono licet & significatione ignota, ex secretis philosophiæ principiis necesse est confiteri plus posse in opere magico, q̄ nomina significatiua, dū attonitus in illorum æigmata animus, totaq; mentis acie intentus, diuinū aliquod subesse firmiter credens, uerba & nomina hæc, licet nō intellecta, reuerenter sonat in gloriam numinis, cū spiritali pietatis affectu, capriuans se in illius obsequium.

De arte calculatoria nominum eiusmodi ex traditione

Cabalistarum. Caput XXVII.



ST adhuc aliud huiusmodi nominum artificium quod calculatoriū uocant, & fit per tabulas sequentes, ingrediendo cū nomine aliquo sacro, siue diuino siue angelico, in columna literaria descēdenti, accipiendo illas literas quas in angulis cōmuni bus sub suis stellis signisq; offenderis: quibus in ordinē redactis, spiritus nomē constituit boni de natura illius stellæ uel signi, sub qbus fueris ingressus: quod si fueris ingressus in colūna ascēdente, sumendo angulos cōmunes supra stellas & signa in infima linea signata, nomē constituit spiritus mali. Et hæc sunt nomina spirituum ex quolibet ordine siue cœlo ministrantiū, tā bonorū q̄ malorū, quæ secundū hunc modū in nouē nomina tōtidē ordinū multiplicare potes, quatenus ingrediendo cū uno nomine aliud superioris ordinis spiritus ex eodē elicere potes tā boni q̄ mali. Principiū tamē huius calculatiōis dependet ex nominibus dei: omnis enim uox uirtutem habet in Magia, inquantū à dei uoce dependet indeq; formatur. Itaq; scire debemus, omne angelicū nomen procedere debere ab aliquo nomine dei primario: ideoq; angeli dicuntur ferre nomē dei, iuxta illud quod scriptum est, quia est nomē meum in illo. Itaq; ut bonorum angelorum nomina à malorum nominibus discernantur, solet illis sepe aliquid diuinæ omnipotentia nomen subnecti, ut El, uel On, uel Iah, uel Iod & cum illo simul pronūciari: & quoniā Iah nomē est beneficentiæ, & Iod nomen deitatis, iccirco hæc duo nomina non nisi angelorum nominibus apponuntur: Nomen uero El, quod uim & uirtutem importat iccirco non modo bonis, sed quādoq; etiam malis spiritibus adiicitur, neq; enim etiam mali spiritus absq; dei uirtute, aut subsistere aut aliquid agere possunt. Ceterum sciendum est, quoniam sumendi sunt anguli cōmunes eiusdem stellæ atq; signi, nisi ingressum sit cum nomine mixto, quem admodum sunt nomina geniorum, & ea de quibus in capitulo præcedenti dictum est, quæ ex cœli dispositionibus iuxta diuersarum stellarum harmoniam componuntur: cum his enim quoties ingredienda est tabula, angulus communis sumendus est sub stellā uel signo literæ ingredientis. Sunt præterea qui istas tabulas adeo extendunt, ut arbitrentur etiam si cū nomine stellæ, uel officii, uel effectus alicuius desiderati fiat ingressus, demon eliciatur & bonus & malus ad illud officium uel effectum deseruiens. Simili ratiōe cū nomine proprio psonæ cuiusuis ingrediētes, geniorū nomina

se se extrahere posse confidunt, sub illa stella quæ tali personæ uidebitur præesse, prout ex Physiognomia, uel ex animi passionibus & inclinatione, siue ex professione & fortuna cognouerint illum esse uel Martium, uel Saturniū, uel Solarem, uel de alterius stellæ natura. Et licet huiusmodi nomina primaria, ex suo significato nullam uel modicam uim habeant, tamen huiusmodi extracta nomina & ab illis deriuata, maximæ sunt efficacię, quemadmodum radii solares in speculo cauo collectæ, fortissimè quidem urunt, sole tamen ipso uix modice calente. Est autem ordo literarum in istis tabulis sub stellis & signis ferè consimilis, qualis est apud astrologos ordo decanorū, nouenariorum & duodenariorum. De hoc calculatorio artificio scripsit quondā Alfonso Cyprius, & nescio quis alius illud etiam Latinis characteribus accommodauit: uerum quoniam uniuscuiusq; linguæ literæ, quod in primo libro ostendimus, suo numero, ordine & figura cœlestem diuinamq; originem habent, facile concessero, hanc de nominibus spirituum calculationē, non modo per Hebræas literas, sed etiam per Chaldæas, Arabicas, Aegyptias, Græcas, Latinas, & quascunq; alias fieri posse, tabulis ex illis ad imitationem præfidentium rite fabricatis. Sed hic à plerisq; obiicitur, euenire in his tabulis plures diuersæ naturæ & fortunæ homines, non raro ob nominis identitatem eundem eiusdem uel nominis genium sortiri. Sciendum igitur est, non absurdum putari, eundem dæmonem à pluribus animabus posse secerni, eundemq; pluribus posse præesse. Præterea sicut diuersi homines eodem sepe nomine funguntur, sic etiam diuersorum officiorum & naturarum spiritus, possunt uno nomine ac uno eodemq; signaculo siue caractere notari respectu tamen diuerso: nam sicut serpens nunc Christi, nunc diaboli typum tenet, sic eadem nomina eademq; signacula, nūc alicui malorum dæmonum, nunc alicui bonorum angelorū ordini æquiparantur. Deniq; ipsa inuocantis intentio ardens, per quam intellectus noster iungitur intelligētiis separatīs, facit ut nunc illum, nunc alium spiritum licet sub eodem nomine inuocatum, habeamus obsequentem.

Sequuntur tabulæ calculationis nominum spirituum bonorum
& malorum, sub septem planetarū præsidio atq; sub duo
decim signorum ordine Militantium.

| | ד | ז | ה | ו | א | ב | ה | Linea bonor. |
|--------------|---|---|---|---|---|---|---|--------------|
| ח | ז | ו | ה | ו | א | ב | א | א |
| ש | ג | מ | ל | כ | י | ט | ח | ב |
| ר | ש | ר | ק | צ | פ | ע | ס | ג |
| ק | ו | ה | ר | ג | ב | א | ח | ר |
| צ | מ | ל | כ | י | ט | ח | ז | ה |
| פ | ר | ק | צ | פ | ע | ס | ג | ו |
| ע | ה | ר | ג | ב | א | ח | ש | ז |
| ס | ל | כ | י | ט | ח | ז | ו | ה |
| ג | ק | צ | פ | ע | ס | ג | מ | ט |
| מ | ר | ג | ב | א | ח | ש | ר | י |
| ל | כ | י | ט | ח | ז | ו | ה | כ |
| כ | צ | פ | ע | ס | ג | מ | ל | ל |
| י | ג | ב | א | ח | ש | ר | ק | מ |
| ט | י | ט | ח | ז | ו | ה | ר | ג |
| ח | פ | ע | ס | ג | מ | ל | כ | ס |
| ז | ב | א | ח | ש | ר | ק | צ | ע |
| ו | ט | ח | ז | ו | ה | ר | ג | פ |
| ה | ע | ס | ג | מ | ל | כ | י | צ |
| ר | א | ח | ש | ר | ק | צ | פ | ק |
| ג | ח | ז | ו | ה | ר | ג | ב | ר |
| ב | ס | ג | מ | ל | כ | י | ט | ש |
| א | ח | ש | ר | ק | צ | פ | ע | ח |
| Linea malor. | ח | ב | א | ו | ז | ד | ה | |

[illegible]

Quomodo nonnunquam spirituum nomina accipiuntur à rebus ipsis quibus præficiuntur.

Caput XXVIII.



Nuenio adhuc aliud nominum genus ab ipsis rebus, quibus spiritus ipsi præfident, illis impositum, tanquam mutuato illis nomine à stellis, aut hominibus, aut locis, aut temporibus similibus ue rebus, diuino nomine in clausulam adiecto, hoc modo:

Spiritus Saturni nūcupatur Sabathiel: spiritus Iouis, Zedekiel: spiritus Martis, Madimiel: spiritus Solis, Semiel uel Semeschiah: spiritus Veneris, Nogahel: spiritus Mercurii, Cochabiah uel Cochabiel: spiritus Lunæ, Iareahel uel Leuanaël. Simili ratione etiam nuncupant spiritus qui præfunt signis, ab ipsis uidelicet signorum nominibus per ordinem, ab ariete, Teletiel, Suriel, Tomimiel, Sartamiel, Ariel, Betuliel, Masniel, Acrabiel, Chesetiel, Gediel, Deliel, Dagymiel: ac si à Latinis uocabulis dicamus Ariel, Tauriel, Geminiel, Cancriel, Leoniel, Virginiel, Libriel, Scorpiel, Sagittariel, Capriel, Aquariel, Pisciel: & à planetis Saturniel, Iouiel, Martiel, Soliah, Veneriel, Mercuriel, Lunaël uel Lunaiah. Quia uero (quod etiam supra diximus) omnes spiritus tam boni quàm mali unionem quærunt cum homine, quam non raro quodammodo etiam adsequuntur, unde in sacris literis homines nonnullos & deos, & angelos, & diabolos uocatos legimus: ita etiam nomina illorū qui singulari aliqua uirtutis excellentia præditi, aut pertinaci aut immedicabili malitia obstinati ab hoc seculo migrarunt, inter dæmonum bonorum aut malorum nomina locum fortita sunt, numeranturq; cum eisdem, siue hominum illorum animas, siue illorum genios bonos malos ue significari putabimus. Sic legimus apud Esdram nomen archangeli Ieremiel, à Ieremia propheta: sic Zachariel, à Zacharia: & Vriel, ab Vria propheta quem occidit Ioachim. Similiter samuel, Ezechiel, Daniel, prophetarum & angelorū pariter nomina sunt. Phaniel & angeli & loci nomen est, in quo per totam noctem luctatus Iacob. Ariel angeli nomen est & dicitur quasi leo dei: nonnunquam & cacodæmonis nomē est, & ciuitatis quæ inde uocata Ariopolis, ubi colebatur idolum Ariel. Multa quoq; malorum dæmonum nomina in sacris literis comperimus à pessimis hominibus aut pessimorum hominum habitationibus ortum accepisse, sicut nomen Astaroth, quod nomen caco dæmonis est, erat que olim nomen ciuitatis Og regis Basan, in qua habitauerunt gigantes: similiter Astaroth, olim ciuitatis Amorrhæorū: Raphaim uallis: & Ieramiel, regio Allophyloꝝ. Idolorum quoq; & cacodæmonū nomina sunt, ut Remma, simulacrū idoli Damasceni: Chamos, idolū Moab: Melchim, idolū Amonitarū: Bel, idolū Babyloniorū: Adramelech, idolū Assyriorū: Dagon, idolū Allophylorū. Et narrat Philo fuisse Amorrhæis septē simulacra aurea, quas uocabāt sanctas nymphas, q̄ inuocatæ ostēderunt Amorrhæis p singulas horas operā eorū: & nomina eorū noīa mulierū, quę fuerūt uxores septē uirorū peccatorū, q̄ eas consecrauerunt post diluuiū, uidelicet

Planetarum
spiritus.

Signorū spi
ritus.

4. Esd. 4

Septē peccatores.

Animas fieri demones.

Chanaan, Phut, Selath, Nēbroth, Abirion, Elath, Desuat: erantq; illis superpositi lapides pretiosi sculpti & consecrati, quorū in uno uirtus erat, ut cecis lumen restitueret: nec potuit ignis exurere lapides: & libri sacri erant cū lapidibus, qui similiter non poterāt igne cōburi, nec incidi ferro, nec aqua deleri, quousq; auferret eos angelus domini, & sepeliret in profundo maris. Iā uero etiā scimus quia Nimbrot, Chodorlaomor, Balach, Amelech, regum nomina sunt in cacodæmonū ordinē ascita. Similiter gigantes cū dæmonibus cōmuni uocabulo Enakim עֲנָקִים dicuntur, quia nō participarunt cū imagine dei, hoc est, nō acceperunt splendorē spiritualis intellectus, sed ratio illorū multiplicauit species malas fraudū & peccatorū: ideoq; nō numerātur de specie hoīm (ut ait Rabi Moses Aegyptius) sed de specie bestiarū & dæmonū praterquā quod habet figurā humanā: & tales (inquit) fuerunt filii Adā, qui præcesserūt Seth post Abel: de quibus dixerūt sapiētes Hebræorū, Adā genuisse Tochor תוֹכֹחַ, hoc est diabolos. Postq̃ aut inuenit gratiā in oculis domini, genuit Seth ad imaginē & similitudinē suā, hoc est qui ad imaginē dei adeptus est perfectionē humanā, quā qui nō habet, nō numeratur de specie hoīm, propter prauitates quæ sunt causa omnis mali & dāni. Est etiā (teste Porphyrio) Magorū sentētia, prauas animas in naturā dæmonū cōuerti, ac perniciosas sicut & illi fieri: cui attestatur etiā illud Christi uerbū de Iuda Iscariothe, inquiētis: Nōne duodecim uos elegi, & unus uestrū diabolus est: quos ideo dæmones aduēticios nūcupant, q̃a ex humanis animis inter dæmones sint cēturiati. Vnde & pessimorū hominū & dæmonū eadē nomina sunt, siue per hęc eorū animas, siue malos genios uocemus, qui malorū hominū nomina, quasi psonas aliquas induerūt. Iā uero etiam & Behemoth, & Leuiathan, beluas & dæmones significāt. His itaq; exēplis, cum bonorū tū malorū dæmonū nomina, curiosus inquisitor facile inuenire & cognoscere potest.

De characteribus & sigillis spirituum.

Caput XXIX



De characteribus atq; sigillis spirituum iam nobis dicēdum est. Sunt autem characteres nihil aliud quā ignorabiles quædā literę & scripturę, sacra deorū & spiritū nomina à prophanorum usu lectioneq; custodiētes, quas literas ueteres hieroglyphicas siue sacras uocabāt, q̃a solis deorum sacris dæuotas: nefas siquidem arbitrabantur, sacra deorū mysteria his characteribus cōmittere, quibus prophana & turpia quæq; apud cōmunem plebem conscriberentur. Vnde Porphyrius ait, ueteres deum & diuinas uirtutes celare uolentes, per sensibiles figuras, & per ea quæ uisibilia sunt, inuisibilia significantes, quasi sacris literis magna mysteria tradidisse, & symbolicis quibusdam figuris explicasse, ut cum pila & rotunda omnia, mundo, soli, lunæ spei & fortunæ dedicarunt: circulum, cœlo: circuli autem partes, lunę: pyramides & obeliscos, igni atq; diis olympiis: cylindrū, soli & terræ: penē, generatiōi atq; Iunoni, cui & propter muliebrem sexum, figurā triangularem. Quare hoc genus characterū aliā radicem


non habet, præter arbitrium & auctoritatem instituentis, illius inquam, qui huiusmodi literarum instituendarum & cōsecrandarum acceperit potestatem, cuiusmodi apud diuerfas nationes & religionum sectas plures fuerunt sacrorum antistites, quorum instituta ad nos non peruenierunt, præter pauca quædam sparsim aut per fragmenta ab autoribus tradita. Ex horum itaq; characterum genere sunt, quos notat Petrus Apponus ab Honorio Thebano traditos, quorum figura est talis ad nostrum alphabetum relata:

Ⴐ Ⴑ Ⴒ Ⴓ Ⴔ Ⴕ Ⴖ Ⴗ Ⴘ Ⴙ Ⴚ
 A B C D E F G H I L M
 Ⴛ Ⴜ Ⴝ Ⴞ Ⴟ ၀ ၁ ၂ ၃ ၄ ၅
 N O P Q R S T V X Y Z ၆























Alius characterizandi modus, à Cabaliftis traditus.

Caput x x x.




 Pud Hebræos plures characterum inuenio modos, quorū unus est antiquissimus, scriptura uidelicet antiqua, qua usi sunt Moses & prophetæ, cuius forma nemini temere reuelanda est: nam quibus hodie utuntur literis, ab Esdra institutæ sunt. Est etiam apud eos scriptura quam uocant cœlestem, quia inter sydera collocatam & figuratam ostendunt, non secus atq; cæteri astrologi signorum imagines è stellarum lineamentis educunt. Est etiam quam uocant scripturam Malachim uel Melachim, hoc est angelorum siue regalem: & est alia quā uocant transitus fluuii, & horum omnium characteres & figuræ tales sunt,

Scriptura Cœlestis

| | | | | | | | | |
|---|---|---|---|---|---|---|--|---|
| Theth | Cheth. | Zain. | Vau. | He. | Daleth, | Gimel, | Beth, | Aleph. |
|  |  |  |  |  |  |  |  |  |
| Zade | Pe | Ain | Samech | Nun | Mem | Lamed | Caph | Iod |
|  |  |  |  |  |  |  |  |  |
| | | | | Tau | Shin | Res | Kuff | |
| | | | |  |  |  |  | |

Scriptura Malachim



Scriptura transitus fluvii.



Est adhuc alius modus apud Cabalistas, olim magna ueneratione habitus, sed hodie tam cōmunis effectus, ut ferè inter prophana locum sortitus sit, est aut talis: Diuidantur uiginti septē Hebræorū characteres in tres classes, quarū qualibet nouē cōtineat literas: Prima scilicet א ב ג ד ה ו ז ח ט quæ sunt signacula numerorum simplicium, rerumq; intellectuualiu, in nouem angelorum ordines distributorū: Secūda tenet י כ ל מ נ ס ע פ צ signacula denariorum rerumq; cœlestium, in nouem orbibus cœlorū: Tertia uerò tenet quatuor reliquas literas, cum quinq; finalibus per ordinē, scilicet: ׀ ך ם ן ב ג ד ה signacula centenariorum rerumq; inferiorum, uidelicet quatuor elementorum simplicium, & quinq; generum compositorum perfectorum. Has tres classes subinde in nouem cameras distribuunt, quarum prima est trium unitatum, uidelicet intellectualis, cœlestis & elemental̃s: Secunda est dyadum, Tertia triadum, & sic de reliquis: formaturq; camera illa ex interfectione quatuor linearū parallelarum, sese in angulos rectos intersecantium, sicut in hac sequenti figura exprimitur:

| | | |
|---|---|---|
| ז | י | ק |
| ב | ב | ר |
| ג | ל | ש |
| ז | מ | ת |
| ה | נ | ר |
| ו | ס | ם |
| ז | ע | ז |
| ח | פ | ת |
| ט | צ | ץ |

Qua in partes diffecata, egrediuntur nouem figuræ particulares, scilicet:

⌒ ⌒ ⌒ ⌒ ⌒ ⌒ ⌒ ⌒ ⌒


quæ sunt nouem camerarum suas literas characterizantium, per superscriptum notariacon: qui si unius puncti est, primam illius cameræ literam indicat: si duplicis, secundā: si triplicis, tertiā literā refert: ut, si characterem Michael מִיכָאֵל formare uelis, is egredietur talis, quinq; figuris extensus, scilicet:

⌒ ⌒ ⌒ ⌒ ⌒

Quæ deinde contrahuntur ad tres figuras, hoc modo:

⌒ ⌒ ⌒

Quæ deinceps contrahuntur in unam, pūcta tamen notariacon solent omitti: euadit itaq; character Michaëlis talis.



Est adhuc alius characterum modus, omnibus ferè literis & linguis communis, atq; admodum facilis, qui fit per literarum colligantiam: ut, si detur nomen angeli Michaël, characteres eius formabuntur tales:

Hebraicè



Græcè



Latinè



Atq; hic modus apud Arabes receptissimus est, nec est scriptura aliqua quæ tam prompte atq; eleganter sibi connectatur, sicut Arabica. Scire aut oportet quod angelici spiritus, cum sint puri intellectus, & omnino incorporei, signaculis & characteribus figurisq; pingibilibus, aliis uel humanis nutibus non compelluntur: sed nos eorum essentiam qualitatemq; ignorantes, ab illorū nominibus, siue operibus, siue aliter pro nostris affectibus, characteres illis figurasq; & signacula deuouemus & consecramus, non quibus illos ad nos ullo modo compellere possimus, sed quibus nos ad illos adfurgimus quatenus per eiusmodi characteres figurasq; ignorabiles, primo sensus nostros tam intimos quàm extimos in illos conferimus, deinde rationis nostræ admiratione quadam in ipsorum religiosam inducimur uenerationē, atq; exinde tota mente in extaticam rapimur adorationem, ubi tunc fide mirifica, spe infallaci, amore uiuifico, illos in spiritu & ueritate ueris nominibus characteribusq; inuocantes, postulatam ab illis adsequimur uirtutem.

Adhuc alius characterum modus, atque de signaculis spirituum quæ sola reuelatione recepta sunt. Caput XXXI.



St aliud characterum genus, sola reuelatione acceptum, quod nulla alia ratione potest indagari: quorum characterum uirtus est ex ipso numine reuelante, cuius sunt latentia quædam signacula, diuinitatis alicuius harmoniam spirantia: uel sunt ueluti fœdera quædam seu pacta iniri fœderis inter nos & illos: eius generis sunt signaculum Constantino ostensum, quod crucem pleriq; appellabāt, Latinis literis inscriptum, I N H O C V I N C E. & alterum reuelatū Antiocho cognomine Soteris, in figura pētagoni, quod sanitatē edicit: nā resolutum in literas, edicit uocabulū *ὑγιᾶς*, id est, S A N I T A S: in quorū signorum fidutia & uirtute, uterq; regum insignem contra hostes uictoriam reportauit. Sic Iudas qui ob eam rem postea cognominatus est Machabeus, cum Iudæis pugnaturus contra Antiochum Eupatorem, nobile illud signaculum *מכבי* ab angelo accepit, in cuius uirtute primum quatuordecim milia cum ingenti numero elephātorum, deinde iterum triginta quinque milia hostium strauerunt: est enim hoc signaculum nominis quadriliteri representatiuum, atq; nominis septuaginta duarum literarum per æqualitatē numeri memorabile symbolū, & expositio illius est, *מִי כִמּוֹךְ בְּאֵלִים יְהוָה*, id est,

Quis sicut tu in fortibus tetragramme. Horum itaq; memoratorum trium signaculorum figuræ formandæ sunt tales.



Præterea de istis signaculis & characteribus loquitur Porphyrius in libro de Responfis, inquiens, deos ipsos quibus rebus gauderent, & quibus euocarentur significasse, & quæ sibi offerenda essent: figuras quoq; ipsas simulacrorum quales esse deberent, characteres quoq; & figuras monstrasse, hæc q; se de Proserpinæ oraculo percepisse. Dicit q; insuper, Hecaten quomodo simulacra sibi constituenda essent, præcepisse: & quod circumdanda absinthio: quod pingendi domestici mures, quæ pulcherrima illi essent ornamenta, & animo suo gratissima, tot q; mures quot eius essent formæ sumendi: tum sanguis, myrrha, storax, & alia quædam incendenda: quæ si fierent, per somnium appareret responderet q; hæc operanti. Sed ipsius Hecates oraculum subiiciemus, ita enim ait:

Hecates si.
mulacrū, &
quo pacto sa-
cræ illi faciē-
da.

Quale mihi facias simulacrum, aduerte docebo:
Syluestri cape nata loco, atq; absinthia circū
Ponito, tum totum cœlato & pingito mures,
Qui soleant habitare domos: pulcherrima sunt
Hæc ornamenta atq; animo gratissima nostro.
Tum myrrham, thus, styracem ipsorumq; cruorē
Conterito pariter murum, sacra desuper inde
Verba cane, & tot uero adhibe mures que repone,
Quot mihi tu esse uides formas, tum sumito laurum,
Ex q; eius trunco uaginam aptato, pias q;
Tunc effunde preces simulacro, & debita solue
Vota hæc si facies, per somnum me q; uidebis.

Oraculū He-
cates.

Eiusmodi erant olim gentilium deorum dæmoniorumq; secreta mysteria, quibus se cogi, detineri & ligari posse hominibus persuadebant. Hinc docet Iamblichus & Porphyrius, oportere sacros dæmones inuocantem, unumquemq; proprio honore prosequi, & distribuere singulis quod cuiq; cōuenit, ex gratiis, oblationibus, donis, sacrificiis, uerbis, characteribus eorum cōditio- ni congruis & quamsimilimis, aliàs ipsam numinū siue dæmonum præsen- tiam, optatumq; effectum nequaquā adsequetur: quin & inuocati nocere co- nabuntur, eis præsertim, qui negligentius in ea re se habuerint.

Quomodo alliciantur à nobis boni dæmones, & quomodo mali dæmones à nobis conuincantur.

Caput XXXII.



*Dæmones
obtestari
quomodo
oporteat.*

Efficax religionis præsentia dæmonum sortitur effectū, neque enim potest in religione fieri opus ullū mirabilis alicuius efficaciam, nisi illic bonorum aliquis dæmonum adsit operis rector & impletor: dæmones autem boni, & si à nobis diuersimodo de alliciuntur, nullis tamen uinculis, uel uix saltem à nobis possunt astringi, sed duntaxat sacris quibusdam obtestari, ut apud Apuleium legimus, per cœlestia sydera, per inferna numina, per naturalia elementa, per nocturna silentia, per adepta conceptitia, per incrementa Nilotica, & arcana Memphytica & sinistra Phariaca. Et alibi apud Porphyrium: Tu qui è lino emerfisti, qui sedes in loco, qui nauigio nauigas, qui singulis horis formam commutas, & in singulis zodiaci signis commutaris. His & huiusmodi symbolicis orationibus atque hymnis, quia diuinarum uirtutum signa sunt, dæmones nonnunquam humanis usibus sese accommodabant: non quod necessitate quadam compulsi, sed sponte & consuetudine quadam, ac inuocantium precibus uicti facilius accedunt: unde apud Porphyrium in libro Responsorum ait Hecate:

Exorata tuis ueni sermonibus istuc.

Et in eodem alibi ait:

Victa hominum precibus, cœlestia numina terram

Coguntur petere, & casus aperire futuros.

*Adstantia
dæmonū ra-
tio.*

Sed & diuinitatis consortium cum mente humana efficit, quod ipsi boni spiritus nobis libenter adsistunt, ac potentiam uirtutemque suam nobis comunicant, quotidie nos illuminationibus, inspirationibus, oraculis, uaticiniis, somniis, miraculis, prodigiis, diuinationibus, auguriis adiuuantes operantesque & agentes in nostras animas, tanquam sibi cōsortes imagines, eos suis influxibus formando, sibique simillimas efficiendo usque adeo, quod anima nostra sæpe tam fermè mirabilia operetur, quam cœlestes soleant dæmones. Mali uero dæmones à nobis conuincuntur auxilio bonorum, præsertim quando obtestator erga deū sanctimonia pollet, uerbaque sacra sermonemque horribilem incantet, puta coniurando potestate diuina, per ueneranda supernaturalium uirtutum nomina & signacula, per miracula, per sacramenta, per sacra mysteria & eiusmodi, quæ quidem cōiurationes siue exorcismata, quatenus nomine religionis & diuinæ uirtutis fiunt, propter hoc timent ea maligni dæmones: unde etiam sæpe prophani homines sacris eiusmodi coniurationibus, malos dæmones constringunt uel abiiciunt, talia non ferentes. Vnde Cyprianus in libro, Quod idola dii non sint, dicit, Quod dæmones adiurati per deum uerum, nobis statim cedunt & fatentur, & de obsessis corporibus exire coguntur, & uel statim exiliunt, uel gradatim euanescent, prout fides patientis adiuuat, aut gratia iurantis aspirat. Et Athanasius in libro de

uariis quæstionibus ait, non existere uerbum terribilius atq; magis disperdēs potestatem dæmonum, q̄ initium sexagesimi septimi psalmi: Exurgat deus, & dissipentur inimici eius: quàm primum enim uerbo dicto, mox ululans euanescit & dispareret diabolus. Et Origenes cōtra Celsū ait, nominis Iesu nuncupationē spectatum persæpe cum ex hominū animis tum corporibus innumeros dæmones eiecisse, & in iis uim maximā exercuisse, è quibus dæmones fuissent excussi. Sæpe etiam solis minis & contumeliis malos dæmones, præsertim minores, ut lamias, incubos & eiusmodi, uel astringimus uel repellimus, quemadmodū legimus apud Lucanum de maleficia illa inquitente:

Iam uos ego nomine uero

Eliciam, stygiosq; canes in luce superna

Destituam, per busta sequar, per funera custos

Expellam tumulis, ambigam uos omnibus urnis.

Teq; deis ad quos alio procedere uultu

Ficta soles Hecate, pallenti tabida forma

Ostendam, faciemq; Erebi mutare uetabo.

Et apud Philostratum legimus, cum Apollonius & socii eius lucente clara luna noctu iter facerent, lamia phantasma illis occurrit, modo in hanc, modo in aliam figuram sese conuertere, quandoque oculis repente euanescere. Apollonius autem quidnam esset quamprimum agnoscens, grauius contumeliosisq; uerbis illud increpans, socios ut idem facerent hortabatur: id enim contra eiusmodi inuasionem optimū sciebat esse medicamentū. Eius dictis cū socii paruissent, stridens phantasma, celeriter tanq̄ idolum refugit: adeo enim formidolosum est hoc dæmonum genus, ut etiam ficto terrore, ac falsis impossibilibusq; minis moueantur & contremiscant, & compellantur. Vnde Chæremō sacer scriba, hæc illa dicit esse quibus maxime dæmones cogantur. Est præterea quemadmodum superius dictum est, quoddam dæmonum genus haud adeo noxium, sed & hominibus proximum, ita ut etiam passionibus afficiatur humanis, atque horum plures hominum conuersatione gaudent, libenterq; habitant cum eisdem: aliqui mulieres deperiunt, alii pueros, alii diuersorum animalium domesticorum uel syluestrium consortio lætantur: alii syluas & nemora incolunt, alii circa fontes & prata habitant. Sic Fauni & Lemures, campos: Naiades, fontes: Potamides, flumina: Nymphæ, stagna & aquas: Oreades, montes: Humedes, prata: Dryades & Hamadryades, syluas, quas etiam habitant Satyri & Syluani, gaudentq; arboribus & cespitibus eadem, sicut Napte & Agapræ, floribus: Dodenæ, glandibus: Paleæ & Feniliæ, pabulis & rure. Hos itaq; quicūq; inuocare uoluerit, in locis ubi morant̄ id facile potest, alliciendo eos redolētibus fumigiis, sonis dulcioribus, in fidibus & musicis instrumentis q̄ ex certorū aīalium intestinis lignisq; appropriatis fabrefactę sint: adhibitis etiā cātiōibus, carminibus, incātamētis ad hoc congruētibus: & quod

Ex homini-
bus lares le-
mures et lar-
ue sunt.

in his maximum est, ipsum est simplicitas ingenii, innocentia animi, firma credulitas & constans silentium: quocirca pueris, mulieribus, ac ex humiliore plebecula obscuris homunculis ut plurimum occurrunt: constantes aut animos & audaces, à timore alienos, fugiunt atque contremiscunt, bonis & mundis inoffensi: sed malis & impuris hominibus noxii. Huius generis sunt etiam lemures & lares, & laruæ, & reliquæ mortuorum umbræ & terriculamenta. Hinc Plotinus ait, Animas hominum nonnunquam dæmōes esse, & ex hoīb⁹ fieri lares, si bene meriti sunt, quos Græci Eudæmonas, hoc est, beatos dæmōes uocāt: lemures aut & laruas fieri, si male meruerint, illosq; esse noxios dæmōes ex hominibus factos, quos Græci iccirco Caco dæmōes dicūt: Manes aut uocari qñ incertum est, bene an male meriti sint Apparitionum illarū plura exempla sunt, quale illud cuius meminit Plinius Iunior de domo Athenodori Tharsensis philosophi, in qua importuno strepitu horridi senis simulacrum aspiciebatur. Et Philostratus simile narrat de Lamia Menippi Lycii philosophi, in pulchram mulierem apud Corinthum conuersa, quam Tyaneus Apollonius deprehendit lemurem esse. Idem quoq; apud Ephesios similem deprehendit sub specie mendici senis, pestilitatis esse causam: qui iussu suo lapidibus obrutus, uisus est canis quasi molossus, moxq; pestis cessauit. Illud sciendum, quicumq; in malis dæmonibus intellectualiter operabitur, per imperiū bonorum ligabit illos: qui uero mundialiter solummodo operabitur, iudicium sibi operabitur ad gehennā.

De uinculis spirituum, eorumq; adiurationibus & exterminiis.

Caput XXXIII.



Inculta autem quibus alligantur spiritus, obtestanturque uel exterminantur, triplicia sunt: quædā eorū enim sumuntur ex mundo elementalī, ut puta quando adiuramus spiritum aliquem per res inferiores & naturales illi cognatas uel aduersas, quatenus illum inuocare uel exterminare uolumus, ut per flores, per herbas, per animantia, per niues, per glacies, per tartara, per ignem & huiusmodi, pro ut hæc etiam diuinis laudibus & benedictionibus & consecrationibus sæpe inferuntur, ut patet in Cantico trium puerorum, & in psalmo illo: Laudate dominum de cœlis, & in consecratione & benedictione cerei paschalis: hoc siquidem uinculum operatur in spiritus uirtute apprehensiua sub ratione amoris uel odii, in quantum spiritus ipsi alicui rei naturali, siue etiam præter naturam præsent, fauent, aliamq; abhorrent: quemadmodum huiusmodi res, etiam inter se sibi mutuo amoris uel odio sunt. Hinc illud Procli: Sicut leo timet gallum præcipue album, sic spiritus apparens in forma leonis, obiecto gallo subito disparuit. Secundum uinculū sumitur ex mundo cœlesti, qñ uidelicet adiuramus per cœlū, per stellas, per horū motus, radios, lumē, gratiam, claritatē, nobilitatem, fortitudinē, influxū, mirabilia, & huiusmodi: & hoc uinculū operatur in spiritus per modū cuiusdam admonitiōis

& exempli. Habet etiā nōnihil imperii, maxime in spiritus ministros, & qui ex infimis ordinibus sunt. Tertium uinculum ipsum est ex mundo intellectu-
ali atq; diuino, quod religione perficitur, ut puta cum adiuramus per sacramenta, per miracula, per diuina nomina, per sacra signacula, & cætera religionis mysteria: quare hoc uinculum omnium supremum est & fortissimum, agens in spiritus imperio & potestate. Illud autem obseruandum est, quod sicut post uniuersalem prouidentiam est particularis prouidentia, & post uniuersalem animā particulares animæ: ita primo inuocamus per uincula superiora, & per nomina atq; uirtutes quę regunt res, deinde per inferiora atq; res ipsas. Sciendum etiam, quoniam per hæc uincula non solum spiritus, sed & omnes ligantur creaturæ, ut tempestates, incendia, diluuiā, pestes, morbi, uis armorum, & animalia quæq; adsumēdo illa siue per modum adiurationis, siue per modum deprecationis seu benedictionis, ut in adiuratione serpentum, præter naturalia & cœlestia, commemorando ex mysteriis & religione maledictionem serpentis in paradiso terrestri, erectionem serpentis in deserto: adsumendo præterea uersiculum illum nonagesimi noni Psalmi: Super aspidem & basiliscum ambulabis, & conculcabis leonem & draconem. Superstitio etiam in his plurimum pollet, per translationem alicuius ritus sacramentalis ad id quod ligare aut impedire intēdimus, ut puta excommunicationis, sepulture uel exequiarum, ad exterminandos morbos, uel serpentes, mures, uel uermiculos, quod in pluribus locis sic factum legimus, & adhuc fieri consueuit.

Tertium.

Ordo in uinculis seruandus.

Quæ per hæc uincula ligentur.

Superstitio quantum ualeat.

De ordine animastico atq; heroibus.

Caput XXXIIII.



Ost beatorum spirituum choros, proximus est ordo animasticus, quem Hebræorum theologi lssim uocant, hoc est uiros fortes & robustos: gentium magi, heroas nuncupant & semideos, siue deos sermones. Quos Fulgentius non contemnendus auctor, ideo dictos putat, aut quia ob meriti paupertatē cœlo digni nō censeantur, nec terreni tamē putentur propter gratiæ uenerationē, cuiusmodi olim Priapus, Hippos, Vertumnus: aut quia diuinis uirtutibus, & in humanum genus beneficiis, in hac uita præcellentes, post exutum hunc mortalem hominem, in deorum beatorū choros translata sunt, eisdem, quibus olim in hac uita, uirtutibus & beneficiis mortalibus perpetuo prouidentes: aut quia arcano superum semine procreati sunt, quos ex deorum siue dæmonum cum hominibus commixtione genitos putant: ideoq; mediam quandam naturam sortitos, ut qui nec angeli, nec homines sint: quam opinionem sequitur etiam Lactantius: Et sunt adhuc hodie qui commercium & coniugalem commixtionem habeant cū dæmonibus. & iam creditum est ab omnibus, Merlinum Britannū uatē fuisse filiū dæmonis & uirginis natum. sed & Platonē sapientiæ principē opinati sunt de uirginis partu, Apollinis phāasmate oppressæ, natū. Et traditū est historiis, quasdam Gotthor (quas Alumnas uo-

A

cāt)&specie&ingenio spectabiles fœminas, olim Filimiri, siue (ut alii aiūt) Idanthresi Gotthorū regis castra egressas, in Asiaticæ Scythiæ solitudines trans Meotides paludes migrasse, ibiq; à Faunis & Satyris cōpressas, primos Hunos progenuisse. Quinetiam autore Psello, dæmones nonnunquam semen iaciunt, ex quo animalcula quēdā oboriuntur. Horum itaq; heroū non minor in his inferioribus disponendis regendisq; quā deorū dēmonūq; potentia est, habent sua sibi distributa & officia & præsidia: quocirca illis nō fecus atq; diis ipsis templa & simulacra, & aræ, & sacrificia, & uota, cetera que religionis mysteria nūcupata sunt, eorumq; inuocata nomina, diuinas magicas que uirtutes ad miracula quædam peragenda habere, quod de Apollonii Tyanei nomine inuocato, multos expertos esse narrat Eusebius: & plura eiusmodi de Hercule, Atlante, Aesculapio ceterisq; gentium heroibus, apud ueteres legimus cum poëtas, tum historicos & philosophos: sed hæc ethnicorum deliramenta sunt. De nostris uero sanctis heroibus, credimus illos pollere potestate diuina. dominatur uero omnibus illis (quod etiam Hebræorum attestantur theologi) anima Meschihæ, ipse est Iesus Christus, qui per diuersos sanctos suos, uelut accommodata ad hoc membra, diuersa suæ gratiæ munera in istis inferioribus administrat atque distribuit, & singuli sancti peculiare cooperandi munus sortiuntur. Vnde per nos uariis precibus & inuocationibus implorati, iuxta multiformem gratiarum distributionem, singuli nobis sua munera, sua beneficia, suas gratias libentissime impartiuntur, multò quidem promptius, multò etiam abundantius, quā angelicæ potestates, quò ipsi nobis sunt propinquiore, atque naturæ nostræ cognatiores, ut qui ipsi olim & homines fuere, humanos que affectus infirmitates que perpeSSI sint, eorum nomina, & gradus, & officia nobis sunt notiora. Ex horum itaque infinito fermè numero, duodecim principes sunt, ipsi uidelicet duodecim Christi apostoli, qui (ut ait euangelica ueritas) sedent super duodecim tribunalia, iudicantes duodecim tribus Israël, qui in Apocalypsi distributi sunt super duodecim fundamenta, ad duodecim portas cœlestis ciuitatis, qui præsunt duodecim signis, & signati in duodecim lapidibus pretiosis, & distributus est illis orbis terrarum. Illorum autem uera nomina sunt hæc: Primus, שמעון הכפ"י Symehon Hacaphi, hic est Petrus: Secundus, ארעזי Aleuzi, quem uocamus Andream: Tertius, יעקב Iahacobah, hic est Iacobus maior: Quartus, פולפוש Polipos, quem nuncupamus Philippum: Quintus, ברכיה Barachiah, hic est Bartholomæus: Sextus, יוהנא Iohanah, quem pronunciamus Iohannem: Septimus, תמני Thamni, hunc pronunciamus Thomam: Octauus uocatur מרון Medon, pro quo dicimus Matthæum: Nonus est יעקב Iahacob, hic est Iacobus minor: Decimus, חטיפא Chatepha, hic est Thadaus: Vndecimus שמאם Samam qui est Symon Chananæus: Duodecimus מתתיה Mar-

Apostolorū
uera nomi-
na.

tattiah, qui dicitur Mathias. Post illos sunt septuaginta duo Christi discipuli, qui & ipsi præsunt totidem cœlestium quinary, & tribubus, & populis, & nationibus, & linguis: post quos innumera est sanctorum multitudo, qui & ipsi diuersa officia, & loca, & nationes, & populos in sua præsidia tutelamque recipere, quorum manifestissima miracula ad fideles inuocantium preces, palam uidemus atque confitemur.

De diis mortalibus atque terrenis. Caput XXXV.

Post istos proximi sunt dii mortales, quos similiter heroas, & deos terrenos, siue deorum supernorum complices uocamus, uidelicet reges, & principes, & pontifices, quibus mûdus iste regitur, eorumque legibus disponitur: quos iccirco tanquam deos suspicimus, colimus & ueneramur, quia ipse deus suum nomen communicari illis passus est, & propria appellatione id illis confirmauit, uocans illos deos, quemadmodum ad Moſen dixit inquiring: Ego te dedi deum Pharaoni. & alibi de illis præcepit dicens: Diis non detrahes. & iterum: Si furtum lauerit, applicabitur dominus domus ad deos. & Psalmista ait: Principes populorum congregati sunt cum deo Abraham, quoniam dii fortes terræ uehementer eleuari sunt. & alibi: Deus stetit in concilio deorum, in medio autem deos diiudicat. & paulo post: Ego dixi dii estis, & filii excelsi omnes. Iam uero etiam de illis colendis & uenerandis præcepit, decimas & primitias illis decernens, & gladii ius tribuens, atque illis maledici uerans, obedientiamque illis præstandam etiam licet discolis præcipiēs. Hinc antiquitas omnis principes suos deos appellabat, & uelut numina colebat, Sicut testatur Ianus apud Ouidium, in primo Fastorum inquiring:

Tunc ego regnabam, potens cum terra deorum

Effet, & humanis numina mixta locis.

Er diuinus Plato libro tertio de Republica instituit principes tam uiuos quam mortuos diuinis honoribus celebrandos esse: quæ institutio apud omnes gentes, & à primo æuo semper recepta fuit, scilicet Principes diuinis honoribus deificare, & æterna memoria consecrare. Hinc urbibus, & prouinciis, & montibus, & fluminibus, & æquoribus, & insulis, & mari, illorum nunquam defutura nomina imponebant: tum pyramides, colossos, arcus triumphales, trophæa, statuas, delubra, ludos, festa illis magna pompa dedicarunt: qui & cœlos, & stellas, & dies, & menses, illorum nominibus uocarunt. Hinc Ianuarius à Iano, Iulius à Iulio, Augustus ab Augusto: sic dies Mercurii à Mercurio Trismegisto, dies Iouis à Ioue, quem morem non solum ab Aegyptiis Græcis & Romanis obseruatum legimus, sed etiam ab extremis barbaris, Gotthis, Danis & Teutonibus. Hinc teste Saxone grammatico, quem illi Mercurii diem uocant, isti Othini diem appellant: quem illi à Ioue, isti Thor dicunt, ab Othino & Thor Gotthorum & Danorum olim regibus. Nec alia ratione Gotthi nuncupati sunt, quam quod summum deum eorum

lingua nuncupant Gotthum. Hinc & Teutones dicti, quia quem colebant deum Martem, nuncupabant Teutanem, quo nomine Galli etiam Mercurium uocabant. Sunt itaque reges & pontifices (modo iusti sint) deorum complices, similiq; potestate pollentes. Hinc solo tactu aut uerbo morbos curant, temporibus & cœlis nonnunquam imperant, sicut de Augusto cecinit Vergilius:

Nocte pluit tota, redeunt spectacula mane,
Diuisum imperium cum Ioue Cæsar habet.

Et de Iosue testatur scriptura, qui pugnans in Gabaon præcepit soli & lunæ, inquiens: Sol contra Gabaon ne mouearis, & luna contra uallem Aialon: steteruntq; ad præceptum eius sol & luna, nec occubuit sol spatio unius diei, donec ulcisceretur se de inimicis suis, & obediuit dominus uoci hominis. Diuisit etiam Moses mare rubrum, & Iosue Iordanem, & traduxerunt populū ficcis pedibus. Simile fecit Alexander Macedo, traducens exercitum. Nonnunquam etiam prophetico spiritu pollent, sicut de Caipha legimus in scriptura sacra, quod prophetauit, eo quod esset pontifex anni illius. Cum igitur ita sit, quod reges & pontifices terræ dominus uoluit dici deos, per communicationem nominis & potestatis, certè & nos decet de illis bene mereri, & illorum iudicia nostris anteferre, planeq; obedire, supplicare, & adorare, & omni uenerationis genere colere, atq; ipsum summum deū in illis reuereri.

De homine quomodo creatus ad imaginē dei. Cap. XXXVI.

Mercurius.
Trismegistus.



Dei imago,
mūdus: mūdi,
homo.

Xuperantissimus deus (ut Trismegistus ait) duas sibi similes finxit imagines, mundū uidelicet atq; hoīem, in quorū altero luderet miris quibuscūq; operationibus, in altero uero deliciis frueretur: qui cum ipse sit unus, mundum creauit unum: cum ipse sit infinitus, mundum creauit rotundum: cum ipse sit æternus, mūdum creauit incorruptibilē & æuiternum: cum ipse sit immensus, mundū creauit omnium maximum: cum ipse sit summa uita, mundum etiam uitalibus seminibus exornauit, ex sese cuncta gignentem: & cum ipse sit omnipotens, sola uolūtate sua, nō ulla naturæ necessitate mundū nō ex præiacēte materia, sed ex nihilo creauit: & cum sit summa bonitas, uerbum suū quod est prima omniū rerū idea, optima sua uolūtate essentialiq; amore cōplexus, mundū hunc extrinsecum ad exemplar mūdi intrinseci uidelicet idealis fabricauit, nihil tamen extramittendo de essentia ideæ, sed ex nihilo creauit, quod ab æterno habuit per ideam. Creauit deus etiā hominem ad imaginem suam: nam sicuti imago dei mundus est, sic imago mundi, homo est: hinc putant quidam dictum esse, quod homo non simpliciter imago dei creatus est, sed ad imaginē, quasi imaginis imago: iccirco microcosmus dictus est, hoc est, minor mundus. Mundus animal est rationale, immortale: homo similiter animal est rationale, sed mortale, hoc est, dissolubile: Nam (ut inquit Hermes) cum mundus ipse immortalis sit, impossibile est partem eius aliquam

interire: mortis igitur nomen uanum est. Et quemadmodum uacuum, nusquam est mori. Igitur dicimus hominem, quando anima & corpus separantur, non quod aliquid eorum intereat siue conuertatur in nihilum: uerumtamen uera dei imago uerbum suum est, sapientia, uita, lux & ueritas, per se ipsum existens, cuius imaginis, animus humanus imago est, propter quam ad imaginem dei facti esse dicimur, non ad imaginem mundi aut creaturatum: Nā sicut deus nec tangi potest, nec auribus percipi, nec oculis intueri: ita animus hominis nec uideri, nec audiri, nec tangi potest: & sicut deus ipse infinitus est, & à nullo potest compelli: Sic & humanus animus liber est, & nec cogi, nec mensurari potest: tum ut deus totum hunc mundum, & quicquid in eo est, sola mente gerit: sic illum humanus animus etiam cogitatione complectitur, atque quod soli illi cum deo peculiare est, ut deus mundum totum solo nutu mouet atque gubernat: sic animus humanus nutu solo corpus suum agit atque regit. Animum igitur hominis sic uerbo dei sigillatum, necesse fuit etiam corporeum hominem ad consummatissimum mundi exemplar induere. Homo itaque alter mundus uocatus est, & altera dei imago: quia in se ipso habet totum quod in maiori mundo continetur, ut nihil relictum sit, quod ipsum non etiam uere & realiter in ipso homine reperiatur. Et hæc omnia apud eum, eisdem quibus in maiori mundo officiis fungantur. Sunt in ipso elementa, per uerissimas naturæ suæ proprietates. Est in ipso æthereum corpusculum, animæ uehiculum, cælo proportionem correspondens. Sunt in ipso plantarum uita uegetatiua, animalium sensus, cælestis spiritus, angelica ratio, mensque diuina: & omnium horum simul in unum confluentiū uera cōiunctio, & diuina possessio. Hinc in sacris literis uocatur homo omnis creatura: nec solum homo alter mundus effectus, ipsius partes omnes in se complectitur, sed etiam ipsum deum concipit & continet. Hinc Xystus Pythagoricus, ait hominis animum esse templum dei, quod etiam multo lucidius expressit Paulus inquit: Templum dei estis uos: idemque pluribus locis sacra scriptura testatur. Est igitur homo expressissimum dei simulacrū, quando homo omnia in se continet, quæ in deo sunt: sed deus per eminentiam quandam omnia continet uirtute sua & simpliciter, sicut omniū causa & principium: homini autem dedit uirtutem, ut similiter cōtineret omnia, sed actu & compositione quadam, uelut omnium nexus, uinculum atque nodus. Homo itaque solus hō hoc honore gaudet, quod cum omnibus symbolū habet, & cū omnibus operationē, cū omnibus conuersationem. Symbolizat cū materia, in proprio subiecto: cū elementis, in quadrifario corpore: cū plantis, in uegetatiua uirtute: cum animalibus, in sensitiua: cum cælis, in æthereo spiritu, atque influxu partium superiorum in inferiores: cum angelis, in intellectu & sapientia: cum deo, in omnium continentia: conuersatur cum deo & intelligentiis, per fidem & sapientiam: cum cælis & cælestibus, per rationem & discursum: cū inferioribus omnibus, per sensum & dominiū:

Mortis nomen, uanum

Homo, templum dei.

agitq; cū omnibus, & in omnia posse habet, etiā in deū ipsum, illū intelligendo & amando: & sicut deus cuncta cognoscit, sic etiā homo omnia cognoscibilia cognoscere potest, cū pro obiecto adæquato habeat ens in cōmuni, uel (ut alii dicunt) ipsum uerū: nec reperitur aliquid in hoīe, non ulla dispositio, in quo nō fulgeat aliquid diuinitatis: nec quicq; est in deo, quod ipsum non etiā repræsentet in homine. Quicumq; igitur seipsum cognouerit, cognoscet in seipso omnia, cognoscet in primis deū, ad cuius imaginē factus est: cognoscet mundū, cuius simulacrū gerit: cognoscet creaturas omnes, cū qbus symbolū habet: & qd fomenti à lapidibus, à plantis, ab animalibus, ab elementis, à cœlis, à dæmonibus, ab angelis, & ab unaqua; re habere & impetrare possit, & quō singula singulis suo loco, tempore, ordine, mēsurā, proportionē & harmonia aptare queat, & ad se trahere atq; deducere, non secus atq; magnes ferrū. Et Geber in summa Alchymie docet, neminē ad eius artis perfectionē peruenire posse, q illius principia in seipso nō cognouerit: quantō aut magis quisq; seipsum cognoscet, tantō maiore uim attrahēdi consequitur, tantoq; maiora & mirabilia operat, ad tātamq; ascēdet perfectionē, quod efficitur filius dei, trāsformaturq; in eandē imaginē quę est deus, & cū ipso unit, quod neq; angelis, neq; mundo, nec cuiq; creaturæ datū est, nisi soli homini, posse scilicet filiū dei fieri, & uniri deo: homine aut deo unito, uniūtur omnia quę in homine sunt, mens imprimis, deinde spūs & animales uires, uegetandiq; uis & elemēta, usq; ad materiā, trahēs secū etiā corpus, cuius forma extitit, deducens illud in meliōrē sortē & cœlestē naturā, quousq; glorificetur in immortalitatē: & hoc quod iā diximus, est peculiāre hominis donū, à quo hęc dignitas diuinę imaginis sibi propria est, & cū nulla alia creatura cōmunis. Sunt alii aut theologi, qui tres hominis potētias, memoriā, intellectū, uolūtātē, diuinę trinitatis imaginē adsignāt: & sunt qui ulterius progredientes, non tantū in tribus illis potentiis, quos uocant actus primos, sed etiā in actibus secundis hanc imaginē locant: ut sicut memoria patrē, intellectus filiū, uoluntas spiritū sanctū repræsentant: sic etiā uerbū ab intellectu nostro productū, & amor à uolūtate manans, ipseq; intellectus habens obiectū præsens & producens, eundē filium, spiritū atq; patrem denotant docentq; secretiores theologi, quod insuper singula membra nostra aliquid in deo repræsentant, cuius gerant imaginem: quodq; etiam in passionibus nostris deum repræsentamus, sed quandam per analogiam: nam in sacris literis legimus de deo, iram, furorem, pœnitentiam, complacentiam, dilectionem, odium, ludum, delectationem, delicias, indignationem, & horum similia: & nos de mēbris diuinis aliqua loquuti sumus in superioribus, quę huc congruere possunt. Mercurius etiam Trismegistus diuinam trinitatem confessus, illam describit intellectum, uitam & fulgorem, quę alibi uocat uerbum, mentem & spiritum, hominemq; ad imaginē dei factū, eandē trinitatē repræsentare ait: inest enim illi mens intelligens, & uerbum uiuificans, & spiritus tāquam

Hominis per
fectio & di-
gnitas.

Trinitatis
mysterium
agnouit Mer-
curius Tris-
megistus.

fulgor diuinus sese undiq; diffundens, omnia replens, mouens & connectēs: non tamen hoc intelligēdum de spiritu naturali, qui est medium per quod unitur anima cum carne & corpore, per quē corpus uiuit & operatur, & unū membrū operatur in aliud, de quo spiritu in primo libro locuti sumus: sed hic agitur de spiritu rationali, qui tamen etiam corporeus quodāmodo est, nō tamē habet corpus crassum, tangibile & uisibile, sed corpus subtilissimū & facile unibile cū mente, scilicet superiori & diuino illo quod est in nobis. Nec miretur quispiā, Si animā rationalē dicimus esse illum spiritū & quid corporeum, siue habere & sapere aliquid corporeitatis, dū est in corpore & illo utitur tanquam instrumento, si modo intellexeritis quid sit apud Platonicos æthereū illud animæ corpusculū ipsius uehiculū. Plotinus itaq; & Platonici omnes post Trismegistū similiter tria ponunt in homine, quæ uocant supremum, infimum & medium. Supremū est illud diuinum, quam mentē, siue portionem superiorem, siue intellectum illustratum uocant: Moses in Genesi uocat ipsum spiraculū uitarum, à deo uidelicet, uel à spiritu eius in nos spiratū. Infimum est sensitiua anima, quam etiam idolum dicunt: Paulus apostolus animalē hominē nuncupat. Mediū est spūs rationalis utraq; connectens extrema atq; ligans, uidelicet animā animalē cū mēte, & utriusq; sapiens naturam extremorū: differt tamen ab illo supremo, qui intellectus illuminatus, mens, lux & portio suprema dicitur: differt etiam ab anima animali, à qua nos illum separare debere per uirtutem uerbi dei docet Apostolus, dicens: *Viuus est sermo dei & efficax, & penetrabilior omni gladio anticipati, pertingens usq; ad diuisionē animæ & spiritus.* Sicut enim portio illa suprema nunq̃ peccat, nunquā malo consentit, semperq; errori resistit & ad optima hortatur: sic inferior illa portio & animalis anima, in malo & peccato & concupiscentia semper demergitur, & trahit ad pessima, de qua ait Paulus: *Video aliam legem in membris meis, & captiuantem me in lege peccati.* Mens igitur suprema portio nunquam damnatur, sed puniendis sociis illa lāsa ab ita suam originem: spiritus uero, quæ rationalis anima à Plotino dicitur, cum sit natura sua liber, & utriq; ad libitum adhærere potest, si superiori portioni constanter adhæreat, illi tandem unitur & beatificatur, donec adsumatur in deum: si adhæreat animæ inferiori, deprauatur & demeretur, donec efficiatur malus dæmon. Sed hæc de mente & spiritu hætenus: de sermone siue de uerbo nunc uideamus. Hunc Mercurius eiusdem ad immortalitatem pretii existimat. Est enim sermo siue uerbum, sine quo nihil factum est nec fieri potest: quin est expressio exprimentis & expressi: & lo-

Tria in homine ponunt Platonici.

Mens

Sermo, siue uerbum.

est nisi uerbum, & dicitur æqualitas: æque enim se ad omnia habet, cum nō sit unum plusquam aliud, omnibus æqualiter largiens, ut sint id quod sunt, nec plus nec minus, ipsumq; sensibile se & omnia sensibilia facit, sicut lux se & omnia uisibilia facit, ideoq; uerbum dicitur à Mercurio lucens mentis filius: conceptio autem qua mens seipsam concipit, est uerbum intrinsecū à mente generatum, scilicet sui ipsius cognitio: uerbum autem extrinsecū & uocale, est illius uerbi partus & ostensio, & spiritus cum sono & uoce aliquid significante ex ore procedēs: uerum omnis uox nostra, uerbum atq; sermo, nisi dei uoce formetur, aëri miscetur atq; euanescit: spiritus autem & uerbū dei manent sensu & uita comitāte. Omnis itaq; sermo noster, omnia uerba, omnis spiritus & uox nostra, nullam uirtutem habent in magia, nisi quatenus diuina uoce formentur: & Aristoteles ipse in Meteoris, & in fine Ethicorum, fatetur nullam esse uirtutem siue naturalem siue moralem, nisi per deum: & in secretis dogmatibus, adserit intellectum nostrum bonum & sanum posse plurimum in naturæ secreta, dummodo adsit diuinæ uirtutis influētia, aliās nequaquam. Sic & uerba nostra plurima producere possunt miracula, modo formentur uerbo dei, in quibus etiam uniuoca nostra generatio perficitur, sicut inquit Esaias, A facie tua domine concepimus, sicut mulieres recte concipiunt à facie maritorum, & peperimus spiritum. Huc quodammodo pertinet, quod apud Indorum Gymnosophistas, quasi per manus huius opinionis autoritas traditur, Buddam principem dogmatis eorū, è latere suo uirginem generasse. Et apud Mahometistas cōstans opinio est, plerosq; quos sua lingua Nefesogli uocant, occulto quodam diuinæ dispensationis modo sine carnali coitu nasci: quorum uita iccirco mirabilis & impassibilis sit, & uelut angelica, totaq; supernaturalis: sed illis nugis dimissis, solus rex Messias, uerbum patris, caro factum, Iesus Christus hoc arcanū reuelauit, quadam temporis plenitudine apertius manifestaturus. Mentē propterea persimilem sibi (ut cecinit Lazarellus in Cratere Hermetis.)

Sermonemq; homini iam genitor dedit

Vt diis consimiles parturiat deos

Sensu desuper indito.

Fœlix ille nimis, qui sua nouerit

Sortis munera, perfecit & libens:

Inter nanq; deos connumerandus est,

Nec diis est superis minor.

Hi fati reprimunt quæq; pericula,

Morborumq; fugant perniciē procul.

Hi dant somnia præfaga, feruntq; opem

Aerumnis hominum, dantq; mala impiis.

Dant præclara piis præmia, sic dei

Complent imperium patris.

Hi sunt discipuli, hi sunt filii dei,

Qui non ex uoluntate carnis, nec ex uoluntate uiri, nec menstruata, sed ex deo nati sunt. Est aut uniuoca generatio, in qua filius est patri similis omni moda similitudine, & in qua genitū secundū speciē idem est cum generante. Atq; hæc est potentia uerbi à mente formata in subiectū dispositū rite suscepti, ueluti semen in matricem ad generationem & partum coaliti: dico autē dispositum, & rite suscepti, quia non omnia eodem modo uerbi participes euadunt, sed alia aliter. Et hæc sunt de recōditissimis naturæ secretis, de quibus non est aliud publice pertractandum.

De anima humana, & per quæ media iungatur corpori.

Caput XXXVII.



Anima humana est lux quædā diuina, ad imaginē uerbi, causæ *Anima hu-*
causarū, primi exēplaris creata, substantia dei, sigilloq; figurata *mana quid.*
cuius character est uerbum æternum. Item anima humana est substantia quædam diuina, indiuidua, & tota cuique corporis parti præsens, ab incorporeo autore ita producta, ut ex agentis uirtute solū, non ex materiæ gremio dependeat. Est anima numerus substantialis, uniformis, ad seipsum conuersiuus & rationalis, corpora omnia & materialia longo superans interuallo, cuius partitio non est secundum materiam, nec ab inferioribus & crassioribus, sed ab efficiente causa proueniens: non est enim numerus quantus, sed semotus ab omnibus corporeis legibus: unde nec diuiditur, nec per partes multiplicatur. Est itaq; anima diuina quædā substantia, à diuinis fontibus emanans, ducens secū numerū: nō quippe illū diuinum, quo opifex omnia disposuit, sed rationālē numerū, quo cū omnibus proportionē habens omnia intelligere possit. Talis itaq; humana anima, iuxta Platonicoꝝ sententiā, immediate procedens à deo, per media cōpetentia corpori huic iungitur crassiori: unde primo quidē in ipso descensu, cœlesti aëreoq; inuoluitur corpusculo, quod æthereum animæ uehiculū uocant, alii currū animæ appellant: hoc medio, iussu dei, qui mundi centrum est, in punctum cordis mediū, quod est centrū corporis humani, primū infunditur, & exinde per uniuerſas corporis sui partes membraq; diffunditur, quādo currū suū naturali iungit calori, per calorē spiritui ex corde genito, per hūc se immergit humoribus, per illos inhæret mēbris, atq; his omnibus eque fit proxima, licet per aliud in aliud transfundatur: quemadmodū calor ignis, aëri & aque hæret proximè, licet per aërem tollatur ad aquam. Ita patet quomodo immortalis anima per immortale corpusculū, uidelicet æthereū uehiculū, corpore clauditur crassiore & mortali. Quādo uero p morbū malū ue soluūtur uel deficiunt hæc media, tunc anima ipsa per singula media esse recolligit, refluītq; in cor, quod primum erat animæ susceptaculum: cordis uero deficiente spiritu extincto que calore, ipsum deserit & moritur homo, & euolat anima cum æthereo hoc uehiculo, illamī que egressam genii custodes dāmo.

nesq; sequuntur, & ducunt ad iudicem, ubi lata sententia, bonas animas deus tranquille perducit ad gloriam, malas uiolentus dæmon trahit ad pœnam. Quæ diuina dona homo desuper à singulis cœlorum & intelligentiarum ordinibus accipiat.

Caput XXXVIII.

*A planetis
quidnam l. o
mo accipiat*



Er septem planetas tanquam per instrumenta à summo bonorū fonte omnes uirtutes in homines diffunduntur: per Saturnū sublimis contemplatio, profunda intelligentia, grauitas iudicii, firma speculatio, stabilitas immobileq; propositum: per Iouem inconcussa prudentia, temperantia, benignitas, pietas, modestia, iustitia, fides, gratia, religio, æquitas, clementia, regalitas: per Martem imperterrita ueritas, constans robur & fortitudo, animositatis ardor uisq; agendi & practica, incōuertibilisq; animi uehementia: per Solem nobilitas animi, imaginandi perspicuitas, sciendi & opinandi natura, maturitas, consilium, zelus, iustitiæ lumen, ratio & iudicium recta ab iniquis disgregans, lucem ab ignorantia tenebris purgans, ueritatisq; inuenta gloria, & charitas uirtutum omnium regina: per Venerem feruens amor, suauissima spes, desiderii motus, ordo, concupiscentia, pulchritudo, suauitas, incrementi desiderium, & suimet propagatio: per Mercurium penetrans fides & credulitas, dilucida ratiocinatio, interpretandi, & pronunciandi uigor, grauitas eloquii, acuitas ingenii, discursus rationis, sensuumq; mobilitas uelox: per Lunam pacifica consonantia, fecunditas, uis generandi & augendi, crescendi & decrescendi, & moderata temperantia, fidesq; quæ in apertis occultisq; uersans omnibus ducatum præbet, tamē motus ad terrena pro modo uitæ colendæ, & augmentum sibi cæterisq; tribuendum. Trahuntur autem principaliter isti influxus à septem illis intelligentiis, quæ stant ante faciem dei, quæ animam uirtutum illarum sedem disponunt. Planetæ autem tantummodo disponunt corpus, reddentes complexionem tractabilem, & ad omnia bona comproporcionatam & contemperatam, suntq; uelut instrumenta intelligentiarum: Deus uero & influxū & incrementum tanquam primaria cum omnibus præstat. Qui itaq; animarum uirtutes & uarias dispositiones scrutati sunt, pro mediorum per quæ ad nos transitum habent diuersitate, uarias naturas sortiri diiudicant, & has cū corporibus ipsis non nisi per stellas ipsas proportionatis cōiungi. Sic in corpore à Iouio temperamento conducto, animam opinantur infundi cōtemperatam à numine & intelligentia Iouis, & sic de reliquis. Secundum quam dispositionem si bene operetur anima in hoc corpore, purgata & expiata reuertitur ad numen & mansionem à qua descendit. Iamq; etiam ab angelicis ordinibus homo miris uirtutibus corroboratur, puta ab Angelis, ut sit diuinæ uoluntatis nuntius, & diuinæ mentis interpres: ab Archangelis, ut dominetur omnibus quibus illi præsidere datum est, bestiis terræ, piscibus maris & uolatilibus cœli, à principatibus ut subdantur illi omnia, ipse omnium

*Ab angelicis
ordinibus
hoc quid acci-
piat.*

uires amplectens, & omnes ad se ui quadam occultissima & supercœlesti attrahens: à Virtutibus uim suscipit, qua in hostes ueritatis & brauii, pro quo in hac uita stadium currimus, constanter pugnans roboretur: à Potestatibus, præsidium aduersus humani huius domicilii inimicos: à Dominationibus auxilium, quo subiicere possimus quem semper nobiscum gerimus domesticum inimicum, debitumq; finem adsequamur: A Thronis unde cōpagemur, & unde in nos ipsos collecti, memoriam in illa æterna spectacula figamus: A Cherubinis mentis lumen, sapientiæ uim, superexcellas imagines & figuras quibus diuina ipsa contēplari possimus: A Seraphinis, ut perfecto amoris incendio ipsis tandē inhæreamus. Hi sunt gradus, hæ scalæ, per quas facile ascendunt homines ad quæcunq; uirtutū genera, naturali quodā nexu & curriculo, pro uaria dispositione corporis & animi, atq; fauore stellarum in disponendo corpore, & intelligentiarum præsentiam illis, quarum in descensu anima induit naturā, sicut lux colorē uitri per quod transit: fauēte etiam superna opificis uirtute, à qua omne bonum, & sine qua nihil boni nec perfecti attingi potest. Ideoq; in uanum laborant omnes, qui naturali cursu, inferiorum uiribus & fauore duntaxat confidentes, ad diuina pertinere opinantur, quiq; in cœlis pedem figentes, à cœlesti fauore ea capere nituntur, quæ à deo uno suscipi debent. Habent siquidē hæc inferiora, dico animalia, herbæ, lapides, metalla, suam uim subministratam à cœlo: cœlum uero ab intelligentiis, hæ autem ab opifice, in quo omnia uirtute maxima præexistunt, sicut & in homine ipso minore mundo nō est membrum, quod nō respondeat alicui elemento, alicui planetæ, alicui intelligentiæ, & alicui mēsuræ ac numerationi in archetypo, sicuti superius ostendimus.

Quomodo superni influxus cum sint natura boni, in istis inferioribus deprauantur, & malorum causæ efficiantur.

Caput XXXIX.



Voniam omnis uirtus & potestas desuper est à deo, ab intelligentiis & astris, qui nec errare, nec malum agere possunt, necesse est mala omnia, & quicquid in istis inferioribus discors & dissonum reperitur, non ex influentiæ malitia, sed ex mala dispositione recipientis prouenire, sicut recte cecinit Chrysippus:

Quàm falso accusant superos, stulte q; queruntur

Mortales: etenim nostrorum causa malorum

Ipsi nos sumus, & sua quenq; uecordia lēdit.

Hinc Iupiter Aegisthi casus ab Oreste interfecti reminiscēs, apud Homerū in deorum concilio ait:

O facinus, mortale genus nos numina primum

Incusat, causamq; putat fontemq; malorum

Quæ ueniunt: sua sed pereunt ob facta nefanda,

Cum præter fatum sibi sponte incommoda quærant.

Quando igitur subiecti peruersitas peruersæ suscipit influxus, uel eius debilitas tolerare non potest efficaciam superiorū, tūc ab influxu cœlestiū sic in materiā discordiis plenā recepto, resultat quid dissonū & deforme malumq; cœlestibus tū uiribus semper bonis permanentibus, quæ dū in se existunt, & à datore luminū per sanctas intelligentias & cœlos influunt, quousq; ad lunā peruenerint, eorū influētia bona est, tanq̃ in primo gradu: deinde autem quando in subiecto uiliori suscipitur, ipsa etiā uilescit: tunc enim propter diuersam recipiētis naturā diuersimode suscipitur, & qualitatibus in eodē subiecto inter se dissidentibus, & ipsa uariatur, & patiente subiecto patitur: unde ex omnibus tandē in subiecto cōprehensis, aliud quiddā quam superi influunt, resultat. Itaq; qualitas nocens in istis inferioribus, longe aliena est ab influxu cœlestiū. Ideoq; sicut lippientis calamitas luci, & incendiū igni, & uulnera ferro, uincula & carceres iudici imputari non debent, sed male dispositis & male operantibus: ita nec in cœlestes influxus malorū culpa reiicienda est. Itaq; in nobis bene dispositis superiorū influxus omnia cooperantur in bonū: male autē dispositis, & in quibus propter peccata nostra diuinum illud quod nobis inest recessit, omnia cedūt in malū. Omniū itaq; malorū nostrorū causa peccatū est, quod est deordinamentū & distemperamentū animi nostri: cui tunc sic male regente aut prostrato, ac declinante ab eo quod cœlestes influxus requirunt, rebellant omnia, & distemperantur in nostrā perniciē: tunc in humano corpore aliās rēperatissimo & consonantissima harmonia cōposito, oritur elementorū distemperamentū, insurgunt humores mali, & etiā boni deordinati & segregati ab inuicē, & uicissitudine quadā corpus uexant & torquent: tunc uehementissima sentitur dissonantia, aut ex superfluitate, aut ex diminutione, aut ex intrinseco accidente, aut superfluo cibo, unde superflui gignuntur humores, eademq; ex causa infirmitates suboriuntur, etiā animales spiritus amisso freno in pugnā congregiuntur: tunc cœlestes influxus aliās de se boni, redduntur illis nocui, quemadmodū lux Solis oculis male dispositis: tunc Saturnus influit anxietatē, tædiū, melācholiā, deliramenta, tristitiā, pertinaciā, rigiditatē, blasphemiam, desperationem, mendacium, laruas lemorum, terculamenta sepulchrorum, expauescētiā bustorum, irritamenta dæmonum. Iupiter autem tunc influit auaritiā & diuitiarum occasiones prauas, & tyrannidem: Mars impetuofam irā, prophanam arrogantiam, audaciā temeritatem, & ferocem pertinaciā: Sol autem superbiam imperiosam, & inexplēbilem ambitionē. Venus concupiscentiā deceptiones, lasciuos amores turpesq; libidines: Mercurius fraudes, dolos, mendacia, machinationes malorum, & peccandi promptitudinē: Luna rerum omnium instabilem progressum, & quæcunq; sunt humanæ naturæ contraria. Atq; hoc modo homo ipse propter suam cum cœlestibus dissimilitudinē, nocumentū suscipit, unde beneficiū reportare deberet. Propter eandē cū cœlestibus dissonantiā (ut inquit Proclus) etiam subiiciuntur

Malis superiora quæ influant.

tunc homines malis dæmonibus, qui ueluti dei lictores in torquendis illis se se expediunt. Tunc ueniunt illis immissiones per angelos malos quousque debitis expurgationibus rursus expientur, reuertaturq; homo ad cœlestem naturam. Optimus igitur magus multa mala prohibere potest, à stellarū dispositione profectura, cum eorum naturam præsentit, præueniendo, præcauendo & præmuniendo ne occurrāt, & ne male dispositum subiectum, sicut diximus, nocumentum suscipiat, unde beneficium reportare deberet.

Quod unicuiq; homini impressus est character diuinus

cuius uigore potest pertingere ad operandum

mirabilia. Caput XL.



ON mediocri experientia comprobatum est, insitam homini à natura quandam dominandi & ligandi uim: nam quod testatur Plinius, elephas homini obuio in solitudine errāti, clemens placidusq; demonstrare uiam traditur: idem uestigia hominis priusquam hominem animaduertens, ab insidiarum metu contremiscere, subsistere, circumspectare, & expauescere dicitur. Eodē modo tygris, feris cunctis truculētior, uiso homine catulos protinus trāsferre dicit: & plura his similia legim⁹ apud uarios autores q; de aīalibus magnis uoluminibus scripserūt: uerū unde cognoscāt animalia hæc hominē timendū quem nunq̃ uiderunt, & si sape uiderint & cognouerint, unde timēt, tantis illo magnitudine, uiribus & uelocitate præstātiores: quæ ue sit hæc hominis natura feris hunc timorē incutiens, oēs quidem illi animalīū historiographi inquirunt & innuunt, sed aliis reliquerūt docendū atq; probandū. De hoc igitur Apollonius Tyaneus (ut legitur apud Philostratum) uiso puero ducente ingentē elephantem, roganti Damo, unde hæc tā uasti animalis erga paruulū obediētia esset, respondit: id esse ex terrore quodam actiuo, homini ab opifice immisso: quē præsentientes inferiores creaturæ & animalia omnia ipsum hominē timēt, & reuerentur, qui est, uelut character terrificus & signaculum dei homini impressum, quo quęcunq; illi subiiciunt superioremq; agnoscūt, siue seruus siue animal sit: alioquin enim nec puer regeret armēta & elephātes: neq; rex perterreret populū nec iudex reos. Hic itaq; character hominibus à diuina idea impressus est, quam Hæbreorū Cabalistæ Pahad פהד uocant, & sinistram & gladiū dei. Neq; uero tantūmodo habet homo signū quo timeatur, sed etiam quod diligatur, cuius idea in diuinis numerationibus uocatur Hēsed חסד quod clementiā significat, & dextram & sceptrū dei. Ab his diuinis numerationibus, per intelligētias & stellas nobis imprimuntur signa & characteres unicuiq; secundum capacitatem & puritatem suam, quæ signa primus protoplastes in omni integritate & plenitudine proculdubio possidebat quādo placida mē suetudine attracta & terrore subiecta, uenerunt ad eū cuncta animantia ueluti ad dominum, ut eis nomina imponeret. Verum post præuaricatiōis peccatum à dignitate illa decidit, cū omnibus posteris suis, neq; tamen omnino

Hominē fragilem truces feræ cur timeant.

character ille in nobis extinctus est, sed quanto magis quis grauatur peccato, tãto magis à diuinis istis characteribus longius abest, minusq; recipit: & unde benignitatem & reuerentiam recipere deberet, ipse in aliorum cadit seruitutē atq; timorem, cum animalium tum hominū & dæmonum. Quod sentiens Cain timebat, inquiēs ad deū: Omnis qui inueniet me occidet me: bestias quippe & dæmones timebat, non tam homines qui paucissimi erant. Antiquitus autem multi homines qui in innocentia uiuebant, optimam uitam agentes, adhuc illa fruebantur obedientia & potestate, sicut Samson, Dauid & Daniel in leones, Heliseus in ursas, Paulus in uiperam, & multi anachoretæ habitabant in desertis, in cauernis & speluncis ferarum, non timentes, nec nocumentum ullum accipientes: sicut enim per peccatum obtenebratur diuinus ille character: sic expurgato & expiato peccato, rursus ille magis magisq; illucescit.

Quid de homine post mortem, opiniones uariæ.

Caput XLI.



Mnibus hominibus communiter semel mori statutū est, mors omnibus fatalis est: sed alia naturalis, alia uiolenta, alia uoluntarie suscepta: alia ob delictum humanis legibus irrogata, aut propter crimen infligente illam deo, ut non naturæ debitum, sed pro delictis pœnam reddidisse uideantur: quam (ut dicunt Hebræorum magistri) deus nulli remittit. Vnde tradidit conuentus Ezechia, quod post dirutam sanctuarii domum, licet nullus iudiciariæ executionis superfuisset ordo, tamen quadrifaria suppliciorum genera, quibus condemnari solebāt, neminem mortis reum sine retaliationē euasisse: nam qui lapidibus mortē promeruerat, iis dispensante deo, aut tecto præcipitabatur, aut à feris conculcabatur, aut ruina aut casu obruebatur: qui uero meruisset ignem, hic aut incendio absumebatur, aut uenenato morsu, aut serpentis ictu, aut toxico uitam finiuit: qui autem gladio interiturus fuisset, aut imperii uiolentia, aut populi tumultu, aut factione, aut prædonum insidiis trucidabatur: qui laqueo suspendendus erat, aut aquarum uortice suffocabatur, aut alia quauis strangulatoria lue extinguebatur. Et hac doctrinæ ratione etiā magnus ille Origenes enarrandum censuit illud Christi euangeliū: Qui gladio ferit, gladio perit. Quin & ethnici philosophi eiusmodi retaliatiōis ordinē Adrastiam esse pronunciant, uidelicet diuinarum legum ineuitabilē potestatem, qua futuris circuitibus rependatur unicuiq; pro ratione & meritis uitæ prioris, ut qui iniuste dominabatur in uita priore, uita alia in seruilē relabatur statū: qui manus sanguine polluerit, talionē subire cogat: qui bestialē uixerit uitā, in brutale corpus reuolutus præcipitet. de istis scribit Plotin⁹ in libro de Proprio cuiusq; dæmone, ingens: Quicunq; proprietatē seruauerūt humanam hoīes iterum nascuntur: Quicunq; uero solo usi fuerint sensu, bruta animalia redeūt, ita tamen, ut qui sensu præcipue unā cū ira, animalia

Adrastia.

Plotinus.

fera exoriantur: quicunq; autem sensu per concupiscentiam uoluptatemq; utantur, salacia & ingluuiosa animalia reuertantur. Verum si non tam sensu unà cum his quàm sensus degeneratiõe uixerint, unà cum ipsis plantę repululant: solū nanq; uel maxime in his uitale uiguit, omnisq; illis cura fuit, ut in plantas commutarentur. Verum qui musicis modulis nimium deliniti uixerunt, in cæteris non deprauati, animalia musica renascuntur. Et qui si ne ratione regnarunt, aquilæ fiunt, nisi prauitate aliqua sint infecti. Qui uero ciuilem uirtutem cōsecutus est, homo reuertitur. Et Salomon ipse in Prouerbiis, hominem nunc leonem, tygridem, ursum uel aprum appellat: nūc leporem, canem leporarium aut cuniculum: nunc formicam, ericium, serpētem uel araneam: nunc aquilam, stellionem, gallum, uel auem aliam nominat, & multa huiusmodi. Verum Hebræorum cabalistę animas in bruta precipitari non admittunt: quæ tamen penitus rationem excusserint, brutali affectui imaginationiq; relinqui in alia uita non abnuunt: ter quoq; nec amplius, animas huc reuolui astruunt: quoniam numerus hic purgationi peccatorum abunde sufficere uideatur, iuxta illud Iob: Liberauit animam suā ne pergeret in interitum, sed uiuens lucem uideret. Ecce hæc omnia operatur deus tribus uicibus per singulos, ut reuocet animas eorum à corruptione, & illuminet luce uiuentium. Sed iam tandem quid de mortuis senserint ueteres, uideamus. Cum moritur homo, corpus in terrā reuertitur, de qua sumptum est: mens unde descēdit, in cœlos remeat, sicut ait Ecclesiastes: Reuertitur puluis in terram suam unde erat, & spiritus redit ad deum qui dedit illum, quod his uersiculis expressit Lucretius:

*Anima ter,
in hiacutā
redeunt.*

Cedit item retro, de terra quod fuit ante,
In terras: & quod missum est ex ætheris oris,
Id rursum cœli fulgentia templa receptat.

Sed melius Ouidius his uersibus:

Bis duo sunt hominis, manes, caro, spiritus, umbra:

Quattuor ista loca bis duo suscipiunt.

Terra tegit carnem, tumulum circunuolat umbra,

Orcus habet manes, spiritus astra petit.

Caro itaq; derelicta, & uita defunctum corpus, cadauer nuncupatur: quod *Caro,* ut dicunt Hebræorum theologi, linquitur in potestate dæmonis Zazelis, de quo dictum est in scriptura: Terram comedes omnibus diebus. & alibi: Puluis terræ panis eius. Creatus est autem homo puluis terræ, unde & dæmon ille dicitur dominus carnis & sanguinis quandiu corpus non fuerit iustis exequiis expiatum & sanctificatum. Hinc non sine causa ordinarunt antiqui patres expiationes cadaueris: ut quod ualde immundum est, aspergatur aqua benedicta, thurificetur incenso, exorcizetur sacris orationibus, illustretur luminibus, quousque super terram fuerit, demum sacro in loco sepeliatur. Hinc apud Homerum Elpenor, Terogo (inquit) Vlysse, mei sis me-

mor, neq; inde discedens, me inhumatū relinque, ne insepultus deorū ira fiā. Mens uero humana, cuius sacra natura & diuinum genus existit, quia culpę semper infors, etiam omnis pœnæ expers euadit. Anima uero si bene operata fuerit congaudet menti, & cum æthereo suo uehiculo egrediens, libera ad heroum choros transcendit, aut superos petit: ubi omnibus sensibus & potentiis suis perpetua felicitate beata, perfectā omnium rerum cognitione, insuper & diuina uisione ac regni cœlorum possessione fruitur, diuinęq; potestatis particeps, in inferiora hæc beneficia, uaria dona largitur, ceu immortalis deus: si male egerit, mēs iudicat illam atq; relinquit dæmonis arbitrio: at mœsta anima, sine mente, uagatur apud inferos idolum, quam uocant imaginem, sicut apud Vergilium conqueritur Dido:

Et nunc magna mei sub terras ibit imago.

Quare hæc anima tunc expers intelligibilis essentia, furentis phantasiæ imperio relictā, etiam corporearum qualitatū cruciatu subiicitur, cognoscēs sese iusto dei iudicio, ob suam culpā, diuina uisiōe, ad quam creata erat, perpetuo priuatam: quæ quidem diuina uisio, sicut testatur scriptura, est præsentiā omnium malorum, quæ pœna est omnium acerbissima, quam uocant sacra litera effusionem iræ dei. Hæc itaq; animæ imago, quandoq; aëreū corpus ingreditur umbram, qua inuoluta, nunc consulit amicos, nunc exagitat hostes, quemadmodum apud Vergilium Dido minatur Aeneæ, inquit:

Omnibus umbra locis adero, dabis improbe pœnas.

Nam cū in anima seiuncta à corpore, perturbationes & memorię sensusq; remanent, dicūt Platonici animas, præcipue interfectorum, hostes exagitare, non tam humana indignatione id efficiēte, quàm etiā diuina Nemese, ac dæmone prouidente & permittente. Sic spiritus Naboth (ut interpretatur Hebræorū magistri) quia in ipsius uitæ extremo cū ultionis desiderio emigravit, factus fuit (ad explendum uindictā) spiritus mendacii, & egressus est permittente deo, spiritus mēdax in ore omniū prophetarū, donec faceret ascēdere Achab in Ramod Galaad. Et Vergilius ipse cum Pythagoricis & Platonicis, quibus adhæret etiam noster Augustinus, fateſ animas separatas eorum quę in hac uita gesserunt, nondum extinctam, retinere memoriā atq; uoluntatem ubi canit:

Quæ gratia curruum

Armorūq; fuit uiuis, quæ cura nitentis

Pascere equos, eadem sequitur tellure repostos.

Et Algazel in libro de sciētia diuina. Cateriq; Arabes & Mahometistæ philosophi, sentiunt quod operationes animę coniuncto corpori cōmunes, imprimunt in animā usus & exercitii characterē: quo fortiter impresso utetur, separata ad consimiles operationes & passionēs quæ in uita non sunt deletę, itaque licet corrumpatur corpus & organum, non cessabit propterea operatio, sed remanebunt affectiones & consimiles dispositiones.

Et has animas prisca communi uocabulo manes uocant: quarum quæ in hac uita innocentes, aut uirtutibus moralibus purgata, atque ut canit Vergilius, Manes.

Qui manus ob patriam pugnando uulnera passi,

Quique sacerdotes casti, dum uita manebat,

Quique pii uates & Phœbo digna locuti,

Inuenias aut qui uitam excoluere per artes,

Quique sui memores alios fecere merendo,

Licet extra gratiam & fidei iustitiam decesserint, putant illas plerique theologi, impatibiles in quosdam campos fortunatos rapi: & ut ait Vergilius,

Deuenire lætos locos & amœna uireta,

Fortunatorum nemorum sedesque beatas,

Vbi fruuntur miris quibusdam uoluptatibus: atque etiam cognitione, cum sensitiua tum intellectuali & reuelata gaudere: forte etiam erudiri in fide & iustitia, haud minus atque quondam spiritus illi quibus Christus prædicauit Euangelium in carcere: Nam ut certum est neminem sine fide Christi posse saluum fieri, ita probabile est, hanc fidem adhuc multis paganis & Saracenis post hanc uitam prædicari in illis animarum receptaculis ad salutem, atque in illis ueluti in communi custodia detineri, donec tempus adueniat quo maximus iudex meritorum facturus sit examen: à qua opinione etiam Lactantius & Irenæus, & Clemens, & Tertulianus, & Augustinus, & Ambrosius, & multi præterea Christiani scriptores non abhorrent. Quæ uero impurae incontinentesque & peccatis iniustæ migrant animæ, non tam felicibus somniis aguntur, sed horribilibus phantasmatibus locisque; deterioribus uagantur, nulla libera cognitione freti, nisi abstracta per cōcessionem aut manifestationem, rum continua carnis & sanguinis appetentia, ob corporeæ labis æruginem etiam sensui doloris subiiciuntur, timentque gladios & enses. Hæc proculdubio sensisse uidetur Homerus, quando in undecimo libro Odyssææ introducit matrem Ulyssis defunctam illi immolanti astantem, sed illum nec cognouisse nec allocutam esse, quantisper ipse euaginato gladio umbras à sacrificii sanguine prohibebat. Postquam uero suadente Tyresia uate, de sacrificio illo libasset mater, bibitque sanguinem nebulo nigrum, statim cognouit filium, & lachrymans allocuta est: Verum Tyresia uatis anima, nulla obstante euaginati gladii prohibitionem, etiam ante libatum sanguinem, & agnouit Ulysses, & allocuta est, & matris umbram ad stare indicauit. Quæ ergo animæ contracta in corpore scelerum uitia, in hac uita non expiarunt, illorum habitus secum ferentes apud inferos eluere coguntur, & expendere commissorum pœnas, quod poeta explicauit his uersibus:

Quin & supremo cum lumine uita reliquit,

Non tamen omne malum miseros, nec funditus omnes

Corporeæ excedunt pestes, penitusque necesse est

Multa diu concreta modis inolescere mores

Ergo exercentur pœnis, ueterumq; malorum
Supplicia expendunt.

Quales enim sunt mores & habitus hominū in hac uita, tales plerunq; animam affectiones sequuntur post mortem, quæ secum adhuc memori mente uolunt, quæ quondam in uita gesserat: quæ tunc eò intentius & acutius occurrunt, pro quanto cessant tunc uaria uitæ officia, nutriendi, uegetandi, generandi, sensuumq; & humanorū negotiorū uariæ occupationes & solatia, & crassioris corporis obstacula. Occurrunt aut tunc phantasticæ rationi species illæ eò turbulentiores maximæq; furentes, quantò in eiusmodi anima latet intellectualis scintilla plus aut minus sopita, penitus ue extincta, quibus tunc etiam à malis dæmonibus species aut falsissimæ aut terribiliores ingeruntur: unde nunc in uirtute concupiscibili, concupiscentia imaginarii boni, eorumq; quæ quondam in uita affectauerat torquetur, potiundi facultate priuata, quamuis nonnunquam sibi uideatur propemodum delicias suas adipisci, sed à dæmonibus ad pœnas acerbiores ab illis arceri, quæ admodum apud poëtas, Tantalus à conuiuio: Sardanapalus, ab amplexu: Midas, auro: Sisyphus, à potentia: & has animas lemures uocarunt: quarum si qua domesticarum rerum curam agens, quiete domum habitat, lar dicitur familiaris. Acerrime autem in uirtute irascibili torquentur, odio imaginarii mali, cuius perturbationes & suspiciones falsissimas horribilissimæque phantasmata tunc incidunt, uersanturq; secum tristes imagines, nunc cœlum in caput ruere, nunc flammaram impetu absumi, nunc uasto aquarum sub gurgite mergi, nunc terræ hiatibus absorberi, nunc sese in uarias bestias transformari, nunc à deformibus monstris lacerari aut deuorari, nunc per syluas, per maria, per ignes, per aëra, per teterrima inferorum loca passim exagitari: nunc sese à dæmonibus comprehendi & torqueri suspiciunt: quæ omnia illis post mortem non secus contingere arbitramur, quàm in hac uita his qui phrenesi aut mania siue melancholico humore delirant, aut qui in somniis horribilibus uisis perterriti torquentur, ac si uere hæc illis cōtingerent, quæ tamen uere apud illos non sunt, sed solæ illorum species in imaginatione apprehensæ: sic & animas illas post mortem ueluti somniantes, horribiles peccatorum imagines perterrent, & conscientia sceleris agit per diuersa præcipites: quos iccirco Orpheus uocat populos somniorum, inquiens: Reserari nequeunt portæ Plutonis, intus est populus somniorum. Tales itaque scelerosæ animæ nullis bonis sedibus fretæ, quando in aëreo corpore uagabundæ quamlibet aspectibus nostris formam repræsentant, laruæ dicuntur aut terriculamenta: bonis quidem inania, sed noxia malis: modo tenuioribus, modo crassioribus exuuiis, sub diuersorum animalium & monstrorum specie, quorum moribus sese olim in uita similes præstiterunt occurrentes, sicut canit poëta:

Tum uariæ illudunt species, atq; ora ferarum.

Lemures.
Lar.

Larua aut
terriculamē
ta.

Fiet enim subito sus horridus, atraq; tygris,
Squammofusq; draco, & fulua ceruice leena.

Aut acrem flammis sonitum dabit,

Omnia transformans sese in miracula rerum,

Ignemq; horribilemq; feram, fluuiumq; liquentem.

Anima enim hominis immunda, quæ in hac uita nimium habitum contraxit ad corpora, intimo quodam elementalis corporis affectu, aliud sibi corpus ex elementorum uaporibus contexit, ex materia facili, quasi haustu quodam reficiens corpus illud iugiter euanescens: cui insuper ueluti carceri & sensibili instrumento lege quadam diuina mancipata, in illo patitur frigus & ignem: & quicumque corpus & spiritum & sensum offendunt, fœtores, ululatus, planctus, stridores, uerbera, laceratus & uincula sicut cecinit Vergilius:

Ergo exercentur pœnis, ueterumq; malorum

Supplicia expendunt: alia panduntur inanes

Suspensæ ad uentos, aliis sub gurgite uasto

Infectum eluitur scelus, aut exuritur igni.

Et apud Homerū in eius Necyomantia Alcinous Vlyssi enarrat:

Vidimus & Tytium celebrem telluris alumnum

Expansumq; nouem corpus per iugera, cuius

Vtrinq; assidens contundit uiscera uultur.

Nonnunquam animæ illæ non hæc figuralia corpora solum inhabitant, sed nimio carnis sanguinisque affectu etiam in animalia sese præcipitant, & reptilium brutorumque corpora, cuiuscunque speciei ingressa, dæmonum instar illa obsidentes corripunt. Astipulantur istis Pythagoras, & ante illum Trismegistus, adferentes prauas animas sæpe in reptilia & bruta præcipitari. Neque tamen illa corpora ueluti essentielles formæ uiuificant & informant, sed inquilini more ueluti carcerem inhabitant, siue per indistantiam localem illis adsistunt, ut motor intrinsecus suo mobili: aut circa illa alligata cruciantur, ut Ixion ad serpentum rotas, Sisyphus ad saxum: neque solum bruta, sed quandoque etiam homines corripunt, sicut de anima Naboth diximus, qui egressus est spiritus mendax in ore prophetarum. Hinc asseruere nonnulli, scelestorum hominum uitas siue spiritus, in quorundam corpora ingredientibus, illos diu male habere, & nonnunquam interimere. Quod multo meliori sorte etiam beatis animis concessum est, ut bonorum angelorum instar nos habitare & illustrare possint, quemadmodū de Helia legimus, quod sublato eo ex hominibus, inclinauit spiritus eius super Helisæū: & alibi legimus, abstulisse deū de spiritu qui erat in Mose, & dedisse septuaginta uiris. Magnū hic later, sed nō temere reuelādū mysteriū. Quandoq; etiam (quod tamen rarissimū est) tanta insania aguntur animæ,

Anima præ
ue, in bruta
præcipitant

Danica historia lib. 5. ut non uiuentium modo corpora perāt, sed in relictā sua cadauera quadam stygia ui remigrent, & ueluti rediuiui horrenda patrant facinora. Sicut legimus apud Saxonem Grammaticum, Asuitum quendam & Asmūdum inter se communibus uotis coniurasse, quem nam illorum uita prolixior excepisset, mortuo contumulandum: tandem Asuitus morbo consumptus, cū cane & equo suo uasto mandatur antro: cum quo & Asmūdus ob amicitie iurandum uiuus contumulari sustinuit, cibo quo in longum tempus uesceretur illato. Tandem Ericus Sueciæ rex, eò loci cum exercitu pertransiens, Asuiti tumulum (thesaurum inesse ratus) perfrangens, ad aperta specu, eductum Asmūdum luci restituit: quem uidens tetro oris habitu, funebri tabo oblitum, & profluo ex cruda cicatrice sanguine cruētatum (quippe Asuitus noctibus rediuiuus, crebra colluctatione læuam illi aurem abruperat) secti uulneris causam referre iussit: quam ille narrauit iis uersibus:

Quid stupetis qui relictum me colore cernitis?

Obsolescit nempe uiuus omnis inter mortuos.

Nescio quo Stygii numinis ausu

Missus ab inferis spiritus Asuit

Sæuis alipedem dentibus edit

Infandoq; canem præbuit ori.

Nec contentus equi uel canis esu,

Mox in me rapidos transtulit ungues:

Discissaq; gena sustulit aurem.

Hinc laceri uultus horret imago,

Emicat inq; fero uulnere sanguis.

Haud impune tamen monstrifer egit:

Nam ferro secui mox caput eius,

Perfodiq; nocens stipite corpus.

Non dissimile huic refert Pausanias, ex Delphorum interpretibus acceptū: Esse uidelicet, dæmonium quoddam infernum, quem Eurynomum dixerunt, qui mortuorum carnes absumeret & deuoraret, ita ut uix nuda relinquerentur ossa. Legimus etiā in Cretensiū annalibus, manes quas ipsi Catechanas uocant, in corpora remeare solitos, & ad relictas uxores ingredi, libidinemq; perficere: ad quod euitandum, & quo amplius uxores non infestēt, legibus municipalibus cautū est, surgentiū cor clauo transfigere totumq; cadauer exurere. Miranda proculdubio sunt hæc, & opinioni fortè inimica uideri possent, nisi fidem facerent & lætæ leges, & creditæ antiquitatū historie. Neq; demum à Christiana religiōe alienum est, animas multas ante uniuersæ carnis resurrectionem suis corporibus restitui posse: quin & multos credimus singulari dei beneficio cum corporibus in gloriā adsumptos, multos etiam uiuos descendisse in infernum: audiuiusq; non raro, mortuorū corpora è sepulchris per dæmones sublata, proculdubio non in alium usum,

quàm in carcerandis torquendisq; suis manibus. Verum ad hos corporum carceres & uincula, accedunt etiam uilissimorum ac teterrimorum locorum habitacula, ubi Aetnei ignes, aquarum ingluuies, fulgurum & tonitruorum concutus, terrarum uoragines, atq; ubi regio lucis inops nec radiorum solis capax, ignaraq; siderum splendoris, perpetuis tenebris & noctis specie caligat. Quo apud Homerum peruenisse fertur Vlysses ubi canit:

Cymmerios fama est populos hic esse, cauernis

Perpetua nebula cæcaq; caligine mersos,

Quos oriens nunquam, nec cum declinat in undas

Sol uidet, æterna miseri sed nocte premuntur.

Neq; uero oia illa inanes nugæ sunt, quæ de Patricii antro, Vulcani speluncis, Aetneis crateribus, Nursiæ specu multi memoria prodiderunt, atq; quæ inibi uiderunt, & cognouerunt, testati sunt. Narrant siquidē istis maiora Saxo grammaticus de Geruthi regia & Vgarthiloci cauo: Tum Plinius, Solinus, Pythias, Clearchus, de maris septentrionalibus stupendis prodigiis, de quo & Tacitus in Drusi historia, Germanico pelago deuiasse milites indicat, & uaria rerum miracula in eo mari illis uisa testatur, uim scilicet turbinum, in auditas uolucrum species, monstra maris ambiguas formas habentia hominum atq; animalium. & in libro de Germania, Heldusios & Axionas, qui sub uultu humano membra cætera bestiis æqualia gerunt, illic habitare ait: quæ proculdubio non nisi inanum atque dæmonum opera sunt: de istis etiam Claudianus olim cecinit:

Est locus extremum pandit qua Gallia litus,

Oceani prætentus aquis, qua fertur Vlysses

Sanguine libato populum uouisse silentum.

Illic umbrarum tenui stridore uolantum

Flebilis auditur questus, simulacra coloni

Pallida, defunctasq; uident migrare figuras.

Narrat Aristoteles Aeolias iuxta Italiam Insulas, in Lipara tumulum quemdam fuisse, ad quem noctu non tuto accederetur: ibiq; Cymbala & Crotalorum boatus, cum inconditis quibusdā cachinnis, tumultus etiam & inanes sonos exaudiri, accolæ cōstanter asseuerabāt. Eoq; loci aliquādo ebriū iuuenē accessisse, & sub noctē apud tumuli specū obdormiuisse, ibiq; post tertiū tandem diē à quærantibus repertū, ac pro mortuo sublatum: cūq; paratis exequiis educeretur funus, subito experrectum, multaq; quæ uidisset, quæq; perpeffus fuisset, magna omnium cum admiratione seriatim narrasse. Est etiā in Noruegia mōs quidam oīm formidolosissimus, mari circūseptus, uulgo Hechelbergiū nuncupant, inferni speciē præ se ferēs, unde tantę eiulantiū lachrymabiles uoces & clamores exaudiuntur, ut ad unū fermē miliare circū horrifoni illi strepitus dilatentur, quem insuper horrendis clamoribus ingentes uultures atque corui nigerrimi circumuolantes, perterrefaciendo

Tertullianus.

Petrus Apostolus.

Irenaeus.

accessum prohibent: præterea fontes inde duo scaturiunt, unus intractabili frigiditate, alter intentissimo calore intolerabiles, & cætera elementa longe excedentes. Est & in eadem regione ad meridionalem plagam promontorium Nadhegryn nuncupatum, ubi dæmones loci in aëreo corpore in præsentia cernuntur ab omnibus. Est etiam in Scotia mons Dolorosus, horribili lamentantium stridore terrificus: & in Thuringia mons quem Horrifonū uocant, ubi Syluanos satyrosq; inhabitare cum fama diuulgauit, tum aliquorum experientia docuit, fidiq; scriptores testantur. Sunt in diuersis regionibus & prouinciis istis similia miracula: sed & ipse ego quæ meis oculis uidi & manibus tetigi, hoc loci referre nolo, ne me ob rerum stupēdam admirationē, ab incredulis de mendacio argui contingat. Neq; uero prætereundum hic censeo, quid de animarum receptaculis pleriq; ex nostris senserint, ab his quæ iam diximus non admodum discrepantes: ē quibus Tertullianus libro quarto aduersus hæreses Marcionis ait: Apparet sapienti cuiq; qui elysios aliquando audierit, esse aliqualem localem determinationem, quæ si nus dicta sit Abrahæ, ad recipiendas animas filiorum eius, eamq; regionem non cœlestem, sublimiorem tamen inferis, ubi conquiescant animæ iustorum, donec cōsummatio rerum resurrectionem omnium plenitudine mercedis restituat. Quin & Petrus apostolus Clementi de his rebus interroganti, Cogis me (inquit) ò Clemens aliqua de ineffabilibus publicare: ueruntamen quoadusq; proferre licet, non pigebit: Christus, qui ab initio & semper erat, per singulas generationes piis, latenter licet, semper tamen aderat, his præcipue, à quibus expectabatur, quibusq; frequenter apparuit: sed non erat tēpus, ut tunc resolutis corporibus fieret resurrectio: sed hæc magis remuneratio uidebatur à deo, ut qui iustus inueniretur, diutius permaneret in corpore, aut certe (sicut de quodam iusto euidenter refertur in literis) quod trās- tulerit eum dominus. Simili exemplo etiam cū cæteris gestum est, qui eius uoluntati placuerunt, ut ad paradysum translati, seruentur ad regnum: cor- uero qui non ad integrum potuere explere normam iustitiæ, sed aliquas in carne sua malitiæ reliquias habuere, corpora quidem resoluuntur, animæ uero seruantur in bonis lētisq; regionibus, ut in resurrectione mortuorum cū corpora sua receperint, ipsa iam resolutione purgata, pro his quæ bene gesserant, æterna hereditate potiantur. Ipse quoq; Irenæus in calce libri quem aduersus hæreses Valentianorum cōscripsit, ait: Cum dominus in medio umbræ mortis abierit, ubi animæ mortuorum erant, post deinde corporaliter resurrexit, & post resurrectionem adsumptus est, manifestū est quia & discipulorum eius (propter quos & hæc operatus est dominus) abibunt animæ in inuisibilem locum definitum eis à deo, & ibi usq; ad resurrectionem commorabuntur, sustinentes resurrectionem, post recipientes corpora, & perfecte resurgentes, hoc est corporaliter, quemadmodū & dominus resurrexit, sic uenient ad conspectum dei: Nemo est enim discipulus super magistrū:

perfectus autem erit omnis sicut magister eius. Quomodo ergo magister noster non statim euolans abiit, sed sustinens definitum à patre resurrectionis suæ tempus, quod & per Ionam manifestum est, post triduum resurgens adsumptus est: sic & nos sustinere debemus definitum à deo resurrectionis nostræ tempus præannunciatum à prophetis, & sic resurgentes assumi, quotquot dominus hoc honore dignos habuerit. Accedit istis etiam Lactantius Firmianus in eo diuinarum institutionum libro, cui titulus, De diuino præmio, inquit: Nec quisquàm putet animas post mortem protinus iudicari: Nam omnes in una communiq; custodia detinentur, donec tempus adueniat quo maximus iudex meritorum faciat examen: tunc quorum fuerit probata iustitia, hi præmium immortalitatis accipient: quorum autem peccata & scelera detecta, non resurgent, sed cum impiis recondentur in easdem tenebras ad certa supplicia destinati. In eadem sententia sunt Augustinus & Ambrosius, quorum ille in Enchiridio suo inquit: Tempus quod inter hominis mortem & ultimam resurrectionem interpositum est, animas abditis receptaculis continet, sicut quæq; digna est requie uel ærumna, pro eo quod sortita est in carne dum uiueret. Ambrosius uero in libro de Bono mortis, ait: Scriptura Esdræ habitacula animarum promptuaria nuncupauit, quæ occurrens querelæ humanæ (eo quod iusti qui præcesserunt uideantur usque ad iudicii diem per plurimum scilicet temporis debita sibi remuneratione fraudari mirabiliter) ait coronæ esse similem iudicii diem: Coronæ enim dies expectatur ab omnibus, ut intra eum diē & uicti erubescant, & uictores palmā adipiscantur uictoriæ. ergo dū expectatur plenitudo tēporis, expectat animæ remunerationē debitā: alias manet pœna, alias gloria. Et in eodē capitulo, uocat infernū locū qui nō uideatur, quem perunt animæ de corporibus liberatæ. Et in libro secūdo de Cain & Abel: Soluitur, inquit, à corpore anima, & post finē uitæ huius, adhuc tamē futuri iudicii ambigua suspēditur. Adstipulatur illis illud euangelicū, de extremo iudicio dicēte Christo apud Mattheū: Multi dicēt mihi in illa die, domine, domine, nōne in nomine tuo prophetauimus, & in nomine tuo demonia eiecimus, & in noīe tuo uirtutes multas fecimus? & tūc cōfitebor illis quā nunq̃ noui uos. Ex quo sermone cōstare uidetur, eos usq; in diē illū fuisse de sententia sua incertos, ac miraculorū fidutia quæ in Iesu nomine dū adhuc uiuērēt peregissent, quadā spe salutis interea fuisse suspensos. Quia igitur animarū iudiciū in extremū diē dilatū est, putāt pleriq; theologi, nō solū iustificādis, sed etiam dānatis, piaculāria suffragia ante præstitutā iudicii diē posse opitulari. Sic Traianum Cēsarem à diuo Gregorio ab orco liberatum, iustificatumq; ad salutem: licet aliqui putent illum non mulctæ noxa liberatum, sed animaduersionis iustitiam in iudicii diem prorogatum. Verum Thomas Aquinas probabilius uideri dicit, Traianum diui Gregorii suffragiis reuixisse, uimq; gratuitam consecutum, quā à pœna scelerumq; nexu fuerit

liberatus. Et sunt ex theologis, qui suffragiorū inferiis nec pœnam tolli, nec mûltâ detrâhi, sed duntaxat dolorū solatia & fomenta quædam adferri opinantur, idq; æstuantis geruli similitudine, qui conspersione aquæ uideatur pressu ponderis leuari, siue ad facilius ferendū iuuari, quanq̃ nihil sit ex pondere detractum. Communis tamen theologorū sententia negat reis in Ditis antro preces & funebria quicq̃ suffragari. Verū hæc omnia cum sint incomprehensibilis obscuritatis, multi in illis ingeniū frustra exacuerunt. Itaq; accedētes Augustini sententiæ, sicut ille in Genesim libro decimo ait, dicamus: Melius est dubitare de occultis, quàm litigare de incertis. Illum quippe diuitem in ardore pœnarū, & illum pauperem in refrigerio gaudiorū, intelligendos esse non dubito: sed quomodo intelligēda illa flamma inferni, ille sinus Abrahæ, illa diuitis lingua, ille digitus pauperis, illa sitis tormenti, illa stilla-refrigerii, uix à mansuetè quærentibus, à contentiose autē certantibus nunq̃ inuenitur. Sed istis iam ommissis, ad ulteriora properantes, de animarū restitutionibus differemus.

*Præclara
Augustini
sententi.*

Quibus rationibus Magi & Necromantes mortuorum animas euocare se posse putabāt. Cap. XLII.



X his quæ iam dicta sunt patet, quod animæ illæ quæ post mortem adhuc relictâ corpora diligūt, quemadmodū sunt animæ corporum sepultura debita carentiū, seu quæ corpus suum uiolenta morte reliquerunt, & adhuc in turbido illo humidoq; spiritu circa cadauera sua oberrant, tanq̃ circa cognatum aliquod eas alliciens, cognitis his mediis per quæ quondam suis cōiungebantur corporibus, per consimiles uapores, liquores nidoresq; facile euocari & allici possunt, adhibitis etiā certis artificialibus luminibus, cātibus, sonis & huiusmodi, quæ ipsam animæ imaginatiuā spiritalemq; commoueant harmoniā, sacris etiam inuocamentis & huiusmodi, quæ ex religione sunt, nō neglectis, propter rationalem animæ portionem natura superiorem. Sic Phytionissa euocasse legitur Samuelem: sic Thessala uates apud Lucanum cadauer erexit. Hinc legimus apud poëtas & huiusmodi rerum narratores, animas mortuorū non euocari absq; sanguine & cadauere: umbras autē ex illorū fumigiis facile allici, additis ouis, lacte, melle, oleo, uino, aqua, farina, tanq̃ aptum medium præstantibus animabus ad sumenda corpora, quemadmodū hæc apud Homerū longa instructione Cyrce docet Vlyssēm. Arbitrantur autē, hæc non nisi in his locis duntaxat fieri posse, ubi huiusmodi animæ plurimū uersari dinoscunt, uel propter cognatum aliquod, sicut corpus relictū eas alliciens, uel propter affectum aliquem in uita quondam impressum, animā ipsam ad certa loca trahentē, uel propter loci, ad cuius tartaream naturam iccirco purgādis uel puniendis animis aptum, cuiusmodi loca plurimū experiētia uisionum nocturnarumq; incurfionū & cōsimilium phantasmātū occurfione cognoscuntur, aliqua per se satis nota sunt, ut cœmiteria, & loca illa in quibus fieri solet

executio criminalis iudicii, & in quibus recentibus annis publicæ strages factæ sunt, uel ubi occisorum cadauera necdum expiata nec rite sepulta recentioribus annis subhumata sunt. Expiatio namque exorcisatioque alicuius loci, tum ritus etiam sacer sepulturæ corporibus debite adhibitus, sæpe animas ipsas accedere prohibet, longiusque ad loca iudicii repellit. Hinc necromantia nomen habet, quia in mortuorum cadaueribus operatur, ac per manes & mortuorum umbras, subterreaneosque dæmones responsa petit, alliciens illos in mortuorum cadauera, per stygia quædam carmina & infernales inuocationes, perque feralia sacrificia & impias immolationes, quales apud Lucanum legimus, de Erichthone illa malefica, quæ mortuum euocauit, qui Sexto Pompeio omnem Pharsalici belli euentum prædixit. Erantque etiam in Phigalia Arcadiæ ciuitate quidam Magi sacerdotes sacrorum peritissimi, & animarum quæ uita functæ essent euocatores, & sacræ literæ testantur, Phytomissam quandam mulierem euocasse animam Samuëlis. Ita enim uero etiam sanctorum animæ sua corpora diligunt, magisque & promptius exaudire solent, ubi reliquiarum suarum pignora seruantur. Sunt autem duæ necromantiæ species, una necyomantia, erigens cadauer quæ non fit absque sanguine: Altera scyomantia, in qua sola sufficit umbræ euocatio. Denique omnia experimenta sua per trucidatorum cadauera & ossa, & membra, & quæ ex illis sunt, operatur: quoniam adsit illis dæmonica potestas ipsis amica: ideoque improborum dæmonum defluxus facile pelliciunt, propter similitudinē proprietatemque ualde familiarē: qui cum in rebus terrenis humanisque possunt quāplurimum, illorum opera freti necromantici, illicitos accendunt amores, immittunt somnia, & morbos, & odia, passionisque consimiles, ad quas tunc possunt etiam conferre uires animarum illarum, quæ adhuc in spiritu humido turbidoque inuolutæ, circa exuias suas oberrantes, eadem quæ improbi dæmones committunt. Quoniam igitur hæc illis experientia comperta sunt, quod prauæ & impuræ animæ a corporibus suis uolēter auulsæ, hominumque non expiatorum & sepultura carentium, circa corpora immorantur, & ad cognatum sibi trahantur, facile abutuntur illis malefici ad maleficia sua efficienda, infelices animas appositione corporis uel partis eiusdem assumptione allicientes, tum stygiis inuocationibus compellentes, obtestando per dispersa latis campis informia cadauera, & sepultura carentium uagabundas umbras, manesque Acheronte remissos, & hospites inferum, quos immatura mors in tartara abstraxit, perque horrenda damnatorum desideria, dæmonesque superbos, ultores scelerum. Qui autem uere animas suis corporibus restituere debeat, oportet illum scientem esse, quæ sit animæ natura propria, unde progrediatur, quantis & quot gradibus perfectionis referta, qua intelligentia communita, quibus mediis in corpus diffusa, qua harmonia cum ipso fuerit cōpacta, quam affinitatem habeat cum deo, cum intelligentiis, cum cælis, cum elementis & cæteris omnibus, quorum imaginē & simulacrū te-

*Necroman-
tiæ species
duæ.*

*Animæ uere
corpori re-
stituere cu-
piens, scire
quod oporteat*

net, deniq; quibus influxibus compaginatum sit corpus: hæc enim omnia requirit ars suscitationis mortuorum, quæ non hominum, sed solius dei est, & quibus ille uoluerit communicare, sicut Helizæo, qui filium Sunamitidis mortuum reuiuiscere fecit. Sic & Alcestis narratur ab Hercule resuscitata, rursum diu uixisse: & Tyanensis Apollonius, mortuam puellam uitæ restituit. Atque hic norandum est, quia accidit aliquando hominibus, ut retrahatur in illis spiritus uiuificus, & appareant mortui & non sentientes, cum tamen intellectualis natura unita maneat corpori habeatq; eandem formam, & maneat idem corpus, licet uis uiuificandi se in illud actu non extendat, sed retracta maneat in unione cum intellectuali natura, tamen non desinit esse: & licet ille homo iam uere mortuus dici possit, quatenus mors est carentia uiuificationis, tamen non foret corpus illud ueraciter separatum, potestq; rursum expergefieri & reuiuiscere: & sic multa in his apparēt miracula, cuiusmodi præcedentibus seculis apud gentiles & Iudæos multa uisa sunt, è quorum numero est, quod Plato recitat libro decimo de Republica, uidelicet, Phereū quendam Pamphilium, inter eos qui in acie ceciderant, decem diebus iacuisse, bi- duoq; postquam inde sublatus esset, impositum rogo reuixisse, ac mira quædam quæ tempore mortis illius uiderit, narrasse: & de his partim locuti sumus in libro primo, & adhuc latius dicemus inferius, ubi de oraculis, quæ in raptu, & extasi, & agone morientium proueniunt, dicemus.

De humanæ animæ potestate, in mente, ratione & idolo.

Caput XLIII.

Anima humana
quibus constat.



Nima humana constat mente, ratione & idolo: mens illuminat rationem, ratio fluit in idolum, omnia una est anima. Ratio nisi per mentem illuminetur, ab errore non est immunis: Mens autem lumen rationi non præbet, nisi lucente deo, primo uidelicet lumine: prima enim lux in deo est supereminens omnem intellectum: qua propter non potest lux intelligibilis uocari, sed lux illa quando infunditur menti, fit intellectualis atque intelligi potest: deinde quando per mentem infunditur rationi, fit rationalis, ac potest non solum intelligi, sed etiam cogitari. Deinde quando per rationem infunditur in idolum animæ, efficitur non solum cogitabilis, sed etiam imaginabilis, nedum tamen corporea: quando uero exinde migrat in æthereum animæ uehiculum, efficitur primum corporea, non tamen manifeste sensibilis, donec transferit in corpus elementale, siue simplex æreumq; siue compositum, in quo efficitur lux manifeste uisibilis ad oculum. Hunc lucis progressum considerantes Chaldeorū philosophi, stupendam quandam narrāt mentis nostræ potentiam, uidelicet fieri posse, ut mens ipsa tota acie in deum defixa, diuino numine impleatur, atq; sic impleta lumine, effusis radiis per singula media, usq; ad hoc crassum, tenebrosum, graue, mortale corpus, ipsum quoq; copioso lumine circumfundat, reddatq; stellis simile & æque coruscans, tum etiam radiorum suorum copia

ac leuitate tollat in altum, tanq̃ stuppam eleuatam per flammam ignis, aliquando statū corpus ueluti spiritum ad longinquas partes transferat: sicut de Philippo legitur in Actibus apostolorū, quando baptizato Eunucho in India, statim inuētus est in Azoto, & de Abacuc similia apud Danielē. Sic alii penetrantes claufas portas, custodes & uincula euaserūt, ut de Petro apostolo, & de Petro exorcista legitur. Minus hoc miretur, q̃ uiderit famosos istos melancholicos, qui ambulant in somniis, & per inuia uadunt, & ascendunt per inaccessibleia, & exercent opera uigilantium, & quæ uigilantes minime possent: quorum non est alia ratio in natura, quàm fortis imaginatio & ex-terminata. In quolibet autē homine est ista uirtus, & inest animæ humanæ à radice creationis suæ, sed uariatur in diuersis hominibus, in fortitudine & debilitate, & augetur & minuitur secundum exercitium & usum, per quæ de potentia extrahitur in actum: quod qui rite nouit, potest ascendere in cognitione sua, quousque imaginatiua uirtus sua transcendat & ungatur cum uirtute uniuersali, quem Alchindus, Bacon & Gulielmus Parisiēsis, uocant sensum naturæ, Vergilius sensum æthereum, & Plato sensum uehiculi appellant: efficiaturque cogitatio sua fortissima, quando effunditur super ipsam uirtus illa ætherea & cœlestis, cuius splendore confortatur, donec apprehendat species, & notiones, & scientiam rerum uerarum, adeo ut illud quod cogitauerit in mente sua, proueniat sicut ipse cogitauit, & adispiscatur tantam potentiam, ut possit se immergere, & iungere, & insinuare hominum animis, & reddere illos certos de cogitationibus suis, & de uoluntate & desiderio suo, etiam per magna & remota spatia, ac si illa sensibus suis à præsentē obiecto comprehenderent, & potest in modico tempore facere multa, ac si essent facta sine tempore: atque hæc non sunt data omnibus, sed quorum uirtus imaginatiua & cogitatiua est fortissima, & peruenit ad finem speculationis: & is est idoneus apprehendere & nunciare omnia per splendorem uirtutis uniuersalis, siue intelligentiæ & apprehensionis spiritualis quæ est super ipsum: & hæc est uirtus necessaria quam sequi oportet, & cui obedire debet omnis qui sequitur ueritatem. Si itaque nunc tanta uirtus imaginationis, ut se possit insinuare cui uelit, nulla loci neque temporis intercapedine impedita, neque prohibita, atque quorsum ipsa somniat & imaginatur, nonnunq̃ secum trahat graue corpus, non est dubitandum quin maior sit potentia mentis, si quādo fuerit suam naturam adsequuta, nec sensuum illecebris grauata, perseueraueritque incorrupta sui que similis. Sed nunc ad exemplar tā copioso lumine cœlestium stellarum animæ abūdant, & ingens inde in corpora sua redundet copia luminis. Sic Moysis facies splendebat adeo, ut non possent intendere filii Israël illum ob splendorem uultus eius. Sic Socrates transfiguratus legitur, solis luciferas uti uicerit lumine rotas, sic Zoroastem trāssfiguratum sublatumq̃ corpore sursum: sic Enoch & Heliam igneo quodam curru cœlos ascendisse: sic Paulum in tertium cœlum raptum esse: sic

Sensus natura, æthereus & uehiculi.

corpora nostra post mundi iudicium quæ tunc glorificata dicentur, similiter raptum iri, fulgereq; ut solem & lunam hac ratione dicere possumus. Quod quidem fieri posse, factumq; fuisse, Auicebrø Maur^o atq; Arabs Auicenna, & Hippocrates Cous, tota præterea Chaldeorū schola fatetur & ostendunt. Quin & historiarum monumentis proditum est, Magnum Alexandrum in India ingenti periculo circumuentum, animo sic exaruisse, uisumq; barbaris lumē fundere. Theodorici pater etiam corpore toto scintillas dicitur profudisse: idipsum & de se prodidit sapiens quidam ita ut scintillantes flammæ hinc inde etiam cum sono proflirent: neq; ea animi uis sola in hominibus, sed etiā in brutis aliquando comperta est, sicut in equo Tiberii, qui ore flammigerasse uisus est. Mens autem supra fatum in prouidentia est: ideo nec cælestium corporum influxibus, nec rerum naturalium qualitatibus afficitur: sola igitur illi medetur religio. Idolium autem animæ in fato est, supra naturam, quæ corporis & animæ quodammodo nodus est, sub fato, supra corpus: ideo cælestium corporum influxibus immutatur, rerumq; naturalium & corporalium qualitatibus afficitur. Dico autem animæ idolium, potentiam illam uiuificatiuam & reatricem corporis, sensuum originem, per quam ipsa anima in hoc corpore uires explicat sentiendi: sentit corporalia per corpus, mouit corpus per locum, regit in loco, alitq; in torpore corpus. In hoc idolo duæ potentissimæ dominantur uirtutes, una uidelicet quæ dicitur phantasia, siue uirtus imaginatiua, siue cogitatiua, de cuius potentia iam dictum est, atq; etiam ubi de passionibus animæ tractauimus: altera uirtus est quæ appellatur sensus naturæ, de quo etiam dictum est ubi mentionem fecimus de aruspicina. Homo itaq; per naturam corporis est sub fato: anima hominis per idolium in fato naturam mouet, per mentem uero est supra fatum, in prouidentia ordine, ratio autem libera sui iuris est: anima itaque per rationem ascendit in mentem, ubi diuino lumine repletur: quandoq; descendit in idolium, ubi cælestium corporum influentiis, rerumq; naturalium qualitatibus afficitur, sensibilibusq; passionibus & occursum distrahitur: quandoq; anima sese totam replicat in rationem, uel res alias argumentando indagans, uel cōtemplando semetipsam. Possibile enim est, ut pars rationalis animæ, quæ possibilem intellectum uocant Peripatetici, ad hoc perueniat, ut sine cōuersione ad phantasmata libere discurrat & operetur. Tātum deniq; est rationis ipsius imperiū, ut quotiescunq; aliquid incurrit uel in mentem, uel in idolium, uel in naturam, uel in corpus, nō potest transire in animam, nisi ratio sese ad hoc intēdat. Hoc modo in sensibus exterioribus anima nec uidere, nec audire, nec sentire, nec pati se quicquid percipit, donec ratio cogitatrix id prius comprehendat: cōprehendit autem quando uacat, non quando in aliud inhiat, sicut palam uidemus in his qui obuios sibi non animaduertunt, dum aliud quippiam attentius cogitant. Scias igitur nec supernos influxus, neq; naturales affectiones, neq; sensationes, neq; tam corporis

Anima idolium quid.

Duæ in idolo uirtutes

quæ animi passiones, nec quodcunque sensibile in animam posset agere uel penetrare, nisi per rationis ipsius iudiciū. Itaque per suum actum, non per ullam forinsecam uiolentiam potest animus uel affici uel perturbari, quod etiam innumeri martyres ipso facto comprobarunt. Sic Anasarchus Abderites philosophus, iussu Nicocreontis Cypriorum tyranni, in saxum concauū coniectus, ferreis malleis dum caderetur, corporis pœnam negligens, aisse fertur: Tunde tūde Anasarchi uasculum, Anasarchum ipsum nihil terres. Iussitque tyrannus illi linguam præscindi: at ille propriis dentibus præscisam in tyranni faciem conspuit.

Anasarchi
constantia.

De gradibus animarum, & earūdem interitu
aut immortalitate. Cap. XLIII.



Ens quia à deo est, siue à mundo intelligibili, iccirco immortalis est & æterna: ratio autē cœlestis à cœlo suæ originis beneficio longæua est: idolum uero quia ex materiæ gremio ac sublunari natura dependet, interitui atque corruptioni subiicitur. Anima itaque per mentem suam immortalis, per rationem in æthereo suo uehiculo longæua, sed resolubilis, nisi in noui corporis circuitu restauretur: nō ergo immortalis est nisi uniatur menti immortalis: ita idolum animæ siue ipsa sensibilis & animalis anima, quia ex corporeæ materiæ gremio educta est, resoluta corpore unā cum illo interit, aut in corporis sui resoluti uaporibus non diu superest umbra, nihil participās immortalitatis, nisi ipsa quoque sublimiori potentia uniatur. Quæ igitur menti unita est anima, hæc dicitur anima stans & non cadens: uerum non omnes homines mentē adepti sunt, quoniam (ut inquit Hermes) uoluit illam deus pater tanquam certamen præmiumque animarū proponere: quod qui neglexerint mentis expertes, corporeis sensibus mancipati, irrationalibus animalibus similes facti, eundem cum eisdem sortiuntur interitum, sicut ait Ecclesiastes, inquit: Unus interitus est hominis & iumentorum, & æqua utriusque conditio: sicut moritur homo, sic & illa moriuntur. Similiter spirant omnia, & nihil habet homo iumento amplius. hæc ille. Hinc putant plerique theologorum, huiusmodi animas nullam manere immortalitatem post hoc exutū corpus, nisi solam spem resurrectionis, quando omnes homines instaurandi sunt. Talem Augustinus refert fuisse Arabum hæresim, qui animas simul cum corpore interire dicebant, & in iudicio iterum cum illo surrecturas. Quicumque uero diuina gratia fulti mentē consecuti sunt, hi secundum operum comparationē immortales euadunt, ut inquit Hermes, intelligentia sua cuncta complexi, quæ in terra sunt, & quæ in mari, & quæ in cœlis: & si quid est præter ea super cœlum, ut ipsum quoque bonum intueantur: quos uero mediā uitā uiuere contingit, licet diuinā intelligentiam non sint consecuti, sed eius quandā rationalem imaginem, horum animæ cum è corpore excefferint, ad secreta quædam relegatæ receptacula, ubi sensibilibus uiribus affectæ ac in quodam actus genere uersantes, ex opi-

Non omnes
homines mē-
tem adipsas
scuntur.

natione, & irascibili, & concupiscibili uirtutibus, aut effuse latantur, aut gra-
uiter dolent, in qua opinione fuit etiam diuus Augustinus in eo libro, quem
scripsit, De spiritu & anima. Hanc animam Indorum, Persarum, Aegyptiorum
& Chaldaeorum sapientes, corpore suo longeuè superuiuere tradiderunt, tamē
non protinus immortalem fieri, nisi per transcorporationē: uerum theolo-
gi nostri de his longe aliter philosophantur, dicunt enim, quod & si anima-
rum omnium cōmunis sit origo & idem ortus, diuersis tamen gradibus ab opi-
fice inter se distinctae sunt, non solum accidentibus, sed gradibus quibusdā
intrinsicis, in essentia ipsarum radicatis, quibus unaquaq; anima differt ab
alia, per illud quod est ipsi proprium: quam sententiam ita tenet Ioānes Sco-
tus: & Parisienses theologi ita sentiendum esse in eorum articulis decreue-
runt. Hinc ait Sapiens: Puer eram ingeniosus, & fortitus sum animam bo-
nam, uidelicet meliorem quā multi alii. Et secundum hanc animarum
inæqualitatem in gradibus suis unaquaq; capax est sui muneris, quod susci-
pit à deo donum gratuitum, sicut legitur in euangelis: Quia uni dedit quin-
que talenta, alii duo, alii unum, unicuique secundum propriam uirtutem: &
Apostolus inquit: Dedit aliquos fieri apostolos, alios prophetas, alios euan-
gelistas & doctores, ad consummationem sanctorum in opus ministerii, in
ædificationem corporis Christi. Sunt enim (ut inquit Origenes) quaedam
inuisibiles uirtutes, quibus ea quæ sunt super terrā dispētanda credita sunt,
in quibus non parua differentia est, sicut & in hominibus requiritur: quare
alius summum gradum sapientiæ aut dignitatis attingit, alius paulo di-
stat à bestiis, & bestias pascens fit semibestia: alius uirtutibus abundans & for-
tuna diues, alius uel nihil uel modicum habet, sepe etiam id paululum quod
habet aufertur ab eo & datur habenti. Atque ea est diuina iustitia, in distri-
butione donorum, ut corresponsdeant uirtuti uniuscuiusque recipientis, qui-
bus etiam præmia redduntur secundum opera ipsorum, ut quæ sit propor-
tio munerum ad munera, & meritorum ad merita, eadem sit proportio præ-
miorum ad præmia. Illud tandem sciendum est, quia omnis nobilis anima
quadruplicem habet operationem: unam diuinam per imaginem diuinæ
propriæ, alteram intellectualem per formalitatem participationis cum
intelligentiis: tertiam rationalem, per perfectionem propriæ essentialitatis:
quartam animalem siue naturalem, per communionem ad corpus, & adhuc
inferiora, ut nullum opus sit in tota mundi serie tam admirabile, tam excel-
lens, tam miraculosum, quod anima humana suam diuinitatis imaginem
complexa, quam uocant Magi animam stantem & non cadentem, sua pro-
pria uirtute absque omni externo adminiculo non queat efficere. Forma igitur
totius magicæ uirtutis est ab anima hominis stante & non cadente.

Anima nobilis,
quadruplex
operatio.

Anima stans
& non cadens

De uaticinio & furore.

Caput XLV.



Aticinium est quo perciti sacerdotes uel alii, & rerum causas cernunt, & futura etiam præuident, quando scilicet à diis, uel à dæmonibus descendunt in illos oracula, spiritusq; traduntur ab eis, quos quidem descensus uocant Platonici superiorum animorū in nostros animos illapsiones: & Mercurius uocat eos dæmonū sensus, ac dæmonum animos. Cuiusmodi dæmones Eurideas & Pythonas ueteres uocauerunt, quos hominū ingredi corpora solitos, & eorum uti uocibus & linguis ad futurorū prædictiones, & constanter credidit antiquitas: de quibus etiam meminit Plutarchus in Dialogo de causis deficientium oraculorum. Verum Cicero Stoicos secutus, præscientiam futurorum tantundē diis cōpetere affirmat: & Ptolemæus astrologus ait: Soli numine afflati, prædicunt particularia. Astipulatur istis Petrus apostolus, inquiens: Non enim uoluntate humana allata est aliquādo prophetia, sed spiritu sancto inspirati locuti sunt sancti dei homines. Quod autem futurorum uaticinia, diuinarumq; illapsionum propria sit, affirmat Esaias inquiens: Annunciate nobis quæ uentura sunt, & dicemus quia dii estis uos. Illapsiones uero huiusmodi siue sensus non transferunt in animam nostram, quando illa in aliud quidem attentius inhians est occupata: sed transeunt quando uacat: uacatiōis autem eiusmodi tria sunt genera, scilicet furor, raptus & somnium, de quibus singulis nunc per ordinem dicemus.

*Futurorum
præscientiā
solis diis cō-
petere.*

*Tria uacatiōis
genera*

De prima specie furoris à Musis.

Caput XLVI.



Furor est illustratio animæ à diis uel à dæmonibus proueniens, unde Nasonis hoc carmen:

Est deus in nobis, sunt & commercia cœli,
Sedibus æthereis spiritus ille uenit.

Plato hūc definit per alienationem & nexum: abstrahit siquidem ab his quibus corporei sensus excitantur, ab animali homine alienus, numini adhæret, à quo suscipit, quæ propriis uiribus nequit indagare: quādo enim animus liber & solutus, relaxatis corporis habenis, uelut incustodito carcere, licentius egressus, membrorum uincula transgreditur, nullo cohibente, suis stimulis impulsus, diuino spiritu concitatus, omnia cōprehendit & futura præuidet. Sunt autem quatuor diuini furoris specis, à singulis numinibus procedentes, scilicet à Musis, à Dionysio, ab Apolline, & à Venere. Primus itaque furor à Musis procedens, hic animū suscitatur atque temperat, redditq; diuinum, per res naturales superiora trahendo ad inferiora: sunt autem Musæ sphaerarum cœlestium animæ, secundum quas singuli reperiuntur gradus, quibus superiorum ad inferiora fit attractus: horum inferior sphaeram lunæ referens, tenet quæ ex uegetabilibus sunt, ut plantas, fructus arborum, radices, & quæ ex materiis durioribus sunt, ut lapides & metalla, earum alligationes & suspensiones: sic fertur quod lapis selenites, & lapis hyenæ præstant diuinationem: similiter uerbena & herba theangelida uaticinium præstant.

*Furoris diuini
quatuor
species.*

Furor à Musis.

quemadmodum de his superius dictum est. Secundus gradus referēs Mercurium, tenet quæ ex animalibus sunt, & quæ ex diuersarum rerum naturalium adinuicem commixtione componuntur, pocula & esculenta: hoc modo cor talpæ, si quis ipsum recens palpitansq; uorauerit, diuinationi & ad rerum efficiendarum euentum conferre dicitur. Et narrat Rabi Moses Cusensis in commentariis super Leuiticum, esse animal ידידי Iedua dictum, humanæ formæ, cui de umbilici medio emittitur funiculus, quo cucurbitæ instar humo adfigitur: & quantū longitudo illius funiculi protrahitur omnia circumuolans deuorat atq; consumit, uisumq; fallens capi nequit, nisi sagittarum ictu funis amputetur: quo præciso expirat: cuius deinde ossibus certa quadam lege ori impositis, statim quisquis id fecerit, furore corripitur, ac de expetitis quibusq; edicit oracula. Tertius gradus correspondet sphaeræ Veneris: hic tenet pulueres subtilissimos, uapores & odores, & quæ ex his conficiuntur unguenta & suffumigationes, de quibus superius dictum est. Quartus gradus pertinet ad sphaeram Solis: hic tenet uoces, uerba, cantus & sonos harmonicos, per quorum suauem consonantiam turbidam pellit ex anima discordiam, erigitq; animum. Vnde Hermes, Pythagoras, Plato, dissonantē animum iubent cantu & harmonia componere & erigere. Sic Timotheus Alexandrum regem sonis fertur excitasse in furorem: sic sacerdos Calamensis (teste Aurelio Augustino) solebat sese suo arbitratu querula quadā harmonia euocare à corpore in raptum & extasim. de his etiam superius sermo habitus est. Quintus gradus conuenit Marti: hic tenet uehementes imaginationes & animi affectiones, cōceptus & motus, de quibus omnibus supra patet. Sextus gradus respondet Ioui: hic tenet rationis discursus, deliberationes, consultationes moralesq; purgationes: de his partim superius mentio facta est, partim dicetur inferius. Habet præterea sub se admirationes & uenerationes, quorum stupore aliquando phantasia atq; ratio sic infrenantur, ut subito omnes suos actus prætermittant: unde tunc mens ipsa libera, soli numini, siue deo alicui siue dæmoni exposita, supernos diuinosq; concipit influxus, eos scilicet, de quibus antea deliberauerat. Sic legimus Sibyllas ac Pythiæ sacerdotes in Iouis & Apollinis antris oracula suscipere solitos. Septimus gradus refert Saturnum: hic tenet secretiores intelligentias, & tranquillās mentis contemplationes: dico autem hic contemplationem, liberam mentis perspicaciam, in spectacula sapientiæ, cum admiratione suspensam. Nam illa excogitatio quæ per ænigmata aut imagines fit, speculatio autem discursus quidam est, ad Iouem pertinens, non contemplatio. Octauus gradus referens cælum stellatum: hic cœlestium corporum obseruat firmitatem, motum, radios & lumen: tenet quoq; imagines annulos, & similia, quæ ad cœlestium normam fabricantur, de quibus supra dictum est. Nonus gradus correspondet primo mobili, scilicet nonæ sphaeræ siue ipsi uniuerso: hic tenet res magis formales, ut numeros, figuras, characteres, & occultas in

telligentiarum cœli obseruat influentias, cœteraq; mysteria, quæ quia cœlestium numinum & inuocatorum spirituum gerunt effigiem, illos facile alliciūt, & uelut conformitatis quadam necessitate impulsos, accedere cogunt: atque ne recedant facile detinent, de quibus apud Porphyrium in oraculis legimus:

Cessa nunc tandem, & uerbis parce, uirtutēq;
Da requiem, soluens priscas cedensq; figuras,
Et remoue à membris, & lintea dura resolue.

Et ibidem alio loco:

Soluite fersa pedes, liquidis & spargite lymphis
Aquæ, manu ramum laurus auferte uirentis,
Linea sitq; omnis deleta, omnisq; character.

De his omnibus superius ad longum satis tractatum est, & adhuc dicitur inferius.

De secunda specie à Dionysio.

Caput XLVII.



Ecundus autem furor procedit à Dionysio: hic per expiationes exteriores & interiores, & per exorcismata, per sacramenta, per solennia, ritus, phana, obseruationes, animam in mentem supremam sui partem dirigit, ac tanquam dignum & incontaminatum deorum templum efficit, in quo diuini spiritus inhabitet, quos anima tunc uitæ socios possidens, ab illis felicitate, sapientia oraculisque repletur, non in signis aut notis, aut coniecturis, sed concitatione quadam animi, ac soluto liberoq; motu: sic Bacchus Bœotiis, & Epimenides Cois, & Sibylla Erythrea Troianis uaticinabantur. Nonnunquam hic furor contingit per claram uisionem, quandoq; per expressam uocem: sic Socrates à suo dæmone regebatur, cuius monitis sedulo obtemperabat, cuius uocem auribus sæpenumero audiebat, cui etiam forma dæmonis sæpe uisa est. Solent enim fatidici spiritus bene expurgatis animis etiam sese uisibiles præbere & comites, cuius exempla multa sunt in sacris literis, ut in Abrahamo & ancilla eius Agar, in Iacob, Gedeone, Helia, Tobia, Daniele & multis aliis. Sic Adam familiarem consuetudinem habuit cum angelo Raziele: Sem filius Noë, cum Iophiele: Abraham cum Zadkiele: Isaac & Iacob, cū Peliele: Ioseph & Iosue & Daniel, cū Gabriele: Moses cum Metatron: Helias, cum Maltiele: Tobias iunior, cum Raphaële: Dauid cum Cerniele: Manne cum Phadaële: Cenez, cum Ceruele: Ezechiel, cum Hasmaële: Esdras, cum Vriele: Solomon, cum Michaële. Nonnunquam spiritus isti uirtute sua animatū & organicum corpus, siue brutū siue rationale, ingrediūtur & corripiūt, ac anima illius tanq̃ basi utētes, per corporea

Quos angelos antiqui patres familiares habuerint.

instrumenta uoces reddunt, sicut hoc in asina Balaam manifestum est, & in Saul, in quem infiliit spiritus domini & prophetabat. De istis sic ait Apollo in responsis apud Porphyrium:

Carminibus domitus Phœbeus fulgur, ab alto
Defluxit, tacitus purumq; per aera uectus,
Afflatu spirans labensq; in corda sonoro,
Et subiit mentem innocua, sanctiq; pacem
Numinis, & peperit mortali ex gutture uocem.
De tertia specie furoris, ab Apolline. Caput XLVIII.



Ertius uero furor ab Apolline procedit, scilicet mundi mente: Hic sacris quibusdam mysteriis, uotis, sacrificiis, adoratiōibus, inuocationibus & sacris quibusdam artificiis, uel arcanis quibusdam confectionibus, quibus dii sui spiritus uirtutem infuderunt, animam supra mentem assurgere facit, ipsum cum numinibus dæmonibusq; coniūgendo: sicut legimus de Ephod, quo applicato mox prophetabant: sic legimus in libro Senatorum, in capitulis Eleazar, Rabi Ismaëlem confecisse quasdam placentulas, quibusdam diuinis angelicisq; nominibus inscriptas, atq; sic consecratas, quibus qui cum fide, spe & charitate uestebatur, mox prophetico sapientiæ spiritu effulgebat. Legimus ibidem, Rabi Iohenam filium Iochahidis, rudem quendam agricolam nomine Eleazarum, oīs literaturæ expertē, taliter illuminasse, ut repētino fulgore circūfusus, inopinate tam alta legis mysteria in cœtū sapientum concionaretur, ut astantibus omnibus stupori fuerit: & de quodā Heraisco Aegyptio memorię proditum est, illum diuina quadam natura præditum, ita ut solo simulacrorum contuitu, quæ aliquod in se numen haberent, diuino furore protinus concitaretur. Legimus quoq; in sacris literis, cum Saul esset inter prophetas, insillisse super enim spiritū dñi & prophetasse: cūq; à prophetarū cuneo abiret, cessasse prophetare. Simile accidit lictorib⁹ illis quos misit Saul ut caperēt Dauid: qui cum uidissent cuneum prophetarū, & Samuelem stātem super eos, factus est spiritus domini etiam in illis, & prophetarūt etiam ipsi. Tanta est sæpe in prophetis diuino furore correptis diuini luminis exuberantia, ut etiam propinquos illis corripiat, similiq; spiritu furere compellat: non ergo incredibile est aliquem ex ignorante repente posse fieri sapientem, & iterum ex sapiente ignorātem: est enim ars quædam (sed paucissimis cognita) taliter informandi, exornandi, & illustrandi, fidelem & purum hominis animum, ut ex ignorantie tenebris repente ad sapientiæ & doctrinarū lumina euehatur: est econuerso facultas immūdos & incredulos, reconditis quibusdam arcanis, eodem sapientiæ & doctrinarum dono rursus exuere, & pristinæ suę ignorantie restituere. Potest etiam animus humanus (teste Apuleio) præsertim simplex & purus, sacrorū quorundam auocamento ac delinimento soporari & externari ad præsentium obliuionem, ita ut remota corporis me

moria, redigatur in naturam suam diuinam, atque sic diuino lumine lustratus ac furore diuino afflatus, futura rerum prælagire, tum etiam mirabilium quorundam effectuum cum hoc suscipere uirtutem. Vnde inquit Iamblichus: Cum uates dei numine afflantur, nihil timent, nihil uerentur: nam per inuia uadunt, atque in ignem illæsi feruntur, & flumina transeunt. Sic legimus antra quædam, ut Apollinis & Trophonii, & tripodas, & specus, & fontes, & lacus, & eiusmodi hoc modo diis sacrata, uel eo mysterio fabricata fuisse, ut exinde sacerdotes uaticinandi spiritum hauserint, quemadmodum Iamblichus ad Porphyrium: Sibylla (inquit) in Delphis duplici ratione deum suscipere solita est: aut enim per tenuem spiritum, & ignem, qui alicubi ex ore antri prorumpibat: aut ipsa etiam in adytu sedens, super æneam sellam tripodem numini dicatam, & utrobique hoc diuino spiritu acta, uaticinia fundebat: tum plurimus ignis ex antro uolans, uati undique circumfunditur, eamque suo numine repletam agitat, aut sacræ sedi adhærens, per quam deo afflata, protinus ad uaticinia erumpit. Sed & uates fatidica in branchis, quæ in axe consedit, aut uirgam manu gestat à numine sibi aliquo concessam, uel pedes interdum lymbumque undis proluit, uel ignis uaporem ex undis haurit. His omnibus diuino splendore repletur, editaque plena rerum pandit oracula. Legimus etiam in Thraciæ regione adytum fuisse Libero sacrum, ex quo uaticinia & oracula reddi solebāt: cuius templi antistites uino affatim epoto res peragebant. Apud Clarios etiam, ubi Clarii Apollinis templum erat, quibus diuina effari permissum fuerat, aqua prius assumpta res peragebant. Erat etiam fatidicus Achaia Patris fonticulus, ante Cereris templum constitutus, ubi de ægrotorum successibus consulentes, speculum tenui funiculo alligatum, usque ad supremas fontis aquas sensim dimittebant: peractisque certis supplicationibus & suffitibus, rei ipsius euentus in speculo sese offerebat. Erat etiam haud procul ab Epidauro Laconia ciuitate alta palus, quæ Iunonis aqua uocabatur: in quam coniectis frumentaceis placentulis, responsa dabantur: prospera, si undæ iniectas placide retinuissent: aduersa autem, si ueluti aspernatæ illas reiecissent. Simile etiam Aetnæ crateres factitasse proditum est, in quas iniecta numismata aut uictimæ, idem prælagii læti aut tristis, iniectionum retentione uel reiectione ostendebant. Similia quoque narrat Dion in Romana historia, de loco quem Nymphæum appellatum dicit: ubi thure hoc modo in flammis coniecto, oracula capiebantur de omnibus quæ quis scire cupiebat, præterquæ de morte, & quæ ad nuptias pertinerent. Mirum quoque quod de Paliscorum Sicilia fonte tradidit Aristoteles, ad quem iuraturi accedentes, quæcunque affirmare uoluissent, tabellis inscripta & obsignata in fontem deiiciebant: quæ si recta fuissent, super aquas fluitare uidebantur: sin uero falsa & dolo malo peierata, statim mergebantur unà petentes: tum exiliens subito ignis, correptum periurii reum, in ci-

Vates numi
ne afflati, ne
minē timent

neres exurebat. Erat quoque in urbe Dodona quercus, quæ ubi quis ad capiendum responsum ingrediebatur, protinus mouebatur & sonitum edidit: erat & ibidem statua uirgam ferens, quæ lebetem (scilicet peluim) quæ prope aderat percutiebat, ex qua responsum moderatis ictibus peluis referebat. Vnde legitur in Epistola Aufonii ad Paulinum:

Nec Dodonei cessat tinnitus aheni,
Ad numerum quoties radiis ferientibus ictæ,
Respondent dociles moderato uerbere pelues.

De quarta specie furoris à Venere.

Caput XLIX.



Vartus autem furor à Venere proueniens, hic feruenti amore animum in deum conuertit & transmutat, efficitque deo penitus similem, tanquam propriam dei imaginem. Vnde inquit Hermes: O Asclepi, magnum miraculum est homo, animal honorandum & adorandum: hic enim in naturam dei transit, qua ipse fit deus: hic demonum genus nouit, utpote qui cum iisdem ortum se esse cognoscat: hic humanæ naturæ partem in seipso despiciens, alterius partis diuinitate confusus. Anima itaque iam conuersa, deo quoque similis effecta, sic à deo formatur, ut supra omnem intellectum essentiali quodam diuinitatis contactu omnia cognoscat: ideoque amorem Orpheus sine oculis describit, quia est supra intellectum. Iamque etiam anima amore in deum sic conuersa, & supra intellectualem sphaerā sublimata, præter hoc quod integra sua uirtute uaticinii ac prophetiæ spiritum adsecuta sit, aliquando etiam mirabilia & maiora quam ipsa mundi natura operatur, quod quidem opus miraculum appellatur: nam quæ admodum cælum imagine sui, & suo lumine atque calore ea agit quæ uis ignis naturali non efficit qualitate (quod in Alchymicis uel ipsa experientia notissimum est) sic etiam deus per sui imaginem ac lucem ea perficit, quæ mundus innata sibi uirtute agere non potest: imago autem dei homo est, saltem qui iam Venereo furore deo similis effectus, sola uiuit mente, atque capit toto pectore Iouem. Tamen anima hominis secundum Hebræorum doctores ac Cabalistas diffinitur, esse lumen dei, & ad imaginem uerbi causæ causarum primi exemplaris creata, substantia dei, sigilloque figurata, cuius character est uerbum æternum. Quod intuens Hermes Trismegistus, talem hominem ait esse uel cœlicolis præstantiorem, uel saltem æquali sorte potiri.

De raptu & extasi, & uaticiniis quæ iis qui morbo comitali & syncopi corripuntur, & quæ agonizantibus contingunt. Caput L.



Raptus qd.

Aptus est abstractio, & alienatio & illustratio animæ à deo proueniens, per quem deus animam à superis delapsam ad infera, rursus ab inferis retrahit ad supera. Huius causa est in nobis continua cōtemplatio sublimiorum, quæ quatenus profundissima mentis intentione animum incorporeæ sapientiæ coniungit, eatenus uehe-

mentioribus suis agitatiōibus ipsum à sensibilibus corporeq; seuocat, & (ut inquit Plato) taliter quandoq; quòd nonnunq̃ corpus ipsum uel effugiat & quasi dissolui uideatur, quemadmodum Aurelius Augustinus narrat de sacerdote Calamenfi (cuius supra meminimus) lacebat, inq̃t, similimus mortuo, sine anhelitu: & cum ureretur & secaretur, non sentiebat. Tātum igitur est animæ imperium, quando scilicet suam naturam fuerit adsecuta, nec sensuum illecebris grauata, ut uirtute sua subito ascendat, non modo in corpore manens, sed etiam aliquando compedibus soluta extra corpus uolitans ad supercœlestem cohabitationem, ubi iam deo q̃ proxima & q̃ similima, diuinorum effecta receptaculum, diuino lumine oraculisq; repletur. Vnde inquit Zoroastes: Ascendendū tibi est ad lumen ipsum, & ad patris radios, unde tibi missa est anima, plurimam induta mentē. Et Trismegistus ait: Ascendere te oportebit supra cœlos, chorisq; dæmonum longe abesse, & Pythagoras ait: Si tu relinquendo corpus in ætherem liberū transieris, eris immortalis deus. Sic legimus Hermetē, Socratem, Xenocratē, Platonem, Plotinum, Heraclitum, Pythagorā & Zoroastem, raptu solitos seuocari, atq; sic multarum rerum ediscere sapientiam. Legimus etiam apud Herodotum, fuisse in Procōneso philosophum mirifice scientiæ Artheum nomine, eiusq; animā quandoq; corpus exire, ac post uisa longinqua spatia cursus in corpus redire doctiorem. Idem tradit Plinius, consueuisse animā Harmonis Clazomenii, eamq; relicto corpore uagari solitā, multa quoq; ac uera è lōginquo nunciare. Et sunt adhuc in hunc diem apud Nouergios & Pilappios per plures, qui se in totum triduū seuocant à corpore, reuersiq; multa à longinquis renunciant: atq; illos interea custodire oportet, ne quod uiuū animal illos supergrediatur contingatq; aliās ferunt in corpus suum non reuerti. Sciendū ergo quòd (iuxta Aegyptiorum doctrinā) cum anima lumen sit quoddam spirituale, quando à corpore est soluta, omnem locum & omne tempus comprehendit, non secus atq; lumen in laterna inclusum, quia aperta, usq; quaq; diffunditur; neq; deficit: nā ubiq; est & semp: & Cicero in suo de Diuinatione libro ait: Nec aliquādo animus hominis diuinat, nisi cum ita solutus est, ut ei planè nihil sit cum corpore aut parum. Cum igitur peruenerit ad illū statum qui est supremus gradus contemplatiuæ perfectionis, tunc rapitur ab omnibus creatis speciebus, & intelligit non per species acquisitas, sed per inspectionē ad ideas, omniaq; in idearum lumine cognoscit: cuius luminis Plato dicit paucissimos homines participes fieri in hac uita, sed pene deos omnes. Syncopis etiam morbiq; comitiales raptum quodammodo imitantur, atq; in ipsis sapissime sicut in raptu uaticinia proueniunt, quo quidem uaticinādi genere legimus Herculem Arabesq; q̃ plures excelluisse. Et sunt quædam uaticinia, quæ inter confinia naturalium diuinationum & transnaturalia oracula media sunt, uidelicet quæ ex passionis alicuius excessu, ut amore nimio, uel tristitia, uel inter crebra suspiria, aut in mortis agone futu-

Ani à corpore soluta omnē locū & tēpus comprehendit.

ra pronuntiant, sicut apud Statium de matre Achillis:

Nec uana parentum

Expauit uitreo sub gurgite remos.

Inest enim animis nostris quædā uis perspicua & capax rerū oīm, sed caligine corporis & mortalitatis obsita & impedita, post mortē autē immortalitatem consecuta & à corpore soluta, plenam & perfectam habet cognitionem. Hinc accidit morti uicinis & senectæ debilitatis, nonnunquam aliquid insueti luminis, quia anima tunc sensibus minus præpedita est, & acutius intelligit, & iam quasi paululum relaxata uinculis, corpori amplius non omnino obnoxia, & quasi loco quo migratura est uicina, reuelationes facile percipit, quæ agoniis suis permixta, sibi tunc offeruntur. Vnde Ambrosius libro de Fide resurrectionis ait: Anima nostra corporeum istud euadere gestit ergastulū, quæ motu aëreo libera nescit quo uadat aut unde ueniat. Scimus tamē quod corpori superuiuat, & ea iam depositis proprii sensus repagulis expedita, libere cernat obtutu, quæ ante sita in corpore non uidebar, quod exemplo dormientium possumus æstimare, quorum animi uelut quieti sepulto corpore ad altiora se subrigunt, & renunciant corpori rerum absentium uel etiā cælestium uisiones.

De somnio prophetico.

Caput LI.



Omnia dico nunc, quod ex spiritu phantastico & intellectu inuicem unitis, aut per illustrationē intellectus agētis super animā nostrā, aut per mirā reuelationē numinis alicuius, purgata atq; tranquilla mēte procedit: ab hoc enim anima nostra uera recipit oracula, affatimq; nobis uaticinia præstat: nā in somniis & interrogare uidemur, & discere, & legere, & inuenire: multa quoq; dubia, multa cōsilia, multa incognita inopinataq; neq; unquam tentata animis nostris, nobis in somniis patefiūt, apparentq; imagines ignotorū locorū, & simulacra hominū tam uiuentiū q̄ mortuorū: portēdunturq; futura quæ nondum prouenerunt, & reuelantur prouenisse uspiam, quæ nulla adhuc scientiæ fama innotuerunt: & hæc somnia nulla egent alia interpretandi arte, sicut illa de quibus in primo libro locuti sumus, quæ diuinationis sunt, non præscientiæ: contingitq; eos qui uiderunt, ut plurimū non intelligere: quia (ut inquit Abdala Arabs) sicut uidere somnia, est à fortitudine imaginationis: ita intelligere ea, est à fortitudine intellectus. Cuius ergo intellectus nimio carnis demersus cōmercio sopitus est, aut spūs imaginatiuus siue phantasticus tā hebes ac impolitus est, ut superni intellectus species influentesq; imagines nequeat excipere, exceptasq; retinere, hic ad somniorū uaticinia planē inutilis est: Oportet ergo ualentē uera recipere somnia, spiritū phantasticum purum, inconcussū imperturbatumq; seruare, atq; ita componere, ut dignus efficiatur cui mens atq; intellectus præsideat atq; innotescat: talis nanq; spiritus uaticiniis aptissimus, omnium idolorum à rebus undiq; manantium (ut inquit

Somnia uideri, & ea intelligere, unde contingat.

Syneſius) ſpeculū eſt clariffimum. Cum igitur corpore iam ſani ſumus, non perturbati animo, non cibo potius grauati, nec mœrentes inopia, nullisq; nobis obſtrepentibus libidinis aut iracundiæ uitiiſ, caſtè cubitū euntes dormimus, tunc anima noſtra pura atq; diuina, ab omni noxiâ cogitatione ſoluta, per ſomnium iam libera, hoc diuino ſpiritu inſtrumento freta, radian-tes & refulgentes à mentibus diuinis in ſe ſuſcipit radios & effigies, atq; tanq̃ in quodam deiſico ſpeculo, omni intellectus uulgaris indagatiōe rationisq; diſcurſu longe quidem certius, clariuſ efficaciuſq; contuetur, inſtruentibus diuinis poteſtatibus inuitatam ad cœtum illorum animam nocturnæ ſolitudinis opportunitate, neq; etiam tunc uigilanti deerit propitia diuinitas, quæ illius actus moderetur. Quicunq; igitur ſpiritum ſuum meditatione trāquilla ac religioſa, tum per uiſtum temperatum ac moderatum ſecundum naturam conſeruat purum, hoc utitur admodum præparato, ut eiufmodi ratione diuinuſ euadat atq; ſciens: quicunq; uero cōtrā phantaſtico ſpiritu languet, non recipit perſpicua diſcretaq; uiſa: ſed quemadmodum luſcus o-
culus, propter debilitatem conſuſe indiſcreteq; iudicat: ſic etiam quādo cra-
pula uinoq; repleti ſumus, tunc ſpiritus noſter noxiis uaporibus oppreſſuſ
(ſicut aqua turbida ſub eadem forma ſolet diſſimiliter affici) decipitur atq;
hebeſcit, quam ob cauſam Amphiarauſ uates (ut legim⁹ apud Philoſtratuſ)
uolentem recipere oracula, iuſſit integrum diem à cibo, à uino autem tri-
duo abſtinere: quia non poſſit recte uaticinari anima, niſi eſſet uino ciboq;
liberata: ſobriis enim animis ac religioſis, diuinoq; cultui uacantibus, ſolent
dii tribuere oracula. Vnde Orpheuſ exclamat:

ſimile.

Philoſtratuſ
lib. 2. ca. 14.

Nuncie futurorum uaticinator maxime,
Accediſ ad animas ſonum quiete demulctas.

Eaſq; compellans ſuſcitas mentem,

Sententiaſ numinum beatorum eiſ per ſomnium ſubinferiſ,

Silentiſ ſilentibuſ animis uentura pronuncians,

Hiſ inquam animis, quorum mens diuino cultu rectiſſime utitur.

Hinc apud ueteres moriſ erat, ut qui reſpōſa accepturi eſſent, priuſ celebra-
tiſ ſacriſ quibuſdam expiationibuſ & ſacrificiis, peracto diuino cultu, etiam
ſacrato cubiculo, uel ſaltem ſuarum immolationum uelleribuſ, religioſiuſ
incubarent, cuiuſ quidem rituſ meminit Vergiliuſ in hiſ uerſibuſ:

In dubiis reſponſa petunt, huc dona ſacerdoſ

Contulit, & cæſarum ouium ſub nocte ſilenti

Pellibuſ incubuit ſtratiſ, ſomnoſq; petiuit.

Et paulo poſt canit:

Hic & rum pater ipſe petenſ reſponſa Latinuſ,

Centum lanigeras mactabat rite bidentēſ,

Atq; horum effultiſ tergo ſtratiſq; iacebat

Velleribuſ.

Et q̄ Lacedæmoniis præerāt (quod ait Cicero) in Pasiphaë phano somniādi causa recubare solebāt: idē fieri in templo Aesculapii, à quo uera immitti somnia putabātur. & Calabri Podalyriū Aesculapii filium consulturi, iuxta illius sepulchrum in agninis pellibus obdormiscebant: sic nanq; in somniis, de qua quisq; re scire cuperet, admonebatur. Familiarissimum autem tēpus somniorum est nox, quādo sensus uagis obiectis & erroribus meridianis uanisq; affectibus liberati, nec metus pulsat animum, nec uacillat cogitatus, & pacatissima mens, diuinitati perseueranter inhæreat. Sunt autem (ut ait Rabi Iohenan in libro Senatorum) somniorum uerorum quatuor genera: Primum matutinum, quod inter somnium & uigiliam fit: secundum, quod quis uiderit de altero: tertium, cuius interpretatio uisione nocturna ipsi somniatori ostenditur: quartum, quod est eidem somniatori repetitum, iuxta illud quod ait Ioseph ad Pharaonem, inquit: Quod autem uidisti secundo ad eandem rem pertinens somnium, firmitatis indicium est. Est autem firmissimum somnium, quod est de his quæ secum quisq; reuoluit & mente agitat eundo dormitum, sicut scribitur: Tu rex cogitare cœpisti in stratu tuo quod esset futurum post hæc. Oportet autē alienorum somniorum interpretem habere scientiam qua possit distinguere & discernere similitudines rerum omnium, & cognoscere mores omnium gentium, secundum leges quas receperunt de deo & de angelis. Illud præterea sciendum, uix aliquod aut nullū somnium esse absq; re aliqua inani, sicut nullum frumenti granum absq; paleis, quod etiam ipsius Iosephi patriarchæ somnium testatur, quod interpretatus pater Iacob inquit: Quid sibi uult insomnium hoc quod uidisti? num ego & mater tua & fratres tui, adorabimus te super terram? quod quidem de extincta postmodū matre effectū nō est cōsecutū. Hæc etiā Rabi Iohenā in libro prænominato: cui accedēs Rabi Leui, omne somniū propheticum nō pluris q̄ adusq; duos & uiginti annos ait effectū suo posse fraudari: sic Ioseph anno ætatis suæ decimo septimo somniauit quod postea ætatis suæ tricesimo nono prodiit in actū. Volens itaq; nūc diuina suscipere somnia, sit corpore bene disposit⁹, & cerebro à uaporibus, animo à perturbatiōibus libero, eoq; die abstineat à cœna, nec bibat quod inebriare possit: habeat cubiculū mūdum & nitidum, etiam exorcizatum & sacratum, in quo facto suffitu, inūctis temporibus, obuinctis digitis somniorum annulis, supposita capiti celesti imagine, sacraq; charta, inuocato sacris orationibus numine, stratum petat, intēta cogitatione sup re quā scire desiderat: sic enim uerissima & indubia uidebit somnia, cū uera intellectus illuminatione. Quicūq; igitur ea quæ in his libris sparsim de hac re diximus coniungere nouerit, oraculorum & somniorum donum facile obtinebit.

De sortibus & notaminibus certam oraculorum uim possidentibus.

Caput LII.

Somniorū tēpus, nox est.

Somniorū uerorū genera quatuor.

Inanes res somnijs permixte.

Ad diuinorū somniorū susceptiōnem quæ requirantur.



Vnt etiam sortes quædam diuinam oraculorum possidētes uirtutem, ac tanquam diuini iudicii indices, antea multa prece & obsecratione illorum qui hoc exquirunt petitæ, aliquando etiā à deo ipso fieri præceptæ, quemadmodum in Leuitico legitur de hirco offerendo domino, & de capro emissario: & in Numerorum libro, de uirgis tribuum Israël. Iam uero & Moses, & Iosue, missis sortibus in conspectu domini diuiserunt terras & hæreditates tribubus Israël secundum præscriptum dei. Apostoli Christi præmissis precibus, per sortem elegerūt Mathiam in locum proditoris Iudæ. Ionas propheta cum fugiens à facie domini nauigaret Tharsum, suborta tempestate nauē per sortem inuenerunt illum causam periculi, proiectumq; in mare cessasse tempestatem. Narrat Cæsar de. M. Valerio Proculo capto ab hostibus, ter sortibus consultum, utrum igne statim necandus esset, an in aliud tempus reseruandus, sortium beneficio euasisse incolumen. Erat quondam apud Buram Achaia oppidū Herculis oraculum ex talis & abaco constitutum, ubi consulturus de re quam, post peractas deo preces, talos quatuor iaciebat, quorum situm atq; figuras obseruās uates, quid uenturum esset, in abaco scriptum comperiebat: erant autem tali omnes ex hostiarum ossibus confecti. Illud uero sciendum *Nō temere sortiebantur antiq; patres* uetustos patres non solitos qualibet leui de causa mittere sortem, sed aut necessitate aut grandi utilitate urgente, nec nisi cum magna religione, reuerentia, expiationibus, ieiuniis, munditia precibus, inuocationibus, uotis, sacrificiis, cōsecrationibus, cæterisq; adhibitis religionum sacris mysteriis. Solent enim sacra ipsa operibus nostris rite præmissa, ut maxime diuinam prouocare uoluntatem ac beneuolentiam, diuinorumq; spirituum præsentiam, quorum dispensatione sorte directæ, rei quæsitæ ueram suscipimus sententiam. Oportet ergo quemcūq; per sortes operantem, accedere animo bene disposito, non perturbato, non distracto, & cum forti desiderio, firma deliberatione ac constanti intentione sciendi id quod quæsitum fuerit: præterea erga deum & cœlestia puritate, castitate, sanctimonia pollētem, indubia spe & firma fide, sacris orationibus inuocare, ut dignus efficiatur cui diuini spiritus congregiantur, diuinaq; uolūtas innotescat: sic nanq; si fueris dispositus, uirtute sortium maxima secreta tibi patefient, erisq; uates ueridicus, præteritorum, præsentium & futurorum, de quibus fueris requisitus. Quod autem de sortibus hic diximus, etiam in ominū & notaminum auguriis obseruandū est, quando uidelicet cum formidine, tamen firma cum expectatione notamina quædam uaticinandi causa nobis præfigimus, aut signū postulamus, sicut uernaculus Abrahe Eleazar, & Gedeon iudex in Israël fecisse leguntur. Erat quondam Pharis Achaia ciuitate medio foro Mercurii simulacrum, ubi omen accepturus, suffito thure & accensis lucernis quæ ante astabāt, oblatoq; patrio numismate in simulacri dexteram, tum quodcūq; percūctari uoluisset, in simulacri aurem insufurrabat, moxq; ambabus manibus obtu-

*Dispositio
ius, qui per
sortes uult
operari.*

ratis auribus suis, ocyus à foro discedebat: cuius limites egressus, ilico apertis auribus, quā primā uocē excepisset, sibi pro rato omine, & tanq̃ dato oraculo obseruabat. Licet igitur sortes eiusmodi ignorantibus (tanq̃ à casu uel à fortuito euentu sint) nihil rationis habere uideantur, tamen à deo & sublimioribus uirtutibus certis rationibus disponuntur, neq; cadunt præter intentionē eas moderātis. Nonne in electione Saul in regem Israël, fors in illū casu & fortuito cecidisse putabatur? Attamē iam antea à dño statutus fuit rex & unctus à Samuele propheta: & q̃ statuerat illū regē deus, disposuit & sortes ut caderent super illū. Atq; de his hæcenus satis.

Quomodo se disponere debeat uolens suscipere
oracula. Caput LIII.



Vicunq; ad supremū animæ statum accedere cupiens, ad oracula petenda proficiscitur, oportet eū caste sancteq; dispositū, purū mundūq; accedere, ita ut nullius sordis impetigine anima eius inquinetur, nullasq; peccatorū cicatrices pectori gerat impressas: oportebitq; animum penitus segregare & purgare, quatenus naturæ permittat necessitas, ab omni morbo, hebetudine, malitia & eiusmodi passionibus, omniq; irrationali cōditione, quæ sequitur eam tanq̃ ferrū rubigo, rite cōponendo & disponēdo quæ ad mētis pertinet tranquillitatē: sic enim ueriora efficacioraq; accipiet repōsa. Quibus uero purgetur animus, & in diuinā suam restituatur puritatē, à religiōe nobis sapiētiāq; est perdiscendū: neque enim sine religione sapientia, nec sine sapiētia probāda est religio. Sapiētia enim (inquit Solomon) lignū uitæ est his qui apprehenderint eā: & Lucretius ait, eam esse inuentū dei, seu spiraculum dei, ubi canit:

Hic deus ille fuit, deus inclyte Memmi,
Qui princeps uitæ rationem inuenit eam, quæ
Nunc appellatur sapientia, quiq; per artem
Fluctibus è tantis uitam tantisq; tenebris
In tam tranquilla & tam clara luce locauit.

Intelligit quoq; eam esse illustrationē diuinā, unde Democritus nullos uiros sapiētes arbitratur, præter illos qui furore quodā diuino perciti sunt, quē admodū Minos ille Cretēsis, quē ferunt à Ioue cūcta didicisse, cū esset ei in Ida mōte frequēs cū deo cōuersatio: sic etiā Melesagorā Eleusinū Atheniēses ferūt à nymphis edoctū: sic & Hesiodū cū esset pecudū pastor in Bœotia, gregem iuxta quendam Heliconā montē egisset, legimus à Musis condonatum fuisse aliquot calamis: quibus acceptis, poësim repente adeptum esse, quæ quidē & huiusmodi in momento adsequi, pro certo nō est humani animi, sed diuinitus inspirati, uidelicet cui inest deus oīa operans: ipse nanq; deus in animas sanctas se transferēs, prophetas & mirandorū opifices cōstituit, potentes in opere & sermone, sicut asserūt Plato & Mercurius, atq; ipse etiā Xystus Pythagoricus, asserētes eiusmodi hoīem dei tēplum, deū autem

Homo dei tēplum.

hospitem: cui astipulatur & noster Paulus, hominē uocans templū dei, & a-
 libi de seipso inquit: Omnia possum in eo qui me cōfortat deus: ipse enim est
 uirtus nostra, sine quo (ut ipsemet perhibet) nihil possumus, quod etiam A-
 ristoteles in Meteoris & Ethicis fatetur, nullam esse uirtutē, siue naturalem
 siue morālē, nisi per deū: & in secretis suis astruit, intellectū bonū & sanū pos-
 se in naturæ secreta, dūmodo adsit diuinæ uirtutis influentia, aliās nequaquā.
 Hanc autē influentiā tūc solū suscipimus, quādo nos absoluius ab impe-
 dimentis aggrauantibus, à carnalibus & terrenis occupationibus, & ab omni
 externa agitatione: neq; enim potest lippus & immundus oculus res nimiū
 lucentes intueri: nec capere poterit diuina, qui purgationē animi ignorarit.
 Oportet autē pederentim & uelut per gradus quosdā ad hanc animi purita-
 tem peruenire: neq; enim unusquisq; de nouo iis mysteriis initiatus, statim
 lucida omnia cōprehendit, sed assuefaciendus paulatim est animus, quousq;
 in nobis emineat intellectus, ac diuinæ luci applicans illi permisceatur. Ani-
 ma itaq; humana quādo rite fuerit purgata & expiata, tum ab omni uarieta-
 te soluta, libero motu foras emicat, sursum ascēdit, diuina capit etiā seipsam
 erudit, quādo fortē aliunde erudiri uidetur: neq; enim cōmemoratione, neq;
 demonstratione tunc indiget, ob naturalem suā solertiam, tum per mētem
 suā quæ animæ caput & auriga est, suapte natura angelos imitata, non suc-
 cessione, non tempore, sed subitaneo momento quod cupit assequitur. Da-
 uid enim literas non didicit, & ex pastore effectus est uates, & diuinarum re-
 rum scientissimus. Solomon in unius noctis somnio, omniū superum & in-
 ferum sapientia repletus fuit: sic Esaias, Ezechiel, Daniel, ceteriq; prophete
 & apostoli eruditi sunt: potest enim anima (quæ cōmunis Pythagoreorū &
 Platoniorum sententia est) per uiam purgatoriam absq; alio studio uel in-
 uestigatione, per solam modicam & facilimam collationē & aduentitiā, sup-
 iam desuper habita intelligibilia, perfectā omniū scibiliū scientiā acquirere:
 potest etiā per extrinsecā expiationē ad hoc deuenire, ut omnia per substan-
 tialē suā formā indiuisibiliter intelligat. Purgatur autem animus & expia-
 tur per mūditiā, per abstinentiā, per pœnitentiā, per elemosynā: tū etiā cō-
 ferunt ad idem sacra quædā instituta, ut hic inferius patebit, curāda enim est
 anima per religionū studia, uulgo quidē occulta, ut sanitati restituta, uerita-
 te firmata, & diuinis præfidiis munita nō timeat suboriētes concussiones.

*Pederentim
ad animi puri-
tatem perue-
niendum.*

*Dauid, Solo-
mon ceteriq;
prophete & apo-
stoli subito
eruditi.*

*Animus quō
expiandus.*

De munditia, & quomodo obseruanda.

Caput LIIII.



Munditiam igitur imprimis oportebit seruare, in uictu, in operi-
 bus, in affectibus, sordesq; omnes & animi perturbatiōes, & quæ-
 cunq; sensum ac spiritū offendūt, expellere, & quæ insunt homi-
 ni dissimilia cœlo, non solum si in animo & spiritu, uerūetiā si in
 corpore, si circa corpus fuerint: talis nanq; mūditiā exterior animi purita-
 tem haud parū creditur adiuuare. Hanc ob causam philosophi Pythagorici
 auiditate oraculorum capti, diuinis laudibus celebratis, lauabant in flumi-

*Lana, uesti-
tus propheta
nus.*

*Bragmano-
rum habitus
& gestus.*

ne uel balneo, uestibus induebantur albis, atque lineis: nam lanam prophatum uestitum arbitrabantur, tanquam beluinæ sordis excrementum pecori detractum: cubile purum, & prorsus immaculatum habitabant. Simili modo solebant Bragmani Indorum sapientes in fonte qui Dirce appellatur in Beotia, exutis uestibus lauari, oblito prius capite guttis electreis, & odoribus ei rei aptis, deinde postquam pro ritu satis mundi erant, exeundum circiter meridiem, uestiti lino candido, mytra alba, in digitis ferentes anulos, & baculos gestantes manibus. Simili modo apud Gymnosophistas in die ter, & nocte bis lauari aqua frigida sanctum fuit, priusquam sacrorum penetralia ingredi: utebantur etiam lineis uestibus quotidie recenter ablutis. Legimus quoque eiusdem ablutionis ritum apud Hesiodum in Operum atque dierum libro, ubi canit:

Nemo sub aurora Ioui audet fundere uina
Illotis manibus, sed & immortalibus ullis,
Non sic exaudire uolunt, spernuntque precati.

Et alibi:

Prauus ubi fluuium manibus non lotis obiuit,
Hinc dii succensent, tribuentes inde dolores.
Hinc apud Vergilium sic patrem Aeneas alloquitur.
Tu genitor cape sacra manu, patriosque penates,
Me bello ex tanto digressum & caede recenti
Attrectare nephas, donec me flumine uiuo
Abluero.

Mos enim erat gentibus, quando diis superis sacra facturi essent, corpus ab lutione purgare: quando uero diis inferis litandum erat, sola sufficiebat aspersio. Hinc apud Vergilium Dido cum sacra diis inferis institueret, ait:

Annam chara mihi nutrix huc siste sororem,
Dic corpus properet fluuiali spargere lympa.
Et alibi, ubi infert Aeneam apud inferos ramum Proserpine adferentem, ita canit:
Occupat Aeneas adytum, corpusque recenti
Spargit aqua.

Nec non ubi Misenum sepeliendum narrat, canit:
Idem ter socios pura circumtulit unda,
Spargens rore leui, & ramo felicitis oliuæ.

Munditia enim comparata homo celestis atque spiritualis euadit, & ad dei con ruitum unionemque sic disponitur, dum munda corpore & pura mente deo ministrat, & in omnibus munditiam amplectitur, in uisceribus, in cute, in uestibus, in utensilibus, in habitaculis, in muneribus, oblationibus, hostiis, sacrificiis: quorum omnium munditia, etiam aërem purificat, influxumque illum mundissimum celestium & diuinorum attrahit, & mundos dei ministros daemonesque bonos allicit & conuertit: licet nonnunquam etiam immundi spiritus & mali daemones, ueluti bonorum similes, uelut adorentur & deci-

pian, huiusmodi munditiam exquirunt: ideoq; imprimis obseruandum est, ut habeatur animus mundus & corpus purum, ad quæ tunc immundæ potestates nequeunt ascendere.

De abstinentia & ieiuniis, & castitate, solitudine, & animi tranquillitate atque ascensu.

Caput LV.



Abstinentia quoque suos passim obseruatores contra uitia & malos dæmones familiariter munit atque tuetur, & quasi templum dei incontaminatum reddit animum, mentemq; deo coniungit: nihil etiam ad sanitatem complexionisq; temperantiam melius, quam superflua minime congregare, modumq; necessarij uictus non excedere: neque enim nutrimentum natura ualentius adsumendum est, sed quo potius natura sit ualentior, sicuti de Christo asserunt nonnulli, quod ea meta cibum sumebat, ut generaret superfluum quartæ digestionis. Multi quoque alij parcitate cibi simul & sanitate & agilitate corporis gauisi sunt, ut Moses & Helias, qui usque ad quadagesimum diem ieiunium protraxerunt: Vnde ille splendebat facie, & iste subuectus corpus suum ueluti spiritum facile ducebat ad nutum. Nam asserunt magi & philosophi, spiritum nostrum non quemadmodum terrenum, aut corpus ex ciborum aut potuum concoctione per certa organa recepto alimento nutrir, sed spongiarum more per totum corpus undique alimentum suum haurire, uidelicet ex uaporibus tenuissimis corpus undiq; penetrantibus. Itaq; qui spiritum hunc cupiunt habere purum & potentem, cibis utuntur siccioribus, corpusq; hoc crassum ieiuniis extenuant, ac facile permeabile reddunt, ne eius pondere aut crassescat spiritus aut suffocetur, tum lotionibus & fricationibus, & exercitiis, & amictu corpus ipsum mundum conseruant, spiritumq; lustrationibus & suffitibus corroborant, & ad puram tenuemq; sinceritatem perducunt. Debemus igitur in sumendis cibis esse puri atq; abstinentes, quemadmodum philosophi Pythagorici, mensam sacram atq; sobriam seruantes, uitam in omni temperantia protrahebant. Temperantia enim uitæ complexionisq; quia talis nullum infert nobis alicuius superantis humoris tumultum, qui ad ullam imaginem commoueat phantasiam, efficit ut anima nostra sæpissime somnians, nonnunquam etiam uigilans, semper supernis influxibus subiiciatur. Insuper Pythagorici, si quis per abstinentiam prudenter moderetur singulas tum animi tum corporis sui motiones, perpetuam utriusq; sanitatem, ac etiam diuturnam uitam pollicentur. Sic Bragmani nullos ad ipsorum admittebant collegium, nisi abstinentes à uino, & carnibus, & uitis: dicentes neminem posse deum intelligere, nisi qui illum diuina cōuersatione æmularetur: quod etiam inferiores Indos apud Philostratum docuit Phraotes. Præterea abstinere nos oportet ab omnibus quæcunq; animum spiritumq; inficiunt, à cupiditatibus & inuidia, quæ iniustitiæ famulæ sunt (ut

*Temperantia
effectus.*

*A quibus potius
simul homini
abstinendum*

Inquit Hermes) ad mala facinora mentem ac manum impellentes: item ab otio & luxuria: anima enim torpore & libidine suffocata, cœleste aliquid præuidere non potest. Quapropter sacerdotes Atheniensium qui græce Hierophantæ appellantur (ut refert Hieronymus) quo castius in sacris agerent, diuinisq; rebus incumberent, consueuerunt sorbitione cicutæ seipso castrare. Castitas præterea mentis deo deuote, ipsa animam nostram (ut docet Orpheus Museum in omnium deorum hymno) sempiternum ac semper paratum efficit dei templum. Insuper abstinere debemus ab omni multitudine & uarietate sensuum, affectuum, imaginationum, opinionum, & eiusmodi passionibus, quæ lædunt animum ac iudicium rationis peruertunt, sicut palam uidemus in philocaptis, inuidis & ambitiosis: quapropter has passiones Cicero (in Tusculanis quæstionibus) tanquam animi ægritudines & pestiferos nominat morbos. Horatius uero furores appellat uel insanias, ubi canit:

Mille puellarum, puerorum mille furores.

Ecclesiā.

Sentire quoq; uidetur idem, in hoc omnes homines in aliquo stultos esse: unde legitur in Ecclesiastico: Stultorum infinitus est numerus. Iccirco Stoici negant passiones cadere in sapientem, passiones inquam, quæ sequuntur apprehensionem sensitiuam: nam passiones rationales & mentales, sapienti cōcedunt. Sic sentire uidetur etiam Boëthius ubi canit, passiones aliquas abiciendas in inquisitione ueritatis, his uersibus:

| | |
|-----------------|------------------|
| Tu quoq; si uis | Pelle timorem, |
| Lumine claro | Nec dolor adsit, |
| Cernere uerum, | Spemq; fugato, |
| Tramite recto | Nubila mens est |
| Carpere callem: | Vinctaq; frenis |
| Gaudia pelle, | Hæc ubi regnant. |

Oportet igitur nos animum ab omni multitudine & eiusmodi passionibus penitus denudare & auertere, ut ueritatem simplicissimā adsequamur: quod quidem multi philosophorum longi temporis solitudine leguntur assecuti. Animus enim per solitudinem ab omni humanorum negotiorum cura solutus, sacris numinibus ac cœlestibus uacans, eadem quotidie sentit, quæ cœlestia munera cogitant efficere. Sic Moses Hebræorum legislator & maximus prophetarum, ac omni Chaldeorum & Aegyptiorum sapientia eruditus, cum sese à sensibus abstrahere uellet, in uastas Aethiopiæ solitudines concessit, ubi cunctis humanis negotiis prætermis, ad solam diuinarum rerum contemplationem animum mentemq; conuertit, in quo sic omni potenti deo placuit, ut illū facie ad faciē uidere & intueri meruerit, accepta etiā miraculorū illorū stupēda potētia, quæ sacra literę de illo testificari cōspiciuntur. Sic Zoroastes Magorū pater ac princeps, omniū rerū naturalium diuinarumq; scientiā uiginti annorū solitudine dicit assecutus, ubi de omni

diuinandi ac uaticinandi arte plura conscripsit ac fecit. Similia operatum esse Orpheum in Thraciæ desertis, scripta eius ad Museum declarant. Sic legimus Epimenidem Cretensem longissimo quodam somno fuisse eruditum, nam annis quinquaginta dormiuisse aiunt: hoc intelligunt latuisse. Pythagoras quoque similiter decem annis latuisse fertur, atque Heraclitus & Democritus eandem ob causam solitudine delectabatur: quanto magis enim animalē uitam relinquimus & humanam, tanto magis uiuimus angelos & deū, quibus coniuncti & in meliorem sortem restituti, in omnia possumus, omnibus dominantes. Qualiter autem animus noster segregandus sit à uita animali, & ab omni multitudine, atque erigendus, quousque ascendat ad ipsum unum, bonum, uerum, pulchrum, per singulos tam cognobilium quam cognitionū gradus, docet Proclus in cōmentariis super Alcibiadem, ostendēs quomodo im- *Homini quæ*
 primis fugienda sensibilia, ut ad essentiam incorpoream nos transferamus: *potissimum*
 ubi animarū ordinē, multiplicatū tamē per rationes plurimas, habitudines *fugiendæ.*
 proportionēsque uarias, & uincula multa, uarietatemque uirium multiformē superare oportet, & ad intellectum & intelligibilia regna contēdere, & quanto interuallo hæc sint animis meliora, contēplari: porro ipsam etiā intellectualem multitudinē licet unitam & indiuiduā relinquere, atque ad superintellectualem essentialēque unitatem ab omni multitudine absolutam, ipsiusque boni & ueri fontem peruenire. Simili ratione fugere nos oportet, omnē cognitionem multifariam distrahentem atque fallentem, ut ueritatem simplicissimam consequamur. Relinquenda igitur multitudo affectuū, & sensuū, imaginationū, opinionū, quæ tam in se diuersa est, ut alia aliis in quolibet sint contraria, ascendendūque ad scientias, in quibus licet uaria multitudo sit, cōtrarietatem tamē habet nullā: omnes enim sibi inuicē connexæ, & subalternatim una alteri ministrat atque inseruit, usque ad unā ab omnibus præsuppositam, & nullam ulterius supponētem, ad quam omnes cæteras referre oportet: tamen non est ibi summus cognitionum apex, sed super eam est intellectus purus. Itaque depositis omni compositione, diuisione multiformi- que discursu, ad intellectualem uitam simplicemque intuitū ascendentes, intelligibilem essentiam perceptionibus indiuiduis & simplicibus specularēs, ut ipsam summam animæ existentiam, per quam unū sumus, & sub qua unitur multitudo nostra, consequamur: atque sic primū unū, à quo omnibus inest unio, per ipsum unum, tanquam essentiæ nostræ florem attingamus: quod tūc demum assequimur, quando omnē multitudinē fugientes: in ipsam unitatē nostram consurgimus, unūque efficimur & uniformiter agimus.

De pœnitentia & eleemosyna. Caput LVI.



Axima autē purgationū pars est, uolūtaria pœnitētia delictorū: *Potior pur-*
 nā (ut ait Seneca in Thyeste) quæ pœniter peccasse, penē est inno- *gationum*
 cēs. Hæc enim maximā nobis adfert expiationē, dū molestiā de *pars quæ sit.*
 lectamētis oppōit, stupidāque expurgat ex aīa lētitiā, tribuitque uim quāda pecu-

*Pœnitentia
quid.*

liarem ad supera reducentem. Est itaq; pœnitentia non modo mortificatio uitiorum, sed & animæ spiritale martyrium, quæ gladio spiritus ex omni parte confoditur: gladius autem spiritus est uerbū dei. Vnde inquit Hieremias propheta, & etiā Paulus ad Ephesios scribens: Maledictus qui prohibet gladium suum à sanguine: & Psalmista canit: Gladius in labiis ipsorum. Ideo exponendę sunt cogitationes & affectus animi, & omnia mala quæ exeunt de corde & ore nostro, sacerdoti in confessione, ut ipse iuxta uerbum dei ea iudicet, & secundum potestatem illi concessam à deo, pœnitentia iniuncta mundet & expurget, dirigatq; in bonum, neq; uero ullum in religione abolendis piaculis pœnitentia reperitur ualētius sacramentum: hinc dii ipsi (teste Ouidio in Ponto)

Sape leuant pœnas, ereptaq; lumina reddunt,
Quum bene peccati pœnituisse uident.

*Eleemosyna
laus.*

Est adhuc aliud expiationis sacramētum, ipsa uidelicet eleemosyna, de qua parum aut nihil me legisse memini apud philosophos, sed docuit nos illam summa ueritas, inquiens, Date eleemosynam, & omnia munda sunt uobis: & apud Ecclesiasticum legitur: Sicut aqua extinguit ignem, sic eleemosyna extinguit peccatum: & Daniel regē Babylonis docuit, ut eleemosynis redimeret peccata, & Raphael angelus testatur ad Tobiam, Quoniam eleemosyna à morte liberat, & ipsa est quæ purgat peccata & facit inuenire uitam eternam. Hinc Christus ad patrem orare iussit, dimitte sicut dimitimus, & da sicut damus: de quo dixit alibi: Cētuplum accipietis, & uitam eternam possidebitis. Idē iudicaturus uiuos & mortuos, præ cæteris improperebit damnatis, neglectas eleemosynas & misericordiæ opera, dū dicet: Esuriui & sitiui & nō distis mihi manducare neq; bibere: & adhuc in alio loco de pauperibus locutus inq;: Quod uni illorū feceritis mihi fecistis. Quod mihi etiā sensisse uidetur Homer⁹, ubi introducit iuuenē ad Antinoē procū in hæc uerba dicentē: Antinoe non quidem pulchre cecidisti miserum mendicū, perdet te si usq; deus supraccelestis est, nam & dii alienis hospitibus assimilati, in uniuersum exeuntes, ciuitates euertunt hoīm, iniurias simul & nefas aspicientes.

De his quæ extrinsecus administrata ad expiationem
conducunt. Caput LVII.



Reditum est & à sacrorum peritis traditum, expiari etiam animam sacris quibusdam institutis & sacramentis ab extra ministratis, ut per sacrificia, per baptismata, per exorcismata, per benedictiones, per consecrationes, per aquæ purificatæ uel benedictæ aspersiones, etiam per quasdam inunctiones, & suffumigationes, non tam ad hoc sacratas, quàm etiam naturaliter hanc uim possidentes. Hoc modo habet in religionibus locum sulphur, ad expiandum suffitu malos demones: ouū quoq; similiter in purgationibus usurpari solebat, hinc oua lustralia dicta sunt, unde Ouidius:

Veniat quæ lustret anus lectumq; locumq;

Deferat & tremula sulphur & oua manu.

Scribit etiam Proclus, sacerdotes in purificationibus uti solitos sulphure atque asphaltis, aut ablutione aquæ marinæ: quoniam purificat sulphur propter odoris acumen, aqua uero marina propter igneam portionem. Simili modo purificat herba pentaphyllon, quapropter ob puritatem suam sacerdotes antiqui utebantur ea in purificationibus. Similiter & ramis oliuarum: hæc enim tantæ puritatis esse dicitur, ut ferant oliuam à meretrice plātatam, uel infructuosam perpetuo manere, uel omnino exarescere. Simili modo conferunt expiationi thus, myrrha, uerbena, Valeriana, quæ & herba lucia dicitur, Arabice Fu appellatur: item benedicta & gariofilata: similiter fel canis nigri suffitum, in his maxime præstare dicitur, tam ad expiandum demones malos, quàm maleficia ubicunq; fuerint: similiter pennæ upupæ suffitæ phantasmata pellunt. Mirum autem & uix credibile, nisi illud narraret grauis & non contemnendus autor Iosephus, in Hierosolymitana historia, de radice Baaras, à loco iuxta Macheruntem Iudææ oppidum sic nūcupata: hanc ait colore flāmeo, noctu splendorem emittere, captu tamen admodum difficilem, ut captantis manus fallat oculosq; refugiat, neq; prius cōsistat, quā menstruatae mulieris lotio fuerit cōspersa: neq; tamē hoc modo retēta sine periculo euelitur, quippe extrahentē præsentanea mors consequitur, nisi eiusdem radicis amuleto fuerit cōmunitus: quo carentes, terram circumcirca scarificātes, radicem laqueo uinctam cani alligant, ac repente discedunt: tādē nimio conatu secuturus canis, radicem extrahit, & ueluti domini persoluēs uices, illico cōmoritur, nulloq; postmodum periculo radix illa à quouis tractari potest: cuius uis in expiationibus præstantissima, ut etiam eos qui à spiritibus uexantur immundis, protinus liberare cōpertum sit. Materias autē huiusmodi in spirituales substantias agere, fugando uel alliciendo, uel mitigādo, uel incitando, non secus arbitrantur, atq; ignis in Sicilia agit in animas: qui (teste Guilielmo Parisiensi) corpora non lædens, animas intolerabiliter cruciat propinquantium. Cæterum de his partim superius tractatum est.

Mirade radice Baaras.

Ignis in Sicilia.

De adorationibus & uotis.

Caput LVIII.



Adorationes quidem & uota, sacrificia atque oblationes, gradus quidem sunt in sacris ad deum inuestigandum: & qui principaliter diuinam prouocant uoluntatem, atq; sacram indissolubilemq; ad deos conflant animabus communionem, ex orationibus enim quas uerbis ueris & sacris sensu & mēte proferimus, magnā uim cōparamus, quando applicantes illas numini alicui, mouent illud, ut in nos dirigat sermonem suum & responsum, per radium diuinum, quo radio (ut inquit Dionysius) loquitur cum hominibus deus, sed adeo occulte, ut uix pauci percipiant. Percepit autem sæpissime rex ille & propheta Dauid. Quādo (inquit) audiam quid in me loquatur dominus deus? Adoratio itaq; diutissi-

E

me cōtinuata & sepiissime frequētata, perficit intellectū, & animā ad suscipiēda diuina lumina efficit ampliōrē, amorē diuinū accendens, spem fidemq; & mores sacros inferens, animā ab omni contrario & aduerso expurgat, etiam mala multa repellit, quæ alioquin naturaliter euenirēt. Hinc canit Ouidius:

Flectitur iratus uoce rogante deus.

Sæpe Iouem uidi cum sæua mittere uellet

Fulmina, thure dato sustinuisse manum.

Homo ad
deū quō re-
uertatur.

Reuertitur autem homo ad deum per orationes: quo perueniēs (inquit Plato in Phēdro) sistit equos, & cubiculum symposii intrat, ubi pascitur ambrosia & potatur nectare. Ideo qui uirtutē aliquam possidere cupiunt, orandū illis est, & supplicandum crebro ad eum qui in se omnem continet uirtutē.

Votū quid.

Melior autem & optima oratio, quæ nō ore profertur, sed quæ silentio sancto, & cogitatione integra deo offertur, quæq; uoce mentis inclamans, uerbis intellectualis mundi ueneratur præfules deos. Votum autem est ardens affectus casti animi deo deditus, qui uouēdo, quod bonum uidetur, exorat: hic affectus (ut testantur Iamblichus & Proclus) ita animas deo coniungit, ut una aliquando dei atq; animi operatio fiat: dei uidelicet tanq̃ artificis, animi uero tanq̃ instrumenti diuini: hinc per uota nōnunq̃ fieri miracula morbosq; curari, tempestates auerti, & similia, omnis testatur antiquitas. Hinc legimus, excellentissimos quosq; & apud omnes nationes sapientissimos uiros, Indorum Bragmanas, Persarum magos, Aegyptiorum gymnosophistas, Græcorum Chalæorumq; theologos, qui festa deorum & abdita mysteria sanxere, diuinis uotis ac orationibus potissimū incubuisse, ac mirāda

Ad uoti per-
fectionē duo
requiruntur

multa effecisse. Ad uoti autem & adorationis perfectionem (neq; enim sine adoratione uotum, nec sine uoto usq; quaq; perfecta est adoratio) duo potissimum requiruntur, primo uidelicet notio eius quod adorandum & cui uouendū est, ac qua ratione, quo ordine, quibus mediis sit colendū: sunt enim multiplices dei cooperatores & instrumēta, uidelicet cœli, stellæ, administratorii spūs, cœlestesq; animæ ac heroes, quos ueluti ianitores, interpretes, administratores, mediatores, primū implorare oportet eū, q̃ pergit ad archetypū deū, q̃ solus est terminus extremus adoratiōis: cætera numina tanq̃ aditus sunt ad ip̃m deū. Scias itaq; adorationes ac uota ad solū unū deū, summū patrē, deorū oīm regē ac dñm, pura ac pia mēte principaliter faciēda esse: quādo uero ad inferiores deos processerint, nisi subdelegatē à summo patre administrationis minime sit intētio. Itaq; adorationibus ac uotis, quādo ad inferiora numina diriguntur, Zoroastes & Orpheus suffumigationes & characteres & eiusmodi, adhiberi licitum putabant: quādo uero ad supremi Iouis maiestātē erigūtur, fieri illa minime debere: quod etiā Hermes & Plato fieri uerant. Vnde Hermes ad Tatiū: Hoc (inquit) sacrilegio simile est, cū deū ores, uelle thus & similia accēdere: aliena enim hæc sunt (ut ait Porphyrius) ab omni pietate: nihil enim materiale inueniri potest, qđ immateriali deo non

fit obscœnum: iccirco neq; oratio ei, quæ uoce proferatur, conuenit: sed nec interior oratio, si animus uitio contaminetur. Secundo autem requiritur assimilatio quædam uitæ nostræ ad uitam diuinam, puritate, castitate sanctimoniaq; proficiscens, cū eius quod optamus licito desiderio: hoc enim summe diuinam captamus beneuolentiam, diuinęq; subiicimur lagitioni: nam nisi nos purgato animo digni simus exaudiri, tum ea quæ petim' digna sint fieri, manifestum est deos precibus nostris minime adesse: unde inquit diuinus Plato, deum nullis precibus aut donis ad iniqua flecti. Nihil igitur à deo petamus, quod uelle nos indecorum est: hoc enim solo plurimos uidemus orationibus ac uoto frustrari, quia nec ipsi religiose dispositi sunt, nec desideria & petitiones ipsorū fiunt de his, quę sunt deo beneplacita, nec sciūt discernere, quo ordine adorādum sit, & per quos mediatores ipse deus sit ad-eundus: quorum ignorantia, orationes ac preces nostras sæpissime ad nihilū redigit, & uota supplicationibus nostris abnegari facit.

De sacrificiis & oblationibus, eorumq; generibus
& modis.

Caput LIX.



A sacrificium autem est oblatio, quæ & sacra fit offerēdo, & sacrat seu sanctificat offerentem, nisi illum aut irreuerentia, aut aliud quoddam impediatur peccatum. Hæc itaq; sacrificia & oblatiões multam nobis præstant fidutiam, & de familia dei efficiūt, malaq; multa nobis imminetia repellunt: quod quidem Hebræorum doctores præ cæteris confirmant, inquiētes: per hoc quod animalia nostra mactamus, atq; res nostras sacrificio dissipamus, imminētia mala à nobis ad eiusmodi deflecti, tum sicut mortalis hic sacerdos, in hoc inferiore mūdo sacrificat deo animas animalium irrationabiliū, per interitū corporis ab anima, ita Michaël archāgelus sublimioris mūdi sacerdos, sacrificat animas hominū, idq; per separationē animæ à corpore, non corporis ab anima, nisi per accidens, sicut cōtingit in furore, raptu & extasi, & somnio, similibusq; animæ uacationibus, quem Hebræi uocant mortē osculi. Sacrificia uero & oblationes primo ac principaliter ad summū deum facienda sunt: quando autem ad secunda numina diriguntur, hoc intellige fieri, quemadmodum de oratione & uoto dictum est: tum quęcunq; ibi dicta sunt, hic etiam per similitudinem subintelligemus. Sunt uero sacrificiorum plura genera: nam quoddam dicitur holocaustum, quando igne hostia consumitur: quoddā immolatio propter sanguinis effusionē. Præterea quædā dicūtur sacrificia salutaria, quæ fiunt pro salute obtinēda: quædā pacifica, pro pace obtinenda: quædā laudes, pro liberatione à malis uel largitione bonorū: quædā gratulatoria, pro ueneratione diuina & gratiarū actione: quædā etiā fiunt nec propter honorē dei, nec ex bona uolūtate, quale erat apud Hebræos, sacrificiū zelotypiæ, quod solū fiebat causa detegendi occultū adulteriū. Eratq; olim apud gentes sacrificium expiationis, quo expurgabantur ciuitates, fame aut pestilētia, aut alia

*Sacrificio-
rum genera
multa.*

*Expiationis
sacrificium.*

*Sacrificio-
rum genera*

*Verū sacri-
ficiū duplex*

*Ad placan-
dū deū, ne-
cessaria sunt
sacrificia.*

quauis horrenda calamitate laborantes, cuius ritus erat, disquirere quem in ea ciuitate reperire potuissent hoīem turpissimū, illumq; correptū ad locū constitutū deducebāt, caseum cū placenta & ficus siccos manibus gestantē, illumq; septies uirgultis syluestribus uerberatum, lignis syluestribus cōburebant, cineremq; in mare proiiciebant. Meminit horum Lycophron & Hipponax. Nec dissimilia multo narrat Philostratus de Apollonio Tyaneo, dū pestilentia Epheso fugaret. Multa præterea sacrificiorū & uictimarū genera erāt, sicut Agonalia, Dapsa, Farreationes, Hecatōbe, Hostia, Hyacinthia, Armilustra, Ianualia, Lucalia, Lupcalia, Munychia, Nouēdinalia, Nyctiluca, Palatialia, Pastillaria, Popularia, Proteruia, Scēnopegia, Solitaurilia, Stara, Rubigalia, Fontanalia, Ormia, Parētalia, Inferiæ, Cōsualia, Lāpteria, Amburbia, Ambarualia, Viualia, Thyia, Holocaustomata, Orgia, Latialia, Dianetaurica, Bacchanalia, Trieterica, Liberalia, Cocytia, Cerealia, Thesmophoria, Adonia, Theonia, Laurentalia, Opalia, Palilia, Quirinalia, Vertūnalia, Gynēcia, Panathenæa, Quinquatria, Diapalia, Diasia, Horma, Hornea, Nemea, Mytriaca, Palogygia. Erant & horum uictimæ propriæ & diuersæ: nā caper & asinus Bacchi, Cereris porca, Solis equus, Dianæ cerua & canes, Priapi asinus, Isidis anser, Noctis gallus gallinaceus, Fauni capra, Neptuni taurus, Mineruæ capra, Herculis taurus, Saturni puer, Maiæ sus prægnans, Aesculapii gall⁹: Iam uero & Herculi Gnidio probris & cōuiciis sacrificabatur. Erant & sacerdotū uarii ordines, Pōtifices, Flamines, Archiflamines, Phylades, Salii, Hierophantæ, uariaq; religionum & superstitionū nomina, sacrificia, ceremoniæ, festa, consecrationes, dedicationes, uota, deuotiones, piacula, iusiurandū, hostiæ, litamina, quibus seducta gētilitas, falsis diis dæmonibusq; sacrificabat. Verum autem sacrificium purgans hominem, & uniens illū deo, duplex est: unum quod obtulit summus Pontifex Christus in remissionem peccatorum, purificans omnia per sanguinem crucis suæ: alterū, quo homo offert seipsum mundū, immaculatū, in hostiam uiuentem deo, sicut Christus summus sacerdos seipsum obtulit, & docuit nos offerendos simul cum eo sicut ipse oblat⁹ est, dicens de sacramento corporis & sanguinis sui: Hoc facite in meā cōmemorationē: ut uidelicet nos simul mortificatos, per passionē corporis mortalis in spiritu uiuificatos, simul offeramus: de quo ait Porphyrius: Laboremus uitæ nostræ sanctimoniā pro sacrificio offerre: nemo enim bonus dei sacerdos esse potest, nisi qui seipsum hostiam producēs, propriā animā quasi simulacrū quoddā ædificat, & mentē & intellectū in tēplū constituat, in quo diuinā lucē suscipere possit. Externa autē sacrificia (ut ait Heraclitus) medelæ quēdā sunt animarū, à summo medico institutæ: posidet enim malus dæmō hoīem (quod ait Proclus) quousq; per sacrificia expietur: exquirūtur igitur sacrificia, ad deū & uirtutes cœlestes placādas, & ad expiandū hominē, qui & ipse dei & mūdi gerit imaginē. Verū dñs noster Iesus Christus, uerus pōtifex & summus sacerdos omne sacrificium conclusit

in solo pane & uino, tanq̃ in primaria substantia humani cibi, nullorum animalium nec aliarum rerum, aut effusi sanguinis immolatione, in quo mundemur, ulterius indigentes, qui iam in sanguine illius perfecte mundati sumus. Erant etiam apud Aegyptios sexcēta sexaginta sex genera sacrificiorū, tum singulis stellis ac planetis diuinos honores sacraq; sacrificia statuerūt, eo quod essent diuina animalia, intellectualem animam mentemq; diuinā participantia: unde ferunt ipsas stellas suppliciter deprecatas, nostras preces exaudire, & cœlestia dona largiri, non tam naturali quodam pacto, q̃ libero suo arbitrio. Et hoc est quod dicit Iamblichus, cœlestia corpora munda naq; numina, uires quasdam in se diuinas ac superiores, quasdam uero naturales & inferiores habere, quas quidem Orpheus clauēs appellat ad aperiendum & claudendum: atq; per has fatalibus nos influentiis obligare, per illas uero à fato soluere. Vnde si cui infortunium aliquod immineat à Saturno, uel Marte, iubent Magi nō protinus ad Iouem uel Venerem, quam ad eum ipsum confugere Saturnum uel Martem. Sic Apuleiana illa Pŷche, ob formæ parilitatem à Venere persecuta, non à Cerere neq; à Iunone, sed ab ipsa met Venere gratiam promereri coacta est. Sacrificabāt autem singulis stellis cum illi pertinentibus: soli, cum rebus solaribus & suis animalibus, puta lauro, gallo, cygno uel tauro: Veneri per animalia sua, ut columbam uel turturem, & per plantas suas, ut uerbenam, sicut canit Vergilius:

Effer aquam, & molli cinge hæc altaria uitta,

Verbenasq; adole pingues, & mascula thura.

Præterea Magi quodcumq; confectionem aliquam uel naturalem uel artificialem ad stellam aliquam pertinentem perfecerant, hæc postea religiosius eidem stellæ sacrabant & offerebant, non tam ab influxu illius opportune suscepto naturalem uirtutem adepturi, quàm etiam per oblationē ipsam religiosam eandem diuinitus confirmatam fortiolemq; recepturi: oblatio enim cuiuslibet rei, quando deo aliquo modo rite offertur, non secus ac sacrificium ipsa oblatione res illa & deo sanctificatur, & pars eius efficitur. Præterea cœlestibus & æthereis diis cādidę hostiæ mactabantur: terrestribus autem & infernis, nigræ: sed terrestribus super aras, infernis uero in foueis, æthereis autem & aqueis uolatilia: sed illis alba, istis atra. Deniq; omnibus diis dæmonibusq; præterq̃ terrestribus & infernis uolatilia immolabantur, illis autem solæ quadrupedes, simili nanq; simile gaudet. Ex his deniq; quæ cœlestibus & æthereis immolabātur, solummodo uesci licebat, extremitatibus numini referuatis, de aliis minime. Sed hæc omnia Apollinis oraculum his uerbis expressit:

Terna quidem diuis cœlestibus hostia, & ipsa

Candida mactanda est terna & terrestribus, atq;

Atra eadem gaudent. Porro & capiuntur apertis

Cœlestes aris, foueas cum numina contrā

DCLXVI.
sacrificiorū
genera a-
pud Aegy-
ptios.

Stellæ pre-
ces exaudi-
unt, & cœle-
stia dona lar-
giuntur.

Stellis quō
sacrificane-
runt antiq.

Quibus dijs
quæ hostiæ
mactari so-
lite.

Exposcant atro imbutas inferna cruore.
 Nec placeat nisi quæ terræ mandetur humata
 Hostia: mel uero nymphæ atq; liquentia uina
 Afferri lætantur, ac ignem accendier aris,
 Quæ circum uolitant terram sibi numina poscunt,
 Imponiq; atrum corpus, tum thura simulq;
 Iniicier falsas fruges & dulcia liba.
 Hæc facito: uerum quibus est data cura profundi,
 His ipsa semper fer sacra in littore, totum
 Proiiceq; in fluctus animal, cœlestibus autem
 Extremas reddes partes, atq; igne cremabis.
 Quod superest propone tibi dapibusq; reserua,
 Sudet adoratis crassisq; uaporibus ær.

Hæc in libris Responsorum narrat Porphyrius, cui adfentiunt & reliqui: dicunt enim sacrificia hæc media quædā esse naturalia, inter deos & homines: quod asserens Aristoteles inquit, sacrificare deo inest homini à natura. Sunt itaq; inquit, media, quæ utriusq; naturam sapiunt, & diuina analogice representant, habētq; cum eo numine cui offeruntur, simul & cum iis qui expiantur, symbola quædā conuenientissima, sed adeo occulta, ut uix capere queat humanū ingeniū, quæ deus & numina in particulari requirunt pro nostra expiatione, quibus placentur uirtutes cœlestes, & sese contineant ab executione punitionis, quam merentur delicta nostra: atq; hæc sunt (quas uocat Orpheus, clauces quæ aperiunt portas elementorum atq; cœlorum, ut per illas penetret homo ad supercœlestia, & ad illum descendant intelligentiæ cœlorum & dæmones elementorum. Homines autem perfecti & uere religiosi istis nō egent, sed illi soli, qui (ut ait Trismegistus) in harmoniam lapsi, cœlorum & creaturarum serui effecti sunt: qui quia subiiciuntur cœlis, iccirco fauore cœlestis uirtutis corroborandos putant, quousq; altius euolantes, ab illarum præfidentia absoluantur, atq; illis sublimiores euadant.

Quas imprecationes & ritus ueteres adhiberi solebant sacrificiis & oblationibus. Caput LX.

*Sacrifican-
tis uerba.*



Nunc uideamus quas imprecationes oblationibus atq; sacrificiis adiungebant: hæc enim dicebat uel similia, quicūq; offerēs & sacrificās deo: Ego seruator tuus hæc tibi offero & sacrifico, auctorē sc̄t̄itatis te cōfiteor, & ad sanctificandū inuoco hanc oblationē, ut infundas tibi uirtutem spiritus tui alti ac honorati, ut per eam obtineamus quod petimus. Caterum uero sicut res ista præsens oblatione mea, tua efficitur, ita ut de cætero tibi uiuat & moriatur, ita & ego tuus efficiar, qui per hanc oblationem & cōmunionem, per hoc quod ad offerendū & sacrificandū tibi uenio, de familia & cultoribus tuis me esse profiteor. Præterea in immolationibus dicebatur: Sicut istud animal in potestate mea est ad occidendum si

uoluerō, uel ad saluandum: ita in potestate tua est, ad auferendum per iram tuam, uel ad largiendum per beneuolentiam tuam id quod optamus. Denique ubi pro expiatione uel euitatione alicuius mali fiebat sacrificium, dicebatur: Sicut moritur istud animal in manu mea, sic moriatur in me omne uitium & omnis immunditia, uel sic moriatur & annihiletur tale uel tale malum siue incommodum. Item, sicut effunditur sanguis huius animalis de corpore suo, ita effluat à me omne uitium & immunditia. In holocausto dicebatur: sicut hæc oblatio igne isto presenti consumitur, ita quod nihil remaneat ex ea: ita consumatur in me omne malum, seu tale uel tale incommodum, quod tunc uoluerimus repellere & euitare. Mos quoque erat inter imprecandum etiam aram ipsam manibus cōtingere, ab omnibus his pro quibus tale fiebat sacrificium: quique eius participes esse cupiebant, quia litare sola non potest precatio, nisi is qui precatur etiam aram manibus tangat, unde apud Vergilium:

Talibus orantem dictis arasque tenentem

Audiit omnipotens.

Et alibi:

Tango aras medios ignes & numina testor.

Quomodo hæc tum ad deum tum ad inferiora numina exhibenda sunt.

Caput LXI.



Mnis itaque adoratio, oblatio siue sacrificatio, deprecatio, inuocatio in hac uersatur differentia, uidelicet quia aut ad solū deum fit, aut ad inferiora numina, ut angelos, stellas, heroas. In his itaque tales tibi obseruandæ sunt regulæ, ut quoties soli deo offerenda est oratio, ad aliquem effectum obtinendum, hoc fiat cum cōmemoratione alicuius operis, miraculi, sacramenti uel promissionis, alicubi ex sacris scripturis educta: ut si fiat deprecatio pro destructione inimicorum, cōmemoretur, quemadmodum deus destruxerit gigantes in diluuiū aquarum, & conatus Babel in confusione linguarum, Sodomam & Gomorram in pluuia ignis, exercitū Pharaonis in mari Rubro, & eiusmodi: addēdo istis quicquid maledictionis ex psalmis, & hincinde ex sacris literis colligi potest. Cōsimili ratione deprecaturi contra pericula aquarum, commemoremus saluationem Noë in diluuiū, transitum filiorum Israël per medium maris Rubri, & Christum siccis pedibus ambulātem super aquas, eundemque periclitantem saluasse nauiculam, imperasse uentis & fluctibus, & Petrum mergentem eduxisse ex aquis maris, & huiusmodi. Quod si pro oraculis uel somniis petendis, siue ad deum, siue ad angelos & heroas oratio necessaria est, iam se offerunt ex uetere testamēto innumera loca, ubi deus cū hoībus locutus legitur, cū multis admodū uersiculis, præsagia & reuelationes pollicentibus, tū uaria prophetica somnia, Iacob, Ioseph, Pharaonis, Danielis, Nabuchodonosor: tū quicquid in nouo testamēto & uniuersa religiōe inueniunt reuelationū, Ioānis, Pauli, Sctōrū Magorū, tū Helenæ & Cōstātini, & Caroli: tum rea

Incantamen-
torū & ora-
tionū differe-
rentia.

centiorum prophetarū, Methodii, Cyrilli, Ioachim, Merlini, Brigittæ, Mechtyndis, Hildegardis, quorum numina pie inuocata, sæpe reddunt nos diuinorum reuelationum participes. Præterea inuocamus etiam sacra dei nomina, sed ea præcipue, quæ rei optatæ sunt significatiua, siue illis quoquo modo accommodata: ut pro destructione inimicorū inuocamus nomina iræ dei, uindictæ dei, timoris dei, iustitiæ dei, fortitudinis dei: ad euitandum uero periculum aliquod, inuocamus nomina misericordiæ, defensionis, salutis, bonitatis & similia. Porro postulamus nobis eius quod optamus desiderii executorem suum angelum aliquem, siue stellam, siue unum ex heroibus, cui id officii incumbit, ad quem similiter sua dirigatur inuocatio, quæ & ipsa fabricanda est debita numero, pondere & mensura, iuxta regulas traditas ubi de incantamentis componendis tractauimus. Nihil enim interest, nisi quia incantamenta sunt, quatenus animum nostrum afficiunt, eiusque passiones disponunt certis numinibus conformes: orationes autem sunt, quatenus alicui numini pro cultu ac ueneratione exhibentur, & ex hac eadem radice etiam consecrandi ratio sumi potest, de qua nunc consequenter dicemus.

De consecrationibus & earum ratione.

Caput LXII.



Consecratio
nū efficacia
duobus per-
ficitur.

Oratio
eius uis.

Aquæ conse-
cratio.

Consecratio est sublimatio experimentorum, per quam in materiam operum nostrorum secundum artis magicæ traditionem rite & legitime præparatam, anima spiritalis, proportionem & conformitatem tracta, infunditur, opusque nostrum per spiritum intellectus uiuificatur. Efficacia consecrationum duobus potissimum perficitur, uidelicet uirtute ipsius personæ consecrantis, & uirtute ipsius orationis: ritusque quibus consecratio ministratur, in persona requiritur, uitæ sanctimoniam & sanctificandi potestas: primum natura præstat & meritum, secundum per initiationem & dignificationem acquiritur, de quibus diximus alibi: deinde oportet quod ipse consecrans hanc uirtutem & potestatem firma & indubia fide in seipso cognoscat. Quæ autem in oratione requirantur nunc dicere est intentio. Ipsa est quædam sanctificandi potestas illi diuinitus insita, ut si sit ad hoc ipsum à deo sic ordinata, quales plerumque legimus in sacris biblicæ eloquiis: uel si sit uirtute spiritus sancti ex ordinatione ecclesiæ ad hoc instituta: eiusmodi plures etiam passim extant: aut inest hæc sanctimoniam ipsi orationi non uirtute institutionis, sed commemorationis rerum sacrarum, ut puta sacrarum literarum, historiarum, miraculorum, operum, effectuum, gratiarum, promissionum, sacramentorum & sacramentalium, quæ rei consecrandæ proprie uel improprie, uel per similitudinem aliquam cohærere uidebuntur: atque huius nunc exempla aliqua dabimus, per quæ facile patebit uia ad totam hanc considerationem. Sic in consecratione aquæ commemoratio fit, quoniam deus collocauerit firmamentum in medio aquarum: quoniam in paradiso terrestri sacrum constituit fontem, ex quo per quatuor sacra flumina irrigatur uniuersus orbis terrarum: quoniam fecit aquas iustitiæ suæ instru-

mentum in destructione gigantum, per diluuium generale super omnem terram: & in destructione exercitus Pharaonis, in mari Rubro: & quoniam eduxit populum suum siccis pedibus per mediū maris Rubri, & per mediū Iordanis: & quoniam miraculose eduxit aquā de petra deserti, & eduxit fontem aquæ uiuæ ex dente molari maxillæ asini ad preces Samsonis: & quoniam posuit aquas instrumentū misericordiæ suæ atq; lauamen salutis in remissionē peccatorum: & quoniam Christus baptizatus in Iordane, inundauit & sanctificauit aquas, & huiusmodi: inuocādo insuper diuina nomina ad hæc conformia ut puta cum deus ipse uocatur fons uiuus, aqua uiua, flumen uiuū. Similitudine in cōsecratione ignis, fit cōmemoratio, quoniam deus creauit ignem iustitiæ suæ instrumentū in pœnam, uindictam & purgationē peccatorū, & iudicaturus mundū ipsius cōflagrationē præcedere iubebit, qui apparuit Moysi in rubo ignis ardentis, qui præcessit filios Israël in colūna ignis, qui constituit ignem inextinguibilem conseruandū in tabernaculo fœderis, & eundē extinctum miraculose reaccendit, & sub aquis latentem inextinctū seruaui, & consimilia. Tum se etiam offerunt diuina nomina, ut quia deus ignis consumens est, ignis conflans est, & quæ his propria sunt, ut splendor dei, lux dei, lumen dei, & huiusmodi. Sic in consecratione olei commemorantur sacra ad hoc pertinentia, ut apud Exodum de oleo unctionis & thymiamate, nominaq; sacra his conformia, quale est nomen Christus, quod unctum sonat, & si quid huiusmodi in mysteriis est: & quale illud Apocalypsis de duabus oliuis stillantibus oleum sanctum in lampades ardentes ante faciem dei. Sic in consecratione locorum fit commemoratio montis Sinai, tabernaculi fœderis, sanctæ sanctorum, templi Solomonis, & sanctificationis collis Golgotha per mysterium passionis Christi, & agri qui emptus est de pretio sanguinis CHRISTI: Item montis Tabor, ubi transfiguratio cœlorumq; ascensus facta sunt, adhibitis sacris nominibus, ut loci dei, throni dei, cathedræ dei, tabernaculi dei, aræ dei, sedis dei, habitaculi dei, & huiusmodi. Simili uia in aliarum rerum benedictionibus procedes, inquirendo ex sacris scripturis diuinis que nominibus & religionis sanctimonia, quæ rei huic quoquo modo congruere uidentur. Exempli gratia: Si charta sit uel liber, habes ex mysteriis quæ commemores, tabulas decem præceptorum datas Moysi super monte Sinai, & sanctificationem legis & prophetarum scripturarumq; per spiritum sanctum promulgatarum: atque succurrent diuina nomina, testamenti dei, libri dei, libri uitæ, scientiæ dei, sapientiæ dei & consimilia. Sic etiam si benedicendus sit gladius, habes quod commemores ex secundo Machabeorum: quia Iudæ Machabeo diuinitus missus est, gladius ut concideret inimicos populi Israël: habes & in prophetis uerbum: Accipite uobis gladios bifacutos: habes & in euangeliiis, diuenditis tunicis emendos gladios: habes & in Dauidica historia, uisum angelum cruentatum gladium recondentem &

ignis consecratio.

Olei consecratio.

Loc. rui consecratio.

huiusmodi plura in prophetis & Apocalypsi inuenies, sacraq; nomina gladii dei, uirgē dei, baculi dei, uindictæ dei & huiusmodi. Et hæc de consecrationibus & benedictionibus realibus exemplificata, sufficiant: ex quibus personales consecrationes benedictionesq; facileprehenduntur. Sed est adhuc *Alius consecrandi & expiandi ritus.* alius consecrandi & expiandi ritus, potens & multæ efficaciam, qui ex generibus superstitionum est, quando uidelicet ritus alicuius sacramenti transsumitur ad aliquam rem, quæ consecranda uel expianda intenditur, utputa ritus baptismi, confirmationis, funeris & huiusmodi. Sciendum insuper uotum, oblationem, sacrificium, uim quandam habere consecrationis tam realis quàm personalis, quatenus res uel personæ, certis numinibus deuouentur & offeruntur.

Quæ dicantur sacra, quæ consecrata: & quomodo hæc se habeant inter nos aque diuos, ac de sacris temporibus. Caput LXIII.

Sacra.



Mysterium. Incuntur autem sacra, quęcunq; ab ipsis diis uel dæmonibus suis adfistētis sunt sacrata, tanq̃ (ut ita loquar) à diis ipsis nobis dedicata: hoc modo dicimus sacros dæmones, quia in ipsis deus habitat, cuius nomen sæpe ferre dicuntur. Vnde legitur in Exodo: Ego mittam angelum meum qui præcedet te, obserues eum, nec contemnēdum putes, quia est nomen meum in illo. Sic etiam mysteria sacra dicuntur. Est enim mysterium quod sacratam & occultam uirtutem habet & gratiam à diis uel à dæmonibus collatam, uel ab ipso summo deo dispensatam, quem admodum sunt sacra nomina & characteres, de quibus supra dictum est. Sic crux ipsa sacra & mysteriosa, Iesu Christi passione sacrata: hinc etiam orationes & preces quædam sacræ & mysticæ nuncupatur, quæ non hominum deuotione, sed diuina reuelatione institutæ sunt, quemadmodum legimus in Euangelis, Christum instituisse orationē dominicam. Simili modo & consecrationes quædam sacræ dicuntur, quibus deus singularem suę uirtutis radium indidit, sicut legimus in Exodo de thymiamate & oleo unctiōis, & sicut apud nos fons sacer & sacrum chrisma, & oleum catechumenō & eiusmodi. Est & aliud sacrorum genus, quo sacra dicimus, quæ ab hominibus deo dedicata & consecrata sunt, quemadmodum uota & sacrificia, de quibus supra dictum est. Vnde Vergilius:

At Cæsar triplici inuectus Romana triumpho
Mœnia, diis Italis uotum immortale sacrabat.
Et Ouidius in Metamorphoseon libris canit:
Festa dies aderat, qua cygni uector Achilles
Pallada mactatæ placabat sanguine uaccæ,
Munus ut imposuit profecta calentibus aris,
Et diis acceptus penetrauit in æthera nidor:
Sacra tulere suam, pars est data cætera mensis.

Simili modo dicuntur sacra simulacra, delubra, idola, statuę, imagines, picturę ad deorum similitudinem effecta, uel diis ipsis dedicata, quemadmodum canit Orpheus in hymno ad Lyciam Venerem:

Nostri nanq; duces patrię diuina tuentes
Oppidulum propter sacrum statuere colossum.

Et Vergilius:

Tu genitor cape sacra manu patriosq; penates.

Hinc diuinus Plato in undecimo de legibus, præcepit honorandas esse sacras deorum statuas & imagines, non propter se, sed quia deos nobis repræsentant, quemadmodum antiqui uenerabantur Iouis illud simulacrum, ita interpretati: nam per hoc quod hominis simulacrum gerit, significari quoniã *Iouis simulacri interpretatio.* mens est, quę cuncta ratione seminali producit: sedere autē fingitur, ut stabilis uirtus atq; incommutabilis exprimatur: nuda apertaq; habet superiora, quoniam conspicuus est intelligentiis & superioribus: inferiora uero teguntur, quoniã occultatur inferioribus creaturis: sceptrũ læua tenet, quia in his corporis partibus spiritalissimum uitę domicilium inuenitur: creator autē intellectus, rex spiritusq; uiuificus mundi est: dextra uero & aquilam protendit, & uictoriam: alterum, quia cæterorum deorum dominus, quemadmodum aliarum auium aquila est: alterum, quia omnia sibi subiecta sunt. Simili modo & nos ueneramur figuram agni, quia repræsentat Christum: & figuram columbę, quia notat spiritum sanctum: & figuras leonis, bouis, aquilę, hominis, significantes euangelistas, & alias similes, quas in reuelationibus prophetarum, in sacris literis uariis locis reperimus expressas. Quin ipsę quoq; ad consimiles reuelationes & somnia conferunt, & sacra picturę iccirco dicuntur. Sunt etiam sacri ritus & sacre obseruationes, quę fiunt ad uenerationem deorum & religionis, quemadmodum sunt gestus deuoti, genuflexiones, capitis apertiones, ablutiones, aquę benedictę aspersiones, suffumigationes, exteriores expiationes, item supplicationum processiones: & laudum diuinarum exterior ornatus, ut musicalis resonantia, cereorum & lampadum accensio, signorum & campanarum pulsatio, templorum, altarium & simulacrorum ornatus, in quibus omnibus summus ac speciosissimus cultus ac decor requiritur: quare adhibentur ad hæc quęcunq; speciosissima & pulcherrima & pretiosa, aurum, argentum & lapides pretiosi & eiusmodi: quę quidem uenerationes, & sacra exteriora sunt tanq̃ eruditiones, & inuitationes ad sacra spiritualia, ad impetranda beneficia deorum, sicut de his testata est Proserpina his uersibus:

Quis nam hominum formas æris neglexerit unq̃,
Aut auri flaua, aut argenti candida dona:
Quis non miretur, quis non hæc ipsa deorum
Dixerit?

Dicuntur etiam sacri sacerdotes numinum deorumq; ministri, & ipsis sacra-
ti: tū & sacra quælibet administrantes, resq; consecrātes. Vnde Lucanus:

Pontifices sacri, quibus est permessa potestas.

Et Vergilius de Heleno Apollinis sacerdote ait:

Exorat pacem diuum, uittasq; resoluit

Sacrati capitis.

Sunt uero sacra huiusmodi tanq̃ quædam pacta inter deos & nos sub laude,
uel ueneratione, uel obedientia exhibita, quibus mediantibus sæpe uirtutem
aliquam mirandam obtinemus ab eo numine, cui talis ueneratio impendi-
tur: sic sunt sacri hymni, & sermones & exorcismata, & incantationes, & uo-
ces, quæ ad deorum laudes & uenerationes sunt composita & dedicata. Vn-
de Orpheus in carmine ad astra compositum:

Vocibus ergo sacris, iam dæmones inuoco puros.

Et ecclesia primitiua utebatur sacris quibusdam incantamentis, contrā mor-
bos, & tempestates, quæ omnia sub ueneratione alicuius numinis uel pro-
nunciando orantes, uel etiam aliquando scripta, appensa siue alligata deferē-
tes, sæpe uirtutem aliquam à tali numine obtinemus, quam homines ualde
admirantur: hoc modo sunt etiā sacra nomina, figuræ & characteres, & signa-
cula, quæ contemplatiui homines pro arcanis suis uotis, pura mente, ad dei
uenerationem deuouerunt, dedicarunt & consecrarunt, quæ quidem si po-
stea quispiam eadem mentis puritate, qua primitus sunt instituta pronun-
ciet, mirabilia similiter efficiet, tum etiam quatenus seruetur modus & regu-
la à primo institutore tradita: nam qui hæc ignorant, operam perdunt, & fru-
stra laborant. Hoc modo non solum uerbis barbaris, sed etiam Hebræis, Ae-
gyptiis, Græcis, Latinis, & alterius cuiusq; linguæ nominibus, deo deuotis, ac
sua essentia, uel uirtuti, uel operationi attributis ac dedicatis, mira aliquan-
do efficimus. Sic sunt apud Iamblichū nomina scilicet Osiris, Iētō, Emeph,
Ptha, Epies, Amun: sic apud Platonem, & Græcos, *ὡν, ὅν, τὰν, ὅν*, sic Græci uocant
Iouem *ἰὺνα, ὅτι τὸ ἰὺν* quod est uiuere, quia singulis uitam præbet: similiter *μῆτα*,
quod signat per, quia per ipsum omnia fiunt: sic *ὁ θάνατος*, quod significat im-
mortalem. Sic apud Latinos dicitur Iupiter, quasi iuuans pater, & ho-
rum similia, quemadmodum & propria quædam nomina etiam homini-
bus ad uotum tribuuntur, ut Eutychem, Sositam Theophilum, hoc est pro-
sperum, seruitorē, deo charum. Similiter res quædam materiales concipiunt
haud parum sanctitatis ac uirtutis ex cōsecratione, maxime sacerdotali, quæ
admodum uidemus sigilla illa corea, quibus inscripta habetur figura agno-
rum, uirtutem accipere per benedictionem Romani pontificis, contra ful-
gura & tempestates ne lædant ea gestantes: inspiratur enim diuina uirtus, in
sacratas huiusmodi imagines, & continetur in illis, quasi in sacra quadā lite-
ra, quæ dei habet imaginem. Similem uirtutem accipiunt cerei illi benedicti
in festo paschæ, & in festo Purificationis diuæ uirginis: similiter campanæ, ex

Mira in no-
minibus quæ-
dam uis.

consecratione & benedictione sua accipiunt uirtutem, ut arceant & compescant fulgura & tempestates, ne noceant in locis ubi sonitus earum eo tempore auditus fuerit. Simili modo sal & aqua per suas benedictiones & exorcismata accipiunt uirtutem expiandi & effugandi malos demones, & sic de similibus. Sunt etiam sacra tempora, apud omnis religionis gentes summa semper ueneratione obseruata, quæ aut à diis ipsis sanctificari nobis præcepta, aut à patribus & maioribus in accepti à diis beneficii cōmemorationem perpetuamq; gratiarū actionē illis dedicata. Sic Hebræi sua sabbatha, sic ethnici suas ferias, sic nos sacrorum nostrorū solennes dies summa semper celebritate accepimus uenerandos. Sunt etiā his cōtraria tempora, quæ *Tēpora piacularia.* piacularia dicimus, & quos dies atros uocamus, eo quod illis diebus insignē aliquā cladē calamitatem uel respublica passa esset: cuiusmodi apud Romanos erat ante diē quartū nonas sextilis: quia eo die cladem illā uastissimā pugnæ Cannensis passi sunt: simili ratione dies omnes postriduani, atri dicti *Atri dies.* sunt, quibus sæpissime ab illis male dimicatum est. Sic apud Iudæos dies atri sunt, decimus septimus mensis Iunii, quoniam eo die Moſen confregisse tabulas, Manassen erexisse idolū in sancta sanctorū, murosq; Hierusalem ab hostibus dirutos ratum habent. Similiter ater illis dies est nonus Iulii, quia eo die utraq; templi destructio perpetrata est. Hac ratioē dicti sunt dies Aegyptiaci, olim ab Aegyptiis obseruati: & quælibet natio hac ratione similem sibi faustorum infaustorumq; dierum calculum facile fabricare potest: atque hos sacros religiososq; dies Magi non secus q̃ planetarios dies cœlestesq; dispositiones obseruari iubent: quin illos multo efficaciores esse perhibēt, maxime ad spirituales diuināsq; uirtutes adsequēdas: quia illorum uirtus atq; influentia non tam ab elementis corporibusq; cœlestibus, sed ab intelligibili supercœlestiq; mundo descendens, communibusq; diuorum suffragiis adiuta, nulla cœlestium corporum aduersante dispositione frangatur, nec elementorum corruptibili contagione frustretur, modo nō desit firma credulitas ac ueneratio religiosa, hoc est, cum metu horroreq; coniuncta, id enim proprie sonat religio. Hinc dies illi religiosi dicti, quos nefas est uiolare, quos anxie obseruamus, metuentes ingens aliquod malum, si quid in illis secus factum sit quàm oportet.

De religiosis quibusdam obseruationibus, ceremoniis
& ritibus suffituum, unctionum & similibum.

Caput

LXIII.



V igitur quicumq; in hac facultate operari desideras, in primis piis precibus obsecra deum patrem unum, ut tu quoq; sis unus illius clementia dignus, sis mūdus ab intra & ab extra, & in loco mundo, quia scriptum est in Leuitico: Omnis homo qui accerserit ad ea quæ cōsecrata sunt, in quo est immūditia, peribit coram dño. Propterea lauare sæpius, & per statutos dies, iuxta numerorū mysteria: induas ue

F

stesundas, & abstineas ab omni immunditia, pollutione & libidine: nolū enim dii exaudire hominem (ut ait Porphyrius) qui multis diebus ab operatione Venerea se nō abstinuit. Non iungaris mulieri pollutæ uel menstruatæ, nec illi qui patitur hæmorrhæam: non tãgas rem immundam, nec morticinium. Vnde inquit Porphyrius: Qui mortuū tetigerit, ei ad oracula accedere non licet: Fortè, quia quadā funebris nidoris affinitate corruptus animus, concipiendis diuinis influxibus redditur ineptus. Lauabis te & inūges, & fumigabis, & offeras sacrificia: suscipit enim deus in odorē suauissimū, quæ illi fiūt ab homine purificato & disposito, simulq; cōscendentē cū illa suffumigatione orationē & oblationē suā, sicut canit Psalmista: Dirigatur dñe ad te oratio mea, sicut incensum in cōspectu tuo. Præterea delectatur in his suffumigiis & odoramētis anima ipsius dei proles & imago, suscipiens illa per nares illas, per quas & ipsa intrauit in hūc corporeū hominē, & per quas (testāte Iob) aliquādo emittūtur spiritus uiuacissimi, qui retineri nequeunt in corde hominis, aut bili, aut labore æstuant: unde à multis odoratus omniū sensuū uiuacior & spiritualior existimatus est. Fumigia præterea, sacrificiū & unctio penetrant omnia, & aperiunt portas elementorū atque cœlorum, ut per illas homo possit uidere & cognoscere secreta creatoris, res cœlestes, & quæ supra cœlos sunt, & quæ descendunt de cœlis, sicut sunt angeli, & spiritus speluncarum & profundorum, phantasmata desertorum locorum, ut ueniant, appareant, compareant & obediant: faciuntq; pacatos omnes spiritus, & attrahunt sicut Magnes ferrum, coniunguntq; cum elementis, & faciunt spiritus accipere corpora: plurimum siquidem spiritale corpus iis crassescit, obesiūq; euadit: etenim uaporibus uiuit, & fumigationibus, & libaminum nīdoribus. Quicquid præterea operaris, fac pleno affectu ac cordis desiderio, ut faueat tibi clemētia cœli cœlestiumq; omnium, quorū fauorem ut magis prosequaris, mirū in modū conferūt adaptatio loci, tēporis, professionis, cōsuetudinis, uictus, habitus, exercitii, etiā nominis: in his enim nō solū mutatur uis naturæ, sed etiā superatur: multum enim cōfert locus fortunatus ad fauorem. Neq; ab re locutus est deus ad Abraham, ut ueniret ad terram quā monstraret illi: & perrexit Abraham uadens & proficiscens ad meridiem. Similiter Isaac uenit in Gerarath, ubi seminauit & collegit cētuplū, & effectus est diues ualde. Quis autē sit locus unicuiq; congruus, ex cuiusq; genesi scrutandū erit: quod qui nequiuerit, is obseruet ubi potissime spirit⁹ suus recreet, ubi sensus uegetiores sint, ubi corporis sanitas & robur plus proficiāt, ubi negotia melius succedāt, ubi plures faueant, ubi infensi succūbant: hanc regionē, hunc locum sciat sibi à deo superisq; præordinatū, & à cœlis dispositū atque paratum. Hunc ergo locū cole, & pro tēpore & negotio muta: infaustū autē locū semp fugito. Nomina etiā fausta res nostras fortunatiores reddūt: infausta uero, infelicitāt. Hinc Romani olim in delectu militū cōscribēdo cauebāt, ne primo militi esset nomē aliqua ex parte infaustum. Et in locādis

Fortunatus
locus ad fa-
uorē cōfert.

uectigalibus, & lustrandis coloniis aut exercitibus, CENSUS. bonis non minus eligebant. Tum & infaustis nominibus in felicia mutatis, rerum quoque fortunam in melius mutari crediderunt. Sic Epidamnium, ne in damnum eorum nauigantes irent, Dyrrachium uocari instituerunt. Eadem ratione Maleoton, ne quid mali adferret, Beneuentum uocauerunt. Lacum uero Lucrinum, ob nominis felicitatem, omnium felicissimum putauerunt. Horas etiam, & dies pro operibus tuis elige, neque enim sine causa dixit saluator: Nonne duodecim sunt horae diei, & quae sequuntur. Tempora enim rebus nostris certa fortunam praestare posse docuerunt Astrologi, obseruarunt magi. Omnes denique sapientissimi ueteres in hoc consentiunt, permaximi interesse, quod quidque temporis momento, quae uel coelestium dispositione in hoc mundo esse suum acceperit, non tam naturale, quam etiam artificiale: Tantam enim uim habere hoc initii momentum tradiderunt, ut omnem fortunae cursum, inde pendere & praedici posse, pari que ratione ex cuiusque rei fortunae successibus, illius initium retro scrutari posse, & firmiter crederent, & ipsa experientia teste adseuerarent, quemadmodum Sulla Astrologus, Caligulae consulenti de natura certissimam necesse appropinquare praedixit. Metheon astrologus, Atheniensibus in Syracusanos expeditionem agitantibus, futuram belli calamitatem prauidit: iisdem nauigaturis in Siciliam, Meson astrologus tempestatem praedixit. Anaxagoras hac temporum scientia, quibus diebus saxum a sole casurum esset, praemonuit, sicut postea factum est ad Aegos Thraciae flumen. Contra, L. Tarnucius Firmianus ex Romuli gestis atque fortuna & conceptionem & natiuitatem illius inuenit. Idem urbis Romae natalem diem adinuenit, ex annotatis illius fortunae successibus. Sic etiam mundi initium genituram uel, ex rerum euentibus compertam fuisse, refert Maternus. Quod autem tempora in rebus naturalibus plurimum possint, multis exemplis patere potest. Sunt namque arbores, quae post solstitium inuertunt sua folia, ut populus, ulmus, olea, tilea, alba salix. Et cochylia, & cancri, & ostreae, crescete luna augescunt, de crescete macrescunt: & maria suo fluxu atque refluxu, lunae motus temporaque obseruant. Et Euripus in Euboea nonne septies mira celeritate defluit & refluit? Idem tribus diebus unoquoque mense, uidelicet septima, octaua, nona luna, stat immotus. Et apud Troglodytas lacus est, qui ter in die fit amarus ac salus, & rursus dulcis. Iam uero die brumali cum marcet omnia, pulegium aridum florescit. Eodem die aiunt inflatas uesicas disrumpi: salictorum folia, & malorum granaueri ac circumagi. Et manifestum est, id quod ego & in Italia & Gallia uidi, & satione eius noui, uidelicet nucem quae per totum annum arida, sub ipsa diui Iohannis Vigilia, & folia, & flores, & maturos fructus produceret. Et totum hoc miraculum ex sola temporis obseruatione in satione illius consistit. Quod autem tempora rebus artificialibus aliquas mirabiles possint praestare uirtutes, ipsi Astrologi in suis Electionum & Imaginum libris constanter affirmant. Et hac ratione legimus apud Plutarchum, Simulacrum apud Peleneos ea arte fabricatum fuisse,

Tempora fortunam praestare possunt.

quod quoquouersus spectasset, oīa terrore & maxima perturbatione cōficiebat ita quod nemo prē timore auderet illud intueri. Et in uita Apollonii legim⁹ magos apud Babylonē tecto alligasse quatuor aureas alites, quas decorū linguas appellabāt, uimq; illis fuisse, ut aīos multitudinis & regis amorē obediētiāq; cōciliarēt. In Chio insula Dianę facies erat in sublimi posita, cuius uultus introeūtibus tristis, exeūtibus hilaris uidebat. Apud Troadē circa simulacrū Mineruę, relicta sacrificia nō putrescebant. In phano Veneris apud Paphos, in area nō pluebat. Ex tumulo Antæi siqd erutū fuisset, imbres ē cœlo spargebant, donec quod effosū fuerat, restitueretur. In tumulo regis Bibrię Pōti, laurus extabat, à qua siqd decerptū in nauim q̄s intulisset, nō cessabant illic iurgia, q̄ diu nō fuisset abiectū. In insula Boristhene ædē Achillis nulla auis infestabat. Romę ædē Herculis in foro Boario nec musca, nec canis intrabat. In Olyntho Thracię loc⁹ erat, in quē si scarabē⁹ incidisset, nō poterat exire, sed distorquēs sese, immoriebat. Innūera ferē exēpla adferre possem, & his multo mirabiliora, q̄ arti imaginū & obseruatione tēporū facta fuisse narrat antiq̄tas. Sed ne quis ista iā pridē obsoleta minus credat, & pro nugis reputet, recētiora quādā & p̄ hęc tēpora adhuc locis nōnullis extātia, artificiosa miracula istis addā. Nam arte imaginū effectū dicit, quod Byzātio serpētes neminē lædāt, graculiq; intra mœnia nō peruolēt. Quod Creta noctuā nō ferat, quod in agro Neapolitano cicadę nō audiātur, qd Venetiis publicatorū tecta nullū genus muscarū subit, quod apud Toletū macello publico toto anno nō plus una & ea qdē insigni albedine cernitur musca. Et nos iā in p̄cedēti libro narrauimus, & modos & tēpora, quorū obseruatione hęc & similia fieri possint. Sermonē p̄terea atq; uerborū uires tibi potissimū obseruāda sunt: p̄ hęc enim expāditur aīa in substātiās inferiores, in lapides, in metalla, in plātas, in aīalia, & in omnia naturalia, imprimēs illis figuras & passionē uarias, omnibus creaturis uim inferēs, aut amore quodā ducēs trahēsq;. Sic Cato testatur lassatos boues uerbis instaurari. Tū uerbis atq; p̄cibus à Telure impetrari posse, ut insuetas alat arbores, ipsas etiā arbores similiter exorari, ut trāsmigrēt, & in alieno solo accrescāt. Rapas quoq; ampliores fieri, si dū serūtur, obsecrētur ut sibi & familię, uicinisq; benigne cōferāt. Pauo quoq; laudat⁹, mox pēnas explicat: cōtrā uero, ocymū herbā cū maioribus male dictis & probris fitū sit, cō fruct⁹ adferre letiores cōpertū est. Garus etiā ambusta & infusa medetur malis, si tñ interim gar⁹ nō nominetur. Tū & q̄ fascino utūtur, laudādo necāt arbores, nocētq; satis atq; pueris. Tāā p̄terea hūanarū execrationū uim esse dicūt, ut etiā malos demones abigāt exterminētq; Hac rōe Serapim apud Aegyptios narrat Eusebi⁹ cymbala edidisse, quib⁹ demones expellerētur: docuisse etiā quō demones assūptis brutorū figuris insidiētur hominibus. In omnibus deniq; deū prę oculis habere, scriptū est enim in Deuteronomio: Cum quæsieris dominum deum tuum, inuenies eum, si tamen toto corde quæsieris & tota tribulatione animę tuę. Per ueracem autem constantem que fidutiam potest placare deum demones que omnes,

unde apud Marcum legitur: Omnia quaecumque orantes petitis, credite quia accipietis, & euenient uobis. & apud Mattheum dicitur: Si habueritis fidem sicut granum sinapis, nihil impossibile erit uobis. Multum quoque ualet oratio iusti assidua: Helias enim (ut ait Iacobus) homo erat similis nobis, passibilis, & orauit oratione ut non plueret super terram, & non pluit annos tres & menses sex: & rursum orauit, & coelum dedit pluuias, & terra dedit fructum suum. Caue autem in orationibus, ne optaueris aliquid uanum, uel quod sit contra diuinam uoluntatem: uult autem deus omnia bona: neque enim usurpabis nomen dei tui frustra, quia non erit impunitus, qui sub re uana nomen eius adsumpserit. Facias abstinentiam, & des eleemosynas, quoniam dicente angelo ad Tobiam, bona est oratio cum ieiunio & eleemosyna. & in libro Iudith legitur: Scitote quoniam exaudiet dominus preces uestras, si manentes permanseritis in ieiuniis & orationibus in conspectu domini.

Operis totius conclusio.

Caput LXV.



Aec sunt quae ad magicæ introductionem ex traditione antiquorum, cōpilatione diuersa in hunc librum coegimus, sermone quidem breui, sed sufficienti his qui intellecturi sunt. Horum autem quaedam cum ordine, quaedam sine ordine scripta sunt, quaedam per fragmenta tradita sunt, quaedam etiam occultata, & inuestigatione intelligentium relictæ, qui in his quae scripta sunt acutius speculantes & perscrutantes, artis magicæ cōpleta documēta simul & infallibilia experimēta consequi possunt: tradidimus enim hanc artē taliter, ut prudentes & intelligentes latere non acciderent: prauos uero & incredulos, ad secretorum illorum arcana non admittat, sed in stuporem adductos, sub ignorantiae & desperationis umbraculo destitutos relinquat. Vos igitur doctrinae & sapientiae filii, perquirite in hoc libro, colligendo nostram dispersam intentionem, quam in diuersis locis proposuimus, & quod occultatum est à nobis in uno loco, manifestum fecimus illud in alio, ut sapientibus uobis patefiat, uobis enim solis scripsimus, quorum animus incorruptus, ad rectum uiuendi ordinem institutus, quorum casta & pudica mens ac illibata fides deum timet ac reueretur, quorum manus sunt ab omni scelere & crimine separatae, ac mores pudici, sobrii & modesti: uos enim soli seruata uobis doctrinam inuenietis, & arcana multis ænigmatibus abscondita, quae non eliciuntur nisi intelligentia abscondita, quam ubi adsecuti fueritis, integra se uobis inexpugnabilis magicæ disciplinae scientia insinuabit, apparebuntque uobis uirtutes illae, quales olim Hermes, Zoroastes, Apollonius & ceteri mirabilium operatores consecuti sunt. Vos autem maleuoli calumniatores, prauae ignorantiae & insipientis nequitiae filii, haec nostra fugite, nam inimica uobis sunt, & posita in praecipitium, ut erretis & incidatis in miseriam. Si quis igitur propter suam incredulitatem & intellectus inertiam, suum desiderium non obtineat, ignorantiae suae culpam mihi non imputet, nec me errasse, aut falsa ex proposito scripsisse, aut mentitum dicat, sed seipsum accu-

set qui scripta nostra non intelligit: obscura enim sunt, uariisq; obducta mysteriis, in quibus facile multos continget errare & perdere sensum suum. Nemo ergo irascatur mihi, si ueritatem huius scientiæ ænigmatibus intricatā, & uariis locis dispersam abscondimus: non enim sapientibus abscondimus, sed prauis & improbis, eamq; tali sermone tradidimus, quæ latere insipientem necessario accideret, & ad illius intellectum sapientem facile admittat.

LIBRI TERTII FINIS.

VENERABILI PA-

TRI SACRAE THEOLOGIAE MAGISTRO

Aurelio ab Aquapendente Augustiniano Hen.

Corn. Agrippa.

S. D.



X literis quas ad me à secundo huius mensis dedisti, perspexi erga me animi tui candorem P. R. & cognoui te uirum cyclice doctum, eorumq; quæ adhuc in tenebris delitescunt curiosum exploratorem. Gaudisus sum ilico, atque mihi gratulor, nactum me amicitiam talis uiri, qui cum possem aliquando & genium & ingenium excolere: teq; nunc (teste hoc chirographo) inter amicissimos recipio. Sed heus tu qui sunt duces tui quos sequeris, tu qui audes irremeabilem domum intrare Dedali, atque tremædi Minois, Ire per excubias, & te committere Paracis? Qui sunt magistri tui, tu qui uersaris circa immensa, ausus conari uagum stabilem, perfidum affidum, ac deorum omnium fugacissimum reddere, uel ipsa Adrastia constantiorem? Caue ne decipiari ab his qui fuerunt decepti. Neque enim hic te dirigere poterit quantacunque librorum lectio, quum non nisi mera ænigmata sonent. O quanta leguntur scripta de inexpugnabili magicæ artis potentia, de prodigiosis astrologorum imaginibus, de monstrifica alchymistarum metamorphosi, deq; lapide illo benedicto, quo Midæ instar contacta æra, mox omnia in aurum argentum ue permutentur, quæ omnia comperiuntur uana, ficta & falsa quoties ad literam practicantur. Atque tamen traduntur ista, scribunturq; à magnis grauissimisq; philosophis & sanctis uiris, quorum traditiones quis audebit dicere falsas? Quinimo credere impium esset, illos data opera scripsisse mendacia: Alius est ergo sensus quàm literis traditur, isq; uariis obductus mysteriis, sed hætenus à nullo magistrorum palam explicatus, quem nescio si quis sine perito fidoq; magistro sola librorum lectione possit adsequi, nisi fuerit diuino numine illustratus quod datur paucissimis: ideoq; in uacuum currunt multi qui hæc secretissima naturæ arcana prosequuntur, ad nudam lectionis seriem referentes animum. Nam inauspicato ingenio à uero intellectu prolapsi, in

falsas imaginationes, exteriorum spirituum uasamentis irretiti, illorum quorum dominari datum est, periculosi serui effecti sunt, & ignorantes semetipsos, abeunt retro post uestigia gregum suorum, quærentes extra se quod intus possident. Atque hoc est quod te nunc scire uolo, quia in nobis ipsis est omnium mirabilium effectuum operator, qui quicquid portentosi mathematici, quicquid prodigiosi magi, quicquid inuidentes naturæ persecutores alchymiste, quicquid dæmonibus deteriores malefici necromantes promittere audent, ipse nouit discernere & efficere, idque sine omni crimine, sine dei offensa, sine religionis iniuria. In nobis inquam est ille miradorum operator:

Nos habitat, non tartara, sed nec sydera cæli,

Spiritus in nobis qui uiget, illa facit.

Verum de his nobis quæ latissime tecum conferendum esset, sed coram: Non enim committuntur hæc literis, nec scribuntur calamo, sed spiritu spiritui, paucis sacrisque uerbis infunduntur, Idque si quando nos ad te uenire contigerit. Cæterum quos postulas libros, aliqui illorum aliquando fuerunt penes me, sed iam non sunt: qui uero penes uos circumferuntur libri adolescentiæ meæ, de Occulta philosophia intitulati, horum priores duo in multis deficiunt, tertius totus mancus, nec nisi scriptorum meorum epitome quoddam continet. Sed ego totum opus, fauente domino, integrum recognitumque; aliquando in lucem dabo, clauem tamen operis solis amicissimis referuata, quorum te unum esse non dubites. Vale felicissime, è Lugduno. XXIII. Septemb. Anno. M. D. XXVII.

A D E V N D E M.

EX humanissimis tuis literis (uenerande pater) quasi ad speculum animum tuum introspexi totum, illumque amplector totus, uoloque sic tibi persuasum habeas, te mihi supra quam literis demonstrari possit gratissimum fore, altissimeque insidere animo: me uero tale esse, qui ex abundantia cordis hoc scribam, quique eos qui se meæ amicitiae commiserunt, nulla unquam tempestate soleam deferere. Quare ut tu uota consequaris tua, meis non minora, ego propediem ad te ueniam. Vbi cum coram dabitur mutuas audire & reddere uoces, scio amicitiam nostram indissolubile fore perpetuoque duraturam. Iam uero quod ad postulatam Philosophiam attinet, te scire uolo, quod omnium rerum cognoscere opificem ipsum deum, & in illum tota similitudinis imagine (ceu essentiali quodam contactu siue uinculo) transire, quo ipse transformeris efficiareque; deus quemadmodum de Mose ait dominus, inquit: Ecce ego constitui te deum Pharaonis. Hæc est illa uera & summa mirabilium operum occultissima philosophia: Clauis eius intellectus est: quanto enim altiora intelligimus, tanto sublimiores induimus uirtutes, tantoque maiora & facilius & efficacius operamur. Verum intellectus noster carni inclusus corruptibili, nisi uiuam carnem superauerit, fueritque propriam naturam sortitus, diuinis illis uirtutibus non poterit uniri (non enim nisi sibi quam similibus congregiuntur) ac

peruidendis illis occultissimis dei & naturæ secretis, omnino inefficax est, atque hoc opus, hic labor est, superas euadere ad auras. Quomodo enim qui in cinere & mortali puluere seipsum amisit, deum ipsum inueniet? Quomodo apprehendet spiritualia carni immerfus & sanguini? An uidebit dominum homo & uiuet? Quem fructum adferet granum frumenti si prius mortuum non fuerit? Mori enim oportet, mori inquam mundo & carni, ac sensibus omnibus, ac toto homini animali, qui uelit ad hæc secretorum penetralia ingredi, non quod corpus separetur ab anima, sed quod anima relinquat corpus: de qua morte Paulus scribit Colossensibus: Mortui estis, & uita uestra abscondita est cum Christo. Et alibi clarius de seipso ait: Scio hominem in corpore uel extra corpus, nescio, deus scit, raptum usque ad tertium cælum, & quæ reliqua sequuntur. Hac inquam pretiosa in conspectu domini morte, mori oportet, quod contingit paucissimis, & forte non semper: Nam pauci quos æquus amauit Iuppiter, aut ardens euexit ad æthera uirtus, diis geniti potuerunt. Primum qui non ex carne & sanguine, sed ex deo nati sunt: proxime, qui naturæ beneficio ac cælorum genethliaco dono, ad id dignificati sunt: ceteri meritis nituntur & arte, de quibus uiua uox te certiore reddet. Verum hoc te admonitum uolo, ne circa me decipiaris, ac si ego aliquando diuina passus, tibi ista prædicem, aut tale quid mihi arrogare uelim, uel concedi possem sperem, qui hæcenus humano sanguine sacratus miles, semper fere aulicus, cum carnis uinculo charissimæ uxori alligatus, omnibusque instabilis fortunæ flatibus expositus, totusque à carne, à mundo, à domesticis curis transuersim actus, tam sublimia immortalium deorum dona non sum adsecutus: Sed accipi me uolo uelut indicem, qui ipse semper præ foribus manens, aliis quod iter ingrediendum sit, ostendit. Cæterum de amore in te meo tu quidem minime falleris, beneficiis meis quid debeas, non uideo, quippe qui non contulerim in te quicquam, nisi quod paratus sum dum dabitur occasio, conferre omnia. Tu nunc felicissime Vale, è Lugduno XIX. Nouemb. Anno M. D. XXVII.

✿ HENRICVS COR-✿

NELIVS AGRIPPA CVIDAM AMICO
suo in Aula Regis. S. D.



olebant ueteres edito prouerbio insignem stultitiā notare, Notuas Athenas inferre: sed non minoris stultitiæ est, impietatis autem maxime, dæmones inferno addere. Scis quem dico infernum, illam inquam scelerum scholam, quam indignatus alibi suis coloribus egregie depinxi aulam. Sed nunquam antea tam iusta scribendi simul & indignandi occasio data est atque nunc, si per occupationes liceret rem pro dignitate tractare, Continere tamen nequeo calamum, quin

argumentū eius tibi exponam Audi nūc igitur rem stultam simul & impiā: Accersitus est ē Germāia nō modicis sumptibus uir quidā demoniorū, hoc est cacomagus, in quo potestas demonū inhabitat, ut sicut Iānes & Mābres restiterūt Moysi, sic iste resistat Cæsari. Persuasum est enim illis à patre mendaciorum, illum futurorū omniū præscium, arcanorum quorūcūq; consiliorū consciū, ac deliberatarū cogitationū interpretē: tanta præterea prædictū potestate, ut possit regios pueros reducere per aëra, quēadmodū legitur Abacuc cū suo pulmēto traduct⁹ ad lacū leonū: possetq; sicut Heliseus obsesus in Dothaim, ostēdere mōtes plenos equorū & curruū igneorū, exercitūq; plurimū: insup & reuelare & trāsferre thesauros terrē, quasq; uolet coget nuptias amoresq; aut dirimet: deploratos quosq; curabit morbos, stygiō pharmaco, puta radicātā ethicā, cōfirmatā hydropē, inossatā elephātiā, & quam

Soluere nodosam nescit medicina podagram,

Multaq; præterea quæ fama obscura recondit.

Vides ubi fides eorum locata est, ubi spes reposita, qui elemēta, cœlū, fata, naturam, prouidentiam, deum, omnia unius magi imperio subiicere conantur, & regni quærūt salutē à publicē salutis hostibus dæmonibus, dicentes in corde suo cum Ochozia: Non est deus in Israël, eamus ad consulēdum Belsebub deum Acharon. Et sicut Saul locutus ad Pythōnē, ait: Philistiim pugnant aduersum me, & dñs recessit à me, & exaudire noluit, uocaui ergo te. Adeo ne & penes istos desperatū est de deo, ut requirenda censuerint auxilia dæmonū: Nonne hoc est iuxta uerbum Iudæ & Petri, dñm nostrum Iesum Christū saluatorem, & qui nos redemit, deum abnegare, & superinducere sibi celerem perditionem? Nonne thesaurizant sibi iram indignationis domini, mittentem in eos immisiones per angelos malos? Nonne traditi sunt in reprobū sensum, q̄ ueritatē arcani consilii petūt à patre mēdaciorum diabo lo, & uictoriam postulant aliunde q̄ à domino exercitū? Atq; tamen huic tam nefario idololatriæ & sacrilegiorū artifici, audaciā præstat, quæ istis tam impense fauet orthodoxa illa mater, & Christianissimi filii accommodatur autoritas, & è sacris pecuniis largiuntur munera, cōniuentibus etiam atq; tā nephariam operam conducentibus colūnis ecclesiæ, episcopis & cardinalibus, & impietatis ministro impii applaudunt procures, quemadmodū operibus lupi congratulantur corui. Quod maius peccatum commiserunt Pharaos, Balach, Saul, Achab cum sua Iezabel: Ochozias Nabuchodonosor, Balrassar, Sennacherib, & cæteri cultores Baal: Vocauit Pharaos contra Moysen magos suos, & illi uicti in tertia plaga confessi sunt digitum dei: rex autem obstinatus per decē plagas periit in mari rubro. Vocauit Balach Moabites Balaam ariolum ut malediceret Israël, & deus ipse maledictionem conuertit in benedictionem, Balach uero maledictus est. Quid Saulo Samueles sui aut Pythonis profuere responsa? Nonne confossus est in monte Gelboë: Achab & Iezabel nefariis nuptiis coniuncti confidebant in prophetas

Baal, & iuxta uerbum dei egressus est spiritus mendax in ore omnium prophetarum, Achab ascensuro in Ramod Balaad prospera promittentiū, ceciditq; Achab, & Iezabel præcipitata est, & canes comederunt eos. Corripitur Aſa rex Iuda à propheta domini, quia in ægritudine sua non quæsiuit dominū, sed in artem medicorum confisus est. Nōne maius peccatum habituri sunt, qui relinquentes deum saluatorem, & salubres naturæ uires, salutem quærūt à satana? Fecit ita quondam Ochozias, proptereaq; audiuit à propheta domini, Supra lectulum quem ascendisti non descendes, sed morte morieris. Percurratur cæterorum infidelium regum series, etiam gentilium historia, Zoroastes, Diotharus, Cræsus, Pōpeius, Pyrrhus, Crassus, Nero, Iulianus, quid lucrati sunt in magis & diuinatoribus suis, qui mentiti sunt illis felicia? Nonne omnes ad nihilum redacti sunt, & male perierūt in peccatis suis? Sic solent impiæ illæ nugæ semper perniciē suis adferre cultoribus, quibus profectō qui maxime confidunt, maxime omnium redduntur infelicissimi. Nō inficior, sunt naturales sciētiæ, sunt metaphysicæ artes, sunt occulta ingenia, quibus citra dei offensam, citra fidei & religionis iniuriam tueri possunt regna, explorari consilia, uinci hostes, eripi captiui, adaugeri diuitiæ, conciliari hominum beneuolentia, depelli ægritudines, conseruari sanitas, prolongari uita, restitui iuuentutis robur. Sunt insuper sacre religionis intercessionēs, publicæ supplicationes, priuatæ bonorum preces, quibus non solum irā dei flectere, sed & simul illum nobis beneficū impetrare possumus. Quod si præterea ars quædam est præscientiæ & mirandorum operum, quam Calo magiam siue Theurgiam ueteres uocant, certe hæc istis nugatoribus & dæmoniorum mancipiis incognita est. Quippe explorare de futuris aut imminentibus aliis uel occultis, & quæ hominibus diuinitus portenduntur ueridicas sententias, atque operari opera uirtutum communem naturæ consuetudinem excedentia, non nisi profundæ & perfectæ doctrinæ, integerrimæq; uitæ ac fidei est, non hominum leuissimorum ac indoctorum. Homini bus autem innocentibus & doctis in lege domini, pro uota fidei seruit omnis creatura, & exaudiuntur ad quæcunque petierint. Sic Heliam coruus pauit, & ad preces eius terra fructus retinet, cælum negat pluuiam, & in impios euomit ignes suos. Sic Helisæo seruiunt ursi, militant angeli, flumina siccis transeuntur pedibus. Danieli posita ferocitate neglectaq; fama adblādiuntur leones: Et succensus in fornace ignis non urit pueros. Eiusmodi sunt non Cacomagorum, non Geoticorum, non dæmoniorum, sed fidelium diuinorumq; hominum opera: non enim dæmones, sed spiritus dei ministrāt illis. Sunt fateor aliqui, etiam in hunc diem (& forte plures) uiri sapientia graues, scientia insignes, uirtutibus & potestatibus pollentes, uita & moribus integri, prudentia inuicti, etiam ætate & robore dispositi, ut reipublicæ cōsilio & opera plurimum possint prodesse: sed hos aulici uestri contemnunt, ut ab instituto eorum longe diuersos, quibus pro sapientia malitia est, fraus & do-

ius pro consilio, astus & calliditas pro scientia, deceptio & perfidia pro prudentia est. Religionis locum possidet superstitio, & in afflictionibus blasphematur deus: & quæ (ut ait Apostolus) in infirmitate perficitur fides, contemnitur: sed recurritur ad inuocamenta malorum demonum. Bonus quisque apud eos irridetur, audax hypocrisis prouehitur, ueritas pro crimine est, laus & præmia stultitiæ & sceleribus reposta sunt. O stulti & impii, qui his artibus stabilire uultis regnum, quibus olim potentissima imperia ceciderunt funditusque euerfa sunt. De quibus uere dictum est per Hieremiam: Cecidit corona nostra, uæ quia peccauimus. Quod utinam non tam uere quàm excogitata ingeniosa sorte in uos quadraret. Siquidem ille uersiculus collectis inuicem numeralibus literis. M. C. V. I. annum exprimit M. D. XXIII. quo iuxta uestrum calculum, rex uester apud Papiam captus est. Nōne hæc uidistis & admirati estis, quæ ante facta quæ fuissent impossibilia iudicastis? Et adhuc superbitis & obdurati estis in infelicitatibus uestris. Contemnitis prophetas, & dei comminationes uobis pro fabulis sunt. En prope est, & adhuc uidebitis & sentietis magnalia dei in orbe terrarum, & collapsi in fata contremiscetis, quia ueniet super uos miseria quam nescitis: quo tunc fugietis? State cum incantatoribus uestris & cum multitudine maleficorum uestrorum, si forte quid profint uobis, aut possitis fieri fortiores. Nonne accersitus Germanicus cacomagus saluabit uos, & mendaces faciet prophetas, ac præualebit contra iram domini, & liberabit uos à malo? Non sic impii non sic. Nisi dominus edificauerit & custodierit ciuitates & regnum, in uanum laborant & uigilant omnes custodes eius. Solius dei est, non demonum, non magorum, suspendere aut mutare prophetarum sententiā: si uos toto corde conuersi ad eius misericordiam, uestram mutaueritis malitiam atque perfidiam. Sic namque Nabuchodonosor Danielis consilio peccata eleemosynis redimens, & iniquitates in misericordiis pauperum, imminentem dei iram ad tempus effugit, donec in aula Babylonis uoce elationis suæ rursus illam in se reuocauit. Achab impiissimus cum sua Iesabele, cui mortem per Heliam dominus nunciauit, quia conuersus est ad deum, factus est iterum sermo domini ad Heliam: Quia reueritus est Achab faciem meam, non inducam malum in diebus eius. Niniuite quia ex edicto regis & principum egerunt poenitentiam ad prædicationem Ionæ, ab imminente protinus excidio liberati sunt. Intimauit Esaias Ezechiam sententiam, ut disponderet domui suæ cito moriturus: Ille orauit & fleuit, & sanatus est, adauctis ei annis uitæ quindecim: Sic enim ad eum per eundem prophetam locutus est dominus: Vidi lachrymas tuas, & exaudiui orationem tuam: ecce ego adiciam super dies tuos quindecim annos. Insuper & de manu regis Assyriorum eruiam te, & ciuitatem istam, & protegam eam. Tantum potuit conuersio & oratio pii regis, ut qui pro se solo orauit, tamen non pro se solo impetrauit, sed etiam pro ciuitate & populo. Solus dominus est qui saluum fecit regem,

& qui sapientiam dat filio regis. Ad hūc magistrum confugere oportet, qui quærunt salutem, non ad magos & ariolos. Induimini iustitiam, & time de dominum, uos qui quæritis felicia. Si regni firmius quæratur, scriptum est: Iusti hæreditabunt terram: In memoria æterna erit iustus, & in æternum nō commouebitur. Si securitas quæratur: Qui timent dominum, ab auditione mala non timebunt, sed & omnes despicient inimicos. Si honor & opes quæruntur: Gloria & diuitiæ in domo eius. Si laus & fauor: Generatio rectorum benedicetur. Si potentia: Potens in terra erit ipse & semen eius: Fortitudo eius exaltabitur in gloria. Si nuptiæ & coniugii prosperitas: Vxor eius sicut uitis abundans in lateribus domus, & filii eius sicut nouellæ oliuarum. Si corporis sanitas & robur: Non dabit dominus sanctos suos uidere corruptionem. In omnibus deniq; beatus est uir qui timet dominum, qui immaculatus in uia, qui non abiit in consilio impiorum, qui miseretur super egenum & pauperem: nam in die mala liberabit eum dominus, & non tradet eū in manus inimicorum eius: peccatores autē uidebunt & irascētur, dentibus frement & tabescent, desiderium eorum peribit. Hæc nūc admonuisse satis, Nolo enim curiosius hanc rem prosequi, ne forte malitia subiectæ materiæ calamum protrudat quo non expedit. Vale ex Lutetia Parisiorum XIII. Februarii Anno. M. D. XXVIII. Romano calculo.

HENRICI COR.

AGRIPPÆ CENSURA SIVE RETRACTATIO
De magia ex sua declamatione de Vanitate
scientiarum & excellentia Verbi dei.
DE MAGIA IN GENERE.



Xigit etiam hic locus, ut de Magia dicamus, nam & ipsa cum astrologia sic coniuncta atq; cognata est, ut qui magiam sine astrologia profiteatur, is nihil agat, sed tota aberrat uia. Suidas magiam à Maguseis, & nomen & originem traxisse putat. Cōmunis opinio est nomen esse Persicum, cui astipulātur Porphyrius & Apuleius, & significare eorum lingua idem quod sacerdotem, sapientem siue philosophum. Magia itaq; omnem philosophiam, Physicam, & mathematicā complexa, etiam uires religionum illis adiungit. Hinc & Goetiam & theurgiam in se quoq; continet. Qua de causa magiam pleriq; bifariam diuidunt, in naturalem uidelicet & ceremonialem.

DE MAGIA NATURALI.



Naturalem magiam, non aliud putant, q̃ naturalium sciētiarum summam potestatem, quam idcirco summum philosophiæ naturalis apicem, eiusq; absolutissimam consummationē uocant, & quæ sit actiua portio philosophiæ naturalis, quæ naturalium

uirtutū adminiculo, ex mutua earū & opportuna applicatione opera edit, su-
pra omnē admirationis captū: qua magia Aethiopes maxime & Indi utebā-
tur, ubi herbarū & lapidū, ceterorumq; ad id spectantiū facultas suppetebat.
Eius meminisse uolunt Hieronymū ad Paulinū, ubi ait Apolloniū Tyaneū
fuisse magū, seu philosophū, ut Pythagorici. Eius etiā generis fuisse magos,
qui Christū natū muneribus inuisentes adorauerūt, quos euangeliorū inter-
pretes exponunt Chaldaeorum philosophos: quales fuere Hiarchas apud
Bragmanas, Tespion apud Gymnosophistas, Budda apud Babylonios, Nu-
ma Pompilius apud Romanos, Zamolxides apud Thracas, Abbaris apud
Hyperboreos, Hermes apud Aegyptios, Zoroastes Oromasi fili⁹ apud Per-
sas, Nā Indi, & Aethiopes, & Chaldaei, & Persae hac maxime præcelluere ma-
gia: qua idcirco (ut narrat Plato in Alcibiade) imbuuntur Persarū regū filii,
ut ad mundanæ reipublicæ imaginē suā & ipsi rempublicā administrare, di-
stribuereq; condiscāt: & Cicero in Diuinationū libris ait, neminē apud Per-
sas regno potiri, qui prius magiā non didicerit. Magia itaq; naturalis ea est,
quæ rerū omniū naturaliū atq; cœlestiū uires contēplata, earundemq; sym-
pathiā curiosa indagine scrutata, reconditas ac latētes in natura potestates
ita in apertū producit: inferiora superiorū dotibus, tanq̃ quasdam illecebras,
sic copulans, p̃corū mutuā applicationē ad inuicē, ut exinde stupenda sæpe
cōsurgant miracula, nō tā arte q̃ natura, cui se ars ista ministrā exhibet hęc
operāti. Nā magi, ut naturæ accuratissimi exploratores, cōducentes ea, quæ
à natura præparata sunt, applicando actiua passiuus, sæpissime ante tēpus à
natura ordinatū effectus producunt, quæ uulgus putat miracula, cū tamen
naturalia opera sint, interueniente sola tēporis præuentione: ut si quis in mē-
se Martio rosas producat, & maturas uuas, aut satas fabas, uel petroselinū in-
tra paucas horas excrecere faciat in perfectā plantā, & iis maiora, ut nubes,
pluuias, tonitrua, & diuersorū generū animalia, & rerū trāsmutationes q̃ plu-
rimas, cuiusmodi multas fecisse se iactat Rogerius Bachon pura & naturali
magia. Scripserunt de illius operibus Zoroastes, Hermes, Euanthes rex Ara-
bum, Zacharias Babylonius, Ioseph Hebræus, Bocus, Aaron, Zenotenus, Ki-
rānides, Almadal, Thetel, Alchindus, Abel, Ptolemæus, Geber, Zahel, Naza-
barub, Tebith, Berith, Salomon, Astaphon, Hipparchus, Alcmeon, Apollo-
nius, Triphon, & pleriq; alii, quorū aliqua opera adhuc integra, & pleraq; fra-
gmēta adhuc extāt, & ad manus meas aliquādo puenerunt. Ex recētioribus
uero scripserūt in naturali magia pauci, & illi quidē pauca, ut Albertus, Ar-
noldus de uilla noua, Raimūdu Lullius, Bachon, & Apponus, & autor libri
ad Alfonsum, sub Picatricis nomine editus, qui tamen unā cū naturali ma-
gia plurimum superstitionis admiscet, quod quidem fecerunt & alii.

DE MAGIA MATHEMATICA.

Sunt præterea alii naturæ sagacissimi æmulatores, inquisitoresq; auda-
cissimi, qui absq; naturalibus uirtutibus, ex solis mathematicis discipli-

nis, adscitis cœlorū influxibus, sese naturæ operum similia producere possē pollicentur, ut corpora euntia uel loquētia, quæ tamē nō habeant uirtutes animales: qualis fuit colūba Architæ lignea, quæ uolabat, & statuæ Mercurii, quæ loquebātur: & caput æneū ab Alberto Magno fabricatū, quod locutū phibēt. Excelluit in istis Boëthius, uir maximi ingenii, & multiplicis eruditionis: ad quē de istiusmodi scribens Cassiodorus: Tibi (inqt) ardua cognoscere, & miracula monstrare propositum est: tuæ artis ingenio metalla mugiūt, Diomedes in ære grauius buccinatur, æneus anguis insibilat, aues simulatæ sunt, & quocē propriā nesciūt habere, dulcedinē cantilenæ probantur emittere, parua de illo referimus, cui cœlū imitari phas est. De istis puto artificii dictū est, quod apud Platonē legimus in undecimo de Legibus: Ars data est mortalibus, qua res posteriores quasdā generarēt, nō quidem ueritatis & diuinitatis participes, sed simulacra quædā sibiipsis cognata deducerēt: atque eousq; progressi sunt magi homines audacissimi omnia perpetrare, fauente maxime antiquo illo & ualido serpēte scientiarū pollicitatore, ut similes illi tanquam simiæ, deum & naturam æmulari conarentur.

DE MAGIA VENEFICA.



St præterea naturalis magiæ species, quā ueneficam, siue pharmaciam uocāt, quæ poculis, phyltris, uariisq; ueneficiis medicamentis perficitur: cuiusmodi Democritus confecisse legitur, quo boni, felices, fortunatiq; filii gignantur: & aliud, quo auiū uoces rite intelligamus, sicut de Apollonio narrant Philostratus atq; Porphyrius. Vergilius etiam de quibusdam herbis Ponticis locutus dixit:

His ego sæpe lupum fieri, & se condere syluis

Mœrim, sæpe animas imis exire sepulchris,

Atq; fatas aliò uidi traducere messes.

Et Plinius narrat, quendam Demarchū Parrhasiū in sacrificio, quod Arcades Ioui Lyceō humana hostia faciebant, immolati pueri extra degustasse, & in lupū se cōuertisse: propter quā hoīm in lupos immutationē, putat Augustinus Pani Lyceō, & Ioui Lyceō nomē esse impositū. Narrat idē Augustinus, dum esset in Italia, quasdā scēminas magas, Circes instar, dato uiatoribus ueneficio in caseo, eos in iumēta uertisse: cumq; portassent quæ placuissent onera, rursus in homines restituisse, idq; patri cuidam Præstantio tunc accidisse. Sed & ne quis hæc putet omnino deliramenta esse & impossibilia, is recordetur quomodo sacræ literæ narrant, Nabuchodonosor regē mutarum in bouem, & septem annis scēno uixisse, tandem dei misericordia in hominem rediisse: cuius corpus post mortem illius filius Euilmerodat in escā dedit uulturibus, ne quādo resurgeret à mortuis, q̄ iā de bestia redierat in hominē, & eiusmodi plura de magis Pharaonis narrat Exodus. Verū de iis siue magis siue ueneficis loq̄tur Sapiēs, dū dicit: Exhorruisti illos deus, q̄a horribilia opa tibi faciebāt p̄ medicamina. Illud præterea uos scire uolo, nō solū

naturalia scrutari hos magos, uerum etiā ea quæ naturā comitantur, ac quodammodo exuunt, ut motus, numeros, figurās, sonos, uoces, concētus, lumina, & animi affectus atq; uerba. Sic Psylli & Marfi conuocabant serpentes, alii aliis deprimentes fugabant: sic Orpheus Argonautarū tempestatem hymno cōpescuit: & Homerus narrat Vlyssi sanguinē uerbis restrictū: & in lege duodecim tabularum iis, qui messes excantassent, pœna constituta est: ut non dubium sit, magos etiam solis uerbis & affectibus, aliisq; similibus, non in seipso modo, sed etiam in res extraneas sæpe mirum aliquē producere effectū: quæ omnia nō secus uim insitā in res alias profundere, illasq; ad se trahere, uel abs se repellere, seu alio quouis modo afficere putant, q̄ magnes ferum, & succinum paleas trahūt: siue adamas, & allium magnetem ligant: sicq; per hāc rerum gradariam ac concatenatam sibi sympathiam, non solum dona naturalia & cœlestia, sed etiā intellectualia & diuina Iamblichus, Proclus, atq; Synesius, ex magorum sententia, desuper suscipi posse confirmant, quod Proclus in libro de Sacrificio & magia fatetur, scilicet per huiusmodi rerum consensum, magos etiā numina euocare solitos. Ad tantā enim quidam eorum deuoluti sunt insaniam, ut ex diuersis stellarum constellationibus, per temporum interualla, & quadam proportionū ratione rite obseruatis, constructā imaginem cœlitum nutu uitæ intellectusq; spiritū accepturam putent, quo consulentibus illam, respōdeat, & occulte ueritatis arcana reuelet. Hinc patet hanc naturalē magiā nonnūq̄ in goētiā & theurgiā reclinatā, sapissime malorum dæmonū uasframentis, erroribusq; obretiri.

DE GOETIA ET NECROMANTIA.



Eremonialis autē magiæ partes sunt goētia atq; theurgia. Goētia, immundorum spirituum cōmerciis inauspicata, nefariæ curiositatis ritibus, illicitis carminibus, & deprecamētis concinnata, omniū legum placitis est exterminata & execrata. Huius generis sunt, quos necromanticos, & maleficos hodie nuncupamus.

Gens inuisa deis, maculandi callida cœli,

Quas genuit natura mali, qui sidera mundi,

Iuraq; fixarum possunt peruertere rerum.

Nam nunc stare polos, & flumina mittere norunt,

Aethera sub terras adigunt, montesq; reuellunt.

Hi sunt ergo, qui defunctorū inclamant animas, & illi quos ueteres dicebāt epodos, qui excantant pueros, & in eloquium oraculi eliciunt, & qui dæmones paredros circunferunt, quale quiddam de Socrate legimus: & qui, ut dicitur, spiritus pascunt in uitro, per quos se prophetare mentiuntur. Et hi oēs bifariam procedunt. Nam alii dæmones malos uirtute quadam maxime diuinorum nominum adiuratos, aduocare & cogere studēt: quippe cū omnis creatura timet & reueretur nomē illius, qui fecit eam, non mirum si goētici, & quiq; etiam infideles, pagani, Iudæi, Saraceni, & cuiuscunq; prophani colle-

Gii siue sectæ homines, diuini nominis inuocatione dæmones astringāt. Alii autem nefandissimi, detestādo & omnibus ignibus plectēdo scelere, se dæmonibus submittentes, illis sacrificant & adorant, Mololatræ & uilissimæ deiectiones rei effecti sunt: quibus criminibus, & si priores non sunt obnoxii, tamen manifestis periculis se exponunt. Nam etiam coacti dæmones inuigilant, semper quo errātes nos decipiant. Ex horum uero goëticorū anagyri, profluxerūt omnes isti tenebrarū libri, quos improbatę lectionis Vlpianus Iuriscōsultus appellat, protinusq; corrumpēdos esse statuit. Cuiusmodi primus excogitasse dicitur Zabulus quidā illicitis artibus deditus, deinde Barnabas quidam Cyprius: & hodie adhuc confictis titulis circumferuntur libri, sub nominibus Adæ, Abelis, Enoch, Abrahæ, Salomonis: item Pauli, Honorii, Cypriani, Alberti, Thomæ, Hieronymi, & Eboracensis cuiusdam: quorū nugæ stultè secuti sunt Alphonsus rex Castellæ, Robertus Anglicus, Bacō, & Apponus, & pleriq; alii deplorati ingenii homines. Præterea nō homines modo, & sanctos, & patriarchas, & angelos dei, tam execrabilū dogmatū fecerunt autores, sed & libros à Raziele & Raphaele, Adami & Tobia, angelis traditos ostentant: qui libri tamen acutius inspicienti, suorum præceptorū canonem, ritum, consuetudinem, uerborum & characterum genus, extructionis ordinem, insulsam phrasim, aperte sese produnt, non nisi meras nugæ ac imposturas cōtinere, ac posterioribus temporibus ab omnis antiquę magiæ ignaris, perditissimis perditionum artificibus esse conflatos, ex prophanis quibusdam obseruationibus nostrę religionis ceremoniis permixtis insitisq; ignotis multis nominibus, & signaculis, ut perterreant rudes & simplices, & stupori sint insensatis, & his qui nesciunt bonas literas. Neq; tamen propterea patet has artes fabulas esse: nā nisi re uera essent, atq; pillas multa mira ac noxia fierent, non tam arētē de illis statuissent diuinæ & humanæ leges, eas exterminandas esse de terra. Cur autem goëtici isti solis malis utantur dæmonibus, ea ratio est, quia boni angeli difficile comparent, quia dei iussum expectant, nec nisi mundis corde & uita sanctis hominibus congregiuntur: mali autem faciles se exhibent ad inuocandum, falso fauentes, & diuinitatem mentientes, semper præsto, ut astu suo decipiant, ut uenerentur, ut adorentur: & quia mulieres secretorum auidiore sunt, ac minus cautæ, atque in superstitionem procliues, faciliusq; illuduntur, ideo illis se præbēt faciliores, faciuntq; ingentia prodigia: cuiusmodi de Circe, de Medea, de aliis canunt poëtæ: testantur Cicero, Plinius, Seneca, Augustinus, & multi alii, tum philosophi, tum catholici doctores & historici, ipse etiam sacræ literæ. Nam in libris regum legimus phytonissam mulierem, quæ erat in Endor, euocasse animam Samuelis prophetæ, licet pleriq; interpretentur nō fuisse animā prophetæ, sed malignū spiritū, qui illius sumpserit imaginē. Tamen Hebræorū magistri dicunt, quod etiā August. ad Simplicianū fieri potuisse nō negat, q̃a fuerit uerus spiritus Samuelis, q̃ ante completū annum à disces-

su ex corpore facile euocari potuit, prout docet Goetici. Quin etiam magi, necromatici, illud naturalibus quibusdam uiribus ac uinculis fieri posse autumant, sicut nos in libris nostris de Occulta philosophia tractamus. Ideoque antiqui patres, rerum spiritualium periti, non sine causa ordinauerunt, ut corpora mortuorum sepelirentur in loco sacro, & luminibus sociarentur, aqua benedicta aspergantur, thure & incenso suffumigentur, & expiuntur orationibus, quousque super terram extiterint. Nam ut aiunt magistri Hebraeorum, omne corpus nostrum, & carnale animal, & quicquid in nobis super materia carnis male disposita innititur, relinquitur in cibum serpenti, & ut ipsi uocant Azazel, qui est dominus carnis & sanguinis, & princeps huius mundi, & uocatur in Leuitico princeps desertorum, cui dictum est in Genesi: Terram comedes omnibus diebus uite tue. Et in Isaia: Pulvis panis tuus, hoc est, corpus nostrum creatum ex puluere terrae, quod diu non fuerit sanctificatum, & transmutatum in melius, ut non amplius serpentis, sed dei sit effectum, uidelicet ex carnali spirituale, iuxta uerbum Pauli dicentis: Seminatur quod animale est, & resurget quod spirituale est. Et alibi: Omnes quidem resurgent, sed non omnes immutabuntur, quia multi remansuri sunt in perpetuum cibum serpentis. Hanc itaque turpem & horridam carnis materiam, ac serpentis cibum morte deponimus, illam aliquando in meliorem sortem, & spirituales transmutatam reassumpturi, quod erit in resurrectione mortuorum. Et iam factum est in his, qui primitias resurrectionis degustarunt, & multi hoc ipsum uirtute deifici spiritus in hac uita consecuti sunt, Enoch, & Helias, & Moses, quorum corpora transmutata in naturam spirituales, non uiderunt corruptionem: nec sicut cetera cadauera potestati serpentis relicta sunt. Atque haec est illa disceptatio diaboli cum Michaele de corpore Moyse, cuius meminit in epistola sua Iudas, sed de Goetia & Necromantia haec satis.

DE THEVRGIA.



Heurgiam uero plerique putant haud illicitam, quasi haec bonis angelis, diuinoque numine regatur, cum sepiissime tamen sub dei & angelorum nominibus malis daemonum fallaciis obstringatur: non solum siquidem naturalibus uiribus, sed etiam certis ritibus & ceremoniis caelestes, & per illas diuinas uirtutes nobis conciliamus & attrahimus: de quibus multis regulis antiqui magi editis uoluminibus pertractant. Omnium autem ceremoniarum pars maxima, in munditia seruanda consistit, primum quidem animi, deinde etiam corporis, & eorum quae circa corpus sunt, ut in cute, in uestibus, in habitaculis, in uasis, in utensilibus, oblationibus, hostiis, sacrificiis, quorum munditia addiuinorum consuetudinem & contuitum disponit, & in sacris summo opere efflagitur, iuxta uerba Isaiae: Lauamini & mundi estote, & auferte malum cogitationum uestrarum. Immunditia uero, quia aërem frequenter & hominem inficit, mundissimum illum caelestium & diuinorum influxum turbat, & mundos dei spi-

ritus fugat. Verum nonnunquam immundi spiritus, & deceptrices potestates, ut uenerentur & adorantur pro diis, etiam hanc munditiā exquirunt: ideo hic maxima opus est cautela, de quibus late in libris nostris de Occulta philosophia differuimus. Verum de hac theurgia, siue diuinorum magia plura disputans Porphyrius, tandem concludit theurgicis consecrationibus posse quidē animā hominis idoneā reddi, ad susceptionē spirituum & angelorum, ad uidēdos deos: reditū uero ad deū hac arte præstari posse inficiat omnino. Eius itaque scholæ sunt, ars almadel, ars notoria, ars Paulina, ars reuelationū, & eiusmodi supstitionū plura, quæ eo ipso sunt perniciosiora, quo apparēt imperitis diuiniora.

DE CABALA.



Cabala duplex.

Erunt occurrunt hic mihi uerba Plinii, q, est & alia inquit magices factio, à Mose etiam nū & Latopea Iudæis pēdens: quæ uerba me de cabala Iudæorum cōmonefaciunt, quā in monte Sina à deo ipso Mose datam penes Hebræos constās opinio est, ac deinceps per iuccessionū gradus citra literarū monumenta, usq; in Ezræ tēpora posterioribus sola uiua uoce tradita: quæ admodum Pythagorica dogmata olim ab Archippo & Lyfiade, qui in Græcia Thebis scholas habuere tradebantur, in quibus discipuli memoriter doctorū præcepta tenētes, ingenio & memoria pro libris utebātur: sic & Iudæi quidam literas aspernati, in memoria & obseruatione, ac uocali traditione hanc collocarūt: unde cabala ab Hebræis, quasi solo auditu unius ab altero receptio, nuncupata est. Ars (ut fertur) peruetusta, nomen autem nō nisi recētibus temporibus apud Christianos cognitū. Eius uero duplicem tradunt scientiam, unā de Bresith, quā & cosmologiam uocant, uidelicet rerum creatarū naturalium & cœlestium uires explicantem, & legis bibliæq; arcana philosophicis rationibus exponentē: quæ profecto hac ratione nihil differt à magia naturali, in qua Salomonē regē præstitisse credimus. Legitur namq; in sacris Hebræorum historiis, illū disputare solitū à cedro Libani, usq; ad hyssopum: itē de iumentis, uolucris, reptilibus, & piscibus, quæ omnia magicas quasdam naturæ uires præ se ferre possunt. Ipse quoq; inter posteriores Moyses Aegyptius, in expositionibus suis super Pētateuchū, & plures thalmudistæ hanc insecuti sunt. Alterā uero eius scientiā uocant de Mercaua, quæ est de sublimioribus diuinarū, angelicarūq; uirtutū, ac sacrorū nominū, & signaculorum contēplationibus, quædam quasi symbolica theologia, in qua literæ, numeri, figuræ, res & nomina, & elementorū apices, ac lineæ, puncta & accentus, omnia sunt profundissimarū rerum, & magnorū arcanorū significatiua. Hanc rursus bifariā secāt, in Arithmantiā, uidelicet quæ notariacon uocatur, de angelicis uirtutibus, nominibus, signaculisq; etiā dæmonū ac animarū cōditionibus tractans: atque in theomantiā, quæ diuinæ maiestatis mysteria, emanationes, sacraq; nomina, & pentacula scrutatur: quā qui norit, hunc aiunt admirandis pollere uirtutibus, ita quod dū uelit futura omnia præsciat, toti naturæ imperet, in dæ-

mones & angelos ius habeat, & miracula faciat. Hac putant Moysen tot signa edidisse: uirgā in colubrū, aquas in sanguinē uertisse: ranas, muscas, pediculos, locustas, bruchos, ignē cum grādine, uescas & tabes Aegyptiis immis-
 sisse: primogenitū omne ab homine usq; ad pecus interemisse: suosq; deducēte, mare aperuisse, fontē de petra, coturnices de cœlo produxisse: aquas amaras dulcorasse: fulgura & nubes p̄ diē, columnā ignis per noctē, suis p̄mis-
 sisse: uocē dei uiuētis ad populū, è cœlis deuocasse: arrogātes igne, murmurātes lepra, percussisse: male merētes subita strage, alios terræ hiatu absorptos af-
 fecisse: populū cœlesti cibo pāuisse: serpētes placasse: uenenatos curasse: nu-
 merosā turbā ab infirmitate, uestes eorū à corrosione cōseruasse: & hostiū uiētricē reddidisse. Hac deniq; miraculorū arte & Iosue stare solē p̄cepisse, Eliā ignē in aduersarios è cœlo deuocasse, puerū mortuū uita restituisse, Da-
 nielē leonū ora perstrinxisse, tres pueros in camino æstuātis incēdii carmi-
 na luisse. Porro hac arte astruūt pfidi Iudei etiā Christū tā admirāda sēpe fe-
 cisse, Salomonē quoq; hāc percalluisse, atq; ex ea artē cōtra dæmones, eorū dēq; uincula, & cōiurationū modos, ac cōtra morbos excāramēta tradidisse,
 ut autor est Iosephus. Verū ego deū Moysi, cæterisq; prophetis multa, quæ
 cōtinerētur sub cortice uerborū legis, prophano uulgo nō cōicāda mysteria
 retexuisse, ut nō dubito, sic hāc quā iactant Hebræi cabalæ artē, quā ego mul-
 to labore aliquādo scrutatus sum, nō nisi merā superstitiōis rapsodiā, ac the-
 urgicā quandā magiam agnosco: quod si (quod Iudæi iactāt) à deo profecta
 ad uitæ perfectiōē, ad hominū salutē, ad dei cultum, ad intelligētia ueritatē
 cōduceret, profecto spiritus ille ueritatis, qui repudiata synagoga uenit nos
 docere omnē ueritatē, hanc usq; in hāc postrema tēpora, suā non celasset ec-
 clesiā: quæ profecto omnia nouit quæ sunt dei, cuius benedictio, baptismus,
 cæteraq; salutis sacramēta reuelata, & perfecta sunt in omni lingua. Vniuscu-
 iusq; enim linguæ par est & eadē uirtus, modo par sit & eadē pietas: nec est a-
 liud nomē in cœlis, nec in terra, in quo oporteat nos saluos fieri, & in quo o-
 peremur uirtutē, p̄ter unū nomē Iesu, in quo recapitulānt, & cōtinent oīa.
 Hinc Iudei in diuinis nominibus pertissimi, par aut nihil post Christū ope-
 rari possunt, sicut prisci illorū patres. Quod autē experimur, & uidemus huius
 artis (ut uocāt) reuolutiōibus, sæpe miras magnorū mysteriorū à sacris lite-
 ris extorqueri sentētias, totū hoc nihil aliud est, q̄ lusus quidā allegoriarū, q̄s
 otiosi hoīes, in singulis literis & p̄ctis & numeris occupati, quod hęc lingua
 & scribēdi ritus facile patiūtur, pro eorū arbitrio fingūt, atq; refingūt: quæ &
 si nōnunq; magna sonent mysteria, nihil tamē probare, nec euincere queūt,
 quin iuxta uerba Gregorii eadē facilitate cōtemnere liceat, qua asseruntur.
 Confinxit simili artificio pleraq; Rabanus monachus, sed latinis characteri-
 bus & uersibus, insertis uariis imaginibus, qui quaq; uersus lecti, per quælibet
 superficiē ac imaginum lineamenta sacrum aliquod enuntiant mysteriū, de-
 pictæ illic historia representatiuū: quæ etiam ex prophanis literis extorque-

ri posse nemo ignorat, qui Valeriae Probæ ex Vergilii carminibus compositas de Christo centones legerit, quæ omnia & eiusmodi sunt speculationes otiosorum hominum. Quod autem ad miraculorum operationem attinet, neminem uestrum puto tam stolidæ cervicis, qui de iis credat aliquam haberi artem uel scienciam. Est itaque nihil aliud hæc Iudæorum cabala, quàm perniciosissima quædam superstitio, qua uerba, & nomina, & literas, sparsim in scriptura positas pro arbitrio suo colligunt, diuidunt, transferunt: & alterum ex altero facientes, soluunt membra ueritatis, sermones, inductiones & parabolas hinc inde ex propriis fictionibus construunt: aptare illis uolunt eloquia dei, infamantes scripturas, & dicentes sua figmenta ex illis constare: calumniantur legem dei, & per impudenter extortas supputationes dictionum, syllabarum, literarum, numerorum tentant uiolentas & blasphemias perfidia suæ inferre probationes. Præterea iis nugis inflati, ineffabilia dei mysteria, & quæ sunt supra scripturam arcana, sese inuenire & scire iactant, per quæ etiam prophetare, & uirtutes & miracula sese perficere, sine rubore, magnaque audacia mentiri non erubescunt. Sed accidit illis, quod cani Aesopico, qui pane relicto, & in umbram eius inhians, perdidit escam: sic perfidum hoc & duræ cervicis hominum genus, semper in umbris scripturæ occupatum, & circa illas uanitates sua artificiosa, sed superstitiosa cabala impetum faciens, amittit panem uitæ æternæ, & inanibus nominibus depastum perdit uerbum ueritatis. Ex hoc cabalisticæ superstitutionis Iudaico fermento prodierunt puto Ophitæ, Gnostici, & Valentiniani hæretici, qui ipsi quoque cum discipulis suis Græcam quandam cabalam commentati sunt, omnia Christianæ fidei mysteria peruertentes, & hæretica prauitate ad Græcas literas, & numeros protrahentes, ex illis construunt corpus, quod uocant ueritatis, docentes, absque illis literarum & numerorum mysteriis non posse in euangelicis literis inueniri ueritatem, quia uariæ sunt, & alicubi sibi repugnantes, plenaque parabolis scriptæ, ut uidentes non uideant, & audientes non audiant, & intelligentes non intelligant, sed cæcis & errantibus iuxta suæ cæcitatis & erroris capacitatem propositas: latentem uero sub illis synceram ueritatem solis perfectis, non per scripta, sed per uiuæ uocis successiuam pronuntiationem esse creditam, atque hanc esse illam alphabetariam & arithmanticam theologiam, quam Christus secreto manifestauit apostolis, & quam Paulus se loqui dicit non nisi inter perfectos. Cum enim hæc altissima sint mysteria, ideo nec scripta esse, nec scribi, sed in silentio seruari apud sapientes, in abscondito secum illa custodientes. Sapiens autem apud eos nemo, nisi qui maxima hæreseos monstrum fabricare nouit.

DE PRAESTIGIIS.

Sed redeamus ad magiam, cuius particula etiam est præstigiorum artificium, hoc est illusionum, quæ secundum apparentiam tantum fiunt, quibus magi phantasmata edunt, multaque miracula circulatoriis

fraudibus ludunt, & somnia immittunt, quod non tam goëticis incantamentis, & imprecationibus, demonumq; fallaciis, quā etiā certis fumigiorū uaporibus, luminibus, phylis, collyriis, alligationibus, & suspensionibus: præterea annulis, imaginibus, speculis, similibusq; magicæ artis pharmaciis, & instrumentis, naturali cœlestiq; uirtute perpetratur. Multa & manuum prompta subtilitate & industria fiunt, cuiusmodi ab histrionibus & ioculatoribus quotidie fieri uidemus, quos idcirco chirosofos, hoc est, manusapiētes appellamus. Extāt de hoc artificio libri præstigiorū Hermetis, & quorundā aliorū: legimus quoq; Paseten quēdam præstigiatores refertissimum conuiuium hospitibus monstrare solitum, idq; cum libuit rursum euauisse, discumbētibus omnibus fame ac siti elusis. Numam Pompiliū etiam istiusmodi præstigiis usum legimus. Sed & doctissimum Pythagoram id ridiculum aliquando factitasse, ut quæ collibuisse, sanguine perscriberet in speculo, quo ad pleniluminis lunæ orbem obuerso, stanti à tergo res exaratas in disco lunæ commonstrasse. Huc spectat etiam quicquid de hominum transformationibus legitur decantatū à poëtis, creditū ab historicis, & à nōnullis Christianis theologis, insuper à sacris literis adsertum. Sic apparent homines asini uel equi, uel alia animalia oculis fascinati, aut perturbato medio, idq; arte naturali. Nonnunq; etiā hæc fiunt à bonis & malis spiritibus, seu ad bonorū preces ab ipso deo, sicut in sacris literis legim⁹ de Heliseo propheta, obsessus ab exercitu regis Syriæ uallantis Dorthain: uerū puris & apertis à deo oculis ista nō possunt illudere: sic mulier illa, quæ à uulgo iumentū iudicabatur, Hilarioni non iumentum, sed quod erat mulier uidebatur: ea igitur quæ hoc modo secundū apparentiā fiunt, præstigia dicuntur: q̄ aut fiunt arte permurantium aut transferentium, ut de Nabuchodonosor, aut messibus ad alios agros traductis, de his diximus superius: uerū de hac præstigiorum arte sic ait Iamblichus: Quæ præstigiati seu fascinati imaginantur, præter imaginatiua, nullam habent actionis & essentiæ ueritatem. Eiusmodi nanq; artificii finis est, non facere simpliciter, sed usq; ad apparentiam imaginamenta porrigere, quorum mox nullum compareat uestigium. Iam itaq; ex his quæ dicta sunt, patet non aliud esse magiam, quā complexum idololatriæ, astrologiæ, superstitiosæ quæ medicinæ. Iam quæ etiam à magis magna hæreticorum caterua in ecclesia orta est, qui sicut Iannes & Mambres restiterunt Moyse, sic illi restiterunt apostolicæ ueritati: horum princeps fuit Simon Samaritanus, qui Romæ sub Claudio Cæsare propter hanc artem statua donatus est, cum hac inscriptione: Simoni sancto deo. Eius blasphemias copiose narrant, Clemens, Eusebius, & Irenæus. Ex hoc Simone tanquam ex hæresum omnium seminario, per multas successiones monstrofi Ophitæ, turpes Gnostici, impii Valentiniani, Cerdoniani, Marcionistæ, Montaniani, & multi alii hæretici prodierunt, propter quæstum & inanem gloriam, mentientes aduersus deum, utilitatem nullam,

neq; beneficia hominibus praestantes, sed decipientes, & in perniciem & in errorem mittentes, & qui credunt illis confundentur in iudicio dei. Verum de magicis scripsi ego iuuenis adhuc, libros tres amplius satis uolumine, quos de Occulta philosophia nuncupavi, in quibus quicquid tunc per curiosam adulescentiam erratum est, nunc cautior hac palinodia recantatum uolo: permultum enim temporis & rerum, in his uanitatibus olim contriui. Tandem hoc profeci, quod sciam quibus rationibus oporteat alios ab hac perniciem dehortari. Quicumq; enim non in ueritate, nec in uirtute dei, sed in elusione demonum, secundum operationem malorum spirituum, diuinare & prophettare praesumunt, & per uanitates magicas exorcismos, incantationes, amatoria, agogima, & caetera opera demoniaca, & idololatriae fraudes exercentes, praestigia & phantasmata ostentantes mox cessantia, miracula sese operari iactant: omnes hi cum Ianne & Mambre & Simone Magico aeternis ignibus cruciandi destinabuntur.

OCCULTAE PHILOSOPHIAE HEN-
rici Cornelii Agrippae, Finis.

Anno M. D. XXXIII.

Menſe Iulio.

For an analysis see Worley's Life v. 11 p. 13

For Bibliography see Prost - C. A. v. 11 p. 513

This is a thin paper copy, the same as the
one copy in Bodley. - A 2nd copy there is in
thin paper (but with the portrait).
See Ferguson's Bot. - Chemica

0
84.1

f A2790
1533

